

CURSUS
THEOLOGICUS
P. DOMINICI VIVA

SOCIETATIS JESU.

PARS QUINTA
DE JUSTITIA, ET JURE.



CURSUS THEOLOGICUS

Ad usum Tyronum elucubratus,
Et in Quotidianis Praelectionibus

A P. DOMINICO VIVA

SOCIETATIS JESU

SACRÆ THEOLOGIÆ PROFESSORE

Suis Auditoribus Traditus

In Palæstra Collegii Neapolitani ejusdem Societatis;

Cupientibus, atque instantibus Theologiæ Candidatis,

IN LUCEM PUBLICAM EDITUS

A D. IGNATIO VIVA

AUCTORIS NEPOTE,

AC DICATUS

EXCELLENTISSIMO DOMINO

BARTHOLOMÆO V.

DE CAPUA

MAGNO ALTAVILLÆ COMITI XIX.

Principi Aricie, Biccari Comiti, Duci Acrolanorum, Comiti Montis

Auri, & Roselli, Marchioni Arpadii, Utili Domino Civilatis

Nicotere, Baroni Vallis Majoris, Plancatelle,

& Arnoni, &c. Ex Magnatibus Hispanie,

Domino Domus Capuæ.

PARS QUINTA

DE JUSTITIA, ET JURE.



PATAVII, Ex Typographia Seminarii, M.DCC.XIX.

Apud Joannem Manfrè.

Superiorum Permissu, ac PRIVILEGIO.



NOI REFORMATORI

Dello Studio di Padoa

HAvendo veduto per la Fede di Revisione, & Approbatione del *P.F. Ambrosio Lisorti Inquisitore di Padoa* nel Libro intitolato *Cursus Theologicus ad usum Tyronum Elucubratus &c. a P. Dominico Viva Soc. Jesu Sacrae Theologia Professore* non v'esser cos' alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo Licenza a *Gio: Manfrè Stampatore*, che possi esser stampato, osservando gl'ordini in materia di Stampe, & presentando le solite copie alle Pubbliche Librarie di Venetia, & di Padova.

Dat. 3. Dicembre 1711.

(Ferigo Marcello Proc. Ref.
(Girolamo Venier Kav. Proc. Ref.
(

Agostino Gadaldini Segret.

IN-

THE UNIVERSITY OF CHICAGO

LIBRARY

1911

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO

1911

INDEX QUÆSTIONUM DE JUSTITIA, ET JURE.

DISPUTATIO I.

DE virtutibus liberalibus infusis in gene-
re. pag. 1

QUÆSTIO I.

Utrum dentur virtutes morales per se
infusa distincta a Gratia, & ab
habitu charitatis, necnon a donis Spiritus
Sancti? ibid.

QUÆST. II. Quomodo differant virtutes mo-
rales infusa a Naturalibus, & Theologi-
cis. 5

ART. I. Unde habeatur supernaturalitas vir-
tutum infusarum, & quomodo morales a
Theologicis discernuntur? ibid.

ART. II. Utrum actus naturalis a superna-
turali, atque adeo virtus infusa a nonin-
fusa differant etiam ratione objecti forma-
lis? 8

QUÆST. III. An, & quomodo virtutes in-
fusa cum vitiis opponantur? 12

ART. I. De oppositione virtutum infusarum
cum vitiis in presenti providentia. ibid.

ART. II. Utrum actus virtutum infusarum
opponantur cum actibus vitiorum opposi-
tum tibi, An possit voluntas ex merito
universali detestari unum peccatum, & non
aliud? 14

ART. III. Utrum virtutes infusa simul cum
gratia componi possint cum alio viroto gra-
viter peccaminoso; adeo ut peccatum remit-
tatur in instanti, quo fit? 18

QUÆST. IV. An possit per accedens virtus
influenere in actum malum? 22

ART. I. An possit virtus per accedens influ-
ere in actum malum oppositum aliis virtuti-
bus ab ipsa? ibid.

ART. II. An possit virtus ledere seipsam,
influenso in actum sibi oppositum? 26

QUÆST. V. An, & quomodo possit actus
unius virtutis imitari actum alterius? 29

QUÆST. VI. De Virtutibus Cardinalibus,
de Beatitudinibus, ac de fructibus Spiritus
Sancti. 32

DISPUTATIO II.

DE Jure, & Dominio. 33

QUÆSTIO I.

DE Jure, & speciebus juris. ibid.

ART. I. Quomodo Jus definiiri possit? ibid.

ART. II. De speciebus Juris, & Dominii.
37

ART. III. Utrum dominium se extendat ad
usus legi non permisso, & annullatos?
43

QUÆST. II. Utrum usus sacri licenti in va-
bis unico usu consumptilibus distinguatur
a dominio? 46

QUÆST. III. Utrum possit dominium dire-
ctum separari ab usufructu perpetuo; adeo
ut sic possit conciliari Maximimum B. Pri-
ncipis cum voto castitatis? 48

QUÆST. IV. Utrum in instanti donationis
dominium sit in donante, an in donatario?
48

QUÆST. V. Utrum dari possit plenum do-
minium in solidum ejusdem rei penes plures?
52

QUÆST. VI. Utrum sit possibile dominium
in solidum penes plures, posita reiteratione,
aut concordia voluntatum? 57

DISPUTATIO III.

DE Justitia. 59

QUÆSTIO I.

Quid sit Justitia, & quanam ejus spe-
cies? ibid.

ART. I. Num Justitia sit constans, & per-
petua voluntas tribuendi unicuique jus
suum? 60

ART. II. Utrum Justitia univocè dicatur de
Communi activa, Distributiva, Legali, &
Pædagogica? 61

QUÆST. II. De objecto materiali, & for-
mali Justitiæ. 64

QUÆST.

INDEX QUESTIONUM.

QUÆST. III. Utrum solutio iterata ejusdem debiti possit esse actus Justitiæ? 66

ART. I. An possit esse actus Justitiæ duplex solutio adæquata ejusdem debiti posita successiva? 66

ART. II. An possit esse actus Justitiæ duplex solutio adæquata ejusdem debiti posita simul? 68

QUÆST. IV. Utrum ad actum Justitiæ exercendum debeat obligatio operandi ex motivo Justitiæ? 72

QUÆST. V. Utrum possit Justitiæ exerceri inter Patrem, & Filium, inter dominum, & servum, ac inter conjuges? 74

QUÆST. VI. Utrum possit creatura Justitiæ erga Deum exercere? 77

QUÆST. VII. Utrum pariter possit Injustitiæ erga Deum exercere creatura? Ubi, An tunc peccatum hujusmodi Injustitiæ includat? 79

QUÆST. VIII. Utrum possit Deus Justitiæ rigorem erga creaturam exercere? 82

ART. I. Stabiliscitur conclusio affirmativa ex Scripturis, Conciliis, & Patribus. 84

ART. II. Reobstruatur eadem conclusio paritate Fidelitatis. 84

ART. III. Oportenditur, quomodo sine strictum in Creatura cohereat cum supremo Dei dominio. 86

ART. IV. Num Deus conferendo sine strictum creatura obliget potentiam ordinariam simul, & extraordinariam? 88

ART. V. Satisfacit difficultatibus in contrarium. 90

DISPUTATIO IV.

DE Injustitiis.

91

QUÆSTIO I.

Utrum, & quandocumque scienti, & Fidenti fiat injuria? 94

QUÆST. II. Utrum injuste accipiatur lucrum ob mercedem, aut ob honestam causam? 95

ART. I. An lucrum acceptum ob mercedem causam retineri possit? ibid.

ART. II. Num retineri possit, quod accipitur ob quancumque causam honestam, etiam debitum ex injustitia? 99

QUÆST. III. Utrum contractus Usurarius jure natura prohibeatur, tanquam continens injustitiam? 101

QUÆST. IV. Utrum contractus Simoniacus sit solum contra Religionem, an etiam contra Justitiam? 106

QUÆST. V. Ex quaenam culpa oriatur obligatio restituendi? 111

QUÆST. VI. Utrum restituenda sint quæ metu laevi, aut blandis verbis extorquebantur? 118

DISPUTATIO V.

DE Immediate effectu Virtutum infusarum, & de Diffinitis. 122

QUÆSTIO I.

DE Merito condigno, & de Requisitis ad illud. 123

ART. I. Quid sit Meritum condignum, quid congruum? ibid.

ART. II. De conditionibus ad meritum condignum requisitis ex parte operis. 124

ART. III. De conditionibus requisitis ex parte merentis, & ex parte premiantis. 127

QUÆST. II. De his, quæ cadunt, aut quæ cadere possunt sub meritum condignum. 130

ART. I. Utrum possit justus condigne mereri alteri Gratiam, & sibi reparationem post lapsum? ibid.

ART. II. Num possint sub meritum condignum cadere perseverantia finalis, remissio venialium, auxilia efficacia, prima gratia, & primus gradus gloria? 132

QUÆST. III. De merito congruo. 136

ART. I. De conditionibus ad meritum congruum requisitis. ibid.

ART. II. De his, quæ cadere possunt sub meritum congruum. 138

CURSUS THEOLOGICUS

Ad Usam Tyronum elucubratus.

PARS QUINTA

DE JUSTITIA ET JURE, ubi etiam DE MERITO.

PROOEMIUM.



Ost nite perpenſam Naturam Theologicalium virtutum, gradum facit Theologia ad diſcutiendam naturam virtutum moralium inſularum, præſertim

Cardinalium; quia tamen Juſtitia præ cæteris uberem diſputandi ſegerem ſubminiſtrat, ideo in ea potiffimum immoratur. Nos plurima examinabimus de natura virtutum moralium ſupernaturalium in genere, ac deinde de Juſtitia in ſpecie inquiremus; quæ paſſim in controverſiam cadunt; examinando prius naturam Juris; quippe quod pertinet ad objectum Juſtitia, quæ deſinitur, *Conſtans, ac perpetua voluntas tribuendi unicuique jus ſuum*. Ex quo apparebit, quid fit Injuſtitia Juſtitia oppoſita, quæ pariter eidem Juri adverſatur: Ac demum juſte agemus de effectu morali actuum virtutum inſularum, nempe de merito, quod fundat Dei juſtitiam erga Creaturam; & ſic viam ſternemus ad ea, quæ anno inſequenti operoſe diſcutienda ſunt, tum de cauſa mentoria Incarnationis, tum de meritis Chriſti Domini, & Deiparæ. Prima itaque Diſp. erit de virtutibus moralibus inſuſis in genere. II. De Jure, & Dominio. III. De Juſtitia. IV. De Injuſtitia. Ult. De merito.

DISPUTATIO I.

De Virtutibus moralibus inſuſis in genere.

Plurima hic ſpectant, de quibus Angelicus 1. 2., Eſpar. Ripal. & alii paſſim. Nos ſelectiora delibabimus. Primo quidem quaeremus, An dentur hujusmodi virtutes. II. Quomodo diſcriminentur virtutes inſuſæ a non inſuſis, & morales a Theologicalibus. III. Quomodo cum vitiis, & eorum actibus opponantur. IV. An poſ-

ſit virtus in actus vicioſos influere. V. An poſſit actus unius virtutis imperare actus cujuſcumque alterius virtutis. Demum nonnulla dicemus de virtutibus cardinalibus, de octo Beatiſſudinibus, ac de donis, ac fructibus Spiritus Sancti, antequam deſcendamus ad agendum de Jure, & Juſtitia.

QUESTIO I.

Utrum dentur Virtutes morales per ſe inſuſæ diſtinctæ a Gratia, & habitu charitatis, necnon a donis Spiritus Sancti?

I. Virtutes per ſe inſuſæ dicuntur, quæ non poſſunt acquiri per frequentationem actuum, ſed debent immediate a Deo inſundi, ac proinde ſunt ſupernaturales: Virtutes vero per accidens inſuſæ ſunt, quæ licet per accidens a Deo aliquando inſundantur, poſſunt tamen per exercitium actuum ſupernaturalium acquiri. Utrum dentur virtutes per accidens inſuſæ, examinavimus in de Fide diſp. 4. q. 2. ubi oſtendimus de facto non dari, ſed per exercitium actuum ſupernaturalium acquiri habitus naturales, a quibus ſufficiens habetur facilitas ad exercendos conſimiles actus ſupernaturales, quod etiam dicemus in de Pœnitentia diſp. 3. q. ult. Nunc inquiremus, An ſimul cum gratia inſundantur in Baptiſmo per ſe virtutes omnes morales diſtinctæ a Gratia, cujus ſunt proprietates, & dantes ſimpliciter poſſe relata ad actus ſupernaturales?

Quod inſundantur a Deo in Baptiſmo cum Gratia Virtutes Theologales, certum eſt apud Cathol., & ex Suar. Lugo contra Vaſq. eſt etiam de fide. Tunc enim ſeſſ. 6 c. 7. habet: *In ipſa inſiſtificatione cum remiſſione peccatorum hæc omnia ſimul inſuſa accipit homo, fidem, ſpem, & charitatem.* & ratio eſt, quia connaturalis homo conſtituitur

A pro-

proxime potens ad actus supernaturales per potentias intrinsecas permanentes, quam per sola auxilia extrinseca transeuntia: sicut per lumen Gloriz intrinsecum permanentis elevatur ad Deum videndum.

Quod vero virtutes istæ Theologales per se infundantur, adeo ut non possint per frequentationem actuum supernaturalium acquiri, constat, quia sunt Proprietates Gratiæ, atque adeo ad illam connaturaliter consequuntur, non secus ac ad ignem calorem. Hinc diximus, cum de habitu Fidei, probabilius esse ex Scot. Lugo Rip. contra Cajet. Suar. Vasq., quod ne ipsi quidem habitus Fidei, & Spei, cæteroque compossibiles cum mortali, infundantur ante infusionem gratiæ; unde si quis cum fisione, seu cum mortali fulciperet baptismum, solum acquireret characterem baptismalem, non vero habitus infusus Fidei, & Spei; quia cum sint proprietates Gratiæ, connaturaliter consequuntur ad illam, non antecedunt. Quamvis ex divina misericordia remaneant post peccatum, quod non sit infidelitatis, aut desperationis, ut possit homo facilius disponi ad asurgendum. Omis- sis nunc virtutibus Theologalibus, inquirimus de moralibus per se infusis.

II. Dico 1. In Baptismo, præter Gratiam, & virtutes Theologales, infunduntur etiam per se virtutes morales. Ita communis cum D. Th. Suar., Vasq., Maur. q. 24. de Gratiâ contra Scot., & alios apud Rip. disp. 121. sect. 6., qui docent virtutes morales per se infusas esse superfluas, & sufficere Theologales.

Prob. 1. auctoritate Clem. V. In Concil. Vienn., Qui, ut refertur in Clementina unica, de Summa Trinit., definit, In Baptismo infundi Gratiam, & Virtutes: nomen autem virtutum veniunt etiam morales, ut notat Cajet. 1. 2. q. 63. art. 3. quod colligitur ex contextu.

Prob. 2. ratione, quia homo per Gratiâ elevatur ad finem, & statum supernaturalem filii Dei adoptivi; ergo debet accipere connaturaliter potentias permanentes ad eliciendos actus huius finis & statui consentaneos; atqui non solum actus virtutum Theologalium, sed etiam moralium sunt consentanei fini, & statui supernaturali; ergo non solum debet accipere virtutes Theologales, sed etiam Morales; adeo ut per Theologales exercere possit actus ver- santes circa finem, idest Deum; per morales vero exerceat possit actus versantes circa media ad talem finem acquiendum.

III. Obije. 1. Cum Scotistis: Satis est quod Actus morales sint supernaturales extrinsece per denominationem ab actibus virtutum Theologalium; ergo superflue sunt virtutes morales per se infusæ.

Respond. nego antec. sicut enim non satis est, quod actus virtutum Theologalium sint supernaturales extrinsece per denominationem a gratia; ita nec satis est, quod actus virtutum moralium sint solum extrinsece supernaturales: & ratio a priori est, quia tam per actus Theologales, quam per morales homo elevatur ad statum supernaturalem debet mereri primum supernaturale; ergo utrique actus procedere debent a virtutibus per se infusis.

IV. Obije. 2. Si daretur duplex virtus moralis, v. gr. Justitiæ, Temperantiæ &c. altera naturalis, altera supernaturalis, & per se infusa, daretur duplex præceptum servandi unicuique jus suum, &c. ergo homo peccans contra Justitiam violaret duo præcepta; ergo duplex peccatum committeret; sequela non admittitur; ergo nec id, unde sequitur.

Conf. Quia virtus infusa temperantiæ cum redigat ad debitam mediocritatem Passiones appetitus sensitivi, debet in appetitu sensitivo subiectari, ut docet Angel. 1. 2. q. 56. ar. 4.; sed virtutes per se infusæ, cum sint supernaturales, non possunt recipi immediate in appetitu sensitivo, utpote materiali; ergo non dantur virtutes morales per se infusæ.

Resp. 1. per instantiam, datur duplex præceptum amandi proximum, alterum naturale, alterum supernaturale, (quatenus datur præceptum amandi proximum ex motivo supernaturali cognito per lumen fidei, atque adeo amore supernaturali; aliter non dixisset Christus D. Jo. 13. *Mandatum novum do vobis, ut diligatis invicem, sicut dilexistis vos*) ergo qui peccat odio habendo proximum, duplex peccatum committit, quod nemo dixerit. Secundo directe contra: antec. & primam consequ. nego secundam: quoties enim plura præcepta idem præcipiunt, & ex eodem motivo, tunc violatio illorum non est multiplex, sed unum tantum peccatum: Sic si quis die dominico, in quem incidit festum de præcepto, non audit sacrum, unum tantum peccatum committit, quamvis violet duo præcepta; quia utrumque præceptum idem præcipit, & ex eodem motivo sanctificandi festa: contra vero qui die dominico non audit sacrum habet votum audiendi illud, duo

duo peccata committit specie diversa; quia quamvis idem sacrum præcipiatur tam ab Ecclesia, quam a voto; at non ex eodem motivo: Ecclesia enim præcipit illud ex motivo sanctificandi festa, votum vero illud præcipit ex motivo Religionis, & standi promissis Deo factis.

Ad Confirm. Communis dicimus in Philosophia, Potentias animæ non distingui realiter ab anima. Hinc omnes virtutes supernaturales, quæ debent recipi in propria potentia, recipiuntur immediate in anima. Deinde transmissio, quod potentia distinguatur ab anima, & quod virtus naturalis v. gr. temperantia debeat immediate recipi inchoative in voluntate, & perfecte in appetitu sensitivo materiali; in hac sententia dicendum, etiam virtutem supernaturalem temperantia eodem pacto recipi in appetitu sensitivo materiali; quid enim obstat, quod aliquod supernaturale recipiatur in potentia materiali? Nonne dotes corporis gloriosi in beatis sunt supernaturales, & recipiuntur in corpore?

V. Dico 2. Virtutes morales, quæ per se infunduntur in baptismo, distinguuntur realiter tum a Theologalibus, tum a gratia, quamvis numquam a gratia separantur. Ita etiam communis cum eodem Suar. l. 6. de gratia c. 9. Vafq., Maur. loc. cit. ex D. Th. 1. 2. q. 63, ar. 3. contra Scotist. quod sustinentem coherentem ad ea, quæ diximus in de Gratia; ubi cum D. Tho. 1. 2. q. 110. ar. 3. Suar. &c. contra Scotum, Expaz. &c. ostendimus habitum charitatis realiter a gratia distingui.

Prob. 1. autoritate Concil. Vienn. dicentis, in baptismo infundi gratiam, & virtutes; ergo distinguuntur a gratia; sicut diximus habitum Charitatis realiter a Gratia distingui, quia de iis tamquam de distinctis loquitur Apost. 2. Cor. 13. Gratia Domini nostri Jesu Christi, & Charitas Dei, & communicatio Sancti Spiritus sit cum omnibus vobis. nec non Trid. sess. 6. can. 17. Si quis dixerit hominem iustificari sola peccatorum remissione, exclusa gratia, & charitate &c. Anathemasti.

Prob. 2. ratione eadem, qua diximus Gratiam a charitate distingui, quoties ex separabilitate unius potentia a Natura constat, ea distingui inter se, toties dicendum, etiam reliquas potentias ejusdem rationis a natura distingui, quamvis nunquam ab ea separantur; v. gr. quia ex separabilitate frigoris ab aqua constat frigus realiter ab aqua distingui, proportionaliter philosopha-

mur de calore relate ad ignem: quamvis numquam ab igne separantur; quia scilicet ejusdem rationis est calor relate ad ignem, ac frigus ad aquam; Atqui ex separabilitate Gratia a virtutibus Theologalibus Fidei, & Spei omnes dicimus Gratiam ab his virtutibus distingui; ergo cum habitus charitatis, & virtutes morales infuse sine ejusdem rationis, ac habitus Fidei, & Spei, dantes scilicet simpliciter posse relate ad alios suos, dicendum pariter has etiam virtutes realiter a Gratia distingui.

Confirm. 1. Quia negari non potest, quod potuerit Deus conferre nobis virtutes supernaturales omnino distinctas inter se, & a gratia; sicut distinguuntur habitus Fidei, & Spei: Quod autem de facto ita contulerit, sufficienter arguitur; tum ex Autoritate Viennensis laudatæ, tum ex paritate virtutum Theologalium; ergo de facto distinguuntur.

Confirm. 2. Quia ut diximus in de Gratia, magis differt conceptus formalis charitatis a gratia, quam charitatis a spe; ergo si charitas, & spes habitualis distinguuntur realiter; a fortiori charitas, & gratia; & consequenter etiam virtutes infuse. antecedens patet, Quia habitus charitatis dat posse amare Deum ut bonum sibi, habitus spei dat posse amare Deum ut bonum amanti; Gratia vero non reddit hominem potentem amare Deum, sed reddit illum amabilem a Deo; atqui magis differunt posse amare Deum, & esse amabilem a Deo, quam posse amare Deum ut bonum sibi, & posse Deum amare ut bonum amanti; ergo magis differt conceptus charitatis a gratia, quam a spe.

VI. Objic. Solum virtutes Fidei, & Spei distingui debent a gratia, ut possint remanere in peccatore, ad hoc ut per actus talium virtutum disponatur ad resurgendum; virtutes vero morales non debent a gratia separari; ergo nec distingui.

Confirm. quia in communioti sententia Intellectus, & voluntas non distinguuntur ab anima, quamvis calor, & frigus distinguantur ab igne, & aqua; quia solum in his separabilitas infer distinctionem, non in illis; ergo quamvis virtutes fidei, & spei distinguantur a gratia, a qua separantur; non per hoc distinguendæ sunt reliquæ virtutes, quæ numquam separantur.

Resp. conc. ant. neg. conf. Separabilitas est quidem sufficiens, sed non præcise caput admittendi distinctionem; aliter nec calor ab igne, nec quantitas a materia, nec

Personæ divinæ invicem realiter distinguuntur: concedo quod sicut divinitus potest ignis identificari cum calore, ita gratia cum virtutibus non solum moralibus, sed etiam Theologalibus, nihilominus de facto virtutes morales distinguuntur a gratia, & inter se; tum quia si fides, & spes ita distinguuntur, cur non etiam alix, quæ sunt ejusdem rationis? tum etiam quia juxta locutionem Concilii Viennensis virtutes distinguuntur a gratia; & ut notat Espartz., nomine virtutum antonomastice apud Scholasticos veniunt virtutes morales, non Theologales; verba autem Conciliorum sumenda sunt in sensu proprio, & usitato, nisi quid obstat.

Ad Confirm. Potentix rationales non sunt ejusdem rationis, ac calor, frigus, quantitas, quæ sunt virtutes non vitales, materiales; unde ex distinctione istarum non licet inferre illarum etiam distinctionem: Contravero virtutes morales sunt ejusdem rationis, ac Theologales; ergo ex harum distinctione bene sequitur, quod illæ etiam distinguantur. Quod si quis velit protervire, dicendo, Non oportere quod virtutes morales, quæ numquam separantur a gratia, ab ea distinguantur, proterva pariter poterit dari responso, quod scilicet neque de facto fides, & spes distinguuntur a gratia; sed quod destructa per peccatum gratia tunc resistent in peccatore habitus fidei, & spei distincti a gratia. Neque dicas, quod esset superflua hujusmodi destructio fidei, & spei identificatæ cum gratia, & reproductio istarum virtutum a gratia distinctarum, quod per peccatum gratia destruitur. Nam dici posset quod deservirent ad hoc, ut gratia perfectius haberet suas omnes potentias secum realiter identificatas; quod tamen nemo dixerit.

VII. Dubitatur hic, An etiam dona Spiritus Sancti distinguantur a gratia, & a virtutibus infusis?

Certum est, septem esse Dona Spiritus Sancti, cum gratia, & virtutibus in baptismo infunduntur, Donum Intellectus, Scientiæ, Sapientiæ, Consilii, Pietatis, Fortitudinis, & Timoris, juxta illud IIa. 11. *Requiesce super eum Spiritus Domini, Spiritus Sapientiæ, & Intellectus, Spiritus Consilii, & Fortitudinis, Spiritus Scientiæ, & Pietatis, & replebit cum Spiritu timoris Domini.* Ubi Nazianz. hæc habet: *Isaias, ut opinor, Spiritus operationem spiritum appellare solet; per hæc enim operationes Spiritus Sancti movet Justum ad operationes sublimes,*

juxta illud psal. *Spiritus tuus bonus deducet me in terram vestram.* Quamvis autem omne donum, præsertim supernaturale, vocetur donum Spiritus Sancti, qui est Amor, & bonorum largitor; hæc tamen dona per antonomasiam dicuntur Spiritus Sancti, quia per illa homo redditur bene mobilis a Spiritu Sancto per internos instinctus; unde ex suo conceptu differunt a reliquis virtutibus; quia per virtutes homo movetur a ratione, tamquam a principio interno ad finem ultimum; per hæc dona vero movetur a Spiritu Sancto, tamquam a principio externo per internos instinctus ad operationes sublimes: Sicut autem virtutes infusæ sunt habitus permanentes, quæ connaturalius homini constituitur proxime potens ad operationes supernaturales per potentias permanentes, quam per auxilia transeuntia; ita dona Spiritus Sancti sunt etiam permanentia, quod significavit Isaias per verbum illud, *Requiesce super eum Spiritus Domini.*

VIII. Difficultas tamen est, An ea realiter distinguantur a virtutibus infusis? Scot., Gabriel., Major negant, putantes eandem virtutem supernaturalem, v. g. fortitudinis deservire cum ad actus fortitudinis supernaturales, tum ad specialem instinctum, quo Spiritus Sanctus movet ad actum fortitudinis. Alii vero cum Gersono, Alaisiod., & nonnullis Thomistis putant, distinguere a virtutibus infusis solum dona Spiritus Sancti quæ pertinent ad intellectum, vid. donum intellectus, Sapientiæ, Scientiæ, Consilii; non reliqua, quæ spectant ad voluntatem. Communior tamen sententia docet, omnia dona Spiritus Sancti a virtutibus supernaturalibus realiter distinguui. Ita D. Tho.; Sua., Maur. Valen., cum quibus sentiendum.

Prob. Ideo virtutes infusæ realiter distinguuntur, quia diversimode disponitur homo per diversas virtutes ad finem supernaturalem: v. g. aliter per Spem, quam per Charitatem, aut Justitiam; atqui aliter disponitur homo per virtutes supernaturales, ac per dona Spiritus Sancti: ergo etiam ab his donis virtutes infusæ distinguuntur. Prob. min. per virtutem fortitudinis disponitur homo solum ad operandum in ordine ad finem supernaturalem conformiter rationi, quæ est principium dirigens intrinsecum; per donum vero fortitudinis disponitur ad operandum specialiter, & altiori modo, juxta instinctum Spiritus Sancti, qui est principium dirigens extrinsecum, ut fertur v. g. de S. Apollonia, quæ in ignem fecit conjecit, ut notat August. ergo aliter homo disponitur ad

ad operandum in ordine ad finem supernaturalem per virtutes infusas, ac per dona Spiritus Sancti. Hinc Philosophus etiam l. 7. moralium c. 18. dicit, iis, qui divino instinctu ducuntur, non esse dandum consilium secundum rationes humanas, quia moventur a meliori principio, quam sit ratio humana.

Confirm. magis differunt virtutes infusæ a Donis Spiritus Sancti, quam inter se; ergo si distinguuntur inter se, (ut jam ostendimus) a fortiori distinguuntur a donis. Anteprob. quia omnes virtutes concurrunt ad actus supernaturales juxta dictamen rationis, & ad arbitrium voluntatis: dona vero Spiritus Sancti concurrunt ad actus supernaturales præter rationem, ac præter leges communes; v.g. ad occidendum seipsum, concurruntque ad internos instinctus ad arbitrium Spiritus Sancti: ergo &c. Hinc fit hujusmodi dona esse perfectiora virtutibus moralibus, quia movent ad operationes sublimiores, non pertingere tamen ad perfectionem Theologicam, quia solum per istas homo immediate unitur Deo ultimo fini per intellectum, & voluntatem.

IX. Queritur, Cur dona Spiritus Sancti sint septem? Respond. Quia sic Intellectus, & voluntatem perficiunt adæquate: In intellectu enim connaturaliter quinque dantur virtutes; vid. Intellectus, (quæ est virtus primorum Principiorum) Scientia, Sapientia, Prudentia, Ars: In voluntate vero quatuor dantur virtutes morales Cardinales, quibus reliquæ subalternantur, vid. Prudentia, Justitia, Fortitudo, & Temperantia. Virtutibus intellectualibus ita correspondent dona Spiritus Sancti, ut Donum Intellectus disponat ad penetranda Principia, ac mysteria fidei: etenim postquam per fidem supernaturalem homo credidit, per donum Spiritus Sancti penetrat ea, quæ credidit; juxta illud II. 7. *Nisi credideritis, non intelligetis*. Donum Scientiæ disponit ad discurrendum de mysteriis Fidei per causas inferiores, v.g. ex proclivitate hominis ad peccandum infirmitas convenientiam remediæ per Incarnationem. Donum Sapientiæ disponit ad discurrendum de mysteriis fidei per causas altissimas; v.g. ex eo quod Deus sit summa bonitas, infirmitas ejus fecunditatem, & communicacionem ad extra per Incarnationem; quia horum est diffusivum sui. Donum Consilii respondet virtuti Prudentiæ, cujus est dirigere per cognitionem practicam operationes morales in ordine ad ultimum finem. Virtuti Artis nullum do-

Part. V.

num supernaturale debet correspondere; quia Ars non perficit Intellectum hominis in ordine ad finem ultimum, sed ad fines inferiores. Virtutibus vero voluntatis ita correspondent Dona Spiritus Sancti, ut Justitiæ, quæ est virtus ad alterum, respondeat Donum pietatis, quod reddit nos Deo obsequentes; virtuti Fortitudinis respondet Donum fortitudinis, ut explicavimus; Temperantiæ respondet Donum Timoris, quo ex instinctu Spiritus Sancti declinamus mala propter timorem Dei reverentialem, juxta illud Prov. 16. *In timore Domini declinas omnis a malo*. Denique donum Consilii respondet Prudentiæ, quæ cum perficiat rationem practicam, & directivam morum, tam inter virtutes Intellectuales, quam inter morales recensetur.

QUÆSTIO II.

Quomodo differant Virtutes Morales infusæ a Naturalibus, & Theologicalibus?

Querendum 1. De habitibus virtutum, deinde de Actibus; num scilicet possint actus virtutum naturalium, & supernaturalium habere idem objectum formale?

ARTICULUS I.

Unde habeatur supernaturalitas Virtutum infusarum, & quomodo Morales a Theologicalibus discernantur?

I. **E**NS Supernaturale ex propria etymologia dicitur quod superat omnes vires naturales, atque adeo non exigitur ab ulla substantia creata, quæ venit nomine Naturæ. Aliud autem est ens supernaturale intrinsece, & quoad substantiam, ut Gratia, Unio hypostatica; aliud autem supernaturale quoad modum, ut replicatio corporis, resurrectio mortui, Humanitas Christi Domini ex Virgine concepta. Rursus Ens intrinsece supernaturale, aliud est supernaturale philosophice, ut est ubicatio definitiva Corporis Christi Domini, Actio conservativa accidentium sine subiecto, Actio ignis combuiva Spirituum, &c. Aliud vero est supernaturale Theologicè, quod scilicet a Theologis consideratur, dicens relationem ad Deum ut ultimum finem, ut est gratia, visio beata, virtutes infusæ, do-

A 3

82

na Spiritus Sancti &c. & de hoc queritur quodnam sit primum ejus predicatum fundans hanc supernaturalitatem; Alii aliter illud explicant apud Rip. disp. 4.

II. Dico equidem 1. cum eodem Ripal. Ens supernaturale theologicè est quodcumque connexionem habet cum gratia, quæ est natura supernaturalis, exigens visionem beatam nulli substantiæ, seu naturæ creatæ debitam.

Prob. Ens supernaturale Theologicè est, quod excedit omnem exigentiam ejusdemque naturæ, seu substantiæ creatæ, & propterea consideratur a theologo ut dicēs specialem ordinem ad Deum; sed hujusmodi est quodcumque connexionem habet cum gratia, perquam ex D. Petro efficitur divinæ consortes naturæ, adeo ut possimus per illam pertingere ad visionem beatam nulli creaturæ debitam; ergo ens supernaturale theologicè est quodcumque connexionem habet cum gratia. Min. prob. Nam quodcumque dicit connexionem cum gratia, excedit exigentiam totius naturæ, non secus ac ipsa gratia, & cadit sub considerationem theologicam, quatenus speciali modo refertur ad Deum. Hinc bene dicitur Ens supernaturale theologicè non solum gratia sanctificans, sed etiam unio hypostatica, quæ gratiam exigit; visio beata, & lumen gloriæ, quæ a gratia exigitur; habitus infusi, qui sunt proprietates gratiæ; actus qui ab ea dignificantur, illamque merentur; gratia actualis, quæ ad illam disponit; Sacramenta, quæ gratiam causant; character sacramentalis, qui Sacramenta gratiam causantiam manifestat, & alia hujusmodi.

Dices 1. Etiam ipse homo dicit connexionem cum gratia, tanquam ejus subiectum, non secus ac sacramenta dicunt ordinem ad gratiam tanquam ejus causa, & tamen homo non est supernaturalis; ergo falsum est Ens supernaturale esse quodcumque connexionem habet cum gratia. Secundo Prophetia non connectitur cum gratia, & est Ens supernaturale. Tertio Cognitio, quam habet Angelus de ente supernaturali, connectitur cum gratia, & tamen videtur naturalis; quia potest Angelus naturaliter cognoscere, quod possit Deus condere ens supernaturale. Quarto Cognitio, qua hæreticus asserit gratiam esse supernaturalem, est cognitio naturalis, & tamen connectitur cum gratia. Denum habitus naturalis concurrit ad actus supernaturales, atque adeo cum iis connectitur, quin sit supernaturalis; ergo ut supra.

Resp. ad primum neg. ant. licet homo sit subiectum gratiæ, non dicit tamen natura sua connexionem cum gratia, cum neque illam exigit, neque ab illa exigatur; & ideo non dicitur supernaturalis. Ad secundum, Prophetia, virtus parrandi miracula, & aliz hujusmodi gratiæ gratis datæ, quæ etiam in statu puræ naturæ poni possent a Deo absque ullo respectu ad gratiam, revera sunt entia supernaturalia potius philosophice, quam theologicè, ut diximus de ubi-catione Christi Domini in Eucharistia, &c. Ad tertium, Cognitio Angelica de Ente supernaturali est supernaturalis, & quidem theologicè, quod sit supernaturalis ostendimus in tract. de Angelis; quia non est debita Angelo cognitioni objecti supernaturalis saltem in specie: quidquid sit, an possit Angelus certo scire quod possit Deus condere ens supernaturale in genere, quod communius etiam negant; esto possit certo scire quod possit Deus frustrare exigentias rerum naturalium: quod vero sit supernaturalis etiam theologicè, constat, quia cum gratia connectitur, quatenus ad beatitudinem supernaturalem a gratia exigitam spectat cognoscere Dei amicitiam, quæ a Beato possidetur, necnon alia objecta supernaturalia, quorum cognitio ad beatitudinem saltem integram pertinet. Ad quartum, Cognitio illa hæretici, utpote invidens, connectitur quidem in representando cum gratia, quatenus illam representat, sed non in essendo; cum possit naturaliter existere non existente gratia. Ad ultimum, Habitus naturalis, quamvis influat ad actus supernaturales, potest tamen naturaliter existere sine actibus supernaturalibus; ergo cum iis non connectitur, & ideo non est supernaturalis.

III. Dico 1. Virtutes infusæ discriminantur a naturalibus, quia illæ solum connexionem habent cum gratia, cum sint ejus proprietates.

Prob. Ens supernaturale, ut diximus, est, quod connexionem habet cum gratia; ergo illæ virtutes dicuntur supernaturales, quæ cum gratia connectuntur; atque non aliter connectuntur, nisi quia sunt ejus proprietates; ergo virtutes supernaturales discriminantur a naturalibus, quia connectuntur cum gratia tanquam ejus proprietates. Minor patet; quia virtutes istæ sunt potentie supernaturales non dantes facile, sed simpliciter posse; potentia autem consequuntur Naturam, tanquam proprietates; ergo potentie supernaturales consequuntur gratiam

tanquam proprietates. Hinc fit, quod ad infusionem gratiæ per se consequantur virtutes infusæ, & ad incrementum gratiæ crescant eadem proportionè: Quando excutitur v. g. Actus iustitiæ supernaturalis a iusto, qui meretur per talem actum augmentum gratiæ, non solum intenditur virtus infusa iustitiæ, sed etiam reliquæ virtutes, non secus ac si crescit ignis, crescit & calor. Unde etiam fit, quod quando per mortale perditur gratia, perdamur omnes virtutes infusæ, excepta fide, & spe, quæ ex misericordia potius divina, quam ex connaturalitate perseverant, ut diximus.

IV. Dico ult. virtutes Theologales discriminantur a moralibus; quia Theologales habent pro objecto tam formali, & immediato, quam materiali primario ipsum Deum, secus veromorales. Ita Suar. lib. 1. de Relig. cap. 2.

Prob. Virtutes theologales in omnium sententia distinguuntur a moralibus; quia habent pro formali objecto Deum, seu Attributum aliquod Divinum; v. g. Fides Primam Veritatem; Spes bonitatem Dei respectivam; Charitas bonitatem absolutam: atqui non possunt habere pro formali objecto Deum, nisi etiam habeant Deum pro objecto materiali primario; ergo virtutes theologales discriminantur a moralibus, quia habent Deum pro objecto formali, & materiali primario. Min. constat ex iis, quæ diximus in de fide cum Suar. Quia propter quod unumquodque tale, & illud magis, v. g. si amatur pharmacum propter sanitatem, a fortiori amatur & Sanitas; ergo si creditur mysterium propter primam veritatem revelantem, a fortiori creditur ipsa prima veritas revelans; & eodem modo si speratur beatitudo propter Dei bonitatem respectivam, a fortiori ipsa Dei bonitas; seu beatitudo objectiva speratur, & desideratur, ut diximus in de spe; idemque dicas de Charitate: Contra vero virtutes morales nec habent Deum pro objecto formali, nec pro materiali; nam iustitia v. g. vult servare unicuique jus suum propter honestatem, quæ recludit in tali actu; obedientia vult Deo obedire, non propter jus iurisdictionis divinum, sed propter honestatem, quæ recludit in obediendo: eodem modo Religio vult Dei cultum, non propter excellentiam Divinam, quam in Deo amet (nam sic, ut notat Suar. huiusmodi actus esset charitatis) sed propter honestatem, quæ recludit in colendo influunt Dei excellentiam.

Ratio a priori est. Quia ex D. Tho. Virtutes theologales conjungunt nos Deo ultimo fini perfectissime; ergo habere debent Deum pro objecto formali simul, & materiali primario, non enim possunt habere Deum pro objecto formali, quin etiam habeant pro materiali, ex illo Principio, *Propter quod unumquodque tale &c.* contra vero virtutes morales conjungunt nos honestati virtutis, quæ est medium ad Deum assequendum: & ideo non debent habere pro objecto formali, aut materiali Deum. Ratio autem cur tres tantum sint virtutes theologales, assignatur a D. Th. q. 62. a. 2. quia scilicet ad perfectam consecutionem ultimi finis necesse est Deum finem ultimum cognoscere, quod præstat Fides; eundem appetere, quod præstat Spes; & ad illum omnia referre, quod præstat Charitas. Præter has virtutes theologales, quæ necessariz sunt viatoribus, datur lumen gloriæ, quod est virtus theologica propria beatorum. Unde notandum, nomine virtutis moralis aliquando significari virtutes, quæ spectant ad voluntatem, in quo sensu etiam spes, & charitas sunt virtutes morales; verum antonomastice sumuntur pro virtutibus non theologalibus habentibus pro objecto formali honestatem actus. Notandum etiam, objectum materiale primarium esse ex D. Th. quod magis conjungitur cum objecto formali, & in quo maxime objectum formale recludit, ut est Deus relate ad virtutes theologales.

V. Objic. 1. cum nonnullis apud Oried. Contr. 1. de spe, & Suar. l. 3. de Relig. c. 1. Fides credit sæpe aliquid creatum, puta sacramenta, immortalitatem animæ, &c. Sic Spes ferri potest in bona creatâ, ut cum speramus remissionem peccatorum, ergo falsum est, quod virtutes theologales habeant Deum etiam pro objecto materiali. Neque obstat Axioma illud, *propter quod unumquodque tale &c.* Nam non est necesse, ut eodem actu Fidei credatur objectum materiale, & formale; cum possit intellectus, & voluntas uno actu ferri in obiectum formale, altero in materiale propter formale.

Resp. Neg. Conseq. Ad id, quod opponitur, Dico, quod licet possit intellectus duplici actu ferri, altero in obiectum formale Fidei, altero in materiale propter formale, ut communis docet cum Suar. disp. 4. de pen. & aliis ap. Rip. disp. 2. de fide; sufficit tamen, quod actus Fidei tendens in obiectum materiale essentialiter pendeat in fluxu objectivo ab objecto formali

A 4 fidei;

fidei; adeo ut saltem præsupponere credat ipsam primam veritatem revelantem: Sicut in celebri sententia, quæ docet, Conclusionem non reflectere supra præmissas, assensus Conclusionalis, quamvis non sit formaliter assensus erga præmissas, debet saltem præsupponere assensum præmissarum. Idem dicas de spe, quæ non solum fertur in beatitudinem formalem, sed principaliter in objectivam; juxta illud Gen. 25. *Ego ero merces tua magna nimis.*

VI. Obijc. 2. Ad eandem virtutem charitatis, ad quam spectat amare Deum propter se, spectat etiam amare amorem Dei propter honestatem, quæ relucet in tali actu; sed amor amoris Dei propter honestatem talis amoris habet pro objecto formali, & materiali aliquid creatum; non secus ac actus Religionis, quo quis vult Dei cultum propter honestatem, quæ relucet in tali actu; ergo falsum est virtutes theologales discriminari a moralibus, quia illæ habent pro objecto formali, & materiali primario Deum. Antec. prob. ex D. Tho. Tum quia Divina bonitas, quæ habet movere ad sui amorem citra novam arduam, movet etiam ad amandum reflexe talem amorem; tum etiam quia si una esset virtus theologalis, quæ amamus Deum, altera moralis, quæ amamus amorem Dei, daretur processus in infinitum in virtutibus; quia sic deberet dari tertia virtus, quæ amaret amorem Amoris Dei, & sic quarta, &c.

Conf. Quia sicut virtus Charitatis potest amare Deum propter se, & eatenus etiam amorem Dei propter honestatem, quæ relucet in tali amore; sic viceversa virtus moralis Religionis potest colere Deum propter honestatem, quæ relucet in cultu Dei summe excellentis, & eatenus etiam potest Deum colere propter ipsam Dei excellentiam; ergo non assignatur aptum discrimen inter virtutes theologales, & morales.

Resp. Dist. antec. Ad virtutem charitatis spectat amare tum Deum propter se, tum amorem Dei propter honestatem talis amoris refusam ab ipsa Dei bonitate, quæ saltem præsupponere ametur, concedo, non refusam ab ipsa bonitate divina, nego antec. & confeg.

Hinc fit, quod dolor de peccato ob honestatem, quæ relucet in detestanda Dei offensâ, spectare possit tum ad virtutem morale Penitentis specialis, tum ad virtutem Theologicam charitatis, si enim dolor procedat ex amore Dei imbibito, aut præsupposito, pertinet ad charitatem, &

est sufficiens dispositio ad justificationem, ut docet Suar. disp. 4. de Pen. secus pertinet ad virtutem specialem penitentis nec est sufficiens, & proxima dispositio ad justificationem.

Ad Conf. nego antec. si enim virtus Religionis posset prosequi tum honestatem cultus divini, tum ipsam Dei excellentiam, esset virtus theologica ex Suar. loc. cit. Ratio autem disparitatis, quare charitas prosequi possit tum Deum, tum Dei amorem propter Deum amatum, Religio vero non possit prosequi nisi honestatem cultus divini, est, quia quod potest plus, potest etiam minus in eodem genere, & non e contra; ergo charitas, quæ potest Deum amare propter se, quod est plus, poterit etiam citra novam arduam ex amore Dei determinari ad amandum ipsum Dei amorem propter honestatem talis amoris refusam ab ipsa Dei bonitate immediate amata; contra vero Religio, quæ potest prosequi cultum divinum propter honestatem talis cultus, non potest eatenus assurgere ad prosequendam Dei excellentiam amando illam quatenus a Deo; hinc enim actus non spectat ad virtutem Religionis, sed charitatis: Idem dicas de virtute obedientis, iustitiz, penitentis, &c. qui enim Deo obedit, v. g. propter honestatem, quæ relucet in tali actu, non fertur immediate ad amandum Dei potestatem præceptivam, seu sui jurisdictionis, cum hoc etiam spectet ad virtutem charitatis.

ARTICULUS II.

Utrum actus supernaturalis a Naturali, atque adeo Virtus infusa a non infusa differat etiam ratione objecti Formalis.

VII. **A**ffirmant non pauci cum Cajet. Medina, Fafol, Ruiz, Mauro q. 26. de gratia, Arrubal, qui putant, quod quando quis actu supernaturali vult ex motivo v. g. iustitiz, restituere quod debet, tunc habeat pro motivo formali adæquationem juris alieni, in quantum conducentem ad beatitudinem supernaturalem; quando vero actu naturali vult restituere, tunc habeat pro motivo formali eandem adæquationem in quantum conducentem ad beatitudinem naturalem, & eodem modo qui credit v. g. Incarnationem actu fidei supernaturali, habeat pro objecto formali Primam veritatem revelantem, ut substantiam illustrationi Spiritus Sancti; quando vero crea-

dit

dit acta naturali, tunc habeat pro formali objecto Primam veritatem revelantem, ut substantiam cognitioni naturali; unde nunquam est idem objectum formale actus supernaturalis, & naturalis. Communius ramen cum Scoto, Gran. Lug. Ovid. disp. 45. docent, Actus, & habitus supernaturales non diversificari a naturalibus ex objectis formalibus, sed solum, quia actus supernaturales procedunt a virtutibus infusis habentibus connexionem cum gratia, cuius sunt proprietates.

VIII. Dico equidem cum hac secunda sententia: Actus supernaturales, & naturales habere possunt idem formale objectum; unde virtutes infuse a naturalibus non differunt necessario ex objectis formalibus.

Prob. Possunt duo actus naturales differre specie, quin differant ex objecto formali, (ut cognitio Angelica, & humana; cognitio scientifica, & opinativa, respicientes idem objectum) ergo pariter possunt duo actus alter naturalis, alter supernaturalis specie differre, quin differant ex objecto formali, sed solum ratione causæ efficientis; quia scilicet actus supernaturalis essentialiter profuit a virtute, seu principio supernaturali habente connexionem cum gratia, secus vero actus naturalis.

Conf. quia possunt circa eandem bonitatem dari gaudium, desiderium, amor efficax, & inefficax; qui actus differunt specie inter se, & non ratione objecti; ergo etiam poterunt dari actus supernaturales, & naturales, qui specie differant, & non ratione objecti; præsertim, quia ut notat Ripal. n. 13. si deberent actus naturalis, & supernaturalis differre ratione objecti formalis, posset unusquisque discernere, num hic & nunc eliciat actum naturalem, an supernaturalem, cum discernat motivum proprium actuum: sequela est absurda; ergo & id unde sequitur.

Hinc fit, quod Hæreticus v. g. negans Eucharistiam posse assensu naturali credere Trinitatem ex motivo Primæ veritatis revelantis, ex quo motivo Catholicus credit Trinitatem assensu supernaturali; Similiter ex eodem motivo divinæ bonitatis potest diligere Deus tam amore naturali, quam supernaturali; Nam si Deus cognoscatur ut Auctor donorum tum naturalium, tum supernaturalium cognitione naturali, (ut de facto cognoscitur a Demonibus, & juxta communem sententiam ab hæreticis) amatur amore naturali, si vero Deus co-

gnoscatur ut Author bonorum etiam naturalium cognitione supernaturali, (ut de facto cognoscitur a fidelibus, dum credunt in Deum Patrem factorem cæli, & terræ) amant Deum amore supernaturali. Idem etiam dicas de actibus Virtutum moralium; Nam qui restituit quod debet ob honestatem, quæ relucet in adæquatione Juris alieni, exercet actum naturalem justitiæ, si ad talem actum non concurrat principium supernaturale; exercet vero actum supernaturalem justitiæ, si concurrat principium supernaturale; Atque adeo actus naturalis, & supernaturalis conveniunt in objecto formali, licet entitative differant ratione diversæ principii influentis.

Neq; dicas quod qui restituit alienum actui justitiæ supernaturali, moveatur ab honestate talis actus, inquantum conducente ad finem supernaturalem. Nam quamvis revera actus supernaturalis conducatur ad beatitudinem supernaturalem, falsum tamen est quod quoties elicitur actus supernaturalis, eliciatur ex tali motivo; quod patet, quia raro admodum, qui elicit actus supernaturales, cogitat de fine ultimo supernaturali.

IX. Hinc etiam habes, quid requiratur ad hoc, ut Attritio sit supernaturalis, & constitutiva Sacramenti penitentię. Dicendum enim solum requiri quod procedat a principio supernaturali, seu quod motivum, quamvis de se naturaliter sit cognoscibile, cognoscatur tamen lumine superno, & actu fidei cum subjective, tum objective certissimo supra certitudinem scientiæ metaphysicæ. Sicut enim tunc Deus amatur amore supernaturali, quando ejus bonitas infinita, licet de se naturaliter cognoscibilis, cognoscitur tamen lumine fidei; ita Attritio tunc est supernaturalis, quando ejus motivum cognoscitur lumine fidei supernaturali. Et ratio est, quia dispositio, & forma debent esse ejusdem ordinis; ergo sicut attritio disponens ad gratiam in Sacramento debet esse supernaturalis, ut constat ex propositione 17. damn. ab Inn. XI. ita ad attritionem supernaturalem debet præire illustratio supernaturalis ostendens lumine fidei motivum Attritionis; quia tamen in materia Sacramentorum tunc via incedendum est, ideo universim attritio ponenda est ex motivo supernaturali, hoc est ex motivo lumine tantum fidei cognoscibili, puta ex motivo gehennæ; quia tunc certum est ad hujusmodi attritionem præire actum fidei supernaturalis, & sic attritionem

æm esse supernaturalem: si tamen procedat attritio ex motivo naturali, seu naturaliter cognoscibili; (ut quando quis dolet de peccato ob metum infamix) & huiusmodi motivum attingatur actu supernaturali, quo firmissime credamus infamiam infligi a Deo in penam peccatorum, tunc etiam huiusmodi attritio est supernaturalis. Quare, ut notat Carden. hic, bene possunt hæc duo coherere, quod attritio requisita ad sacramentum debeat esse supernaturalis, & quod possit tam attritio naturalis, quam supernaturalis habere idem obiectum formale.

Objec. 1. Actus supernaturales, & naturales differunt specie; ergo etiam differunt obiectis formalibus; probatur consequenter, quia Actus specificantur ab obiecto; ergo si differunt specie, differunt obiectis.

Conf. ex Suar. Si idem esset obiectum formale actus fidei naturalis, & supernaturalis, quibus credere possumus mysteria fidei, sequeretur quod sine gratia Dei possemus credere huiusmodi mysteria, quod est contra Apost. ad Thess. 1. ubi dicit, quod est gratia Dei accepta fuerit prædicatio Apostolorum non ut verbum hominum, sed ut verbum Dei; & contra Conc. Arausic. c. 3. ubi damnat eos, qui volunt fidem, quam in Deum credimus, esse naturalem.

Resp. Nego consequenter ad prob. distin. antec. actus specificantur ab obiecto tantum, nego antec. vel ab obiecto, vel a principio, seu causa, vel a diverso modo tendendi, conc. antec. & nego consequenter. cognitio scientifica, & opinativa de eodem obiecto specie differunt ratione diversi modi tendendi; cognitio humana, & angelica specie differunt ratione diversi principii; ergo pariter fides naturalis, & supernaturalis poterunt specie differre solum ratione diversi principii, ad quod dicunt ordinem essentialem, etiam si sint de eodem obiecto; ita ut fides naturalis non sit omnino certa, nec perducatur ad finem supernaturalem, sicut fides supernaturalis.

Ad Conf. dist. antec. sine auxilio gratiæ possemus credere mysteria fidei assensu naturali, ut creduntur a Dæmonibus, conc. antec. assensu supernaturali disponente ad iustificationem; nego antec. & consequenter. De hoc autem assensu loquuntur Apostolus, & Concilium, dum dicunt ex gratia Dei nos credere.

XI. Objec. 2. ex Maur. loc. cit. Neque actus naturalis potest tendere in obiectum formale supernaturale, neque actus superna-

turalis in obiectum naturale; ergo non possunt actus naturalis, & supernaturales habere idem formale obiectum. Prob. antec. si actus naturalis haberet pro obiecto formali aliquid supernaturale, (v. g. si quis amore naturali amaret Deum ratione bonitatis, quam habet, ut est Author donorum supernaturalium gratiæ, & gloriæ) sequeretur quod talis amor naturalis deberet disponere ad hæc bona supernaturalia consequenda; quis enim neget, quod homo per hoc ipsum, quod amet bonum supernaturale, disponatur ad illud consequendum? Pariter si actus supernaturalis haberet pro obiecto aliquid naturale, (v. g. si quis amore supernaturali amaret Deum ex motivo bonitatis, quam habet, ut est auctor naturæ) sequeretur, quod per hos actus supernaturales non posset disponi ad finem supernaturalem; quia actus per se disponit ad obiectum suum, atque adeo si obiectum est naturale, non potest disponere ad finem supernaturalem; utraque sequela est absurda; ergo, &c.

Conf. 1. quia videtur absolum, quod qui solum amat bona naturalia, disponatur tali actu ad consequenda bona supernaturalia. Neque dicas, quod actus supernaturalis elicitus ex motivo naturali ex suo modo tendendi supernaturali disponat hominem ad consecutionem boni supernaturalis. Nam hoc ipsum est inconveniens, quod modus tendendi supernaturalis feratur ad obiectum formale pure naturale.

Conf. 2. si actus naturalis tendere posset ad obiectum supernaturale, sequeretur, quod illud exigeret, cum actus essentialiter exigit obiectum suum; atqui si actus naturalis exigeret obiectum supernaturale, hoc ipso tale obiectum non esset supernaturale; non enim superaret exigentiam totius naturæ; ergo non potest actus naturalis tendere in obiectum supernaturale, nec vice versa actus supernaturalis in obiectum naturale; atque adeo actus naturalis a supernaturali, nec non virtutes infusæ a non infusis differunt ratione obiecti formalis.

Resp. 1. Argum. prob. nimis, probat enim quod neque actus supernaturalis possit attingere obiectum materiale naturale, nec e contra: v. g. non posset quis actu fidei supernaturali credere existentiam Angelorum, neque actu fidei naturali posset hæreticus credere gloriam, quod nemo dixerit. Directe nego antec. Ad probat. nego utramque sequelam. Non sufficit amare Deum tamquam authorem donorum supernaturalium.

ut

ut talis amor disponat ad ea bona consequenda, nisi amor sit supernaturalis, & procedat ex cognitione supernaturali; neque repugnat, quod actus supernaturalis, quo quis diligit Deum, ut Authorem naturæ, disponat ad gratiam, & gloriam, posito quod talis amor procedat ex illustratione Sp. Sancti: Ratioutriusque est, quia ordo ad bona supernaturalia consequenda habetur ab entitate physica actus supernaturalis, quam haurit à suo principio; non vero à respectu intentionali ad objectum, cum possit circa idem objectum dari actus naturalis, & supernaturalis, sicut relate ad eundem colorem v. g. dari potest & visus ocularis materialis, & cognitio intellectualis spiritalis.

Ad Conf. Nego esse absurdum, quod amans actu supernaturali Deum, ut Authorem naturæ, disponatur ad consequendam gratiam, & gloriam; ratio est, quia quamvis objectum de se sit naturale, at cognoscitur illustratione Spiritus Sancti, & lumine fidei; ac propterea amor est supernaturalis; Illustratio enim Spiritus Sancti, quæ est supernaturalis, non se tenet ex parte objecti formalis, sed ex parte Cause efficientis Amorem supernaturalem: sicuti, ut diximus in de fide, qui credit fide supernaturali v. g. Trinitatem, habet pro objecto formali primam veritatem revelantem sub illustratione Spiritus Sancti, ita tamen, ut hæc illustratio non se teneat ex parte objecti formalis fidei supernaturalis, sed ex parte Cause efficientis.

Ad 2. recurrit, quod Argumentum probet nimis. Non enim posset hæreticus assensu naturali credere gloriam, quia illam exigeret. Quare distin. maior. Actus naturalis exigeret objectum supernaturale, ut existens intentionaliter, eo modo quo cognitio Antichristi, & hircocerui exigit existentiam intentionalem horum objectorum, concedo; exigeret existentiam realem, quam deberet inducere, nego maiorem, & distinctam minor. nego consequ. Actus non exigit existentiam realem sui objecti: & si quando illam exigit (ut exigitur ab adu intuitivo objecti, & ab actu essentialiter vero) tunc actus solum exigit, quod præsupponatur; non quod inducatur objectum; & consequenter quamvis actus naturalis exigeret hoc modo, videlicet præsuppositive, objectum supernaturale, non per hoc objectum supernaturale deberet dici naturale; cum non posset viribus naturæ induci.

XII. Objc. ult. Quando actus natura-

lis, & supernaturalis tendunt in idem objectum formale, non tendunt in idem ut idem, sed sub diversa ratione formali; sicut quando intellectus, & voluntas tendunt in idem ens, tendunt sub diversa ratione formali; ita ut intellectus tendat in Ens ut verum, voluntas in ens ut bonum; ergo objectum formale actus naturalis, & supernaturalis non potest esse idem. Antec. prob. Quia actus naturalis tendit in objectum ut cognoscibile cognitione naturali; actus supernaturalis tendit in objectum ut cognoscibile illustratione Spiritus Sancti; ergo tendunt in idem sub diversa ratione formali.

Conf. quia D. Tho. 1. 2. q. 63. 2. 4. distinguit virtutes infusas ab acquisitis ratione objectorum formalium; quia scilicet infusæ respiciunt objectum prout conforme Regule supernaturali; acquisitæ vero prout conforme regulæ naturali, seu dicamini rationis naturali; & q. 109. 2. 3. distinguit dilectionem naturalem a supernaturali, quod illa afficiatur in Deum ut Authorem bonorum naturalium, ista supernaturalium.

Ref. cum Ripal. n. 37. & Lumb. a. 644. Argumentum confundere rationem motivam objecti quam cum ratione motiva objecti sub qua. Ratio motiva objecti quæ est illa, quæ unice movet potentiam ad actum; sic in assensu fidei tam naturali, quam supernaturali ratio motiva quæ est sola prima veritas revelans; ita ut illustratio Spiritus Sancti, quæ requiritur ad fidem supernaturalem, non spectet ad rationem motivam, quæ: Ratio vero motiva objecti, sub qua, est ipsa cognoscibilitas, vel amabilitas objecti desumpta per denominationem extrinsecam a potentia, a qua potest cognosci, vel amari; v. g. color videtur ab oculo, quatenus visibilis, cognoscitur ab intellectu, quatenus verus, seu amabilis, amatur a voluntate, quatenus bonus, & amabilis. Ratio ista sub qua, nempe ratio visibilitatis, affirmabilitatis, amabilitatis non attingitur expresse ab actu; nec movet ad actum; ergo denominationem hanc non habet objectum secundum se, sed per denominationem a potentia. His explicatis, Actus fidei supernaturalis habet pro ratione objectiva, quæ, seu pro objecto formali solum primam veritatem revelantem; pro ratione vero motiva sub qua, habet attingibilitatem supernaturalem ab illustratione Spiritus Sancti, quæ denominatio habetur in objecto formali per denominationem a potentia; hæc enim

enim ut instructa tali illustratione potest elicere assensum fidei supernaturalis. Hinc fit, quod licet ratio *sub qua* fit diversa in actu naturali, & supernaturali, non per hoc est diversa ratio *motiva qua*, seu objectum formale.

Ad Conf. D. Tho. 2. 2. q. 5. a. 2. aperte dicit, Dæmones credere mysteria nostræ Fidei, juxta illud Jac. 2. *Dæmones credunt, & contramiscunt*: Fides autem dæmonum non est propter testimonium hominum, ut patet; quia non moventur ab Autoritate humana; ergo propter testimonium Dei; atque adeo ex parte intellectus actus fidei naturalis dæmonum habet idem objectum formale, ac fides supernaturalis nostra; & discrimen solum est penes piam affectionem supernaturalem, a qua libere nobis imperatur actus fidei, ubi fides dæmonum est coacta; quia, ut loquitur Angelus, vident multa manifesta indicia, quæ reddunt mysteria evidenter credibilia, atque etiam evidenter vera evidentiæ morali, eo quod Dæmones altissime penetrent vim iudiciorum. Quare dicendum, quod D. Tho. distinguat actus naturales a supernaturalibus, & virtutes infusas ab acquisitis, non objectis formalibus, sed rationibus formalibus *sub quibus*, prout explicavimus: Virtutes enim infusæ, quæ respiciunt objectum prout conforme Regulæ supernaturali, non habent hanc Regulam, seu illustrationem tamquam rationem motivam, sed tamquam conditionem se tenentem ex parte potentie, ut possit objectum prosequi actu supernaturali.

XII. Hic autem advertendum, quod quamvis non sit in nostra potestate elicere circa idem objectum formale, v. g. fidei, actum supernaturalem potius, quam naturalem; cum non sit in nostra potestate habere illustrationem Spiritus Sancti; nec aliquid sit ex parte Objecti, aut ex modo tendendi nobis experimentaliter notum, per quod possimus ad supernaturalem potius, quam ad naturalem actum nosmet determinare: nihilominus de facto semper elicimus actus supernaturales, quando operamur ex motivo supernaturali, ut docent communiter cum Lugo, Mol. Rip. Platel. n. 217. Ratio est, quia quoties facimus quod in nobis est, Deus non denegat auxilium supernaturale ad operandum salutariter; ut constet tum ex illo Axiomate, *Facienti quod in se est Deus non denegat gratiam suam*, tum ex decreto Concilii Senonensis contra Luther. ubi dicitur: *Divina gratia semper in promptu est, nec mo-*

mentum quidem præterit, in quo Deus non flet ad estium, & pulset, cui si quis aperueris, iurabis ad illum: quidquid sit, utrum quando datur auxilium supernaturale, eliciatur unus tantum actus supernaturalis, an duplex, (ut nonnulli putant cum Ripalda) alter naturalis, alter supernaturalis; sicut in Christo Domino erat duplex Amor Dei, alter necessarius ortus ex visione beatifica, alter liber ortus ex cognitione Dei ænigmatica.

QUÆSTIO III.

An, & quomodo Virtutes infusæ cum vitiis opponantur?

Inquiremus: Quam oppositionem habeant virtutes infusæ, & actus illarum cum habitibus, & actibus vitiis? deinde Utrum in alia providentia possint virtutes infusæ (sive supponantur identificate cum gratia sanctificante, sive ab illa inseparabiles) conjungi cum actu vitioso graviter peccaminoso, ut proinde peccatum imitatur in ipso instanti, quo fit, per gratiæ infusionem, seu per condonationem peccatori intrinsecam?

ARTICULUS I.

De oppositione Virtutum Infusarum cum vitiis in presenti Infusarum.

Difficultas est 1. An opponantur virtutes infusæ cum habitibus vitiis, in oppositorum; v. g. Virtus iustitiæ cum habitu vitioso Injustitiæ? Secundo, An actus virtutum opponantur cum habitibus vitiis in oppositorum, aut e contra? Tercio An actus virtutum infusarum opponantur cum actibus vitiis? Exempli gratia, Num possit quis ex motivo iustitiæ exercere actum iustitiæ restituendo debitum A, & simul exercere actum injustitiæ nolendo restituere debitum B. Quod attinet autem ad hoc tertium quæsitum discutimus illud articulo sequenti.

I. Circa 1. dico: Habitibus virtutum infusarum, & habitibus vitiis nullam dicunt inter se oppositionem immediatam; sed possunt componi sub quavis intentione. Ita communiter cum D. Th. 1. 2. q. 65. a. 3. Suarez, de fide disp. 7. scilicet. 4. & aliis ap. Ripald. disp. 131. contra Bannes, & alios Thomistas.

Prob. Homo vitii deditus, si eliciat actum

tum intensissimum contritionis, acquirit cum gratia intensa intensos pariter habitus virtutum infusarum, quin per hoc amittat habitus viciosos; cum experietur voluntatem pronam, ut prius, in affectus pristinos vitiis; ergo habitus virtutum infusarum, & vitiis nullatenus opponuntur immediate, sed solum mediate, quatenus per exercitium virtutum intenduntur habitus virtutum acquisiti, qui cum habitibus vitiis opponuntur. Ratio a priori est, quia virtutes infuse non dant facilitatem ad operandum, sed solum simpliciter posse operari; ergo non opponuntur immediate cum vitiis, sicut opponuntur virtutes acquisitæ. Antec. constat, tum quia ceteris paribus eadem facilitas est ad actus virtutum in Baptizatis habentibus virtutes infusas, ac in non baptizatis; tum etiam quia per exercitium unius virtutis, v.g. temperantiæ, intenduntur omnes virtutes infusæ, nec proinde crescit facilitas relate ad actus aliarum virtutum.

II. Objicies 1. Non potest voluntas esse simul conversæ, & aversæ circa idem objectum; atqui per virtutem infusam, v. g. temperantiæ, convertitur, per vitium intemperantiæ averturntur a bono temperantiæ, ergo non potest habere utrumque simul.

Confirm. Nequit simul homo esse virtuosus, & viciosus; ergo habitus virtutum, & vitiis opponuntur.

Resp. Argumentum solvendum ab Adversariis, qui admittunt posse virtutes infusas conjungi cum vitiis in gradu remisso; sicut potest in gradu remisso componi calor, & frigus. Directe dico, posse voluntatem simul esse conversam, & aversam habitus aliter circa idem objectum, habitu tamen infuso, qui non dat facile, sed simpliciter posse, ac proinde non opponitur cum vitiis, sicut potentia ad amandum non opponitur cum habitu inclinante ad odium.

Ad Confirm. quæstio est de voce: si nomine virtuosus, & viciosus intelligatur, qui habet virtutem, & virtutes infusas, non dantes facile, sed simpliciter posse, conc. quod possit homo simul esse virtuosus, & viciosus; si vero sermo sit de virtutibus acquisitis dantibus faciliter posse, in quo sensu solet usurpari nomen virtutis, neg. antec. & consequ.

III. Objic. 2. Actus v. g. Temperantiæ infusæ, & actus intemperantiæ opponuntur; ergo etiam habitus temperantiæ infusæ, & vitium intemperantiæ. Prob. conf. Nam si habitus influentes in actus oppositos non opponerentur, neque ipsi actus opponerentur,

ut constat in habitibus virtutum acquisitarum, & vitiis.

Resp. omisso antec. de quo mox, nego conf. sicut enim potest amor opponi odio, quin potentia amandi opponatur potentie odio habendi; ita possunt actus virtuosus, & viciosus opponi, quin opponantur habitus virtutum infusarum cum habitibus vitiis: ideo habitus virtutum acquisitarum pugnant cum vitiis, quia ab utroque datur facilitas, & proclivitas ad suos actus; repugnat autem dari proclivitates oppositas; haberetur enim facilitas ad unam partem, quia datur habitus, & simul non haberetur eadem facilitas, quia impediretur ab habitu facilitatis ad partem oppositam: hoc tamen non accidit in habitibus infusis non dantibus proclivitatem.

IV. Circa 2. dico: Actus virtutum moralium infusarum non opponuntur immediate cum habitibus vitiis, sed solum mediate; quatenus producendo habitum facilitantem ad similes actus, hic habitus deinde immediate opponitur habitui vicioso opposito: contra vero actus viciosus graviter peccaminosus solum demeritorie opponitur cum virtutibus infusis, & cum gratia. Ita communiter.

Prob. 1. pars de actibus virtutum infusarum; Isti enim non aliter opponuntur cum habitibus vitiis, quam opponuntur actus virtutum naturalium; sed actus virtutum naturalium opponuntur cum vitiis oppositis solum mediate modo explicato; ergo etiam actus virtutum infusarum: propterea qui exercet v. g. actus temperantiæ supernaturalis, producit habitum temperantiæ, (qui juxta probabiliorē sententiam est naturalis, non vero supernaturalis, & per accidens infusus) & a tali habitu destruitur habitus intemperantiæ præsuppositus.

Prob. etiam 2. pars de actibus vitiis: Isti enim nullam habent metaphysicam oppositionem cum virtutibus moralibus infusis, ne mediatam quidem; quia, ut diximus in prima Conclusionē, habitus viciosi componi possunt cum virtutibus infusis, etiam in gradu intenso; ergo opponuntur solum demeritorie, si sint graviter peccaminosi, quatenus per peccatum mortale demeretur homo gratiam, & virtutes morales infusas; ac proinde illas amittit.

ARTICULUS II.

Utrum actus Virtutum infusarum opponantur cum actibus Vitiolorum oppositorum & Ubi

An possit voluntas ex motivo universali delectari unum peccatum, & non aliud?

V. Certe est, quod Actus virtutum moralium infusarum opponantur cum actibus vitiolorum graviter peccaminosis, seu cum mortali; quia mortale est impossibile cum virtutibus moralibus infusis; & ideo actus virtuosus, si componantur cum mortali, non possunt prodire a virtutibus moralibus infusis. Quare difficultas est, an opponantur cum actibus vitiiosis leviter peccaminosis: v. g. An possit quis ex motivo Iustitiæ elicere actum Iustitiæ supernaturalem, restituendo debitum A, & simul elicere actum iniustitiæ levem, nolendo restituere debitum B. Sicut etiam difficultas est, An Actus virtutum naturalium componi possint cum actibus vitiolorum oppositorum graviter peccaminosis; v. g. An possit quis ex motivo Iustitiæ velle restituere debitum A, & nolle restituere debitum grave B. Negant id posse contingere Suar. de pen. disp. 6. sect. 8. & Coniack. disp. 18. n. 32. Ban. Lorca, & alii. Affirmant vero Ripal. disp. 131. sect. 2. Med. Salas, Mol. Martinonis disp. 48. de Penit. sect. 5. cum Lugo disp. 5. de Penit. sect. 6.

Dico equidem cum hac 2. Sententia: Actus virtutum moralium infusarum non opponuntur cum actibus vitiolorum oppositorum leviter peccaminosis; nec actus virtutum naturalium cum actibus vitiolorum oppositorum graviter peccaminosis. Conclusio constat ex dictis in de Fide disp. 4. qu. ult. ubi examinavimus, num possit hæreticus simul negare unum myster. v. g. Eucharistiā, & simul affirmare aliud, puta Trinitatem ex motivo Fidei.

Prob. Potest voluntas ex motivo v. g. Iustitiæ, quod est commune pluribus objectis materialibus, v. g. A, & B, libere amplecti utrumque, puta volendo restituere tam debitum A, quam B, Aut utrumque respicere proposito eodem motivo, nolendo restituere neque debitum A, neque B; potest etiam libere amplecti A, & respicere

re B, puta restituendo debitum A, & non B; sicut voluntas, quæ ex motivo misericordiæ potest libere itipem erogare vel utrique pauperi præsentī, vel neutri, potest etiam libere itipem erogare uni, & negare alteri; ergo actus virtutum v. g. Iustitiæ non opponuntur cum actibus vitiolorum oppositorum, puta iniustitiæ, modo explicato; ita scilicet ut si actus procedat a virtute infusa, sit composibilis solum cum actu vitiioso leviter peccaminoso; si vero actus procedat a virtute naturali, vel etiam ab auxilio supernaturali, possit componi pariter cum actu vitiioso graviter peccaminoso.

Confirm. Motivum charitatis, nempe Dei bonitas, est commune mortalibus, & venialibus, adeo ut ex eodem motivo charitatis possit homo delectari mortalibus simul, & venialibus, & tamen voluntas potest libere ex motivo Charitatis delectari solum mortalia, & simul habere complacentiam de aliquo veniali; ergo potest universim voluntasposito objecto formali virtutis communi pluribus objectis materialibus, unum amplecti, & alterum respicere; v. g. ex motivo Iustitiæ velle restituere debitum A, & non B, ita ut actus Iustitiæ, & iniustitiæ componantur.

Neque dicas, quod qui delectatur solum mortalia, non delectatur illa ex motivo communi mortalibus, & venialibus, sed ex motivo particulari; quia scilicet mortalia sunt graves Dei iniuriæ.

Nam contra est, quia motivum charitatis est unum, & simplex, non vero duplex; ergo quando voluntas ex motivo charitatis delectatur solum mortalia, delectatur illa ex motivo de se communi mortalibus, & venialibus: quia tamen non attingit huiusmodi motivum ex toto corde, & omni efficacia possibili, seu in tota sua latitudine, sed solum remitte, ideo delectatio mortaliū ex motivo charitatis componi potest cum complacentia in aliquo veniali. Quod etiam patet in Amicitia humana; potest enim quis adeo remisse amicum amare, ut ob ejus amorem velit solum pecuniā profundere, non vitam; velit v. g. decem tantum erogare, non mille; ergo poterit etiam voluntas ita remisse objectum virtutis prosequi, ut ex ejus amore determinetur ad amandum unum objectum materiale, non alterum.

VI. Obijc. 1. Intellectus non potest assensiri uni objecto materiali propter formale, & simul dissentire alteri contento sub eodem formali objecto; v. g. nequit dicere; Pe.

Petrus est risibilis, quia est rationalis; & simul negare, quod Paulus sit risibilis, dum cognoscit, quod sit etiam rationalis; ergo neque voluntas potest amare unum obiectum materiale propter formale obiectum alicujus virtutis, & simul odisse alterum, in quo pariter recludit formale obiectum ejusdem virtutis; atque adeo actus virtutis, & vitii oppositi opponuntur.

Resp. neg. conf. Disparitas est, quia intellectus assentitur illi rationi formali in tota sua latitudine; dicit enim: Petrus est risibilis; quia omne rationale est risibile; aliter nihil concluderet, & causalis esset falsitas. Contra vero voluntas, utpote libera, potest amare obiectum formale virtutis remissè, & non in omni sua latitudine, & propterea potest unum obiectum materiale amare, & alterum odisse. Præterea intellectus, cum sit potentia necessaria, non potest respicere suum obiectum formale, quod cognoscit evidenter verum; v. g. non potest negare quod omne rationale sit risibile; Contra vero voluntas, utpote libera, sicut potest obiectum formale virtutis amare, vel odisse; ita potest amare illud limitatè, relate ad unum obiectum materiale, non relate ad alterum. Adde, posse paritatem retorqueri; antec. enim est falsum in iis, in quibus intellectus subditur imperio voluntatis, nempe in probabilibus: potest enim intellectus affirmare propositionem A probabilem propter motivum formale fidei humanæ, v. g. quia illam dixit Aristoteles, & simul negare aliam propositionem, quam scit dixisse Aristotelem.

VII. Obje. 1. Propter quod unumquodque tale, & illud magis; ergo si propter formale obiectum virtutis, v. g. justitiæ, amatur unum obiectum materiale, in quo ratio formalis justitiæ continetur, a fortiori amatur ipsum obiectum formale; ergo non potest deinde illud ipsum obiectum formale justitiæ per alium actum simul odio haberi; sed hoc sequeretur in casu Conclusionis; ergo non potest voluntas ex motivo formali v. g. justitiæ unum obiectum materiale amare, & alterum odisse, puta volendo restituere decem, & non centum. Prob. min. subsumpta, quia qui odio habet unum obiectum materiale justitiæ, eo ipso odio habet obiectum formale ejusdem virtutis, quod cum obiecto materiali identificatur.

Confirm. Idcirco dicimus contra Thomistas, Deum non posse prædefinire, seu velic materiale peccati, seu caritatem, v. g.

blasphemix, quin simul amet formale peccati, seu transgressionem legis divinæ, quia materiale, & formale peccati identificantur; atqui etiam obiectum materiale, & formale justitiæ identificantur: Nolle enim restituere debitum, A, est nolle adæquationem juris alieni, quod est formale obiectum justitiæ; ergo qui non vult restituere debitum A, eo ipso odit obiectum formale justitiæ, & consequenter, si quis simul vellet ex amore justitiæ restituere decem, & nollet restituere centum, simul amaret, & odio haberet obiectum formale justitiæ, quod repugnat.

Resp. Argumentum solvendum ab Adversariis in instantiis adductis, quando scilicet ex motivo Charitatis detestatur mortaliam, & simul habet complacenciam erga aliquod veniale; sicut etiam quando quis ex motivo misericordiæ vult dare elemosynam pauperi A, & non pauperi B; vel quando vult v. gr. audire missam, quia est Deo grata, & non vult jejunare, quamvis videat hoc etiam esse Deo gratum. Idemque dicas, quando quis ex intentione finis, v. g. sanitatis, eligit medium A, v. g. ambulationem, & odio habet B, puta pharmacum, quamvis in utroque medio contineatur bonitas finis intenti.

In forma, neg. min. subsumptam: Ad probationem dico, quod qui odio habet obiectum materiale B, contentum sub obiecto formali, (puta qui non vult restituere centum, dum vult restituere decem ex motivo justitiæ) odio habet hoc obiectum materiale, non quia continet obiectum formale justitiæ, seu adæquationem juris alieni; cum hæc ratio, utpote bona, non possit movere ad odium; sed odio habet illud obiectum materiale ob exercitium suæ libertatis, vel propter specialem difformitatem, quæ in eo recludit; sicuti qui ob amorem sanitatis vult ambulationem, & odio habet pharmacum, in quo bonitas sanitatis tamquam in causa continetur, non odio habet in pharmaco sanitatem, quam continet casualiter, sed amaritudinem, quam continet formaliter.

Ad Confirm. Diximus contra Thomist., Deum non posse prædeterminare ad caritatem materiale, v. g. blasphemix, quin etiam amet peccatum formale blasphemix, quia qui vult A, ad quod videt consequi tamquam a priori B. censetur velle ipsum B: v. g. qui vult ebrietatem, ad quam videt consequi homicidium, & consequenter cum ad caritatem.

entitatem blasphemix consequatur formale peccati, Deus volens blasphemiam vellet peccatum. Pariformiter nunc dicimus, quod qui odio habet objectum materiale iustitiæ, quod identificatur cum formali, simul odio habet hoc formale, seu hanc adæquationem juris identificatam cum hoc objecto materiali; non tamen odio habet huiusmodi formale objectum universaliter, & in omni sua latitudine; sicuti qui ex amore iustitiæ amat unum objectum materiale, amat etiam objectum formale, prout identificatur cum illo materiali, & non universaliter in omni sua extensione; & propterea in tali casu objectum formale iustitiæ amatur, & odio habetur relate ad diversa materialia objecta; quod non repugnat.

VIII. Objic. 3. Si posset voluntas ex motivo bonitatis Divinx, aut ex motivo gehennæ detestari unum peccatum, & non aliud, sequeretur, quod amaret, & non amaret bonitatem Divinam, vellet, & nollet vitare gehennam, quod repugnat; ergo non potest voluntas ex motivo communi pluribus objectis materialibus unum averfari, aut amplecti, & non aliud; atque adeo non possunt actus virtutum componi cum actibus vitiorum oppositorum. Prob. sequela, quia voluntas detestando unum peccatum, quia est offensæ Dei opposita bonitati Divinx, & trahens gehennam, simul detestatur rationem offensæ Divinx ut sic, prout opposita bonitati Divinx, & prout trahentis gehennam, atque adeo omnem huiusmodi offensam detestatur, & idcirco bonitatem Divinam amat, & gehennam averfatur; ex altera parte, dum non detestatur, sed sibi complacet in peccato B, non amat, sed contemnit Divinam bonitatem; non averfatur, sed vult in causa gehennam; ergo simul amat, & non amat Divinam bonitatem, averfatur, & non averfatur gehennam.

Resp. cum Medina non esse idem detestari peccatum A, quia est offensæ Divina, & detestari peccatum A, quatenus est offensæ Divina; sicut non est idem velle v. g. jejunium, quia est conforme rectæ rationi, & velle jejunium quatenus est conforme rectæ rationi; nec est idem velle dare eleemosynam pauperi A, quia est pauper, & munus filio A, quia est filius, ac velle dare eleemosynam pauperi A, quatenus pauper est, & munus filio A, quatenus filius est; propterea sicut potest quis velle jejunare, quia id est conforme rectæ rationi, quin velit restituere, quod pariter est con-

forme rectæ rationi, potestque velle dare eleemosynam pauperi A, quia est pauper, quin velit illam dare pauperi B, &c. ita potest velle detestari unum peccatum, quia est offensæ Dei, quin velit illud detestari quatenus est offensæ, ita ut velit quatenunque offensam Dei implicite detestari; unde non sequitur adductum inconveniens. Quando dicitur, quod voluntas detestatur peccatum A, quia est offensæ Dei, significatur, quod ratio detestandi sit offensæ Dei, & non detestaretur illud, nisi esset offensæ Dei; cum quo bene fiat, quod non detestatur illud, quatenus est Dei offensæ, ita ut omnem Dei offensam detestetur: Sicut quando dicitur, quod voluntas amet jejunium, quia est conforme rectæ rationi, sit sensus, quod ratio amandi jejunium sit conformitas cum recta ratione, & non amaret illud, nisi contineret hanc conformitatem; cum quo etiam fiat, quod non amet jejunium, quatenus est conforme rectæ rationi; ita ut amet quodcumque est conforme rectæ rationi; ac proinde cum tali amore jejunii est composibilis omnis restitucionis debite, quamvis restitutio sit pariter rectæ rationi conformis. Idemque dicas in similibus exemplis obviis. Quare in forma nego sequelam; & ad probationem nego majorem.

IX. Objic. 4. Si voluntas ex motivo universalissimo Bonitatis Divinx, aut ex odio gehennæ detestaretur peccatum A, & non detestaretur virtualiter etiam quodcumque peccatum, sed posset de peccato B habere complacentiam, sequeretur, quod objectum illud formale bonitatis Divinx, aut alterius virtutis amaret, (nam propter quod unumquodque tale, & illud magis) & simul odio haberet saltem interpretative prosequendo peccatum B, quod apparet eidem objecto formali oppositum; quamvis autem non repugnaret, quod idem objectum formale ametur per detestationem peccati A, & non ametur per prosecutionem peccati B pariter oppositi eidem objecto formali; repugnat tamen, quod idem objectum formale ametur simul, & odio habeatur etiam interpretative; ergo non potest voluntas detestari peccatum A ex motivo generali, & simul habere complacentiam de peccato B eidem motivo opposito; atque adeo actus virtutum opponuntur cum actibus vitiorum oppositorum. Antec. patet; Sicut enim qui comedit carnes, v. g. die Veneris, dicitur interpretative contemnere Deum, ac legem Ecclesiasticam, quia operatur perinde, ac si contemneret formaliter, quamvis formaliter

lier non contemnat; ita qui habet complacentiam de peccato B opposito motivo formalis alicujus virtutis, e. g. bonitati Divinæ, interpretative illud contemnit, ac odit, quia operatur penitus, ac si formaliter odio haberet.

Confirm. 1. Quia qui detestatur peccatum A ex motivo honestatis, quæ relucet in reconciliatione cum Deo, aut ex motivo Virtutis Penitentis ob finem reconciliandi se cum Deo, impossibile est, quod simul habeat complacentiam de peccato B, quia simul vellet, & nollet reconciliationem cum Deo; ergo ut prius.

Confirm. 2. Quia qui detestatur peccatum A ex objecto formali communi etiam peccato B, vel prosequitur tale objectum formale commune quia commune, & consequenter detestatur etiam peccatum B virtualiter; vel prosequitur objectum commune quia tale, seu quatenus huic peccato A est oppositum, & jam non detestatur peccatum ex motivo universalis, & communi, quod est in questione; ergo ut supra.

Resp. 1. per instantias innumeras. Qui vult ponere actum virtutis ex hoc motivo, quod sit actus virtutis, hoc est honestus, & rationis conformis, eo ipso amat hoc objectum formale, nempe conformitatem cum recta ratione, & tamen simul potest ponere actum vanæ gloriæ difforem rectæ rationi. Sic qui vult audire Sacrum præceptum ex motivo obedientiæ, seu ex motivo adequandi jus jurisdictionis Ecclesiasticum, potest simul nolle ponere jejunium similiter præceptum: Qui restituit decem Petro ex motivo justitiæ, potest nolle restituere decem Paulo. ergo qui detestatur peccatum A ex motivo communi, potest habere complacentiam de peccato B eidem motivo oppositum. In his autem omnibus casibus habetur simul amor objecti formalis limitatus relate ad unum objectum materiale, & simul habetur ejusdem objecti formalis odium, seu contemptus talem interpretativus, absque ulla oppositione: quæ enim repugnantia est, quod velim ponere v. g. actum misericordiæ ex motivo virtutis, quia scilicet id est consonum rationi, & simul velim ponere actum vanæ gloriæ odio habendo interpretative conformitatem cum recta ratione? repugnantia esset si simul poneretur amor & odium formale ejusdem motivi, & secundum idem; non vero si amor sit formalis, & odium sit interpretativum per hoc quod voluntas operetur penitus, ac si odisset illud idem objectum formale, quod

limitatus simul amat relate ad aliud objectum materiale. Adde, quod sicut volens ponere actum virtutis, quia est conformis rationi, & ponens simul actum vanæ gloriæ dici potest, quod formaliter velit, quod est consonum rationi, sed non inquantum opponitur illi conformitati, quam prosequitur ponendo actum virtutis; sicut volens restituere famam, & non pecuniam, vult injustitiam, sed non prout oppositam justitiæ quam prosequitur, dum vult restituere famam: ita detestans peccatum A ex amore Bonitatis Divinæ, cui peccatum opponitur, si simul habeat complacentiam de peccato B, prosequitur oppositionem cum bonitate Divina, sed illam, quæ continetur in peccato B, de quo habet complacentiam, non vero illam, quæ continetur in peccato A, quod detestatur.

Ad 2. confirm. respondeo pariter per instantiam; Peccator qui vult ponere actum misericordiæ ex eo quod conducatur remote ad reconciliationem cum Deo, potest simul nolle jejunare, quamvis etiam jejunium remote conducatur ad eandem reconciliationem; ergo qui vult detestari peccatum A ex eo quod talis detestatio conducatur proximius ad reconciliationem cum Deo, potest nolle detestari peccatum B, quamvis hæc etiam detestatio proximius conducatur. Quare si voluntas vult detestationem peccati A, quia vult illam reconciliationem sive tanquam objectum formale, sive tanquam finem prosequendo illam universaliter, & omni efficacia, & tunc procul dubio tenetur detestari etiam formaliter, nedum virtualiter, peccatum B; vel prosequitur illam remissæ non universaliter, nec ex toto corde, aut omni efficacia, & tunc potest detestari peccatum A ex hoc motivo remissæ affectu, & simul habere complacentiam de peccato B, sicut qui ex odio remissio mortis non vult propinare venenum A dulce, potest simul velle propinare venenum B dulcissimum.

Ad 3. sic pariter satis instantiis adductis. Dicitur dicendum, quod detestans peccatum A ex motivo universalis non universaliter, & in tota sua latitudine amato, neque amat illud quia commune objectis omnibus materialibus, neque quia tale, ut bene ostenditur in argumento; sed amat quod est commune, & universale specificative, & non reduplicative; sic qui dat elemosynam pauperi A, ex motivo misericordiæ, non attingit tale motivum, nempe honestatem reperti in subventionem pauperum quia communem omnibus actibus misericordiæ, quia

deberet etiam dare eleemosynam pauperi B, & aliis, quibus potest; neque attingit hanc honestatem quatenus talem, seu quatenus honestum est dare huic pauperi, quia talis honestas in individuo non reperitur in subveniendo pauperi B; unde non attingeretur novum commune aliis objectis materialibus; sed attingitur hæc honestas secundum se, quæ in omnibus objectis materialibus reperitur; quamvis non attingatur quæ communis, & cum omni efficacia, sed remitte; ut proinde detur ex hoc motivo eleemosyna tantum pauperi A, & non pauperi B. Idem dici debet de detestatione peccati A ex motivo universali, quin detur detestatio etiam peccati B.

Obje. Ult. Qui vult fugere mortem, non solum debet ex amore vix abstinere a veneno A, sed etiam a veneno B; ergo qui vult fugere injustitiam, aut gehennam, non solum debet ex amore iustitiæ restituere decem, sed etiam restituere centum; si utrumque debeatur; ergo non possunt actus iustitiæ, & iustitiæ componi.

Confirm. Non potest voluntas velle simul formam, & ejusdem formæ destructivum; sed qui ex amore iustitiæ vult restituere decem, & non centum, vult iustitiam, quatenus vult reddere decem, & simul vult destructivum iustitiæ, dum vult injustitiam, nolendo reddere centum; ergo ut prius.

Resp. Quod si quis intendat finem hunc prorogandi sibi vitam omni efficacia, & universaliter; certe abstinere debet ab omni veneno; dicimus tamen quod possit quis si per hunc velle efficacia remissa, & non in omni sua latitudine; ut propterea velit ad declinandam mortem abstinere tantum a veneno dulci v.g. non vero a dulcissimo: Sic multo ad declinandam mortis periculum, vitant prælium, sed non vitant navigationem; quia non intendunt finem omni efficacia.

Ad Confirm. Sicut qui vult restituere pecuniam non famam, non dicitur velle iustitiam, & destructivum iustitiæ; quia quamvis velit iustitiam, dum non vult restituere famam non vult injustitiam, in quantum opponitur illi iustitiæ, quam prosequitur, dum vult restituere pecuniam. Injustitia enim, quæ opponitur restitutioni pecuniarum, est non restitutio pecuniarum, non vero restitutio famæ: ita in casu, qui vult reddere decem, non vero centum, non vult illam injustitiam, quæ opponitur iustitiæ, quam prosequitur: Unde nego min.

ARTICULUS III.

Utrum Virtutes infusæ simul cum Gratia componi possint cum actu vitioso graviter peccaminoso; adeo ut mortale remittantur in instanti, quo fit?

IX. Certum est virtutes supernaturales scorsim a Gratia componi posse cum mortali tam habituali, quam actuali; remanent enim in Peccatore virtutes fidei, & spei, quoniam peccatum his virtutibus non adversatur. Supponimus etiam, Gratiam præsentis ordinis esse essentialiter justificativam, seu collativam Juris ad Dei Amorem amicabilem, & ad vitam æternam, atque adeo essentialiter incompossibilis cum mortali habituali, seu cum actu odii Divini, & pænæ æternæ: quicquid sit, an dari possit Gratia, quæ non sit formaliter justificativa, sed solum exigitive, de qua diximus in tractatu de Gratia justificante. Quare difficultas est, An Virtutes infusæ, sive conjunctæ, sive identificatæ cum hac Gratia præsentis ordinis justificante possint divinitus componi cum mortali actuali, adeo ut in instanti, quo fit peccatum, conferatur peccatori per hanc gratiam jus ad Dei Amorem, & vitam æternam; atque adeo impediatur, ne ratione peccati confurgat reatus odii Divini, & pænæ æternæ; quod est peccatum remitti in instanti, quo fit. Quod hoc non possit contingere in præfenti Providentia, est etiam certum; cum non remittatur in præfenti ordine peccatum, antequam retractetur: quare solum queritur, An possit contingere divinitus?

X. Dico equidem virtutes infusæ, sive conjunctas, sive identificatas cum gratia justificante componi divinitus posse cum mortali actuali, adeo ut peccatum remittatur in instanti, quo fit per condonationem intrinsecam. Ita expresse nemo ex Hispanis Recentioribus apud Haunol. de Pœn. cap. 3. contrav. 3. n. 923. Ita etiam Lorca apud Gonetum disp. 1. de Justificatione ar. 5.

Prob. Non repugnat peccatum remitti in instanti, quo fit, imo etiam antequam fiat per condonationem extrinsecam, juxta sententiam Card. de Lugo disp. 7. de pœn. n. 126. Ovied. tract. 8. Ripal. disp. ult. n. 405. Contra Suar. lib. 7. de Gratia c. 21. Maur. qu. 31. de Gratia, Dicastil. & alios; ergo non repugnat virtutes infusæ simul cum gratia componi cum mortali actuali, ita ut peccatum.

catum remittitur in instanti quo fit per infusionem gratiæ, seu per condonationem intrinsecam. Prob. ant. tum solutione Argumentorum; tum positive, quia potest Deus libere cedere iuri ad odio habendum, & puniendum peccatorem; non solum postquam peccavit, sed etiam in instanti, quo peccat, & antequam peccet; ergo potest peccatum condonare tam præteritum, quam præsens, & futurum.

Confirm. tum paritate voti; tum paritate offensæ in humanis, & paritate actionis damnificatiæ; potest enim Pontifex dispensare votum tam postquam est emissum, quam dum emittitur, impediendo ne confurgat Reatus, seu obligatio voti: Pariter offensa in humanis tam personalis, quam realis condonari potest, etiam dum fit; v. g. dum hostis impingit alapam Petro, qui & furatur ejus vestes, potest Petrus esse invitatus, & simul condonare, seu vellet quod non teneatur ad satisfaciendum, vel restituendum, quod est impedire, ne confurgat reatus satisfactionis, & restitutionis; ergo pariter potest Deus condonare offensam, dum fit, impediendo ne confurgat reatus odii, & vindictæ. & ratio a priori est, quia Deus est Dominus sui Juris; atque adeo sicut potest illud renunciaré post ejus acquisitionem, ita potest nolle illud acquirere. Sicut in humanis qui est dominus v. g. libri, non solum potest renunciaré tali dominio post ejus acquisitionem, sed etiam potest in eo instanti, quo sibi donatur, nolle acceptare donationem, & sic nolle dominum libri acquirere: potest ergo per condonationem extrinsecam Deus remittere peccatum in instanti, quo fit, quod fusiùs ostendemus in de Pœnitentia, & innuimus in de Gratiâ.

Prob. nunc conseq. i. Enthym. quod scilicet peccatum remitti possit etiam per condonationem intrinsecam, seu per infusionem gratiæ, adeo ut possint virtutes infusæ simul cum gratia componi cum peccato actuali. Prob. inquam, quia Gratiâ sanctificans, seu amicitia cum Deo nullam dicit impossibilitatem cum mortali actuali physice tantum existente; ergo potest peccatum remitti, dum fit, non solum per condonationem extrinsecam, sed etiam per infusionem gratiæ sanctificantis. Ant. prob. tum negative, tum a contrario sic; Inimicitia cum Deo, seu peccatum habituale non est impossibile cum Amore Dei saltem naturali, quod est certissimum; ergo nec amicitia Divina, seu gratia est impossibilis cum odio Dei, seu cum peccato actuali; ita enim op-

ponitur Amor Dei cum Inimicitia Divina; ac odium Dei cum Divina amicitia; ergo sicut potest componi Amor Dei, saltem naturalis, cum Divina inimicitia; ita poterit odium Dei componi cum gratiâ, seu cum Divina amicitia.

Confirm. i. paritate in humanis; Nam dum offenditur Rex ab hoste, non solum potest illi condonare offensam; sed etiam potest promittere suum amorem, & hereditatem; in quo casu hostis non solum non esset Reus odii Regii, & prænæ, sed etiam haberet jus ad amorem Regium, & hereditatem; ergo a fortiori potest hoc Deus facere erga peccatorem; ita ut dum odio habetur, tunc Deus non solum condonet offensam, sed etiam promittat peccatori suum amorem, & hereditatem, seu vitam æternam; in quo casu Peccator non solum careret reatu odii divini, & pænæ æternæ; sed etiam haberet jus ad Dei amorem; atque adeo esset Dei Amicus, Filius adoptivus, & hæres; quod de facto præstatur a Gratiâ, quæ, ut hic supponimus, est Dei externa promissio de dando suum amorem, & hereditatem, & ideo formaliter iustificat.

Ratio a priori est, quia Deus potest exigentias rerum naturales frustrari non solum negative, sed etiam positive: v. g. non solum potest negare igni calorem exiguum; sed etiam potest ponere in igne frigus oppositum; ergo non solum potest Deus frustrari exigentiam peccati actualis negative, v. g. impediendo, ne confurgat reatus odii, & vindictæ, sed etiam potest frustrari positive, efficiendo quod cum peccato coexistat jus ad amorem Dei, & vitam æternam, quod præstat Deus infundendo Gratiâ.

Confirm. demum, quia mortale actuale neque opponitur cum gratiâ, quatenus est Actio dissoluta legi, seu voluntati divinæ; neque quatenus est Dei contemptus habens inimicitiam cum Deo, & odibiliter, neque ex alio Capite; ergo possunt divinitus componi. Antec. quoad i. partem patet: Quia etiam veniale est actio dissoluta legi, & tamen non opponitur cum gratiâ; quoad 2. partem prob. quia quamvis amicitia, & inimicitia formalis cum Deo opponantur, potest tamen Deus per condonationem peccati impedire, ne confurgat inimicitia formalis, seu reatus odii divini: sicut enim per gratiam collatam infantibus destruitur originale, seu formalis inimicitia cum Deo;

ita per gratiam collatam in instanti, quo fit peccatum, impeditur, ne formalis inimicitia cum Deo consurgat, remanente solum inimicitia radicali identificata cum actu peccaminoso.

XL Ex quibus colligis, in peccato actuali duo esse consideranda; Primum est ipsa Entitas physica ætus peccaminosi, & Deo injuriosa; Secundum est Entitas quædam moralis, nempe reatus odii divini, qui consurgit ex peccato, & perseverat moraliter post commissum peccatum, quousque remittitur. Utraque entitas maculat, ac deturpat hominem, & de utraque dicitur Eccli. 31. *Beatus vir qui invenit est sine macula.* Verum entitas physica peccati vocari solet macula facti, Reatus vero odii, cui respondet jus in Deo ad odio habendum peccatorem, vocari solet macula Juris: In hac secunda macula consistit inimicitia formalis cum Deo, & hæc est, quæ destruitur per condonationem: sicut in voto per dispensationem solum tollitur reatus voti, seu obligatio adimplendi votum.

XII. Objic. 1. ex Guar. loc. cit. Si possent virtutes infusæ, & Gratia justificans componi cum mortali actuali, peccatum in eodem instanti existeret, & non existeret: ergo non possunt componi. Prob. sequi existeret enim peccatum, ut supponitur; non existeret vero, quia per gratiam, & condonationem destrueretur.

Confirm. ex Dicaſtil. Gratia præſentis ordinis, utpote justificans, est essentialiter in-compossibilis cum peccato habituali; ergo etiam cum actuali; Prob. conf. quia peccatum habituale, & actuale sunt idem omnino peccatum, & solum differunt in hoc, quod actuale existit physice, habituale vero perseverat moraliter, seu in æſtimatione morali se habet, ac si physice existeret; ergo sicut non potest habituale esse, & remitti; ita nec actuale.

Resp. dist. ant. Existeret physice secundum maculam facti, & non existeret moraliter secundum maculam juris, concedo; aliter nego antecedens, & consequentiam. Sicut votum, quod dispensatur, dum fit, seu antequam fiat, existit solum physice, non moraliter, seu secundum reatum suum. Neque dicas, paritatem hanc voti, vel offensæ in humanis non esse ad rem, quia votum non reddit hominem maculatum; sicut redditur homo per peccatum; unde si peccatum actuale coexistet cum gratia, homo simul esset maculatus, & immaculatus. Nam recurrit eadem Resp., quod

homo remaneret maculatus macula facti; immaculatus vero secundum maculam juris; quæ per infusionem Gratia destruitur, seu potius impeditur, ne consurgat.

Ad Confirm. Sicut dispensatio pugnat cum voto habituali, seu cum reatu voti, non cum voto actuali; ita gratia, & condonatio pugnant cum peccato habituali, non cum actuali. Disparitas est, quia peccatum habituale dicit de præſenti solum reatum odii divini, & ad summum carentiam Gratia culpabilem; unde his destructis per infusionem gratia, destruitur peccatum habituale. Contra vero Actuale importat entitatem physicam peccati, quæ non destruitur per gratiam, & ideo potest cum gratia componi. Adde, paritatem retorqueri, Nam cum peccatum habituale importet tum entitatem physicam peccati præteritam, tum reatum odii præſentem, potest gratia tollere reatum, quia tollat præteritionem entitatis physica peccati; ergo cum peccatum actuale importet tum entitatem physicam peccati existentem, tum reatum, poterit gratia tollere reatum, non sublata entitate physica peccati, atque adeo potest divinities gratia præſentis ordinis justificans cum peccato actuali componi: non fecus ac ex dictis in de Gratia, cum Scotis, potest Gratia aliteris ordinis, quæ non sit justificans, sed sit solum radix virtutum infusarum, componi cum mortali habituiali, cum quo de facto ipsæ virtutes infusæ fidei, & spei componi possunt.

XIII. Objic. 2. ex Mauro loco laudato: Deus necessario odit peccatum odio abominationis; ergo necessario odit peccatorem odio inimicitia; atque adeo condonatio, & gratia cum peccato, dum fit, non possunt componi. Antec. videtur certum; quia sicut Deus necessario amat se ipsum, ita necessario abominatur, & prohibet peccatum, quod est offensæ, & malum Dei. Conseq. prob. quia peccatum non est odibile, & abominabile in abstracto, sed in concreto, quatenus positum in subiecto, reddit illud formaliter malum, & odibile; eo modo quo virtus est amabilis non in abstracto, sed in concreto, quatenus reddit subiectum amabilem.

Confirmatur. Peccatum est essentialiter odibile a Deo, cum non possit Deus cedere juri ne offendatur; ergo peccator etiam est necessario, & essentialiter odibilis, dum peccat, quin possit Deus pro eo instanti cedere juri ad odio habendum peccatorem; atque adeo non potest peccatum remitti, dum

dum fit. Prob. consequ., quia sicut non datur in peccato reatus, seu dignitas radicalis ad odium distincta a formali; ita neque dari debet in peccatore dignitas, seu reatus odii radicalis distinctus a formali; unde non potest separari macula facti a macula juris.

Resp. cum Rip. Antecedens esse controversum; putant enim nonnulli quod sicut potest Deus pure libere omittre, ita possit non odisse, nec prohibere peccatum; cum enim non sit infinite malitiae, videtur non necessitare Deum ad odium, necessitate quoad exercitium. Equidem conc. antec.; puto enim quod Deus non possit carere actu perfectissimo, qualis est actus, quo odio habetur, & prohibetur peccatum; quare nego consequentiam: Aliud enim est odisse peccatum, aliud vero odisse peccatorem; saepe cum odio formae stat amor subiecti; de facto enim quando odio habemus febrem in Petro, amamus Petrum, cui nolumus tale malum; Quare potest Deus odisse peccatum, & simul amare peccatorem. Paritas adducta retorquetur: Nam virtus infusa fidei, quae est in peccatore, est essentialiter a Deo amabilis, quin Deus amet peccatorem, in quo talis virtus subieciatur; ergo quamvis peccatum sit essentialiter odibile, non propterea necessario odio habetur peccator. Sic peccatum veniale essentialiter odio habetur a Deo, & tamen persona iusta venialiter peccans amatur. Adde quod Deus peccatum ita odit, ut non possit ab ejus odio cessare: peccatorem vero non ita odit, ut non possit ab ejus odio cessare; ergo dispar ratio inter odium peccati, & peccatoris.

Ad Confirm. concessio antec., nego consequ.; sicut enim per Adversarios potest Deus cessare aliquando ab odio peccatoris, non tamen ab odio peccati, unde non potest cedere jure, ne offendatur; ita potest non odisse peccatorem, dum actu peccat. Disparitas radicalis est, quia ad bonitatem Dei spectat semper odisse, ac prohibere peccatum, & nunquam cedere Juri, ne offendatur; contra vero ad misericordiam, & libertatem peccati posse cedere juri ad odium habendum peccatorem; unde potest peccatum remittere tam quod fuit, quam quod est. Dicitur enim Joel. 2. *Deus praeftabilis super malitia.*

XIV. Objic. 3. ex eodem Mauro: Si peccator, dum peccat, haberet gratiam, simul esset Dei inimicus ratione peccati, & amicus ratione gratiae, quod repugnat; ergo.

Page 1.

ut prius. Neque dicas, quod homo in tali casu esset solum radicaliter Dei inimicus per peccatum, & amicus formaliter per gratiam. Nam non est major ratio, cur non dicatur potius inimicus formaliter per peccatum, & radicaliter amicus per gratiam.

Confirm. Quia homo simul esset filius Dei per gratiam, & filius Diaboli per peccatum; juxta illud Jo: 8. *Pater ex Patre diabolo estis*; ergo simul esset dignus amore, & odio.

Resp. quod Peccator in tali casu esset formaliter Dei amicus, & radicaliter inimicus. Ratio cur non potius vice versa sit formaliter inimicus, & radicaliter amicus, est, quia formaliter amicus est, qui habet jus ad amorem: posita autem gratia, seu promissione Dei conferente jus ad amorem, non potest hic effectus a peccato impediri; cum nulla creatura impedire possit, ne voluntas divina sortiatur effectum suum; ergo habens gratiam est formaliter Dei amicus, non est tamen formaliter inimicus, si actu peccet; quia formaliter inimicus Dei est, qui habet reatum odii divini; sed posito quod Deus cedat juri ad odio habendum peccatorem, non habetur reatus talis odii; ergo non habetur inimicitia, & odibilitas formalis, sed solum radicalis, quatenus habetur radix reatus odii; haec autem radicalis odibilitas est odibilitas cum addito distrahente; Sicut in voto, quod dispensatur dum fit, radicalis reatus, seu obligatio est obligatio cum addito distrahente; atque adeo Peccator habens gratiam solum habet jus ad amorem, non vero reatum odii divini.

Ad Confirm. dist. antec. esset filius Diaboli per peccatum, quatenus imitatur mores Diaboli, conc., quatenus est formaliter Dei inimicus, nego antec., & consequ. Ubi notandum, quod tunc Deus amat creaturam amore amicitiae, quando vult illi aliquod bonum cum complacencia in tali persona, in qua videt gratiam, seu participationem Naturae divinae: quando vero vult illi bonum tam displicencia personae propter peccatum, tunc non amat amore amicitiae; sicut nec amat creaturam amore amicitiae in statu purae naturae: quare dum Deus excitat peccatorem ad poenitentiam, dum conservat in illo virtutes infusas fidei, & spei, proculdubio illum amat, & cedit jure, quod habet privandi illum his bonis; quamvis displiceat Deo talis persona ratione peccati. Quod si peccatori, dum

B 3



dum actu peccat, Deus conferret suam gratiam, tunc Deus illum amaret amore amicitiae, seu cum complacentia in tali persona. & cum displicentia solius peccati; sicut quando iustus peccat venialiter, Deus amat illum amore amicitiae, cum displicentia de illo veniali.

XV. Objic. ult. Nisi Gratia sanctificans esset: essentialiter impossibilis cum peccato actuali, peccator simul esset formaliter reus odii divini, & simul haberet jus ad amorem amicabilem; ergo &c. Probatur sequela: in tantum non esset formaliter reus odii, inquantum Deus condonaret peccatum, seu promitteret, se non odio habiturum peccatorem: sed hæc promissio solum facit, quod Deus non sit odio habiturus peccatorem; non vero quod peccator non sit dignus, qui odio habeatur, seu formaliter reus odii divini; ergo &c. Prob. min. Nam si Deus decerneret, aut promitteret, se non destruendum Angelum, non per hoc Angelus evadit intrinsicce indestruibilis; sed solum evadit non destruendus; ergo si Deus decerneret, aut promitteret, se non odio habiturum peccatorem, solum sequitur quod Deus nunquam odio habeat; non vero quod peccator non sit intrinsicce dignus odio.

Resp. nego sequelam: ad prob. neg. min. ad cujus probationem retorqueo paritatem: si Deus promittat Angelo conservationem in perpetuum, eo ipso Angelus habet jus, ne destruat, & quamvis non habeat indestruibilitatem physice intrinsicam, habet tamen indestruibilitatem intrinsicam moraliter; cum tale jus sit moraliter intrinsicum; ergo etiam peccator acquirens per condonationem jus, ne odio habeatur, erit intrinsicce moraliter dignus, ne odio habeatur. Quare illud interest inter decretum Dei, & promissionem, quod Decretum reddit solum rem futuram, promissio vero dat jus, quod est quoddam ens morale intrinsicum moraliter promissario, sicut peccatum habituale, seu reatus odii, non nisi moraliter est intrinsicum peccatori.

QUESTIO IV.

An possit Virtus per accidens influere in actum malum.

Certum est, virtutem infusam nunquam influere in actum malum, cum quia si virtus infusa Fidei non potest in actum falsum influere, ut ostendimus anno supe-

riore ex Tridentino, a fortiori non poterit virtus moralis infusa influere in actum malum; tum etiam quia ad ponendum actum malum non requiritur virtus supernaturalis, quæ det simpliciter posse talem actum; quare questio solum habet locum in virtute acquisita: & Primo quaeritur, An possit per accidens influere in actum ex circumstantia malum oppositum alius virtutibus ab ea, quæ influit? V. g. An possit virtus Religionis influere in actum orandi, quando oratio prohibetur a superiore, & est contra virtutem obedientiae? vel An possit virtus Iustitiae influere in restitutionem gladii Domino furioso, in hypoth. quod sit contra charitatem restituere gladium in tali circumstantia? (quidquid sit, An sit etiam contra Iustitiam, ut tenet Lessius contra Molin.) Secundo, An possit virtus laedere se ipsam? hoc est An possit per accidens influere in actum malum oppositum eidem virtuti? v. g. an possit virtus Iustitiae influere in restitutionem gladii Domino furioso, quando talis restitutio ita est iusta relate ad Dominum gladium, ut sit etiam iniusta relate ad Innocentem, quem potest Dominus furiosus occidere? Ubi etiam quaerendum, Num virtus sit essentialiter virtus, An vero accidentaliter, adeo ut possit de virtute transire in vitium, & e contra, juxta doctrinam Scoti?

ARTICULUS I.

An possit Virtus influere per accidens in actum malum oppositum alius Virtutibus ab ipsa?

Respondeo affirmative. Ita communis Recentiores cum Arriag. t. j. disp. 33. sect. 2., contra Vazq., Maur. Tanner. t. 2. d. j. q. 2.

Prob. Quoties in aliquo actu reperitur specificativum formale alicujus habitus, toties hic habitus potest in talem actum influere; sed in actu ex circumstantia malo, v. g. in redditione gladii domino furioso, reperitur adequatum specificativum formale habitus virtutis Iustitiae, nempe adequatio juris alieni; ergo quamvis hujusmodi actus ex circumstantia domini furiosi sit malus, & contra charitatem, adhuc potest virtus iustitiae in illum influere.

Confirm. Potest habitus virtutis iustitiae influere in actum, qui ex circumstantia extrinseca spectat ad aliam virtutem, v. g. in redditionem gladii domino, quando hic actus

Aus præcipitur etiam a superiori, æque adeo spectat etiam ad virtutem obedientie; ergo potest etiam influere in actum ex circumstantia malum, nempe in redditionem gladii domino furioso. Antecedens admittitur; consequentia probatur: Ideo potest virtus iustitiæ inclinare in actum, qui simul sit iustitiæ, & obedientie, quia reperit in tali actu suum specificativum formale adequatum, quod est adequatio iuris alieni; sed etiam hoc habetur in actu, qui simul sit iustitiæ, & contra charitatem, nempe in redditione gladii domino furioso; ergo etiam ad hunc actum potest virtus iustitiæ inclinare. Min. prob. quia specificativum formale virtutis iustitiæ est, adæquare ius alienum, seu ponere, quod est conforme iuri alterius; atqui esto Dominus gladii sit furiosus, adhuc habet ius in gladium, quamvis tale ius hic, & nunc sit impeditum; (sicut Pupillus est vere dominus bonorum suorum, quamvis habeat ius impeditum, & conjuges habent verum dominium in corpus alterius, etiam quando ratione voti Castitatis huiusmodi ius est impeditum) ergo etiam in tali casu potest reddi gladius ex motivo adæquandi ius domini; atque adeo potest virtus iustitiæ per accidens in hunc actum malum influere; non secus ac virtus physica potest per accidens causare motum.

II. Neque dicas, Virtutem iustitiæ habere pro specificativo formali, adæquare ius alienum, in quantum est conforme rationi, & voluntati divinæ: quando autem redditur gladius domino furioso, non adæquatur ius alienum iuxta dictamen rationis, & voluntatem divinam; ergo non habetur specificativum formale virtutis iustitiæ.

Nam contra est, quia virtus pro specificativo formali solum habet obiectum, quod de se est conforme rationi, præscindendo a circumstantiis, ratione quarum potest vitari; ergo quamvis restitutio gladii domino furioso ratione circumstantiæ sit diffinis rationi, quia tamen est obiectum de se conforme rationi, adæquare ius alienum, quod est obiectum iustitiæ, idcirco virtus iustitiæ etiam in talem actum malum influat. Antec. constat multipliciter: & 1. quia aliter nulla daretur virtus, quia virtus acquiritur ex frequentatis actibus circa idem obiectum; cum autem nunquam obiectum sit sub eisdem circumstantiis, scilicet temporis, nunquam posset dari duplex actus respiciens idem obiectum, atque adeo non posset gigni ullus habitus

virtutis. 2. quia virtus iustitiæ v. g., non posset influere in actum, qui simul sit iustitiæ, & obedientie; quia tunc mutatur circumstantia ratione præcepti: & eodem modo qui frequentando actus, qui simul sunt iustitiæ, & obedientie, acquireret habitum inclinantem ad hos actus, non posset deinde per talem habitum inclinari ad actum, qui solum sit iustitiæ, vel solum obedientie, quod nemo dixerit. 3. Nec posset virtus v. g. iustitiæ influere in complacentiam de redditione gladii domino, præscindendo a circumstantia domini furiosi: Nec posset in actus in deliberatos circa idem obiectum influere, qui cum careant libertate, nec boni sunt, nec mali moraliter: quæ omnia nec Adversarii ipsi admittunt. quare virtus specificatur solum ab obiecto formali, præscindendo tum a circumstantiis, tum ab obiecto materiali. Hinc Philosophus docet, quod si quis furetur ob mechandum, acquirit solum habitum mechandi, non furandi; quia mechia est obiectum formale, & furtum se habet de materiali relate ad hunc actum.

Confirm. concl. tum experientia; Experimur enim, ut notat Arri., quod assuetus orationi, jejuniis &c., etiam accedente prohibitionē, ad huiusmodi actus habet facilitatem; ergo signum est, habitum virtutis acquisitum inclinare in tales actus, qui ex circumstantia prohibitionis sunt mali: Tum paritate virtutis intellectualis, quæ per accidens influere potest in actum falsum. Nam qui habens scientiam physicam assuetus est dicere v. g. Accidens non conservari sine subiecto, & ignem approximatum passo comburere, inclinatur ad dicendum quod etiam in Eucharistia, & in igne babylonico id contingat; ergo pariter poterit virtus moralis per accidens influere in actum malum.

III. Objic. 1. Actus specificantur a suo formali obiecto circumstantionato; ita ut redditio gladii facta domino furioso sit actus essentialiter malus; facta vero domino non furioso sit bonus; ergo etiam habitus specificatur ab obiecto circumstantionato; ita ut habitus habens pro formali obiecto v. g. adæquationem iuris alieni in circumstantiis debitis, sit habitus virtutis, & bonus, in circumstantiis indebitis, sit vitiosus, & malus; ergo habitus virtutis nunquam influat in actum malum, ne per accidens quidem.

Confirm. Si virtus iustitiæ inclinaret ad actum malum, nempe ad reddendum gla-

dium domino furioso, sequeretur quod hujusmodi redditio gladii esset inhonesta simul, & inhonesta; inhonesta quidem, ut supponitur; honesta vero, quia virtus iustitiae, quae habet pro suo objecto formali, quod est conforme rationi, & honestum, reperiatur in hoc actu suum specificativum formale, atque adeo honestatem.

Resp. concessio antec. neg. consequ. disparitas est, quia actus moralis procedere debet ab ultimo dictamine conscientiae, quod est ultima, & immediata regula morum dictans hic, & nunc, quid sit agendum; ita ut si huic dictamini actus conformetur, sit honestus; si dissonetur, sit inhonustus; & ideo actus specificatur tum ab objecto formali, tum a materiali, & a circumstantiis: contra vero habemus non respicit ultimum conscientiae dictamen, & ideo satis est, quod in actu reperiatur suum specificativum formale, praescindendo a circumstantiis: atque adeo virtus iustitiae influere potest in redditionem gladii domino furioso, cum in tali actu reperiatur suum formale obiectum, nempe adaequationem juris alieni, quae de se est honesta, licet ratione circumstantiarum sit mala, & inhonesta.

Ad Confirm. dist. seq. esset honesta secundum se, & praescindendo a circumstantiis, inhonesta vero ratione circumstantiarum extrinsecarum domini furiosi, conc. alter neg. sequ. & consequ.

IV. Obijc. 2. ex Maur. q. 176. de Just. Nullus actus virtutis est malus, seu vitiosus; omnis actus iustitiae est actus virtutis; ergo nullus actus iustitiae est malus; ergo redditio gladii domino furioso, utpote mala, non est actus iustitiae, atque adeo in talem actum non influat virtus iustitiae.

Confirm. quia ex Aug. l. 2. de lib. arb. cap. 18. *virtus est qua nemo male nascitur*; sed male uteremur virtute, si influeret in actum malum; ergo in hunc actum non potest influere. Ex eodem etiam Aug. *virtus est qua bonum facit habentem, & opus eius bonum*; ergo actus virtutis iustitiae non potest esse opus malum.

Resp. disting. esse inter actum virtutis, & actum virtuosum; actus virtutis, seu procedens a virtute est omnis actus, quicquid ad obiectum formale de se honestum; adeo ut si ex circumstantia aliqua vitietur, adhuc sit actus virtutis, quamvis sit malus; unde redditio gladii domino furioso dicitur actus virtutis, hoc est procedens a virtute iustitiae: Actus vero virtuosus est, qui undequaque est honestus, tum spectato ob-

jecto formali, tum spectatis circumstantiis. In forma dist. maj. Nullus actus virtutis est malus, spectato tantum obiecto formali, concedo; spectatis etiam circumstantiis, neg. maj. & concessa m. dist. conf. Nullus actus virtutis est malus ratione obiecti formalis, conc. ratione circumstantiarum, nego 1. & 2. conf.

Ad Confirm. dist. maj. Virtus est, quae nemo male utitur per se, conc. per accidens ratione alicujus circumstantiae, neg. maj. & distincta pariter min. neg. conf. paucioriter virtus facit bonum non solum habentem ipsam, sed etiam opus ipsius per se, quamvis per accidens facere possit opus malum. Quod patet etiam in virtute intellectuali, quae potest per accidens influere in actum falsum, ut diximus in ultima Confirm.

V. Obijc. 3. ex eodem Maur. Virtus iustitiae specificatur ab adaequatione juris alieni, quae sit honesta usquequaque, videlicet etiam spectatis circumstantiis; ergo non potest influere in actum malum, puta in restitutionem gladii domino furioso, conf. seq. aliter influeret in actum oppositum suo specificativo formali: Ant. prob. quia possibile est virtus iustitiae, quae specificatur a tali obiecto formali usquequaque honesto; ergo de facto talis est virtus iustitiae; aliter deberemus comminisci duplicem virtutem iustitiae, alteram specificatam ab obiecto honesto usquequaque, alteram ab obiecto honesto tantum secundum se, non vero spectatis circumstantiis.

Confirm. Si posset virtus influere in actum malum, posset viceversa vitium influere in actum bonum, atque adeo vitium iniustitiae posset v. g. influere in actum bonum, quo quis negat gladium domino furioso.

Resp. Nego antecedens, ob rationes adductas: ad prob. nego par. antec. licet possit dari duplex virtus iustitiae materialiter diversa, altera scilicet acquisita ab actibus honestis usquequaque, & altera acquisita ab actibus honestis solum ex obiecto formali, & ratione circumstantiarum inhonestis; v. g. ex actibus restitutionis gladii domino furioso; utraque tamen specificatur ab eodem obiecto formali, vid. ab adaequatione juris alieni honesta secundum se, unde una posset influere in actus alterius: Sicuti in omni sententia, licet dari possit duplex virtus iustitiae materialiter diversa, altera acquisita ab actibus solum iustis, altera ab actibus qui simul sine iustitia, & obedientia; utraque tamen specificatur ab eodem obiecto formali, vid. ab adaequatione juris alieni.

alieni; ita ut una possit influere in actus alterius, ut diximus in prima Confirm. conclusionis.

Ad confirm. conc. quod etiam vitium possit per accidens influere in actum bonum; nam si quis invincibiliter putet esse inhonestum restituere, & acquirat hunc habitum vitiosum restituendi, potest talis habitus vitiosus inclinare ad restitutionem, etiam pro quando illa apparet honesta. Ubi adverte, quod si quis nolle restituere gladium domino furioso, non ex motivo charitatis, ne noceat innocenti, sed ex motivo iniustitiæ, talis actus non esset bonus, sed malus, quippe qui intendere malum: Si vero ex ignorantia invincibili putaret quis esse bonum, & honestum exercere iniustitiam, in tali casu actus intendens iniustitiam esset bonus, & ad illum posset per accidens influere vitium iniustitiæ.

VI. Objic. ult. Habitibus Virtutis solum inclinatur in actus elicitos juxta dictamen prudentiæ; atque hujusmodi actus non potest esse malus, ut patet; ergo nunquam virtus influat in actum malum. Maj. prob., tum quia per se notum est, Actum virtutis esse prudentem, & qui virtuosè operatur, operari prudenter; tum etiam quia de ratione virtutis est ex D. Thom., & Phil., tenere medium a Prudentia dictatum: Prudentia autem, cum respiciat obiectum, circumstantias, & finem, semper dicat quod est bonum; cum dicat quid hic, & nunc sit faciendum.

Confirm. quia ex communi effato, Tanta est habitus latitudo, quanta est actuum; non enim possunt ad eandem virtutem pertinere actus specie diversi; cum habitus virtutis gignatur ab actibus ejusdem rationis; ergo si non possunt ad eandem virtutem, v. g. Justitiæ, pertinere actus justitiæ, & actus misericordiæ, a fortiori non poterunt pertinere actus boni, & actus mali; cum illi magis opponantur, quam illi.

Resp. Duplex esse distinguendum dictamen Prudentiæ, Alterum universale, & practicum, dictans in genere v. g. restituendum esse rem alienam; Alterum particulare, ultimum, quod dicitur practicum, dictans v. g. restituendam esse hic, & nunc rem hanc tali domino. Habitibus virtutis inclinatur in actus elicitos juxta dictamen prudentiæ universale; & ideo semper inclinatur in actus tendentes in obiectum formale de se bonum, quamvis per accidens inclinare possint in actum ratione circumstantiæ malum. Quod autem habitus virtutis inclinatur in

actus elicitos juxta dictamen prudentiæ universale, non particulare, constat ex dictis, præsertim ex experientia adducta ab Ariana; Nam affectus v. g. orationis, audiendi Confessionibus, &c. inclinatur etiam ad hos actus, quando prohibentur; tum etiam ex eo, quod docet Vasq. r. p. d. 24. c. 2. (quamvis nobis contrarius) quia scilicet habitus inclinatur etiam in actus indeliberatos; qui, cum non sint liberi, non sunt juxta ultimum dictamen rationis, quod non consurgit, nisi præcedat deliberatio, & consideratio omnium circumstantiarum: Hæc habet Vasq. loc. cit.: *Non invenio rationem ad negandum habitum concurrere in actus indeliberatos, cum in subitis motibus, qui sine deliberatione fiunt, usque adeo valeat habitus, ut inde facile discernamus, qualem quisque habitum habeat. Et propterea dicendum, eodem modo concurrere habitum suapte naturæ ad actum bonum, & non bonum.* Hactenus Vasq.

In forma dist. maj. Juxta dictamen Prudentiæ universale, & practicum conc. particulare, & practice practicum, nego maj. & distincta min., nego consequ. Ad probationem maj. dist. antec. actus virtutis debet esse prudens, si procedat ex obiecto formali, non vitio a circumstantia mala, atque adeo sit etiam actus virtuosus, conc., si vitietur a circumstantia mala, unde sit actus virtutis, sed vitiosus, & imprudens, nego. Ad id, quod additur, virtutem debere tenere medium a prudentia dictatum, dist.; dictatum a prudentia secundum dictamen universale, conc.; secundum dictamen particulare, a quo solim actus sit virtuosus, nego.

Ad confirm. Verum est tantam esse latitudinem habitus, quanta est actuum, cum non possit habitus influere nisi in actus respectientes idem formale obiectum: etiam verum est quod non possint actus, qui ratione obiecti formalis inter se differunt, ad eundem habitum pertinere: nihilominus actus bonus, & malus, qui non differunt penes obiectum formale, sed solum ratione alieius circumstantiæ, poterunt ad eundem habitum pertinere: & quamvis moraliter magis differant inter se actus bonus, & malus pertinentes ad eundem habitum, quam duo actus boni pertinentes ad diversos habitus; physice tamen, seu ratione obiecti formalis minus differunt illi duo actus, quam isti: sicut enim in eadem entitate physica actus potest dari duplex species moralis, v. g. in furto sacrilego; ita in duobus actibus, v. g. in duplici restitutione gladii,

dii, quarum altera fiat domino non furioso, altera domino furioso, potest dari convenientia physica ratione objecti formalis, & disconvenientia moralis, quia alter est bonus, alter malus moraliter.

VII. Instabis: Non potest habitus virtutis causari ab actibus malis; ergo neque poterit causare actus malus: consequenter sequitur quia habitus eisdem specie actus causat, a quibus causatur; aliter major esset latitudo habitus, quam actuum. Antec. prob. quia aliter sequeretur 1. quod quis ex exercitio actuum malorum acquirere posset omnes virtutes. 2. quod per exercitium actuum malorum, quibus virtutes acquiruntur, homo fieret melius dispositus ad suum ultimum finem, quam si non peccaret, & virtutes non acquireret. 3. quod si virtus v. gr. iustitiæ posset causare actum malum, qui sit v. g. iustitiæ simul, & inobedientiæ, posset etiam causare actum malum, qui sit iustitiæ simul, & iniustitiæ, reddendo gladium Domino furioso, quando ex iustitia erga innocentem tenetur homo non restituere.

Resp. Neg. antec. si quis enim multipliciter actus iustitiæ ex circumstantia malos, acquireret ex his actibus malis habitum virtutis iustitiæ, quæ posset influere in actus iustitiæ virtuosos, & complete honestos: sic Dux sæpe militans iuxta regulas militiæ ex vanagloria, acquirat virtutem, seu artem militarem: sic magistratus bene Remp. gubernans ob turpe lucrum, acquirat politicam; sic miles fortiter se gerens, quamvis ex fine malo, acquirat fortitudinem; finis enim malus denominat actum malum, sed non impedit quominus acquiratur habitus bonus; etenim habitus acquiruntur per actus secundum quod tendunt in objectum formale, non vero secundum quod tendunt in materiale, aut in circumstantias; unde qui sæpe furatur ob machandum, ex Philosopho non acquirat habitum furandi, sed machiæ.

Hinc tamen non sequitur 1. quod possint acquiri omnes virtutes ab eo, qui nunquam bene operatus est, exercendo semper actus malos. Nam casus hic est moraliter impossibilis, quod quis semper male operetur ex objecto formali bono conjuncto cum circumstantia mala; quamvis enim possit aliquando id contingere, non tamen semper, cum raro accidat, quæ contingunt per accidens. Adde quod qui male operatur, reddendo v. g. gladium furioso, etiam si possit his actibus acquirere habitum iustitiæ, non poterit tamen acquirere habitum prudentiæ pra-

dicæ, cum operetur imprudenter, contra ultimum rationis dictamen; ergo quamvis possint per accidens acquiri reliquæ virtutes per exercitium actuum malorum, non tamen virtus prudentiæ practicæ; unde non possunt omnes omnino virtutes sic per accidens acquiri.

Neg. seq. 2. quod esset melius ad finem ult. dispositus, qui per exercitium actuum malorum virtutes acquisivit, quam qui nunquam male operatus est: Nam sicuti qui habet plurimos habitus virtutis, imo etiam fidem, & spem supernaturalem, si semel peccavit, est minus dispositus ad ultimum finem, ratione peccati, quam si caret tot habitibus bonis, & non peccasset; ita in casu nostro.

Ad ult. seq. 1. concedimus illam conditionem, hoc est nisi sequatur speciale inconvenientiens, a quo examinando possemus præcendere. 2. concedimus illam absolute ex mox dicendis.

ARTICULUS II.

Num possit Virtus ledere se ipsam, influendo in actum sibi in eo oppositum.

VIII. **L**edere virtutem est ponere actum virtuti oppositum, cum virtus per actus virtuosos oppositos remittatur, & ledatur: propterea quando virtus v. g. iustitiæ influit in actum, qui simul sit iustitiæ, & inobedientiæ, tunc virtus iustitiæ dicitur ledere virtutem obedientiæ. Queritur nunc, An possit virtus v. g. iustitiæ influere in actum, qui simul sit iustitiæ, & iniustitiæ, unde virtus ledat se ipsam? huiusmodi actus esset v. g. redditus gladii domino furioso, qui actus, quatenus ponitur ex motivo adrequandi jus domini, est actus iustitiæ, & si simul esset contra jus innocentis, esset actus iniustitiæ. Ne tamen fiat questio, utrum redditio gladii domino furioso sit solum contra charitatem, (ut tenet Mol.) an etiam contra iustitiam? (ut Less. Salon. & alii communiter putantes, quod licet ex charitate duntaxat teneamur impedire mortem innocentis, ex iustitia tamen teneamur non cooperari positive ad illius mortem, atque adeo non reddere gladium furioso) supponamus, quod Depositarius gladii teneatur ex iustitia defendere vitam innocentis, eo modo, quo tenetur in omnium sententia custos, qui accepto stipendio obligatur ex contractu, atque

atque adeo ex iustitia defendere quod sibi datur in custodiam. His explicatis

IX. Dico cum laudatis DD. posse virtutem lædere se ipsam, influendo per accedens in actum vitiosum sibi oppositum: ex. g. potest virtus iustitiæ inclinare in reditionem gladii Domino furioso, quando hic actus est iniustus relate ad Innocentem, eo quod depositarius gladii ex iustitia teneatur defendere vitam innocentis.

Prob. Virtus, A, lædere potest virtutem, B, influendo in actum oppositum virtuti B; ergo potest etiam lædere ipsam virtutem, A, influendo in actum oppositum ipsi virtuti A. Antec. constat ex dictis ar. superiori; potest enim actus iustitiæ v. g. lædere obedientiam, si talis actus sit prohibitus a superiore; conseq. facile prob. Ideo potest virtus A lædere virtutem B, quia potest influere in actum ex motivo virtutis, A, quando opponitur virtuti B, puta si restituatur gladius Domino ex motivo iustitiæ, quando restitutio est contra obedientiam; sed pariter potest virtus, A, puta iustitiæ, influere in actum ex motivo iustitiæ, quando talis actus eidem virtuti iustitiæ opponitur, puta si restituatur gladius domino furioso, quando ex iustitia erga innocentem tenemur illum non restituere; ergo potest virtus, A, lædere se ipsam.

Consim. Possunt simul dari in voluntate duo actus, alter iustitiæ, quo quis vult restituere 10. Petro; alter iniustitiæ, quo quis non vult restituere 100. Paulo, ut ostendimus q. sup. ar. 1. ergo potest idem actus (v. g. eadem restitutio gladii furioso) esse simul actus iustitiæ erga dominum gladii, & iniustitiæ erga innocentem; sed virtus iustitiæ potest in hunc actum influere; ergo potest lædere se ipsam. Ratio a priori est, quia substantia actus v. g. iustitiæ determinatur ab eius objecto formali specificativo; quod sicut potest conjungi cum circumstantia, sub qua talis actus prohibetur ab alia virtute, puta obedientiæ, ita conjungi potest cum circumstantia, sub qua per eandem virtutem iustitiæ prohibetur; ergo sicut virtus iustitiæ potest lædere alias virtutes; ita etiam se ipsam.

X. Quod si quæras, Num virtus iustitiæ intendatur, an remittatur, dum insinuat in actum sibi oppositum, qui simul est iniustus? Resp. idem accidere, quod accidit, si simul dentur in voluntate duo actus, alter iustitiæ erga Petrum, alter iniustitiæ erga Paulum; Universim enim virtus iustitiæ intenditur per actum iusti-

tiæ, & remittitur per actum iniustitiæ; quando autem hi duo actus concurrunt, aut concomitantur, aut identice, tunc si prævaleat prosecutio virtutis, virtus intenditur, si prævaleat prosecutio viti, virtus remittitur, ac lædiur; sicut si eidem passo ex una parte adiungatur ignis, ex altera glacies, passum calefit, si prævaleat ignis, frigitur, si prævaleat glacies; & si neutrum prævaleat, neque frigeat, neque calefit.

XI. Obijc. 1. Impossibile est, quod idem simul ametur, & odio habeatur; ergo impossibile est, quod virtus lædat se ipsam influendo in actum sibi oppositum. Probatur conseq. quia talis actus v. g. iustitiæ amaretur simul, & odio haberetur idem specificativum formale iustitiæ; amaretur quidem, quia vellet v. g. restitutionem gladii domino furioso ex affectu ad eundem ius domini; odio haberetur vero idem movens, quia vellet operari contra ius innocentis; atque adeo saltem virtualiter, & interpretative odio haberetur objectum formale iustitiæ.

Resp. huic, & similibus argumentis constat ex dictis quæst. superiori; ubi ostendimus, posse simul dari actum iustitiæ, & iniustitiæ; in quo casu amaretur objectum formale iustitiæ remisse, seu relate ad unum objectum materiale, & odio haberetur solum objectum materiale B ratione specialis difficultatis; non vero idem objectum formale amaretur, & odio haberetur; quia sicut qui amat Petrum v. g. quia est Christianus, sed amat remisse, potest simul odisse Paulum inimicum, quamvis Christianus; & qui miseretur pauperis A, ob motivum misericordiæ non atqueat in omni sua latitudine, potest simul nolle misereri pauperis B. In forma, nego conseq; ad probationem nego antec. Amaretur quippe specificativum formale iustitiæ solum remisse amore compossibili cum iniustitia erga innocentem.

XII. Obijc. 2. Restitutio gladii non potest esse actus iustitiæ, nisi sit adæquativa iuri alieni, atque adeo nisi præsupponatur in Domino ius ad gladium; sed quando Dominus est furiosus, non habet ius ad gladium; ergo in tali casu restitutio gladii non est actus iustitiæ; atque adeo Virtus iustitiæ non insinuat in talem actum, quo ipsa lædatur Prob. min. si esset in Domino furioso ius ad gladium, deberet dari in fure, aut in Depositario obligatio restituendi gladium; quia iuri activè responderet obligatio, & ius passivum; atque dum dominus est furiosus, non datur obligatio restituendi gladium; quia obligatio ad actum malum est

est obligatio chimerica: ergo in tali casu Dominus non habet jus ad gladium.

Conf. In tali casu Virtus Justitiæ propter Jus Innocentis obligat ad non restituendum gladium; ergo restitutio gladii furioso non potest esse actus justitiæ. Prob. consequ. quia non potest idem actus simul præcipi, & prohiberi ab eadem virtute; sed in casu revera prohibetur a virtute Justitiæ restitutio gladii ob Jus Innocentis; ergo non potest etiam præcipi a Justitia ob Jus Domini: sed si non præcipiatur a Justitia, non est actus justitiæ; ergo restitutio gladii furioso non potest esse actus justitiæ.

Resp. Argumentum probare, quod neque possit virtus justitiæ influere in restitutionem gladii, quando talis restitutio est contra charitatem, obedientiam, &c. quia tunc etiam prohibetur ab his virtutibus. In forma distinct. min. Quando Dominus est furiosus, non habet jus expeditum, & proximum ad gladium, conc. Jus impeditum, & remotum, nego min. & consequ. Ad prob. min. distinct. major. daretur in sure obligatio restituendi remota, & impedita, conc. proxima, & expedita, nego maj. & distincta min. nego consequ. Universim, quando duo præcepta concurrunt, quorum alterum prævalet, & non possumus utrique simul satisfacere, tunc præceptum præstantius obligat proxime, & alterum remote, in quantum cessante hujusmodi impedimento, seu concursu, ita ut obligat: v. gr. si concurrat præceptum audiendi sacrum, & assistendi moribundo; quia hoc prævalet, illud non extinguitur, sed impeditur; sicut nubes impedit, non extinguit vim illuminationis solis; quod ex eo constat, tum quia cessante hoc impedimento statim reviviscit obligatio, tum etiam quia juxta omnes jurisperitos, Jus gladii in circumstantia domini furiosi non devolvitur ad alium furiosum; ergo in furioso remanet jus in gladium, licet impeditum; Eo modo, quo Pupillus est Dominus suorum bonorum; sed habet jus impeditum; juxta illud ad Gal. 4. *Quanto tempore habes parvulus es, nihil differas a servi, cum sis dominus omnium.* Quod etiam conf. a contrario; Nam si exerceret actum injustitiæ adversus Dominum, si gladium frangeret; ergo exercet actum justitiæ erga eundem Dominum, quamvis furiosum, si relinquat gladium, ex motivo adæquandi Jus domini.

Hinc patet quomodo etiam virtus v. g. obedientiæ possit influere in actum, qui simul sit obedientiæ, & inobedientiæ, & idem dicas

de aliis. Nam si superior immediatus præcipiat v. g. auditionem Sacri, quam Pontifex prohibeat, tunc subditus audiendo sacrum ex motivo obediendi superiori immediato, exercet actum obedientiæ erga talem Superiorem, (cujus præceptum obligat solum remote) qui simul esset inobedientiæ erga Pontificem, cujus præceptum obligat proxime.

Ad Conf. nego consequ. ad prob. distinct. maj. Non potest idem actus ab eadem virtute præcipi remote, & prohiberi proxime, nego: præcipi, & prohiberi proxime, conc. maj. & similiter distinctis aliis propositionibus, nego secundum consequ. sicut enim quando restitutio gladii furioso est solum contra charitatem, aut obedientiam, talis actus præcipitur a virtute justitiæ remote, & prohibetur proxime a charitate, vel obedientia; ita quando hujusmodi restitutio est contra jus innocentis, ab eadem virtute justitiæ præcipitur remote propter jus domini, & prohibetur proxime propter jus innocentis; unde talis actus est justitiæ simul, & injustitiæ, atque adeo est ex objecto formali bonus, & simpliciter malus.

XIII. Obijc. ult. Impossibile est, quod restitutio gladii furioso sit actus justitiæ erga Dominum, si non restituendo gladium non exercetur actus injustitiæ: atqui si non restituatur gladius furioso, non exercetur actus injustitiæ; ergo si restituatur, non ponitur actus justitiæ min. patet. Nam nolens restituere gladium furioso non exercet actum malum; ergo non ponit actum injustitiæ, qui essentialiter est malus. maj. prob. quia inter æquale, & non æquale non datur medium; ergo si restitutio gladii est adæquativa juris domini, atque adeo actus justitiæ, non restitutio debet esse inadæquativa, & consequenter actus injustitiæ.

Resp. Hoc etiam argumentum probare nimis, videlicet quod nec sit actus justitiæ restitutio gladii furioso, quando hic actus solum est contra charitatem, aut obedientiam; quia nec tunc exercetur actus injustitiæ, & malus, si non restituatur gladius. Quare nego majorem: universim enim non est verum, quod quoties aliquis actus est justitiæ, & debitus, ejus omissio sit actus injustitiæ, & indebita; nam anticipata v. g. solutio est actus justitiæ (quamvis mixtus cum aliqua liberalitate quoad modum) & tamen ejus omissio non est actus injustitiæ; quare in moralibus inter æquale, & inæquale positive dari potest medium, nempe inæquale negative, seu non æqua-

æquale, nec iustum, licet non sit injustum. Ratio a priori est: Quia ad exercendum actum iniustitiae, atque adeo malum requiritur, quod jus creditoris obliget proxime, & in actu secundo, contra vero, ut exerceatur actus iustitiae sufficit quod Jus creditoris obliget remote, & in actu primo; Nam jus, quod non obligat proxime, est verum jus, quod respicitur a iustitia; sicut ignis, qui non potest proxime comburere, vere habet vim combustivam; unde actus iustitiae exerceri potest etiam erga jus impeditum: contra vero ut exerceatur actus iniustitiae, requiritur quod jus sit expeditum, & obligans in actu secundo, cum non detur iniustitia, nec ullus actus malus, qui non sit contra præceptum obligans in actu secundo.

Hinc sequitur, ut notat Suar., quod per virtutem Epikiae, seu per benignam legis interpretationem possit aliquando obligatio iustitiae impediri; adeo ut, si quis nolit uti epikia, exerceat actum iustitiae; si vero velit uti epikia, non exerceat actum iniustitiae. c. g. si vir nobilis ære alieno gravatus ex Epikia differat solutionem, ne cadat in egestatem proprio statu indignam, quando creditor non est in eadem egestate, certe non operatur contra iustitiam, eo quod jus creditoris sit impeditum: Quamvis, si velit in huiusmodi egestate incidere, ad quod non tenetur, & restituat, certe actum iustitiae exercebit, ponendo ætuationem juris creditoris.

XIV. Quæritur hic, Num virtus sit essentialiter virtus, an accidentaliter, adeo ut virtus possit transire in vitium, & e contra.

Dicendum cum Suar. Vasq. Arriag. t. 3. d. 33. & communiter contra Scotum in 1. dist. 17. q. 2., Virtutem esse essentialiter virtutem, nec posse in vitium transire, aut e contra.

Prob. Virtus specificatur ab objecto secundum se honesto, & vitium ab objecto inhonesto; non secus ac homo v. g. reponitur in specie hominis a rationalitate, & equus ab hinnibilitate; & sicut potentia visiva specificatur a colorato, & auditiva a sonoro: ergo sicut homo essentialiter est in specie hominis, nec potest transire in equum, & visiva est essentialiter visiva, nec potest in auditivam transire, ita virtus est essentialiter virtus, specificata ab honesto, nec potest in vitium transire. Quod conf. tum paritate actuum bonorum, qui non possunt transire in malos, tum paritate virtutum intellectualium, & intellectualium, quæ in o-

mnium sententia sunt essentialiter virtutes.

XV. Dices 1. Potest virtus etiam in actum vitiosum per accidens influere; ergo potest in vitium transire, atque adeo non est essentialiter virtus.

Resp. nego consequ. Virtus enim non specificatur ab objecto complete honesto, sed ab objecto honesto secundum se, & præciso a circumstantiis; quando autem in actum malum influat, tunc etiam respicit objectum secundum se honestum; unde non potest transire in vitium, quod respicit objectum inhonestum.

Dices 2. Ex Scot. loc. cit. Potest idem habitus esse successive vitiosus, & virtuosus; ergo &c. Ant. prob. experientia: Nam habitus v. g. intemperantiae acquisitus ex frequentatis actibus intemperantiae, comedendo v. g. quotidie tres libras cibi, quæ excedunt medium rationis, inclinatur deinde ad actus intemperantiae, quando tanta cibi quantitas non est excedens, nec difformis rationi, sicuti ex Philo. 2. Eth. 8. Prodigalitas inclinatur ad actus liberalitatis.

Conf. Possunt dari actus morales indifferentes, ut sunt v. g. ambulare per pomarium, &c. ergo etiam habitus indifferentes, qui possunt de virtute in vitium transire.

Resp. nego antec. Ad experientiam dico, Habitum vitiosum intemperantiae, & prodigalitatis non influere nisi in actus substantiales motivo formali inhonesto: venum quidem est, quod in casu adducto reddant voluntatem promptiorem ad actus intemperantiae, vel liberalitatis, non quia iniis repugnant suum specificatum, sed quia ut notat Philosophus loc. cit. propter similitudinem ex parte materiae inter actus vitiosos, & virtuosos facilius tam animus, quam corpus disponuntur ad actus virtutis.

Ad Conf. Actus morales indifferentes non possunt transire in bonos, & juxta nostram sententiam, nec in malos; quia specificantur a suo objecto de se indifferenti; ergo nec habitus causati ab actibus indifferentibus possunt in bonos, aut malos transire; unde argumentum retorquetur.

QUÆSTIO V.

An, & quomodo possit Actus unus virtutis imperare Actum Alterius.

I. Proprium est voluntatis imperare ut quod tum actus suos, tum actus aliarum potentiarum sibi subditarum; cum

cum sola voluntas sit Domina; virtuti autem solum convenit imperare, ut quo; quatenus voluntas prout affecta virtute determinatur ad imperandum actus virtutis. Verum, ut notat Rip. disp. 65. ad hoc ut actus unius virtutis imperet actum alterius, non sufficit, quod sit causa illius: si enim hoc sufficeret, pramissa dicerentur imperare conclusionem, eo quod illam causent; sed ulterius requiritur, quod actus imperans ex fine intento causet actum imperatum ut conducentem ad talem finem; v. g. ut actus charitatis imperet actum iustitiæ, debet ex fine intento a charitate, qui est placere Deo summe bono, exercere causalitatem in actum iustitiæ, qui conducit ad eum finem a charitate intentum; nisi enim sic conduceret, non diceretur deservire actui imperanti; & sic non haberet rationem subditi, cui aliquid demandari possit. Hoc posito, Queritur An actus virtutis superioris, v. g. charitatis, imperare possit actum inferioris, puta iustitiæ, & e contra?

II. Dico 1. Potest Actus unius virtutis, saltem superioris, imperare actum alterius; v. g. actus charitatis imperare potest actum iustitiæ. Ita communiter ap. Rip. loc. cit. contra Vasq. 1. 2. d. 51.

Prob. 1. Ex Scr. 1. Cor. 13. dicitur; *Charitas omnia suffert, omnia credit, omnia sperat* &c. imperando scilicet huiusmodi actus: Sæpe etiam monemur, ne actus virtutum eliciamus ob malum finem; unde eruitur, quod elici possint in bonum finem; & sic imperari ab illa virtute, in cuius finem ordinantur.

Prob. 2. ratione: unam virtutem imperare actum alterius, est voluntatem ex desiderio obtinendi finem unius virtutis moveri ad eliciendum actum alterius; sed potest voluntas ex desiderio obtinendi finem v. g. charitatis, qui est placere Deo summe dilecto, moveri, ac determinare se ad ponendum actum iustitiæ, vel religionis, ordinando hos actus ad finem intentum a charitate; ergo potest una virtus, saltem superior, imperare actus alterius.

III. Hinc seq. contra Vasq. apud Rip. n. 15. Actum virtutis nobilioris non solum posse imperare actus externos virtutis inferioris, sed etiam internos; cum etiam interni dirigi possint ad finem intentum a virtute imperante. Ubi advertit, Actus externos virtutis inferioris imperari posse a virtute superiori, non solum mediate, (hoc est imperando directe actum internum, ad quem sequatur

externus) sed etiam immediate, ut communiter doceat contra Cajet. & Sotum. Ratio est, quia etiam operatio externa, v. g. iustitiæ, fortitudinis, &c. nempe restitutio debiti, manyrium, &c. apprehendi potest ut placeat Deo summe dilecto; ergo immediate imperari potest a virtute charitatis; prob. consequ. quia operatio externa, v. g. restitutio debiti, tam est intravires voluntatis adjuncta a virtute iustitiæ, quam intra vires voluntatis adjuncta a virtute charitatis; ergo si potest immediate imperari a virtute iustitiæ, potest etiam immediate a virtute charitatis; Quod ex eo conf. quia huiusmodi operationes externæ aliquando ponuntur ex motivo superbie, luxuriz, &c. ergo si possunt imperari immediate a virtute, a fortiori a charitate.

Seq. 2. contra Conink disp. 3. n. 127. Actum internum imperatum sumere suam moralitatem, & bonitatem etiam ab acta imperante; sicut enim si imperetur actus Religionis v. g. a Vanagloria, erit intrinsece bonus, (dummodo sit formaliter liber) & extrinsece malus, ut diximus anno superiori disp. 3. qu. 2. ar. 2. ita si imperetur a virtute charitatis, habebit intrinsece bonitatem, & meritum proprium actus Religionis, extrinsece vero bonitatem, & meritum actus charitatis.

Seq. 3. contra Suar. l. 12. de Gratia c. p. apud eundem Ripal. disp. 65. posse virtutem superiorem, v. g. charitatem, imperare actum inferioris omnino determinatum quoad tempus, circumstantias, &c. Ratio est, quia potest Actus virtutis inferioris omnino determinatus & circumstantionatus apprehendi ut placeat Deo summe dilecto, & voluntas ex desiderio obtinendi talem finem potest moveri ad eum actum ponendum; ergo potest huiusmodi actus sic determinatus imperari a charitate; Neque obstat quod cum possit voluntas se ipsam determinare ad actum, v. g. Religionis, frustra determinaretur ad talem actum ab actu charitatis imperante; Nam huiusmodi imperium deserviret, tum ut actus Religionis referatur in finem charitatis, & habeat extrinsecam bonitatem, & moralitatem a charitate imperante; tum ut voluntas suam exerceat libertatem in amore reflexo Religionis, ita ut per actum charitatis exprimat affectum suum erga objectum Religionis.

IV. Dico 2. Potest etiam actus virtutis inferioris, puta Pœnitentiæ, imperare actum superioris, puta charitatis. Ita Rip. loc. cit.

Co-

Coninck disp. 27. Val. contra Cajet. Bannez, Elparz.

Prob. eadem rationatione: Actum unius virtutis imperare actum alterius est voluntatem ex desiderio obtinendi finem unius virtutis moveri ad eliciendum actum alterius; sed potest voluntas ex desiderio obtinendi finem virtutis inferioris, puta penitentiae v. g. pacem cum Deo, moveri ad eliciendum actum charitatis; ergo potest actus virtutis inferioris imperare actum superioris. Prob. min. quia potest hic & nunc proponi necessarius actus charitatis ad obtinendam pacem, seu reconciliationem cum Deo, quam intendit penitentia; ergo potest voluntas ex desiderio obtinendi finem penitentiae moveri ad eliciendum actum charitatis: Eodem modo potest proponi ut medium necessarium ad castitatem tuendam actus religionis, puta oratio, votum &c. & sic a virtute castitatis imperari potest actus Religionis. Ratio a priori est, quia cum actus virtutis superioris sint intra vires voluntatis, quae imperat ut quod non obstat, quominus voluntas ex objecto formali virtutis inferioris moveatur ad eliciendum actum superioris; quia virtus tantum imperat ut quo: sicut quia calor causat ignem ut quo, & instrumenta, non obstat quominus causare possit substantiam ignis.

Conf. ex Rip. Propositum, non peccandi de cetero ex motivo gehennae pertinet ad virtutem penitentiae; atqui vi huius propositi potest imperari actus charitatis, si hic & nunc repraesentetur praecipit; quomodo enim stare possit per opusculum efficax non peccandi, nisi ponatur quod hic & nunc praecipitur? ergo potest actus penitentiae imperare actum charitatis.

V. Obijc. 1. contra 1. Conclusionem. Si possit actus unius virtutis imperari ab actu alterius, possit etiam actus charitatis imperari ab actu malo, puta ab actu inanis gloriae, si scilicet ex desiderio obtinendi gloriam humanam moveatur voluntas ad eliciendum actum charitatis, vel ad stipem erogandam &c. sequela videtur absurda; ergo & id, nude sequitur.

Resp. 1. conc. sequelam; diximus enim in De Fide cum Martino Perez disp. 4. sect. 4. & aliis, posse actum superiorem imperari ab actu malo, v. g. Atritionem requisitam ad sacramentum penitentiae imperari posse ab actu vanae gloriae, & sic Atritionem esse intrinsece bonam, & meritoriam, extrinsece vero malam, & demeritoriam. Deinde transmissio, quod hoc repugnet ex specia-

li perfectione actus supernaturalis, aut actus charitatis, non sequitur quod actus unius virtutis non possit imperare actum alterius, ubi non intervenit ea specialis repugnancia.

VI. Obijc. 2. contra secundam Conclusionem, quae est magis controversa: Imperare est proprium superioris; ergo quamvis possit actus virtutis superioris imperare actum inferioris; non tamen vice versa.

Conf. 1. quia si possit actus virtutis inferioris imperare actum superioris, quilibet virtus posset imperare actus omnium virtutum; atqui hoc est proprium charitatis, quae est virtus suprema, non vero aliarum virtutum; ergo &c.

Conf. 2. quia est rationi dissonum, quod finis praestantior ordinetur ad ignobiliorem, & quod Deus, qui est finis charitatis, ordinetur ad fines creatos, quae sunt objecta virtutum moralium; ergo non potest actus charitatis imperari ab actibus virtutum inferiorum.

Resp. Esse proprium superioris imperare ut quod, & propria autoritate, non vero imperare ut quo, & potestate alterius, ut convenit actui virtutis inferioris, quippe qui imperat actum charitatis potestate voluntatis subimet illum imperantis, prout muniz actus virtutis inferioris. Praeterea solum imperium jurisdictionis est proprium superioris, non vero imperium executionis, quod solum convenit actibus virtutum inferiorum.

Ad 1. Conf. Excellentia charitatis non consistit in hoc, quod solum ipsa possit imperare actus aliarum virtutum; sed in hoc, quod ipsa suo imperio tendat in finem omnibus praestantiorum.

Ad 2. est dissonum rationi, quod finis nobilior ad ignobiliorem dirigatur tamquam ad finem ultimum, non tamquam ad intermedium: Incarnatio enim licet praestantior sit salute hominum, potuit ad hanc dirigi, sed ultimatate ad Dei gloriam. Adde quod non Deus, sed actus charitatis tendens in Deum dirigatur in casu nostro ad fines creatos, seu ad honestates proprias aliarum virtutum, ad quas summopere conducit.

VII. Obijc. ult. Ut possit virtus inferior imperare actum superioris, debet et inferior superare difficultates proprias virtutis superioris; sed hoc est impossibile; ergo ut supra: prob. min. quia difficultates proprias virtutis superioris sunt majores, cum major sit difficultas ad acquirendam virtutem

nobiliorem; ergo non possunt superari a virtute inferiori.

Conf. Si posset virtus inferior superare difficultates proprias superioris, posset quilibet virtus superare difficultates proprias omnium virtutum; quod pariter est inconueniens.

Resp. quod sicut voluntas ex motivo turpi, seu ex passione superare potest difficultates, quas experitur in operationibus maxime virtuosis, v. g. in operationibus fortitudinis, temperantiae &c. ita a fortiori poterit id prestare voluntas ex motivo virtutis inferioris; & ratio est, quia difficultates, quae reperiuntur in exercitio virtutum, non superantur a virtute ut quod, sed ut quo; cum voluntas sit, quae illas superat; & quamvis facilius voluntas vincat difficultates proprias virtutis superioris, si sit munita eadem virtute superiori, & ex motivo illius operetur, quam si sit munita virtute inferiori; poterit tamen voluntas (quamvis cum maiori conatu illas superare, munita virtute inferiori, & operando ex huius motivo. In forma, nego min. ad prob. concessio ant. dist. conseq. non possunt superari cum eodem conatu voluntatis a virtute inferiori, transmittito, cum maiori conatu, nego conseq.

Ad Conf. conq. quod voluntas ex motivo cuiusvis virtutis superare possit difficultates proprias omnium virtutum; sicut potest illas superare ex motivo turpi, puta vaneglorie. Dico tamen quod maiorem conatum exhibere debeat voluntas, ubi reperitur gravior difficultas.

Q U A E S T I O V I

De Virtutibus Cardinalibus, de Beatitudinibus, & de fructibus Spiritus Sancti.

I. Q Uærendum in calce Disp. quænam sint virtutes Cardinales, & Cardinalibus annexæ, & utrum Beatitudines, & Fructus Spiritus Sancti sint habitus, an actus virtuosus.

Paucis dico cum D. Th. 1. 2. q. 61. Quatuor esse virtutes Cardinales, Prudentiam, Fortitudinem, Iustitiam, Temperantiam, quibus reliquæ virtutes morales subneuntur, ut videre est apud Tann. tom. 2. d. 3. q. 4. Prudentia definitur a Philosopho, 6.

Eth. 5. *Habitus cum ratione vera affinis circa ea, quæ bona, vel mala sunt homini.* & brevius communiter definitur, *Regula ratio agendorum, seu virtus intellectualis directiva morum.* Propterea est in consensu virtutum intellectualium, & moralium, & inter intellectuales recensetur, quia formaliter pertinet ad intellectum; recensetur etiam inter morales; quia ad rectos mores dirigit; & ideo reductivè pertinet ad voluntatem. Differt Prudentia a Synteresi, quia hæc versatur circa actiones universales honesti, vel inhonesti: puta quod sint colendi parentes; Prudentia vero circa actiones particulares; v. g. quod hic parens hic & nunc sit colendus. Tres sunt partes subiectivæ, seu species prudentiæ. Prima est monastica, dicta per antonomasiam Prudentia, quæ ordinatur ad bonum unius personæ, nempe ad bonum proprium. Secunda est oeconomicæ, quæ ordinatur ad bonum familiaris. tertia Politicæ, quæ respicit bonum civitatis, vel Regni: Prudentia infusa solum est in Iustis, cum sit proprietas Gratiæ; Prudentia vero acquisita potest esse etiam in peccatoribus, qui possunt iuxta dictamen Prudentiæ cognoscere, & probare meliora, ac sequi deteriora. Actus prudentiæ præcipuus est Præcipere; hunc duo alii solent antecedere, videlicet Consultatio recta, quæ dicitur Eubulia, & Judicium, quod si iuxta leges communes, dicitur Synesis; si vero iuxta æquitatem, & veluti ex Epikia, dicitur Gnome. Hinc actus inclinantes ad rectam Consultationem, & ad hæc iudicia dicuntur a Philosopho actus Eubuliz, Synesis, & Gnomes, quæ ex D. Tho. q. 51. a. 6. contra Tanner. & Valq. non sunt partes subiectivæ, seu species Prudentiæ, sed sunt partes potestativæ, seu potentiales; hoc est sunt virtutes habentes analogiam cum Prudentia.

Denique vitia Prudentiæ opposita sunt, Præcipitatio, seu temeritas, quæ proprie opponitur Eubuliz; Inconsideratio, quæ opponitur Synesi; & Gnomæ; & Inconstancia, ac negligentia, quæ proprie opponuntur principali actui Prudentiæ, qui est imperare. Opponuntur etiam Prudentiæ per excessum Vitia, quæ speciem Prudentiæ præferunt, ut Prudentia Carnis, quæ quis bona Carnis habet tamquam ultimum finem, Astutia, Dolus, Fraus.

II. Fortitudo ex Tullio definitur, *Conseverata periculorum susceptio, & laborum perpassio*: mediat ex Philosopho inter Timorem, & Audaciam; quia fortis debet & timo-

timorem vincere, & moderate aggredi difficilia: habet annexas, & quasi partes potentiales tum virtutem Magnanimitatis, cui opponitur Præsumptio, Ambitio, Inanis gloria; tum virtutem Magnificentiz, Patientiz, & Perseverantiz.

Circa Justitiam, quæ definitur, *Consensus, & perpetua voluntas iudicandi cuicunque suum, dicemus esse partes Justitiæ subjectivas, Commutativam, Distributivam, Vindicativam, & Legalem: esse vero partes potestativas, analogiam dicentes cum Justitia Religionem erga Deum, Pietatem erga Parentes, Obsequiantiam erga majores, Fidelitatem, Veracitatem, Gracitudinem, Liberalitatem, Amicitiam, seu affabilitatem, quæ sunt virtutes ad alterum.*

Temperantia ex D. Th. est *Virtus restraints appetitum sensitivum ab iis quæ maxime alliciunt hominem, ut sunt delectabilia secundum tactum, & gustum. Partes subjectivæ temperantiz sunt, Abstinencia, Sobrietas, Castitas, Pudicitia; Partes vero potestivæ, Continentia, Clementia, Modestia.*

III. Præter has virtutes morales dantur dona Spiritus Sancti, de quibus diximus questione 1.; Dantur etiam octo Beatitudines, recensitæ Matth. 12.; necnon duodecim fructus Spiritus Sancti enumerati ab Apost. ad Gal. 5. Beatitudines ex D. Th. 1.2. q. 69. distinguuntur a virtutibus moralibus; nec sunt habitus heroici virtutum, ut docuit Scotus, & Okam apud Tanner. sed sunt ipsi actus præcipui virtutum insusurati, quibus in hac vita beamur, quatenus per illos speramus beatitudinem; cum spes, ex Philone, sit *Gaudium ante gaudium*; Fructus vero Spiritus Sancti, ex eodem Angelico, non sunt habitus permanentes, ut nonnulli apud Argent. docuerunt; sed sunt etiam præcipui actus donorum Spiritus Sancti, qui insunt fructuum ex semine Gratiæ productorum celestem parant in anima delectationem. Circa numerum, & ordinem Beatitudinum, & fructuum, consuletur D. Th. & Tanner.

Equidem dico enumerari solum præcipuos actus constituentes Beatitudines, ac fructus, non vero omnes; sicut in Decalogo recensentur solum præcipua, & facilius occurrunt peccata, quæ naturæ adversantur; unde sicut Præcepta Decalogi poterant alio numero concludi, quam denario; ita Beatitudines, ac Spiritus Sancti fructus; & de facto Lucæ 6. nonnisi quatuor beatitudines enumerantur.

Rati. P.

DISPUTATIO II.

De Jure & Dominio.

Quoniam Justitiæ objectum est *Jus*, ideo antequam de Justitia agamus, inquirendum, quid sit Jus, & Dominium? Quænam sint ejus species? Num possit in rebus unico usu consumpibilibus separari usus facti a Dominio? Num in instanti donationis Dominium sit in Donante, an in Donatario? An possit dari Dominium in solidum ejusdem rei penes plures? & alia hujusmodi.

QUÆSTIO I.

De Jure, & Speciebus Juris.

Jus aliquando sumitur in lata significatione pro lege, quæ est Regula operationis justæ, seu operationis commensurate voluntati legislatoris. In hoc sensu dividitur in Jus naturale, Jus Gentium, Jus positivum; quod subdividitur in Divinum, & Humanum, in Canonicum, & Civile. Aliquando Jus sumitur passive pro Justo, seu operatione justa, & commensurata juri alterius strictè dicto; & in hoc sensu, ut dicemus disp. sequenti, Jus est objectum materiale Justitiæ; nam qui ponit actionem ex motivo formali Justitiæ, v. g. qui restituit, ponit operationem justam alteri debitam. Denique Jus active sumptum, & pressè dictum significat facultatem moralem disponendi de re aliqua ad libitum; ita ut violatio talis potestatis sit injuriā trahens onus restitutionis. Hinc justus in lata acceptatione dicitur quicumque legitime se conformat; justus vero strictè dicitur, qui ponit operationes commensuratas juri stricto alterius. De hoc Jure quærimus quomodo definitur, & quænam sint ejus species.

ARTICULUS I.

Quomodo Jus definiiri possit?

Errū est, Jus strictè dictum fundari in lege favente uni, & gravante reliquos in usu rerum, & bonorum; dum adducens

C

hæc

hæc uni, v. g. Titio, permittit huic eorum usum, & simul prohibet alijs, ne istidem rebus utantur, invito Titio, & ne Titio eorum usum impediunt. Multiplex autem datur bonorum genus, erga quæ potest jus iustitiæ dari; alia enim sunt bona intrinseca, ut vitæ, membra, sapientia, pulchritudo; alia extrinseca, ut fama, honor; alia dicuntur bona fortunæ, ut divitiæ, domus, ager. Respectu bonorum intrinsecorum, & extrinsecorum fundamentum Juris est lex naturalis; Natura enim, quæ constituit hominem liberum, ac sui Juris, dedit unicuique ad ea omnia Jus; unde citra injuriam iis privari nemo potest. Circa bona vero fortunæ fundamentum Juris est lex illa humana, quæ dicitur Jus gentium, & ab August. 3. Conf. 8. vocatur Pactum societatis humanæ, fundaturque in lege naturali; consentaneum enim est naturæ humanæ ex D. Th. hic qu. 66. a. 2. quod bona isthæc post Adæ peccatum non sint communia, ut sic unicuique sollicite in commodum proprium operetur, ut possit liberalitas, gratitudo, misericordia exerceri, & ne dentur Jurgia, Confusio, &c. Quod si Adam non peccasset, bona isthæc fuissent communia in statu iustitiæ originalis; quia tunc nemo labore indiguisset ad vescendum; jurgia, & contentiones abfuissent, & motiva omnia divisionis rerum cessassent. His positis

Definit Card. Lugo Jus iustitiæ, quod sit Prælatio moralis, quæ hic homo præfertur moraliter aliis in usu alicujus rei, propter peculiarem connexionem, quam cum illa habet; v. g. Venator habet prælationem moralem relate ad usum Feræ, propter connexionem, quam cum illa habet ratione capturæ; quod si illam donaretur, transfertur ea connexio, & prælatio in donatarium. Quidquid sit de hac Juris definitione, quam fuisse discutit Esp. qu. 2.

II. Dico equidem, optime communiter definiti Jus, quod sit *Legitima potestas percipiendi ad libitum commodum ex usu alicujus rei*.

Concl. patet explicatione. Dicitur Potestas legitima, hoc est lege firmata, cum nulum detur Jus sine lege favente uni, & gravante reliquos; & potestas, quæ non est lege munita, & juridica, est vis Tyrannica. Per hoc autem prædicatur genericum convenit Jus iustitiæ cum jure jurisdictionis, quod respicitur a virtute obedientiæ; Discrepant tamen hæc jura, quod Jus jurisdictionis sit potestas ordinata in bonum subditorum; &

ideo lex superioris, si non sit utilis Reip., non obligat; Jus vero iustitiæ, seu proprietatis ordinatur in bonum proprium; & ideo definitur, *Legitima potestas percipiendi commodum, seu utilitatem ad libitum ex usu rei*; Ut autem percipi possit ad libitum, facultas hæc debet esse tam ad utendum, quam ad non utendum re propria; Imo facultas ista etiam se extendit ad prohibendum alijs, ne malis artibus impediunt acquisitionem rei nondum propriæ, puta hæreditatis, beneficii, Elemosynæ, &c.

Est etiam optima definitio Juris, quam tradunt alij apud Platel. dicendo quod sit *Legitima potestas ad rem aliquam obtinendam, vel ad aliquam functionem, aut quasi functionem, cujus violatio constituit injuriam*. Dicitur Potestas legitima, hoc est concessa a lege; unde excluditur potestas ad malum; dicitur ad obtinendam rem aliquam, puta rem emptam, dicitur vel ad aliquam functionem, puta ad usum rei: aut ad quasi functionem, puta ad alicujus rei possessionem; dicitur demum, cujus violatio constituit injuriam, explicando jus per injuriam, ut conueniam non per ipsumus, sed aliunde, nempe per inductionem, & exempla; vel a posteriori, quia post se relinquit obligationem restituendi: unde non habetur petitio principii.

Brevius definitur Jus, *moralis potestas disponendi de Re ad libitum*. In quo sensu Deus habet plenissimum Jus proprietatis erga Creaturas; quia licet non possit ab iis utilitatem reportare, potest tamen ad libitum de iis disponere; ita ut quatenus disponendo de creaturis, intendit bonum ipsarum, dicatur de iis disponere ex jure jurisdictionis: quatenus vero intendit commodum, seu exercitium suæ libertatis, dicatur disponere de illis ex jure proprietatis.

III. Objic. 1. Si Dominus Equi concedat Titio facultatem equitandi, Titius habet facultatem legitimam ad talem usum Equi; & tamen nec habet jus ad Equum, nec jus ad Equitandum, sicut habet, qui Equum conduxit; ergo Jus non est legitima potestas.

Resp. quod habens legitimam potestatem Equitandi revocabilem ad nutum non habeat jus ad equitandum, adeo ut non possit a tali usu impediri a Domino Equi; habet tamen Jus, ne ab alijs a tali usu impediatur; adeo ut ipsi, & domino Equi irrogetur injuria, si impediatur Equitatio; quia tamen nomine Juris simpliciter dicti venit facultas legitima utendi re nomine proprio, & irrevocabilis; ideo habens facultatem equi-

tandi non dicitur habere jus ad talem usum: sicut conviva habens legitimam facultatem comedendi non dicitur habere jus ad comedendum: & servus, qui jussus a Domino comburit ligna, habet facultatem legitimam comburendi sine jure ad comburendum.

IV. Obje. 2. Si Jus esset facultas legitima, non posset dari jus adversus legem; sed datur Jus contra legem; ergo Jus non est potestas legitima. Major patet, quia Jus adversus legem esset facultas legitima simul, & illegitima: esset legitima, quia hoc spectat ad essentiam juris; esset illegitima, quia contra legem. Min. prob. Nam v. g. Dominus gallinæ habet jus comedendi illam die Veneris, quando talis usus est contra legem prohibentem. Pariter Sortes post contracta sponsalia cum Berta, habet jus contrahendi valide matrimonium cum Teresia; quod tamen est illicitum, & contra legem naturalem; ergo daturus contra legem.

Confirm. Dominus gallinæ vel habet jus comedendi illam die veneris, vel non habet; si habet; ergo habet legitimam facultatem ad actum peccaminosum, quod repugnat; si non habet; ergo Jus non est facultas legitima utendi re ad libitum.

Resp. Distinguendas esse hac in re tres leges. Prima est lex constitutiva juris, seu domini, quæ scilicet addicit rem Titio, & ea utatur ad libitum; atque adeo favens Titio, & gravans reliquos. Secunda est lex annullativa usus rei propriæ; ut est lex annullativa contractus Pupillorum, sine auctoritate Tutoris; quamvis Pupilli sint Domini. Tertia est lex prohibens usum aliquem rei, quamvis illum non annullat, puta si contractus Pupillorum solum prohibeatur, non impeditur. Quod datur hujusmodi tres leges diversæ, patet in contractu matrimoniali; Nam ratione primæ legis constitutivæ Juris, datur in conjugibus mutua potestas legitima in corpus alterius; ratione secundæ legis, est irritum matrimonium cum secunda uxore, vivente prima; ratione tertie prohibetur, non annullatur certis diebus contractus matrimonialis, puta tempore Adventus. His explicatis, dist. maj. Non posset dari Jus contra primam legem constitutivam Juris, & appropriantem rem alii, contra. aut 3. legem vel annullantem, vel prohibentem usum rei propriæ, neg. maj. & dist. min., neg. conseq. Dominus gallinæ habet Jus ad usum illius contra legem prohibentem; sicut qui contraxit sponsalia cum prima uxore, habet Jus contrahendi valide matrimonium cum secunda, sed illicite,

quia pariter contra legem prohibentem: Et viceversa Hæreticus v. g. qui in poenam hæresis spoliatur bonis acquisitis, (ut habetur Cap. *Discretis*, de hæreticis, in 6.) non habet Jus erga talia bona, quia non datur legitima potestas adversus legem constitutivam, aut destrucitivam domini.

Ad confirm. Dominus gallinæ habet quidem facultatem utendi ea ad libitum; ad usum tamen illicitum habet facultatem impositam a lege prohibente, ut dicemus ar. 3. unde si comedat illam die veneris, peccat solum contra legem prohibentem talem usum, non vero contra legem appropriantem sibi gallinam: sicut enim si Titius obtineat dispensationem comedendi carnes die veneris, comedendo gallinam Cati, solum peccat contra legem appropriantem gallinam Cajo, non vero contra legem Ecclesiasticam prohibentem esum carnis eo die: ita vice versa, qui non obtenta dispensatione comedit die veneris gallinam suam, peccat contra legem Ecclesiasticam, non contra legem appropriantem sibi gallinam. Hinc juxta doctrinam probabillem Sanch. lib. 2. disp. 62. Dispensatus ad contrahendum matrimonium cum consanguinea, si ante contractum matrimonium illam cognoscat, non committit incestum, committit tamen peccatum fornicationis; quia dispensatio non reddit licitum usum conjugalem antequam matrimonium contrahatur; Sic etiam qui post vota simplicia in nostra Societate sine facultate Superioris alienaret bona, quorum retinet dominium, non alienaret invalide, seu contra legem appropriantem sibi ea bona, sed illicite; quia contra votum paupertatis: Quidquid sit, An talis alienatio, quamvis non sit irrita, sit tamen irritabilis a Superiore, ut putat Suar. tom. 4. de Rel. tr. 20. l. 4. c. 4. contra Less. & Mol.

V. Obje. 3. Datur obligatio honorandi majores natu ex urbanitate, & gratias agendi pro beneficiis acceptis; ergo in majoribus natu, & benefactoribus datur Jus, seu legitima potestas ad talem honorem, & gratiarum actionem exigendam; sed tale Jus non est Jus justitiæ; ergo male definitur Jus justitiæ.

Resp. In majoribus natu, & benefactoribus non datur Jus justitiæ, ordinatum scilicet in commodum proprium; cum læso talis juris ad exigendum honorem, & gratiarum actionem non sit injuria strictè dicta obligans in conscientia ad reparandum Jus læsum; datur solum in iis Jus Antidota-
le, seu Morale, non vero Jus justitiæ.

seu legale; Cum solum ex vi recte rationis, & juris naturæ debeat talis honor, & grauium actio; bene autem intelligi potest, quod aliquid debeat jure naturæ, seu ex dictamine rationis dictantur v. g. majores esse honorandos; non vero ex jure iustitiæ; Sic titulo pietatis debemus parentibus observantiam, quin parentes habeant jus iustitiæ ad hos actus pietatis.

Ut autem intelligatur, quid debeat juri iustitiæ, quid vero ratione juris naturæ, Adverte, quod quæ ex jure stricto debentur, ita debentur, ut si creditor cedat tali juri, cesset omne debitum; Unde qui debet centum, obtenta condonatione, nihil amplius debet: Contra vero quæ debentur ex jure naturæ, seu dictamine rationis, adhuc debentur, imo debentur magis, quamvis alter cedat juri suo: Sic magis debemus esse grati erga benefactores, magis pii erga parentes, si ipsi nihil exigant. Ipsa etiam obligatio ex fidelitate non oritur ex jure stricto, quod sit in Promissario; quia jus strictum unice spectat commodum habentis illud; nec potest aliunde cessare obligatio ex iustitia, nisi per condonationem creditoris: Contra vero jus promissarii non spectat unice commodum ipsius promissarii, sed spectat illud dependenter ab aliquo commodo promittentis; quatenus promittens non obligatur ad standum promissis, si res promissa comprehendatur ardua, si Persona improba &c. Unde fit, quod licet promittens obligaretur sub gravi ex fidelitate ad standum promissis, (quod controuertitur apud Moralistas) major tamen quantitas requiritur ad peccandum mortaliter contra obligationem ex fidelitate, quam ex iustitia, ut notant Doctores apud Lessi. Peccatur enim graviter contra iustitiam v. g. si quantitas restituenda ascendat ad quinque Carolinos; contra fidelitatem non peccatur graviter, etiam si ascendat ad triginta, & quando quis voluit obligare se sub gravi ad standum promissis; & ratio est, quia jus promissarii non est adeo strictum: unde etiam fit, quod promissiones non transcant ad heredes, sicut transiunt onera iustitiæ.

VI. Quæritur hic quid importet ex parte objecti hoc ius, seu moralis potestas? Nonnulli apud Rip. disp. 83. n. 100. putant, esse modum quandam superadditum; ideo enim v. g. unio inter materiam, & formam est modus distinctus, quia alter non potest explicari quid velit Deus, dum vult materiam unitam formæ; non enim vult materiam, & formam tantum, nec materiam

& formam cum requisitis, ut dicitur in physicis; ergo vult unionem; sed eodem modo dici potest, quod dum Deus vult, Petrum habere ius in pallium, non velit Petrum, & pallium tantum; ergo vult aliquid aliud, nempe ius, quod prout est modus superadditus, qui licet sit Entitatis physica, est etiam Entitatis moralis, quatenus respicit resin ordine ad hominum mores, & ad libertatem creatam.

Dicendum tamen cum communi apud Maurum, frustra superaddi hanc Entitatem; sicut enim denominatio cogniti non constituitur per ens logicum, seu diminutum superadditum, sed per ipsam cognitionem terminatam ad obiectum, ut communis dicitur in Logicis; ita denominatio habentis ius sufficienter constituitur per legem faventem Petro posita donatione, vel alio titulo fundante ius, & per acceptationem favoris legis factam ab ipso Petro. Est quidem difficultas in explicando obiecto donationis, promissionis &c. Quia non facile assignatur, quid velit donans librum, quando vult transferre ius in librum. Sed iuxta dicta in de Gratia, & juxta dicenda in de Pœnitentia, cum de obiecto condonationis peccati, Primo dici potest quod Donatio, Promissio &c. sint quidam actus voluntatis, sed non sint volitiones rigorosæ, ut nec gaudium, complacentia, timor, audacia &c. Unde inepte quæritur quid velit donans; sicut inepte quæritur quid velit gaudens &c. sed solum quæri potest, quodnam sit obiectum donationis, vel gaudii; seu quid donet donans; & tunc respondetur donare librum; atque adeo librum esse obiectum donationis transferentis ius in librum. Secundo transmissio quod Donatio sit rigorosa volitio, dici potest obiectum hujus volitionis esse ius in librum, quod ius inadæquate constituitur per ipsam donationem; unde donatio habet pro obiecto inadæquatum, & reflexo seipsam, quod non repugnat. Nam qui cognoscit v. g. Ens confusè, cognoscit omnia entia; unde talis cognitiuo habet pro obiecto inadæquatum, & reflexo seipsam; sic etiam quando quis vult conficere sacramentum, quod inadæquate constituitur per intentionem ministri, tunc talis intentio habet pro obiecto adæquatum totum sacramentum; pro inadæquato vero, & reflexo se ipsam.

ARTICULUS II.

De Speciebus Juris, & Dominii.

VII. **D**ividitur Jus in Dominium plenum, in usufructum, usum juris, Jus in re, & Jus ad rem. Dominium plenum est jus disponendi de re ad omnes usus, ut explicabimus art. sequenti. Usufructus est jus utendi, ac fruendi re salva ejus substantia; unde usufructuarius non solum habet Jus ad utendum re, sed etiam ad fruendum, seu ad percipiendos fructus talis rei, ac etiam ad vendendos, & alienandos; potestque ipsa res ab usufructuario locari, commodari, non tamen alienari, aut destrui. Usum juris, seu Jus ad usum est Jus utendi tantum re salva ejus substantia; unde usufructuarius nec potest rem alienare, nec destrui, nec vendere, aut alienare ejus fructus, aut illam locare, aut commodare. Præter usum juris, seu Jus ad usum, datur usus facti, qui est ipse usus rei, ut equitatio, comestio; de quo fusius quæst. sequenti.

VIII. Dubitatur an Usufructuarius, & Usuarius dicendi sint Domini partiales rei? Dicendum est quætionem esse de voce. Communiter Dominus absolute appellari solet, qui potest rem suam etiam destrui, alienare; quod non competit usufructuario, & usufructu; & ideo non solent dici absolute Domini: Quando tamen conceditur usus fructus, tunc qui illum concedit, appellari solet Dominus proprietatis, & usufructuarius appellatur Dominus utilis. Differt tamen usus fructus ab Emphyteusi, & Feudo; quia Emphyteusis, & feudum sunt circa rem immobilem, & important quoddam onus reale ad Dominum proprietatis; Emphyteusis fert onus reale solvendum ad certum tempus, quod non sit infra decennium; aliter esset locatio. Feudum fert onus personale, seu obsequium præstandum Domino directo.

IX. Denique Jus dividitur in Jus in re, & ad rem. Jus in re, ut explicant Molina, & Dicastill. est Jus circa rem aliquam devinctam, & obligatam habenti tale Jus; unde est quod habens Jus in re possit rem illam sibi usurpare ubicunque invenerit. Jus ad rem est Jus circa rem aliquam devinctam, & alligandam habenti Jus; qui proinde non potest illam sibi usurpare, donec devinciatur, & alligetur moraliter sibi. Ex gr. Si quis tibi vendat Equum, & tra-

dat, habes Jus in re ad talem Equum; si vero vendat, & non tradat, habes solum Jus ad rem erga talem Equum; propterea si postquam vendiderit tibi, vendat iterum eundem Equum alteri, & illi tradat, tu non poteris talem Equum tibi usurpare, cum non habeas actionem realem, & vindicativam, ex defectu juris in re, sed solum poteris repetere a venditore pretium solum, & compensationem damni; cum habeas solum actionem personalem ratione emptionis nondum traditione firmata, ut habetur lege *Quosies* de Rei vindicatione.

X. Hinc sequitur 1. quod traditio Equi venditi sit illa ultima Aequalitas, seu unio moralis, qua constituitur Jus in re, & qua devincitur actu res habenti Jus: universum autem requiritur traditio ad acquirendum Jus in re, & actionem realem, seu vindicativam rei, ut constat ex lege *Traditionibus*, Cod. de *Passis*, ubi dicitur: *Traditionibus, & usucapionibus dominia rerum, non autem nudi, pactis transferuntur*. Hoc tamen intelligendum, nisi lex aliter disponat; Nam, ut notat Mol. disp. 3. acquiritur Jus in re ad id, quod donatur, aut venditur Ecclesiis, vel locis piis ante traditionem, ex lege, *Us inter Cap. De Sacrosanctis Ecclesiis*, sic etiam relate ad beneficium Ecclesiasticum acquiritur Jus in re per collationem, & acceptance[m] ante traditionem, & possessionem: Ex Cap. *Si sibi, de præbendis*. Traditio autem hæc aliquando debet esse realis, aliquando sufficit ficta fictione juris, quando scilicet juxta dispositiones legum æquivalet reali traditioni ipse titulus translativus domini (ex gr. Venditio, donatio) conjunctus vel cum visione talis rei, vel cum sola acceptance[m], ut explicat idem Molina.

Sequitur 2. Jus in re esse veluti Jus in suo statu naturali, ut aqua cum frigore; Jus ad rem esse veluti in statu innaturali, ut aqua cum calore; quia Jus natura sua exigit habere rem sibi devinctam, non devinciendam.

XI. Dubitant nonnulli apud Dicastill. tr. 1. disp. 1. dub. 2. An quodcumque Jus ad rem tribuat actionem personalem, sicut quodcumque Jus in re tribuat actionem realem? Communius negant, nam qui cmit arbores fructiferam, dicitur habere Jus ad rem relate ad fructus nondum existentes; & tamen tale Jus non tribuit actionem ullam personalem, cum non deur ulla persona ledens dominium fructuum, aut impediens corruptionem possessionem. Alii tamen affirmant.

putantes *malate* ad hujusmodi fructus dari jus in re, non ad rem; quia hujusmodi fructus existunt de facto in arbore, si minus realiter, saltem virtualiter, seu moraliter: unde possunt dici actu obligati, & devincti virtualiter, si minus formaliter. Quod confirmat. quia quando datur pignori gemma Titio, tunc Titius habet jus in re non solum erga gemmam non suam, quatenus est sibi devincta, sed etiam circa pecuniam mutuatam, quatenus est moraliter in gemma; ergo etiam relate ad fructus futuros datur jus in re, quatenus virtualiter sunt in arbore, unde vendi, & donari possunt. Amplectatur quilibet utramvis sententiam, quam maluerit: lis est de voce, Num tale jus dici debeat in re, an ad rem?

XII. Dubitatur a. An jus in re sit idem, ac dominium? Negant communius cum Lugo disp. 2. sect. 1. Nam qui habet gemmam pignori sibi datam, non habet dominium gemmæ, cum non possit illam vendere, donare &c. habet tamen jus in re, erga illam, cum habeat sibi devinctam, nec possit dominus illam projicere v. g. ipso invito, donec pretium solvatur; ergo jus in re distinguitur a dominio. Et ratio ulterior est, quia creditor habens pignus, vel hypothecam, habet solum jus in re, ut de us bonis solvatur sibi debitum, nisi solvatur aliunde, quin tamen possit de us ad omnes usus disponere; sicut Pater, ut notat Less. c. 5. n. 17. ex lege 2. cod. de *Parribus*, ob nimiam paupertatem, & victus causa tantum potest vendere filium non emancipatum, quin possit de filio ad omnes usus disponere, aut ob alias causas vendere, ut potest de mancipio, cujus habet dominium, disponere, illudque vendere.

ARTICULUS III.

Utrum Dominium se extendat ad usus lege non permisso, & annullatos.

XIII. **D**ominium, quod est species Juris in re, definitur a Juristis apud Bart. *Jus perfectè disponendi de re corporali, nisi lege prohibeatur*; Ideo autem Juris perit addunt ly de *re corporali*, quia leges civiles ut plurimum versantur circa res corporales; ceterum etiam de rebus incorporatis datur dominium: Homo enim revera est Dominus suorum actuum liberorum, Deus est dominus Angelorum. Quare a Theol. communiter Dominium definitur,

Facultas legitima percipiendi autoritate plena commodum ex omni usu rei; seu facultas propria disponendi de re ad omnes usus.

Dubitatur tamen, utrum in definitione domini apponi debeat particula illa, ad omnes usus *lege permisso*, an vero sit superflua? quia scilicet dominium plenum, etiam ad usus lege non permisso, & irritatos debet se extendere; quod est quærere, An lex prohibitiva, vel irritativa usus rei sit diminutiva domini, an vero tantum impeditiva? ut proinde dominium sub his legibus remaneat plenum, quamvis non expeditum.

XIV. Censeo equidem cum communiori, Dominium se extendere etiam ad usus lege non permisso, & annullatos: adeo ut lex prohibens, vel irritans usum rei impediatur, non diminuat dominium. Propterea in definitione domini situta additur particula illa, ad usus *lege permisso*; nisi significetur, quod ad usus lege permisso tantum dominium sit expeditum, relate vero ad alios, sit impeditum.

Prob. Præcise per hoc, quod tollatur lex prohibitiva, vel annullativa usus rei, puta contractum Pupilli, statim absque nova acquisitione domini, seu absque acceptione novæ potestatis, liciti aut validi sunt illi contractus; ergo lex prohibitiva, vel annullativa non erat diminutiva, sed solum impeditiva domini: sicuti quia præcise per hoc quod tollatur distantia, ignis comburit, & oculus videt, decimus distantiam a passo esse impedimentum, non diminutionem potentie combustivæ, & visivæ.

Confirm. quia ad Gal. 4. dicitur Pupillus nihil differre a servo, dum est sub Tutoribus, quatenus non potest valide de rebus suis contrahere, perinde ac servus; esse tamen dominus universorum, hoc est bonorum suorum; ergo lex irritans contractus pupilli non imminuit dominium; atque adeo etiam ad usus non permisso, & annullatos a lege se extendit dominium, quamvis non proxime ratione impedimenti.

XV. Objic. 1. Si dominium se extendere etiam ad usus non permisso, dominus mancipii non esset injustus occidendo mancipium; non secus ac dominus agni iuste potest agnum suum occidere; sequela est absurda; ergo dominium erga mancipium non se extendit ad hunc usum occidendi illud, quod lege naturali prohibetur;

ergo.

ergo universum dominium non se extendit ad alios usus non permixtos.

Resp. Tres leges esse distinguendas, ut diximus ar. 1. ad 2. Prima, quæ est constitutiva, aut destructiva, aut diminutiva domini. Secunda, quæ est alicujus usus annullativa. Tertia, quæ est prohibitiva usus rei propriæ. Quæstio præsens procedit de Dominio relate ad usus aut irritatos a Secunda lege, aut non permixtos a Tertia, non vero relate ad usus non permixtos a prima: Certum enim est, quod hæreticus v. g. qui spoliatur bonis suis ob hæresim, non habeat dominium impeditum, sed extinctum erga ea bona: sic in calu adducto, cum solus Deus sit dominus vitæ, & necis, dominus mancipii nullum habet jus ad mancipium occidendum: contra vero ad occidendum agnum, etiam ut sacrificet illum idolo, & ut comedat die veneris, habet dominium solum impeditum a lege prohibente; unde illicitè, non injustè agnum ad tales usus occideret.

XVI. Objic. 2. Possidens majoratum non habet plenum dominium erga bona majoratui subiecta, ut plures Juristæ docent apud Lugo disp. 2. n. 6. & hoc ideo, quia non potest valide ea bona alienare; ergo lex irritans usum rei diminuit, non impedit dominium.

Resp. cum Molin. tract. 2. disp. 2. neg. antec. Lex constitutiva majoratus irritando alienationem bonorum, impedit solum, non diminuit dominium: quod ex eo patet, quia si ea lex auferatur, statim absque nova collatione potestatis habetur facultas alienandi ea bona. Deinde transm. antec. neg. conseq. in conclusione enim solum dicimus, non esse diminutivam domini legem prohibentem, vel annullantem usum rei propriæ; non vero legem nullatenus concessivam potestatis ad aliquem usum rei, uti esset lex, quæ non concedit facultatem ad alienanda bona majoratui subiecta; ex hac enim lege fieret quod dominium non concedatur plenum; sed diminutum.

XVII. Quæres hic, Num ad plenum, ac perfectum dominium requiratur potestas ad omnes omnino rei usus?

Respond. Dominium esse plenissimum, si se extendat tantum ad usus physice possibiles rei simul; & domino. Hinc, quia Deo creaturarum domino non est physice, nec metaphysice possibile, abdicare suum dominium, ut potest creatura domina; ideo Deus est perfectissime dominus; imo ex perfectione domini habet, quod non

possit illud abdicare. Pariter Dominus Equi v. g. est plene dominus, quamvis non possit uti equo ad volandum; quia talis usus equi non est possibilis domino creato; esto possit equus divinitus volare. Ratio Doctrinæ est, quia Dominium est potestas physica munita lege favente; ergo relate ad usus rei, qui sunt physice impossibiles aut rei, aut domino, non potest dari dominium; atque adeo dominium est plenissimum, extendens se quantum potest, si tantum se extendat ad omnes usus physice possibiles rei, & domino.

Hinc fit, Dominium dici plenum, & perfectum, si ad hujusmodi usus se extendat, quamvis detur lex aliquando prohibens, vel irritans tales usus: contra vero dominium esse imperfectum, quando non se extendit ad omnes usus, ut est dominium Utile residens in usufructuario, & dominium directum residens in domino proprioriatis, qui aliter concessit usufructum; ideo Reges appellari solent domini proprietatis, & Barones domini utiles Feudorum, hoc est domini cum addito diminutive; quia in utrisque dominium est imperfectum; potest etiam dominium esse imperfectum ex parte subiecti, ut accidit, quando duo sunt indivisi Domini ejusdem rei, ut si gemma valens 100. ematur a duobus, quorum singuli solvant quinquaginta.

XVIII. Desique sciendum, ad acquisitionem domini requiri Titulum, ut loquuntur Juristæ, hoc est rationem fundandi illud, ut loquuntur Philosophi; Est autem titulus actio illa a legibus præscripta, a qua tanquam ab ultima determinatione dominium inducitur. Hujusmodi titulus triplex est: Primus, legitimus contrahens, quo dominium transfertur, ut donatio, venditio &c. donatio tamen debet esse acceptata, ut sit titulus formalis, proximus, & completus, aliter esset solum radicalis, & remotus, si non acceptetur. Idemque dicas de promissione, voto &c. sicut etiam peccatum est solum titulus radicalis in Persona offensa ad odio habendum peccatorem, si reatus odii condonetur. Secundus est Inventio, seu occupatio rei adspota, hoc est nullum habentis dominium, quæ proinde fit primo occupantis, ut sunt pisces maris, gemmæ inventæ in litore, feræ silvarum, thesauri in proprio fundo inventi. Tertius titulus est publica Autoritas, quæ in bonum Reipublicæ aliquando bonum unus privati in alios transferuntur, ut fit ratioe Præscriptionis, vel Usucapionis, aut

quando ob hæresim confiscantur bona hæretici.

Præterea relate ad bona civium duplex datur dominium, Altum, & bassum. Altum dicitur, quod habet Princeps in Republica relate ad bona Privatorum, quatenus potest eis uti præcise in bonum commune. Bassum vero dicitur, quod habent cives in sua bona subordinatum dominio alto Principis. Sic etiam Jus domesticum, quod habet Paterfamilias relate ad personas sue familie, aliud dicitur jus dominativum, seu herile, quod habet in servos; aliud jus paternum, quod habet in filios; aliud jus conjugale, quod habet maritus, quatenus familiaris caput in conjugem, quod a Philosopho vocatur Jus æconomicum, ut videre est apud Rebellen qu. 1.

QUÆSTIO II.

Utrum Usus facti licitus in rebus unico usu consumptibilibus distinguatur a Dominio?

I. Duplex datur usus rei licitus, videlicet usus juris, qui importat jus ad usum, quod competit usufructuario, & usus facti, qui est ipse rei usus, puta equitatio, comestio, ex facultate accepta a domino revocabili ad nutum. Duplex etiam datur genus Rerum, siquidem Aliæ sunt, quæ non consumuntur unico usu, ut Equus, vestis &c. & relate ad hæc usum facti licitum distingui a Dominio non est dubium: Quis enim neget non esse dominum vestis, qui ea utitur ex facultate a domino accepta? Aliæ vero unico usu consumuntur, ut Vinum, panis, nec non pecunia ex Philosopho 4. Eth. 1. quæ licet non consumatur physice unico usu, consumitur tamen moraliter, seu relate ad dominium; quippe quod transfertur in venditorem, quando aliquid pecunia emitur. Relate ad hæc res dubitatur, An possit usus facti licitus a dominio separari, ita ut dominium cibi v. g. sit in dante facultatem ad comedendum, & usus facti licitus sit in comedente? Quæstio hæc utilis ad plurimas quæstiones morales, valde celebris olim non solum inter Doctores sed etiam inter summos Pontifices, excitata fuit occasione Fratrum Minorum dicentium peculiare genus paupertatis se profiteri; quia rerum, quibus utuntur, nullum habent dominium, nec singuli (quod est commune cum omnibus Religiosis) nec to-

ta simul Religio; sed dominium residere, vel penes Pontificem, cujus licentia eis utuntur; vel penes ipsos dantes, a quibus solum utendi facultatem acceptant rerum, quæ unico usu consumuntur, non vero earum dominium; ut proinde possint ea ad arbitrium sibi usurpare antequam consumantur. Jo. XXII. in Extrav. *Ad Condicionem*, & duabus sequentibus, docuit factum, & chimericum esse dominium rei, quam alius potest unico usu licite consumere; ac propterea renunciavit dominio, si quod fuerat, erga res Fratrum Minorum, qui dicunt dominium suarum rerum ad Sedem Apostolicam transulisse. Contra vero Nicol. IV. & Clem. V. apud Lugo disp. 2. sect. 3. necnon Martin. V. (Paul. III. & alii dixerunt, penes Fratres Minores esse solum facultatem consumendi licite res consumptibiles, dominium vero talium rerum esse penes Sedem Apostolicam propterea Dominium ab hoc usu facti separari.

II. Dico equidem cum hæc Secunda sententia, usum facti licitum in rebus unico uso consumptibilibus separari posse a Dominio; ita communius DD. cum D. Th. q. 73. a. 1. contra Turrecrem. Sylvest. & alios apud Lugo loc. cit. & Sanch. l. 7. c. 18.

Prob. 1. autoritate tot Pontificum, quos reulimus. Nec obstat Authoritas Joan. XXII. in contrarium. Nam Sotus & Ledesma volunt, cum lacesitum ab Ochmo, & aliis quibusdam Fratribus Minoribus minus legitime processisse. Bellarminus dicit Joan. XXII. errasse sed non in materia fidei, aut morum, atque adeo tanquam authorem privatum, non tanquam Pontificem; Molin. & Less. censent hæc in re Joan. nihil certi affirmasse, sed solum disputando in eam partem inclinasse: Alii demum apud Platel. censent Joan. locutum esse de usu juris stricto seu de Jure ad usum, qui certe in rebus consumptibilibus est inseparabilis a Dominio.

Prob. 2. ratione. Potest Dominus panis v. g. concedere Titio facultatem disponendi de illo revocabilem ad nutum; atqui in talicasu Titius comedendo panem, haberet usum facti licitum sine dominio; ergo usus facti licitus in rebus unico usu consumptibilibus separari potest a dominio. min. prob. ex definitione Juris, & domini, quod est facultas moralis, cujus violatio parit injuriam strictè dictam; sed habens facultatem revocabilem comedendi panem potest citra injuriam impediri, ne amplius comedat, ab eo, qui facultatem concessit; ergo ha-

habens facultatem revocabilem, seu usum facti licitum, non carens habet dominium.

Confirm. tum quia Conviva non habet dominium ciborum per hoc præcise, quod habeat facultatem comedendi revocabilem ad nulum; tum etiam quia omnes Religiosi ob votum paupertatis carent dominio rerum, quibus utuntur, & solum habent facultatem eis utendi; nec in alio differunt a FF. Minoribus reliqui Religiosi, nisi quia rerum, quibus utuntur FF. Minores, Dominium est penes Pontificem, aut ad summum penes dañtes illas; rerum vero, quibus alii utuntur, dominium est penes totam communitatem. Ratio a priori Conclusionis est, quia Dominium non acquiritur, nisi acceptetur. Possunt autem FF. Min. nolle acceptare dominium rerum, quibus utuntur, sed solum facultatem utendi revocabilem, prout habent convivæ, & servi; ergo per hoc quod habeant usum facti licitum, non per hoc habent dominium strictè dictum, quod scilicet parit suavitatem, & proprietatem, seu facit rem suam, & propriam habentis dominium; esto dici possit, quod habeant dominium debile, & dependens ab alio, ut notat Platel. n. 530. quod tamen est dominium cum addito distrahente.

Confirm. demum, quia in extrema necessitate constitutus habet facultatem comedendi cibum alienum, quin habeat dominium; aliter si tunc impediretur a domino cibi, hic non solum peccaret contra charitatem, sed etiam contra iustitiam; unde referretur ad restitutionem; quod communiter DD. non admittunt. Verum quidem est, quod habens facultatem comedendi habeat etiam jus, ne ab alio, quam a Domino cibi impediat; hoc tamen non est habere jus in cibum, seu dominium cibi, sed solum habere jus ad carentiam violentiæ; sicuti Pauper habet jus, ne malis artibus impediat sibi elemosinam, aut acquisitionem alius beneficii; & peccat contra iustitiam, qui malis artibus impedit illi consecutionem elemosinæ, aut beneficii; atque adeo tenetur compensare damnum, qui violat huiusmodi jus pauperis; quin tamen Pauper habeat jus ad elemosinam, vel beneficium.

III. Hinc sequitur 1. quod qui furatur v. g. cibum a Fratrib. Min. peccet contra iustitiam, tum adversus Pontificem dominum talis cibi, tum adversus ipsos Religiosos, qui jus habent, ne talis violentia sibi fiat. Quod si eisdem res furto sublata restitua-

tur, utraque iniustitia tollitur.

Seq. 2. quod ut aliquis dicatur dominus cibi, debeat posse illo uti autoritate propria, & ex facultate irrevocabiliter concessa; sicut servus, ut dicatur projicere gemmam suam, debet posse illam projicere nomine proprio, non jussu domini.

Objic. 1. Concedere facultatem utendi re consumpibili unico usu est concedere facultatem irrevocabilem ad talem usum; sed facultas irrevocabilis est idem, ac jus, seu dominium; ergo concedere huiusmodi facultatem, est concedere dominium; atque adeo facultas hæc utendi, seu usus facti licitus in rebus consumpibilibus est inseparabilis a dominio. Maj. posse. Talis facultas neque posset revocari pro instanti A, quo conceditur, quia simul esset, & non esset; neque pro instanti sequenti, quia tunc res est consumpta; unde revocatio esset nulla, ex defectu termini; ergo simpliciter est irrevocabilis.

Resp. neg. maj. ad prob. 1. Cibus non semper consumitur unico instanti, unde facultas ad comedendum potest quolibet instanti revocari, adeo ut non amplius licite deinde comedatur. 2. potest huiusmodi facultas heri data pro instanti A hodierno revocari post concessionem ante ipsum instanti, A'. 3. Adverendum, dupliciter posse in instanti A esse irrevocabilem facultatem concessam ad usum cibi. 1. ex impossibilitate talis usus cum usu opposito, atque adeo ex actione potentis. 2. ex defectu potentis ad usum oppositum; sicuti enim qui libere amat, non potest simul odisse potentia similitatis, solum ex impossibilitate horum actuum, non ex defectu potentis ad utrumque seorsim; ita qui dat facultatem pro instanti, A, ad usum rei destructivum, non potest simul nolle destructionem ex impossibilitate talem actum, non ex defectu potentis ad utrumque seorsim. Quare non quæcumque irrevocabilis facultatis est collativa juris; Deus enim concedens aliquam facultatem non potest illam revocare ratione suæ immutabilitatis; nec proinde semper concedit dominium; & Dominus Equi dans facultatem Servo occidendi Equum non potest illam post occisionem revocare, nec proinde concedit dominium Equi. Illa solum irrevocabilis facultas est collativa domini, quæ oritur ex intentione concedentis volentis se obligare ad non revocandum; atque adeo quæ minuit potentiam moralem in concedente, non vero quæ

ori-

oritur ex re ipsa, quæ dum est, non potest simul non esse.

Hinc patet, quomodo in instanti donationis Donatarius sit Dominus, ut dicemus qu. 4. habens vero usum facti licitum non sit dominus. Disparitas est, quia si donans pro instanti donationis velit ut re donata, invito donatario, irrogat illi injuriam: contra vero si dans facultatem revocabilem ad panem comedendum pro instanti A crastino, velit deinde pro eo instanti impedire comestionem panis, nulli irrogat injuriam.

V. Objic. 2. Si usus facti licitus in rebus consumptibilibus distingueretur a Dominio, essent licitæ usuræ; ergo &c. prob. sequi. Possent enim primo vendi facultas revocabilis ad vinum v. g. bibendum pro instanti A, & deinde vendi Dominium vini; quod esset bis sumere pretium vini; quod esset usuram committere: etenim, ut notat D. Th. qu. 78. 2. 1. usura dicitur a venditione usus rerum consumptibilium conditincti a dominio: Propterea hæc habet Angel. loc. cit. *In rebus, quarum usus est ipsarum rerum consumptio, non computari seorsum usum rei a re ipsa; sed eicunque conceditur usus, eo ipso conceditur rei; & propterea in talibus rebus per annum transferuntur dominium; aliter posset bis rem eandem vendi, vendendo prius usum, deinde dominium; unde committeretur usura.*

Conf. Facultas revocabilis ad bibendum vinum procul dubio est pretio æstimabilis, & vendi potest, quanti æstimatur ipsum vinum; ergo si præter hanc facultatem, vendatur dominium vini, seu facultas irrevocabilis, poterit iterum sumi novum pretium propter idem vinum.

Resp. nego sequelam, ad probationem nego posse citra injustitiam vendi usum facti separatim a dominio: Ratio est, quia solvens pretium daret alteri jus ad pretium irrevocabiliter, atque adeo se obligaret ad non utendum pretio, invito venditore: qui vero venderet usum facti, seu facultatem revocabilem, nullam obligationem subiret; ergo in hac venditione committeretur injuria: quare sicut donatio v. g. Equi, quia est actus liberalitatis, est essentialiter invendibilis, & solum exigit gratitudinem; ita concessio facultatis revocabilis, cum sit meta donatio talis facultatis, est pariter invendibilis, & solum exigit gratitudinem; cum procedat ex animo benevolæ. Angelicus ibi dicit esse invendibilem facultatem vendendi revocabilem in rebus usu consumptibilibus.

Ad consim. nego antec. venditio enim

est contractus onerosus, in quo uterque contrahentium debet obligari; sed qui dat facultatem revocabilem, nullatenus obligatur; ergo non potest illam vendere, sed debet gratis concedere exigendo tantum gratitudinem: deinde dato, quod possit vendi facultas revocabilis ad bibendum, non posset vendi quanti vinum valet, sed quanti æstimatur spes, quod ea facultas non sit revocanda, quod si postea vendatur dominium vini, superaddi debet residuum dumtaxat pretii, quod valori vini coadjugetur; sicut si Dominus valens centum loceatur quinque aureis, & deinde antè elapsum tempus locationis vendatur, superaddendum debent nonaginta quinque.

VI. Objic. 3. Si conclusio subsisteret, posset Religiosus absque licentia Prælati habere usum facti licitum rerum unico usu consumptibilium, citra violationem voti paupertatis. Prob. sequi quia paupertatis voto non opponitur, nisi dominium rei; non enim voto repugnat, quod Religiosus projiciat gemmam alienam, consentiente domino; ergo neque repugnet quod comedat, & destruat cibum alienum, domino annuente.

Resp. nego sequelam: ad probationem dico cum Sanch. l. 5. c. 1. Lugo loc. cit. n. 51. Less. Suar. Votum paupertatis obligare non solum ad carendum dominio rei, sed etiam ad carendum usu facti, absque consensu superioris; quia obligat ad vivendam vitam pauperum; cui æque opponitur tam dominium rei, quam usus facti. & ratio ulterior est, quia Religiosus, cum sit incapax domini, non potest votum violare per hoc, quod acquirat dominium, sed per hoc quod utatur re non sua, tamquam sua; quod etiam habetur per usum facti independentem a voluntate superioris, quoniam percipiat rei commodum, perinde ac esset suæ; quod non accidit per projectionem gemme factam nomine alieno, sed per comestionem cibi, etiam domino annuente.

Hinc, ut notant Theologi morales, potest Religiosus, v. g. calefieri ad ignem alterius, recreari odoribus alienis, erogare pauperibus nomine alieno elemosynam &c. quia in morali æstimatione adhuc dicitur vitam pauperum vivere, nec uti re ulla tamquam sua; contra vero si cibum alienum, annuente domino, comedat, sine licentia saltem interpretativa Prælati.

VII. Objic. 4. Pontifex conferens Sacerdoti facultatem revocabilem ad absolvendum, excommunicandum &c. vere confert

jus

jus juris dictationis; ergo Dominus vini datus Petro facultatem revocabilem ad bibendum vinum, etiam confert verum jus proprietatis ad vinum, atque adeo facultas revocabilis ista non separatur a Dominio.

Resp. neg. conf. Disparitas est, quia Jus jurisdictionis potest simul esse in duobus; unde Pontifex potest alteri communicare Jus jurisdictionis, & simul retinere: contra vero Jus proprietatis, ut dicemus quest. 5, unde non potest Dominium vini esse simul in concedente facultatem revocabilem, & in eo, cui conceditur; sicut non potest simul esse in donante, & in donatario. Hinc quando Dominus vini dat facultatem Petro ad bibendum, obligando se ad non impediendum hunc usum, tunc revera donat vinum, & concedit facultatem irrevocabilem; quando vero dat facultatem ad bibendum, quin velit obligare se ad impediendum hunc usum, tunc tribuit facultatem revocabilem sine jure.

VIII. Oijic. ult. Potestas vendendi, & alienandi iam non est sine jure; ergo etiam potestas destruendi; atqui habens usum facti licitum potest rem destruere; ergo habet Jus.

Confirm. quia si solus Franciscanus esset in mundo, hic esset dominus omnium, praecise per hoc, quod haberet usum facti licitum relate ad omnia; ergo usus facti licitus non sejungitur a Dominio.

Resp. neg. universaliter antec. Procurator enim, qui nomine alieno rem vendit, non habet Jus in illam. Neque dicas, ideo Procuratorem non esse dominum, quia non percipit sibi utilitatem ex venditione rei, ut percipit, qui comedit cibum. Nam hanc ipsam utilitatem potest quis percipere nomine alieno; ut dum dominus sua ligna comburit, suum thus adoleat, & tu interrim calefas, & eo odore frueris.

Ad confirm. nego Franciscanum tunc fore dominum, quia solum per accidens esset, quod posset rebus omnibus uti, invito quovis alio, quia scilicet nullus alius daretur; si tamen alii homines producerentur, tunc non posset iis invitis uti rebus, nisi ad solam sustentationem naturae; quae ipsa facultas utendi cibo in extrema necessitate non est Jus in cibum; tum quia non est facultas eo utendi ad quemcunque usum; tum etiam quia, transacta necessitate, cibum, qui superest, debet Domino reddi.

Q U A E S T I O I I I .

Utrum possit Dominium directum separari ab Usufructu perpetuo;

adeo ut sic possit conciliari
matrimonium Beatae Vir-
ginis cum Voto Virgi-
nitatis?

I. D Ecernitur lege 3. ff. de Usufructu, & quidem jure merito, usufructum, seu dominium utile rerum immobiliarium non debere esse perpetuum, ne Dominium directum perveniret inutile in Proprietario; Idcirco quaeritur, Utrum universim verum sit quod dominium directum in proprietario evadat prorsus inutile, si in perpetuum transferatur usufructus, seu dominium utile? An vero solum verum sit, quod dominium directum in tali casu evadat moraliter tantum inutile, seu parum admodum utile; unde ex natura rei talis contractus non sit irritus; quamvis merito veteretur lege positiva?

Quod Feudum, & Emphyteusis possint in perpetuum concedi a domino proprietatis, certum est apud Doctores: quia scilicet transferatur dominium utile in perpetuum, sed cum onere obsequii personalis in Feudo, & in Emphyteusi cum onere annuae pensionis solvenda domino proprietatis, sub conditione amittendi dominium utile, si non solvatur pensio per tres annos, quando res in Emphyteusim data est secularis, quin possit purgari mora; per duos vero annos, quando res est Ecclesiastica, ita ut mora possit purgari; unde Dominus proprietatis videtur aliquod Jus retinere tam in feudo, quam in Emphyteusi, quamvis dominium utile transferatur in perpetuum. Difficultas solum est in usufructu, qui si datur in perpetuum, cum datur absque ullo onere, videtur reddere prorsus inutile dominium directum in proprietario; & idcirco usufructus perpetuus videtur separari non posse a Dominio directo, de cujus ratione est respicere utilitatem aliquam habentis illud.

II. Dico equidem cum communiori, Dominium directum separari posse ab usufructu perpetuo.

Prob. Inquantum ea non possunt separari, in quantum dominium directum esset prorsus inutile in proprietario, post translationem usufructus perpetui; sed non esset inutile: ergo possunt separari. Prob. min. quia facta hac separatione, usufructuarius

NON

non posset, invito domino directo, rem destruere, aut alienare; & dominus directus retineret jus ad utendum re illa, quandoque impedimentum tollitur, puta si usufructuarius cedat jure suo, aut si ob culpam aliquam jus amittat, &c. sed hæc omnia sunt utilia domino directo; ergo dominium directum non esset simpliciter inutile, si separaretur ab usufructu perpetuo, a quo dominium directum solum impeditur, non extinguitur.

Hinc patet vi conciliandi matrimonium B. Virginis cum voto castitatis, in quo valde DD. implicantur. Prima via est Scoti dicentis, votum virginitatis nuncupatum fuisse a B. Virgine post nuptias, & ideo potuisse per contractum matrimoniale obligare se ad debitum reddendum. Sed hæc via obstat Authoritati PP. & Theol. docentium communissime, S. Virginem ante nuptias vocasse castitatem. Aug. 1. de S. Virginitate c. 4. habet: *Tradita est viro iusto non ablata, sed custodimus, quod jam ipsa voverat.* Quamvis autem D. Tho. 3. p. q. 28, a. 4. putarit, votum emissum a B. Virgine fuisse conditionatum, si scilicet Deus ipsi Virginitatem permitteret; id ex eo asseruit, quia opinatus est, virginitatem in veteri lege fuisse prohibitam, & neminem potuisse a conjugio abstinere, donec Christus Dominus nasceretur; hoc tamen ostendit esse falsum Damasc. l. 4. de fide c. 25. Unde communiter docent, votum B. Virginis fuisse absolutum; quamvis in eo semper subintel ligatur tacita illa conditio: Nisi aliter Deus præcipiat.

Secunda via est Scoti, Suarezii in 3. p. disp. 6. Sanch. l. 1. disp. 28. Bonav. &c. putantium Beatam Virginem consensisse in obligationem ad copulam, non vero in ipsam copulam, quia per revelationem sciebat D. Josephum nunquam esse petiturum. Sed hæc etiam via communiter rejicitur, quia illicitus est consensus in obligationem ad actum illicitum, v. gr. ad homicidium injustum, si præcipiatur a Rege, quamvis certe quis sciat illud a Rege nunquam esse præcipiendum; ergo nec poterat Beata Virgo per contractum matrimoniale consentire in obligationem ad copulam, quæ ratione voti supponitur illicita; quamvis certo sciret eam a Joseph nunquam fore petendam.

Tertia via est Canisi, & aliorum apud Sanch. loc. cit., qui autumant, B. Virginem non contraxisse matrimonium, sed sponsalia: Hieronym. enim in illud, *Joseph*

virum Mariae, dicit: *Cum virum audieris, suspicio tibi non subeat nuptiarum, sed recordare consuetudinis scripturarum, quod sponsi viri, & sponsa uxores dicantur.* Sed hæc etiam via est impervia; quia passim in Scriptura B. Virgo vocatur conjux, & uxor; unde Suar. docet, id esse de fide; Præterquamquod si ob votum castitatis non poterat contrahere matrimonium, nec poterat sponsalia, quæ important matrimonii promissionem. Ad illud Hieronymi respondet D. Tho. in 4. dist. 30. q. 2. Nuptias Hieronymum vocasse nuptialem concubitum.

Quarta via est Hugonis de S. Vict. apud Vasq. 3. p. disp. 125. n. 79. Aegidii col. l. 2. de Regimine Principum, & aliorum apud Sanch. lib. 9. disp. 97. docentium, matrimonium Beate Virginis fuisse solum in ordine ad convivendum cum Beato Joseph in Sancta Societate, non vero in ordine ad Prolem procreandam: Sicut est matrimonium, quod ab Ecclesia permittitur decrepitis: finis enim primarius matrimonii videtur esse conjunctio animorum; unde Gen. 1. dicitur: *Relinquit homo Patrem, & matrem, & adheret ei, (id est associabitur) uxori sue; finis vero secundarius, Proles procreatio; unde subditur, Crescite, & multiplicamini.*

Sed Vasq., & Sanch. putant id esse contra sensum communissimum; non enim videtur posse dici in rigore matrimonium quod non est in ordine ad prolem, aliter etiam inter fratres, inter Religiosos dari posset verum matrimonium; cum possit inter eos esse societas in charitate ad perpetuam cohabitationem. Hinc Apost. dicit 1. Cor. 7. *Mulier sui corporis possessionem non habet, sed vir: similiter vir sui corporis possessionem non habet, sed mulier.* Et propterea contractus matrimonialis debet esse indissolubilis, quia est in ordine ad prolem educandam. Senes nubere possunt, quia per accidens est, quod prolem procreare non possint, ut docent communissime apud Sanch. disp. 92.

Quinta via est Vasq. 3. p. disp. 125. putantis, Beatam Virginem contraxisse matrimonium cum mutuo pacto servandi votum castitatis, adeo ut facultas petendi debitum esset perpetuo impedita; sicut per usum fructuum perpetuum facultas utendi re data in usum fructum est perpetuo impedita in domino directo. Hæc autem via duplicem sensum facere potest. Primo, quod si votum dispenseretur, & contractus in contractu matrimoniali subinfertus de non petendo debito.

bito rescindatur, matrimonium sit nullum. Secundo quod si votum dispenseretur, & contractus subinfertus de non petendo debito rescindatur, matrimonium perseveret, & tunc detur facultas expedita ad debitum petendum. Juxta primum sensum via hæc non subsistit; Nam facultas, quæ nunquam potest esse expedita, est nulla: Sicut vis illuminativa, quæ in nullo casu potest esse expedita ad illuminandum, non est vis illuminativa; atque facultas ad petendum debitum, juxta hanc viam, nunquam posset esse expedita; ergo esset nulla; atque adeo nullum matrimonium. Prob. min. Non potest enim esse expedita, dum perseverat contractus subinfertus de servando voto castitatis, ut patet; nec potest esse expedita, si contractus hic rescindatur, & votum dispenseretur, quia in hac sententia, tunc nullus est contractus matrimonialis; ergo nunquam posset esse expedita. Quare Vasquii mentem juxta secundum sensum interpretatur Dicastill. disp. 5. n. 154. In quo sensu illam docent Palud., Henr. Gand., Gerl. Abul., & alii apud Suar. loco cit. nec non Rebellen a. p. l. 2. q. 13. Mart. Perez disp. 13. sect. 6. Pontius, & alii. His præmissis

III. Dico 2. Aptè conciliari matrimonium Beatæ Virginis cum voto castitatis per mutuum pactum matrimonio subinfertum de servando semper tali voto, adeo ut si obtineretur deinde voti dispensatio, & contractus subinfertus mutuo consensu rescinderetur, tunc daretur obligatio ad copulam expedita. Ita Vasq. Rebel. Perez locis laudatis contra Sanch. l. 5. disp. 10. Sotum, Henricu. & alios apud Dicast. loc. cit.

Prob. Potest separari dominium directum ab usufructu, seu dominio utili perpetuo, ut ostendimus in prima Conclusionè; ergo potest per matrimonium conferri alteri conjugum dominium directum, & radicale in corpore, retento dominio utili in perpetuum per pactum subinfertum de servando voto castitatis; ergo bene conciliari potest matrimonium Beatæ Virginis cum voto per hujusmodi pactum subinfertum, a quo potestas ad debitum petendum esset perpetuo impedita.

Confirm. 1. ex Vasq. n. 84. Bene potest intelligi in Religiosis Societatis post vota simplicia emissa dominium bonorum suorum cum impedimento perpetuo ad usum ob votum paupertatis; ergo bene etiam intelligi potest translatio domini in corpus per contractum matrimoniale cum perpetuo impedimento ad usum conjugalem ob pactum

subinfertum de servando semper voto castitatis.

Confirm. 2. ex Perez, & Dicast. Validus est contractus, quo Dominus mancipii locat alteri mancipium suum in perpetuum, ita ut ipse retineat dominium directum, locatarius vero habeat jus expeditum utendi mancipio; ergo validus etiam est contractus matrimonialis, quo uterque conjux tradit dominium directum in corpus, & simul uterque retinet dominium veluti utile sui corporis, ratione pacti subinferti; unde non teneatur reddere debitum. Conseq. seq. ant. prob. quia locatarius in tali casu non esset plene dominus mancipii, cum non posset alteri concedere usum mancipii, invito domino directo, dominus vero directus retineret dominium radicale, quamvis perpetuo impeditum; ita tamen, ut posset proxime mancipio uti, si locatarius cederet jure suo.

Hinc habes Dominium directum in corpore conjugis esse multifarium utile utrique conjugi, quamvis esset perpetuo impeditum 1. quia non possent cum alio valide matrimonium contrahere, 2. quia fornicatio cum alio esset adulterium, 3. quia rescisso pacto subinferto, statim haberetur facultas expedita ad debitum petendum: sicut in dominio directo statim habetur facultas ad usum rei expedita, post usufructum.

IV. Confirm. demum, quia in omnium sententia si conjuges post matrimonium consummatum religionem ingrediantur, perseverat vinculum matrimoniale cum facultate ad petendum debitum perpetuo impedita; unde committerent adulterium, si cum alio peccarent; Idem dicas si unanimi consensu uterque emitat votum simplex castitatis; in quo casu communius docent cum Pontio cessare obligationem reddendi debitum, eo quod videatur uterque cessasse juri suo: imo ex Sanchez, Rebellen, & aliis confurgit obligatio non reddendi; ergo matrimonium cum facultate perpetuo impedita non repugnat; atque adeo juxta hanc viam optime coheret verum conjugii Deiparæ cum voto prævio Virginitatis.

Neque dicas cum Covarr. hanc confirmationem non esse ad rem; quia multa concordant cum matrimonio in facto esse, quæ non concordant in fieri, ut est professio religiosa, & impotentia naturalis; ergo idem dicendum de hoc pacto nunquam petendi debitum, quod potest quidem post matrimonium superaddi, quin possit cum illo matrimonio celebrari. Et ratio a priori est,

est, quia hujusmodi pactum opponitur fini primario matrimonii, qui est proles procreatio.

Resp. enim cum Palud. apud Reb. n. 36. Retorqueo argumentum: plus requiritur ad dissolvendum matrimonium, quam ad impediendum, cum Professio religiosa, & impotentia possint impedire, non tamen dissolvere matrimonium, ergo plus requiritur ad renunciandum juri acquisito, quam acquirendo, ut patet in iisdem exemplis: nam qui volunt Religionem ingredi, non possunt renunciare juri acquisito per matrimonium consummatum, & illud dissolvere; possunt tamen renunciare juri per matrimonium acquirendo, & illud impedire; ergo si per contractum subinfertum de servando voto castitatis possunt conjuges renunciare juri acquisito, a fortiori poterunt renunciare juri acquirendo, contrahendo matrimonium cum tali pacto: Neque obstat, quod non possint contrahere matrimonium, & simul emittere professionem religiosam. Nam professio Religiosa est impedimentum dirimens, secus vero pactum de non petendo debitum. Ad rationem a priori dico, quod sicut non opponitur fini matrimonii primario hujusmodi pactum, si post matrimonium fiat, ita nec opponitur, si cum eo matrimonium celebretur. & ratio utriusque est, quia solum opponitur fini matrimonii velle positive medio illicito prolem impedire, non vero negative, & medio honesto, seu per votum castitatis.

V. Obijc. 1. Dominium, seu facultas disponendi de re sub conditione quod detur tale dominium, non est verum dominium; aliter quilibet esset dominus omnium, quia quilibet habet facultatem disponendi de omnibus rebus, sub conditione, quod detur sibi ista facultas; sed in casu conclusionis conjuges habent jus in corpus alterius sub conditione, quod rescindatur pactum annexum, & detur jus, seu facultas ad debitum petendum; ergo juxta hanc viam conjuges non habent verum jus in corpus alterius, in quo consistit essentia matrimonii, atque adeo non salvatur matrimonium B. Virginis.

Confirm. Dominium, quod habet unusquisque relate ad pisces maris, & ad res adspicias, quia est dominium sub conditione, quod capiantur, est dominium sub conditione, quod detur utulus, ad quem dominium consequatur, & ideo non est verum dominium; sed hujusmodi est in casu nostro in utroque conjugis jus in corpus alterius,

videlicet sub conditione, quod dissolvatur pactum subinfertum; ergo non est verum jus in corpus alterius, atque adeo non habetur verum matrimonium.

Resp. Argumentum solvendum ab Adversariis in dominio directo rei post translationem ususfructus five perpetui, sive etiam temporalis, nec non in dominio bonorum suorum, quod habent impeditum Religiosi Societatis post vota simplicia Religionis; sicut etiam in conjugibus, qui post matrimonium consummatum Professionem religiosam emittunt; in quo casu vinculum matrimoniale perseverat, & tamen neuter habet jus justitiae in corpus alterius, nisi sub conditione, quod votum Religionis dissolvatur.

Directe dico, haberi verum dominium in Titio, quod lex favet Titio potius, quam aliis in ordine ad usum rei; quamvis ut faveat proxime requiratur sublatio alicujus impedimenti; propterea Dominus directus est verus dominus rei, licet habeat solum dominium radicale, quia lex illi potius favet, quam aliis in ordine ad usum, quamvis, ut possit proxime uti re sua, tolli debeat impedimentum, seu ususfructus, qui est in usufructuario: sic in casu nostro conjuges habent verum jus radicale in corpus alterius, quod, rescisso contractu subinferto, evadit jus formale, & expeditum; non quia tunc solum favet iis lex, sed quia tunc favet proxime per sublationem impedimenti. In forma dist. min. Conjuges habent jus remotum, & radicale sub conditione, quod pactum subinfertum dissolvatur, nego: habent jus proximum, & formale, sub ea conditione, quod per rescissionem contractus subinferti tollatur impedimentum, conc. min & dist. consequenter neuter habet verum jus formale, & proximum, conc. verum jus radicale, & remotum, quod sufficit ad matrimonium constituendum, nego consequenter.

Ad Confirm. con. maj. nego mi. disparitas est quia relate ad pisces maris lex non favet uni præ aliis, unde nemo est dominus illorum, sed quilibet potest acquirere dominium, si eos capiat; At in casu nostro, & in instantis adductis lex favet uni præ reliquis; ergo dominium radicale, & remotum in casu nostro est verum dominium, seu verum jus in corpus alterius, quod satis est ad verum matrimonium; ut patet in iis, qui post matrimonium consummatum Religionem ingrediuntur.

VI. Obijc. 2. Repugnat matrimonium esse.

sententialiter ordinatum ad prolem sub conditione, quod neuter petat debitum; ergo nullum est matrimonium B. Virg., si habeat pactum annexum servandi castitatem. Antec. prob. repugnat donatio Equi v.g. facta Petro, sub conditione, quod Petrus nunquam Equo utatur, esset enim donatio umbratilis; ergo repugnat Matrimonium, seu donatio proprii corporis facta coniugi sub conditione, quod ille nunquam utatur.

Conf. non potest dominium ejusdem rei esse in duobus; ergo non potest simul esse in domino directo, & in usufructuario; ergo neque in casu nostro dari potest in conjugibus verum jus radicale in corpus alterius, & verum jus formale ad debitum negandum. Antec. prob. quia non potest lex favere Petro adversus Paulum relate ad usum rei, & simul favere Paulo adversus Petrum; ergo ut supra.

Resp. Disting. antec. si ita contrahatur matrimonium, ut rescisso contractu superaddito de servando voto castitatis, matrimonium sit nullum, & nulla tunc confurgat formalis, & expedita obligatio ad debitum reddendum, concedo; si ita contrahatur, ut, rescisso eo contractu, confurgat talis obligatio, nego antec. & conseq. Ad prob. recurrit eadem doctrina: donatio Equi facta Petro sub conditione, quod nunquam eo utatur, est donatio umbratilis, distin. si rescisso hoc pacto, quod nunquam utatur, statim possit uti, nego antec. secus, conc. antec. & nego conseq.

Ad Conf. solum dominium plenum ejusdem rei non potest simul esse in pluribus, ut dicemus quest. v. potest tamen in uno esse dominium directum, & radicale, & in altero dominium inutile, & formale: in casu nostro Conjuges habent dominium radicale in corpus alterius, atque adeo obligationem radicalem reddendi debitum; habent tamen jus formale, & dominium utile ad proprium corpus, atque adeo carent obligatione formali ad debitum reddendum. Ad prob. antec. dico non posse legem favere proxime Petro adversus Paulum, & simul favere proxime Paulo adversus Petrum relate ad usum rei. Potest tamen lex favere remote Petro domino directo, & proxime Paulo domino utili; & ideo potest relate ad eandem rem alter esse dominus directus, alteri utilis; quicquid sit, utrum dominus utilis (videlicet Usufructuarius, Emphyteuta, & Feudatarius) dici possit absolute dominus, in quo variant Juristæ apud Mol. qn. 3.

VII. Objic. ult. Irritum est Matrimonium sub conditione vitandi prolem; ergo irritum fuisset matrimonium B. Virg., si celebratum fuisset sub conditione servandi votum castitatis. Antec. constat ex Greg. IX. in cap. finali de conditionibus appositis; ubi docet; matrimonium ad tria bona ordinari, videlicet ad bonum Proles, Fidei, (hoc est fidelitatis erga conjuges) & Sacramenti, (hoc est indissolubilitatis contractus, ratione cuius dicitur magnum Sacramentum significans indissolubilem unionem Christi cum Ecclesia) unde contra substantiam matrimonii sunt tres conditiones, quæ his tribus bonis adversantur: videlicet si fiat sub conditione vitandi prolem, vel adulterandi, aut sub conditione quod possit dissolvi. Conseq. prob. quia pactum de servando voto castitatis est pactum de prole vitanda, quod reddit irritum matrimonium.

Neque dicas cum Vasq. Dicat. esse solum contra substantiam matrimonii pactum de prole vitanda per media positiva illicita, non vero per media, aut positiva licita, puta per sumpcionem pharmaci, aut emissionem sanguinis ne cessant ad salutem matris, aut per media negativa, ut est velle castitatem servare; Nam ideo opponitur substantiæ matrimonii pactum de prole vitanda per media positiva illicita, quia finis primarius matrimonii est Proles procreatio: Atqui tam opponitur procreationi proles pactum de prole vitanda per media positiva, quam per negativa; ergo etiam pactum servandi castitatem irritat matrimonium.

Resp. nego conseq. sicut enim non opponitur matrimonio, quod uterque velit, præcisa ulla obligatione, castitatem servare, aut quod uterque velit vovere castitatem, aut ingredi Religionem, post matrimonium consummatum, quia sic vitatur proles per media negativa, & licita; ita nec opponitur pactum annexum de servando voto castitatis; & ratio a priori est, quia ad matrimonium spectat solum, quod proles ametur, & apte educetur, si a Deo conceditur, non vero spectat, quod positive ad prolem procreandam vacetur.

VIII. Ex dictis colliges 1. cum Rebella. n. 42. B. Viig. dum matrimonium contraxit, nullatenus consensisse in obligationem actualem ad usum conjugii, imo positive ab ea dissentisse, sed solum in obligationem radicalem, seu aptitudinalem, quandoquidem huiusmodi mutus consensus sufficit ad constituendum vinculum conjugale indissolubile.

Et

Etiā in hoc sensu interpretanda est mens Scoti, & Suar. dicentium, B. Virginem consensisse in obligationem ad copulam, hoc est in obligationem radicalem, quæ est solum obligatio ad copulam conditionatā, pro quando evaderet licita per dispensationem voti, & per rescissionem pacti, seu contractus subinferti.

Colliges 2. Validum esse matrimonium, si Titius ducat Bertam sub conditione, quod vovent Castitatem, vel quod obliget se ad nunquam secum cohabitandum, vel ad nunquam petendum debitum, esto teneatur reddere petenti; Ita Bonac. Dicast. n. 153. contra Sanch. Henric. &c. Ratio est, quia rescissis his pactis, annexis remanet matrimonium cum facultate mutua expedita ad debitum petendum: & hujusmodi conditiones non adversantur positive, & illicite bono prolis: contra vero est invalidum, si contrahatur sub conditione, quod proles occidatur; quia hæc conditio est contra substantiam matrimonii; aut sub conditione quod prius emitatur professio religiosa, & similibus.

QUÆSTIO IV.

Utrum in instanti Donationis Dominium sit in Donante, an in Donatario?

NON posse Dominium esse simul in Donante, & in Donatario, dicemus quæst. sequenti: repugnat enim Dominium in solidum in pluribus: solum hic quærimus, In Donante ne sit, an in Donatario in instanti donationis?

I. Dico equidem cum communiori apud Maur. qu. 166. In instanti donationis dominium esse solum penes donatarium.

Prob. Qui abdicat dominium pro instanti A, non potest pro instanti A, habere dominium; cum non habeat dominium, nisi acceptetur; sed qui donat pro instanti donationis abdicat dominium, cum velit illud esse in donatario, nec possit simul esse in utroque, ut hic supponimus contra Lugo, Arriag. Hurt. ergo in instanti donationis dominium non est in donante, sed in donatario.

Confirm. quando habetur titulus iudicis ultimo determinans legem, ut incipiat favere Donatario, tunc habetur dominium in donatario; sed donatio acceptata est hujusmodi titulus, seu ratio fundandi dominium; ergo pro instanti donationis dominium est

in donatario. Major patet, quia impossibile est haberi ultimum determinativum ad denominationem, & non haberi denominationem. Præterea voluntas donandi efficax transfert dominium statim ac potest; sed donatio potest in eodem instanti, quo est, transferre dominium; ergo pro eodem instanti illud transfert. Min prob. intantum transferre non potest pro eodem instanti, quia Donans pro instanti, quo donat, intelligitur esse Dominus, & exercere dominium; sed donatio non est actus domini, sed est actus præhabentis, & abdicantis dominium, seu est usus domini destructivus, ut mox explicabimus; ergo potest donatio pro eodem instanti dominium transferre. Quod manifeste apparet in contractu matrimoniali, per quem transfertur jus mutuum in corpus alterius, pro eo ipso instanti, quo fit contractus: tunc enim verificatur, quod ab Apost. dicitur 2. Cor. 7. *Mulier sui corporis potestatem non habet, sed vir; similiter vir sui corporis potestatem non habet, sed mulier*; unde si pro eo instanti aliter conjugum vellet contra castitatem peccare, committeret peccatum internum adulterii; sicut si quis pro instanti, quo proficitur Religio, velit contra Castitatem peccare, est Sacrilegus.

Confirm. ulterius paritate condonationis: Qui condonat, pro eo instanti, quo condonat, abicit a se jus ad satisfactionem exigendam, & delet in offensore reatum; imo transfert in illum jus, ne puniatur tamquam reus; ergo pariter qui donat pro eodem instanti abicit a se dominium, seu favorem legis, & transfert illud in Donatarium. Antec. constat, quia aliter Deus remittendo peccatum per infusionem Gratiæ pro eodem instanti haberet jus ad odio habendum peccatorem, & consequenter pro eodem instanti esset in peccatore grata, & reatus odii divini; quod omnes Theologi contra Loricam docent esse impossibile.

Confirm. deinde paritate voti, qui enim vovet Castitatem pro eodem instanti fit voti reus, & amittit jus ad licite contrahendum; ergo qui donat, pro eodem instanti fit obligatus donatario, ne contra ejus voluntatem utatur re donata; & sic amittit dominium; in utroque enim casu renunciatur juri, seu favori legis; ergo in utroque casu amittitur jus in eodem instanti. Quare sicut Donatarius acceptans donationem, per hoc præcise quod possit acceptare, non est dominus, nisi etiam acceptet; ita donans, per hoc præcise quod possit non donare, sed retinere dominium, non est dominus.

nisi

nisi actu retineat, & non donet.

II. Obijc. 1. Ex Lugo disp. 2. de Just. sect. 2. Non potest haberi vera donatio sine dominio in donante; ergo in instanti donationis dominium est in donante; atque adeo vel simul est in donante, & donatario; vel non transfertur in donatarium, nisi pro instanti sequenti. Antec. prob. quia donatio est actus domini, supponit enim legitimam potestatem donandi; actus autem non potest dari sine potentia, a qua profluit; ergo nequit dari vera donatio sine dominio in donante.

Resp. Argumentum solvendum in instanti adductis de abdicatione domini, condonatione, voto &c. & apertissime in renunciatione Privilegii; sicut enim non potest haberi privilegii renunciatio, quin presupponatur privilegium in privilegiario, & tamen renunciatio privilegii non est actus ipso privilegii, nec componitur cum privilegio pro eodem instanti; ita donatio haberi non potest; quin presupponatur dominium formale in donante, & tamen donatio non est actus domini formalis, nec componitur pro eodem instanti cum dominio; atque adeo donans pro instanti donationis caret dominio, illudque transfert in donatarium.

III. Difficultas est in assignando, cuiusnam potentia sit actus ipsa donatio; potentia: ne physica totalis, seu libertatis, an vero potentia moralis, seu domini saltem reflexi? Communiter cum eodem Lugo docent, esse actum domini reflexi, seu virtualis, non vero directi, seu formalis; vocatur in hac quest. Dominium reflexum, ipsum Dominium in dominium, seu potestas transferendi dominium; vocatur vero dominium directum, seu formale ipsa potestas utendi re: Dubitatur tamen an dominium hoc reflexum sit verum dominium; seu libertas moralis; an vero sit ipsa libertas physica presupponens in instanti antecedenti dominium?

Equidem dico cum communiori contra Lugo, & alios, Donationem esse actum domini reflexi, non vero domini formalis; atque adeo potestatem ad donandum, vel non donandum non esse dominium rigoroze dictum, seu potestatem moralem, sed esse ipsam libertatem physicam voluntatis connotantis pro instanti antecedenti dominium formale, quod perseveraret in donante pro instanti donationis, nisi poneretur donatio, a qua destruitur; quare dum intelligitur libertas ad donandum, vel non donandum, intelligitur ipsa libertas physica, & lex veluti suspensa, neque favens ab-

solute donanti, neque donatario; sed favens donatario, si ponatur donatio; donanti vero, si donatio omittatur: non quasi vero antequam dominus licite utatur re sua, debeat prius elicere hunc expressum actum, *Nolo donare*; sed quia dum vult re sua uti, exercite, & implicite dicit, *Nolo rem hanc donare*, sed uti tamquam propria.

Hinc, si querant Adversarii, utrum in priori signo ad donationem, dum intelligitur potestas ad donandum vel non donandum, intelligatur in donante dominium formale, an carentia domini? Respondendum, neutrum intelligi pro illo priori signo rationis; sicut in priori ad lucem, dum intelligitur sol potens lucem causare, neque intelligitur lux, neque carentia lucis: non lux, quia non potest lux intelligi in priori ad seipsam; neque carentia lucis, quia si in priori signo esset carentia lucis, & in posteriori esset lux, in eodem instanti reali esset simul carentia lucis, & lux, quod repugnat. Sic in priori ad infusionem gratiae, quando intelligitur in Deo potentia ad condonandum, vel non condonandum, neque intelligitur gratia, neque peccatum, sed praescinditur ab utroque; Sic etiam in priori ad renunciationem privilegii, neque intelligitur privilegium, neque eius carentia, sed habetur praecisio ab utroque; adeo ut si pro secundo signo rationis intelligatur renunciatio, tunc intelligatur carentia privilegii; si vero pro secundo signo intelligatur omissio renunciationis, tunc intelligatur ipsum privilegium. Idem dicas in casu nostro: In priori signo ad donationem neque intelligitur dominium, neque carentia domini, sed praescindit intellectus ab utroque, & considerat libertatem indifferentem ad donandum, vel non donandum, & legem indifferentem ad favendum donanti, aut donatario; adeo ut si pro secundo signo rationis, quando intelligitur actus secundus libertatis, intelligatur donatio, tunc intelligatur carentia domini in donante, & lex favens donatario; si vero intelligatur omissio donationis, tunc intelligatur dominium in donante, & lex favens eodem.

In forma ad arg. distin. antec. Non potest haberi donatio sine dominio formali in donante, nego, sine dominio virtuali, & reflexo, hoc est sine libertate physica connotante dominium formale pro instanti antecedenti, quod perseveraret in Donante, si non poneretur donatio, conc. antec. & nego conseq. Ad prob. dico. Donationem non esse actum domini formalis, sed virtualis.

D

at-

atque adeo supponere dominium formale solum pro instanti antecedenti; unde donatio non est actus habentis, sed per habentis dominium formale; sicut renunciatio privilegii non est actus habentis, sed per habentis privilegium; & combustio libri non est actus habentis, sed per habentis librum; sicut enim liber non est potentia influens in combustionem, sed est materia comburenda, seu est terminus per combustionem destruendus; ita dominium formale non est potentia moralis influens in donationem, sed est terminus per donationem destruendus, ut privilegium est terminus destruendus per abdicacionem.

IV. Obje. secundo. Donatio est usus domini; ergo presupponit pro eo instanti dominium in donante; quia enim possit uti re, quæ non exstet?

Confr. Donatio, ut sit valida, debet supponere jus, seu facultatem moralem ad donandum; atqui facultas ista moralis est ipsum dominium formale; ergo pro instanti donationis datur in donante dominium formale.

Resp. Donationem esse actum domini reflexi jam explicati, non vero domini formalis: dicitur quidem esse usus domini formalis, sed est usus destructivus illius, sicut combustio libri non est actus libri, sed est usus libri destructivus ejusdem; & abdicatio privilegii est usus privilegii destructivus: propterea donatum formale debet solum presupponi pro instanti antecedenti ad donationem, ita ut perseveraret, nisi per donationem destrueretur, & transferretur in donatum. In forma dist. antec. Donatio est usus, hoc est actus domini, nego; est usus destructivus domini, conc. antec. & nego consequ.

Ad Confr. Ad valide donandum sufficit dominium reflexum, sicuti ad valide renunciandum privilegium. In forma, dist. maj. Donatio, ut sit valida, debet supponere facultatem moralem ad donandum, solum denominative, quatenus supponere debet libertatem physicam, quæ denominative potens valide donare, presuppositio domini formalis, pro instanti antecedenti, conc. debet supponere facultatem moralem ad donandum quidditative, ita debet supponere pro eodem instanti omnia constitutiva hujus denominationis potens valide donare, nego maj. & dist. min. facultas ista moralis est dominium formale, hoc est constitutum per dominium formale, quod præstat in instanti antecedenti, conc. aliter nego mi. & consequ.

Explico distinctionem: Dari in instanti donationis potestatem ad donandum denominative, est solum dari pro eo instanti subiectum, quod denominatur potens donare, rursus non dari hanc potestatem in instanti donationis quidditative est non dari tunc omnia constitutiva denominationis potens donare: unum enim ex constitutivis hujus denominationis est dominium formale, quod tamen non est in instanti donationis, sed præstat in instanti antecedenti. Similiter in instanti, quo privilegium renunciatur, potestas ad renunciandum datur solum denominative, non quidditative; sic in instanti, quo Angelus annihilatur, Equus occiditur, liber comburitur, potestas ad annihilandum, &c. datur solum denominative; quia in eo instanti non datur Angelus, qui constituit denominationem potens illi annihilare. Juxta hanc explicationem dici solet, quod Deus amet penam æqualem culpæ solum denominative, non quidditative; quia solum amat penam, quæ denominatur æqualis; non tamen amat omnia constitutiva denominationis æqualis, cum non amet culpam, quæ etiam constituit hanc æqualitatem. Idem dicas, cum Deus v. gr. odio habet mores Judæ dissimiles moribus D. Petri, odit enim illos solum denominative. Hinc fit, quod sicut dominium reflexum in instanti donationis datur solum denominative, quia in eo instanti non existit dominium formale, ita dominium formale in Petro relate ad Equum suum in instanti, quo illum occidit, & in Deo relate ad Angelum, quem annihilat, aut relate ad creaturas posibles, est solum denominative, quia non existit terminus hujus domini formalis.

V. Obje. tertio ex Art. disp. 30. de Deo, sect. 2. In instanti donationis donans dat dominium; ergo habet; nemo enim dat, quod non habet. Præterea donans donat rem suam, non alienam; ergo donat rem, erga quam tunc habet dominium; ergo dominium est in donante; atque adeo donatio est actus seu effectus domini; non vero usus domini destructivus.

Confr. Si ad donandum sufficeret, quod Dominium præstetur in instanti antecedenti, qui haberet dominium Equi per tria instantia, in quarto instanti posset illum donare, quod nemo dicitur; ergo ut supra.

Resp. retroquo arg. Donans dat dominium; ergo non habet; nemo enim habet id, quod dat; sicut enim non destruitur id, quod non est, & tamen res quæ destruitur, non est, ita nemo dat, quod non habet,

& tamen nemo habet id, quod dat. quare Axioma illud, *Nemo dat, quod non habet*, facit sensum, quod Nemo det, nisi quod præhabuit, & haberet, nisi daret; sicut Nemo destruit, quod non est, facit sensum, Nemo destruit id, quod non præfuit, & esset, nisi destrueretur. In forma, nego consequ. ad prob. Nemo dat quod non habet extrinsece, & conditionate in sensu explicato, conc. intrinsece, & absolute, nego. Similiter donans donat rem suam, hoc est quæ erat sua in instanti antecedenti, & esset sua, nisi illam donaret, conc. quæ sit sua in instanti donationis, nego antec. & consequ.

Ad Confr. Ad valide donandum non solum requiritur, quod dominium præfuerit in instanti antecedenti, sed etiam quod esset in instanti donationis, nisi donaretur; & ideo qui habet dominium Equi per tria tantum instantia, non potest illum donare pro quarto instanti; Idem dicas in destructione physica rei, in abdicatione Privilegii &c. cum enim dominium sit materia, quæ per donationem transferatur in donatarium, debet posse remanere in donante, nisi transferatur.

VI. Obijc. quarto. In priori ad donationem datur in Donante potestas ad donandum, vel non donandum; atqui potestas ad non donandum est formaliter potestas ad utendum re sua, atque adeo dominium formale; ergo in instanti donationis Donans habet dominium formale. Prob. min. ex Lugo loc. cit. n. 15. quia aliter Dominus, ut posset licite uti re sua, non solum debet habere potestatem ad non donandum, sed etiam deberet prius dicere, Nolo donare, & deinde uti; quod est contra experientiam.

Confr. Dominium perseverat in Donante quousque intelligitur ejus destructivum, nempe donatio; sed Donatio non intelligitur in priori ad ipsam donationem, pro quando intelligitur potestas ad donandum, vel non donandum; ergo in priori ad donationem est dominium; atqui si dominium est in priori sigao ad donationem, erit etiam pro toto instanti donationis, ut patet; ergo in instanti donationis dominium est in donante.

Resp. quod volens uti re sua non debeat prius signate, & actu distincto dicere, nolo donare, sed sufficit quod exercite id dicat, dum vult uti re tamquam propria. In forma, distinct. min. potestas ad non donandum præcise sumpta est simul potestas ad utendum, seu dominium formale, nego min. potestas ad non donandum, si componatur

cum ommissione donationis saltem exercita, conc. min. & nego consequ.

Ad Confr. Arg. probat, quod etiam peccatum perseverat quousque intelligatur condonatio, & gratia, a qua destruitur; atque adeo quod existat peccatum in priori illo signo, quando intelligitur in Deo potestas ad condonandum antecedenter ad condonationem; & sic quod coexistat peccatum, & condonatio, seu gratia, juxta sententiam Ior. & ab omnibus rejectam. Directe nego maj. perseverat enim dominium in donante non quousque intelligatur, sed quousque sit donatio; (sicut perseverat peccatum, non quousque intelligatur, sed quousque ponatur condonatio) quare in instanti donationis non est dominium in donante, quamvis in priori ad donationem non intelligatur donatio, quæ est destructiva domini in eo qui donat, & translativa domini in donatarium. Sic in physicis tenebræ perseverant, non quousque intelligatur lux, nam dum intelligitur sol in priori ad lucem, tunc non intelligitur lux, & tamen tunc non sunt tenebræ.

VII. Obijc. ult. Pro eo instanti, quo Petrus donat gemmam Paulo, potest Paulus donatarius illam donare Joanni; ergo pro eodem instanti A Paulus, utpote donatarius, est dominus gemmæ; atqui pro eodem instanti supponitur, quod illam donet Joanni; ergo pro eo instanti Paulus est donans, & simul habet dominium gemmæ; atque adeo potest dominium esse in donante; Antec. prob. Dominus pro eo instanti, quo est dominus; potest uti re sua, atque adeo potest illam destruere, sive physice, sive etiam moraliter, illam alienando; ergo pro instanti donationis Paulus donatarius dominus gemmæ potest illam Joanni donare.

Resp. per instantiam: Deus potest Angelû destruere quolibet instanti; ergo potest etiam illum destruere pro illo primo instanti, quo creat; quod repugnat. Potest enim Deus pro illo primo instanti non ponere Angelû, non vero potest pro eodem instanti ponere, & destruere; ita in casu potest donatarius pro primo instanti non acceptare donationem, & impedire, ne dominium confusur, non vero acceptare donationem, & simul præ eodem instanti donare, quia haberet, & non haberet dominium; quare nego antec. ad prob. dico, Dominum gemmæ, pro eo instanti quo est Dominus, posse de ea disponere ad omnes usus possibiles, non vero ad impossibiles: est autem impossibilis hujusmodi usus, nempe donatio gemmæ pro illo primo

instanti, quo acceptatur dominium gemmæ, sicut impossibile est, Deum destruere Angelum pro illo primo instanti, quo creat.

VIII. Admittunt alii posse Paulum donatarium donare gemmam Joanni pro eo instanti, sed ita ut Paulus sit solum dominus *simplex*, non *re*: dicitur esse Dominus *simplex*, qui habet rationem fundandi dominium, puta donationem sibi factam; dicitur esse dominus *re*, qui potest disponere de re: quare si pro instanti A, Petrus donet gemmam Paulo, & Paulus Joanni, Petrus neque dicitur esse dominus titulo, neque *re*; Paulus dicitur esse dominus titulo, non *re*; Joannes dicitur esse dominus titulo simul & *re*.

Sed impugnantur, quidam dicunt Paulum esse dominum titulo, non *re*, vel sumitur titulus adæquate, quatenus non solum est conditio prærequisita, sed etiam ultima actualitas ad translationem domini; & sic non potest esse dominus titulo, quin simul sit dominus *re*; cum non possit dari ultima actualitas ad aliquam denominationem, quin detur ipsa denominatio: Vel titulus sumitur inadæquate, vid. non pro donatione acceptata, sed pro sola donatione, quæ est conditio prærequisita ad translationem domini, & in hoc sensu Donatarius non dicitur esse dominus titulo; qui enim potest acceptare donationem, & non acceptat, nullatenus est dominus, quia quamvis donatio prærequiratur ad translationem domini, non est tamen ultima actualitas antecedenter ad acceptance[m].

Admittunt alii posse Paulum pro eodem instanti esse simul Donatarium, & donantem, per hoc quod transferat in Joannem Dominium, quod pro eo instanti non habet, sed haberet, nisi donaret: sicut enim vere condonat offensam in instanti quo fit, qui cedit juri suo, & impedit ne confurgat jus ad odium habendum offensorem; ita Paulus donatarius vere donat pro eodem instanti gemmam Joanni per hoc quod non acceptet donationem pro se, sed velit dominium transferri in Joannem.

Sed hæc etiam via impugnatur; Nam Paulus donatarius si pro eodem instanti donat gemmam Joanni, jam non acceptat favorem legis, & donationem; unde non est rigore donatarius, sed solum se habet tamquam ponens conditionem requisitam, ut ex voluntate Petri donantis dominium transferatur in Joannem: Sicut si Dominus det famulo pecuniam distribuendam vel sibi, vel

alteri Pauperi, non potest famulus pro eodem instanti applicare illam sibi, & alteri; ita ut ipse simul sit donatarius, & donans; sed solum potest vel applicare sibi, vel applicare alteri ex concessione domini. Dispar autem est ratio inter condonationem, & donationem: vere enim condonat, qui cedit juri suo, & non acceptat favorem legis; at non vere donat, qui non acceptat prius favorem legis, & deinde transfert in alium; famulus enim, qui solum transfert dominium pecuniarum in pauperem, non dicitur donatarius, nec donans; quia non acceptat sibi dominium, antequam transferat in pauperem.

Confir. quia si Petrus donat pro instanti A, gemmam Paulo, non potest Paulus pro eodem instanti illam redonare eidem Petro; ergo nec potest donare Joanni: Anteced. patet, quia simul acceptaret, & non acceptaret dominium; simul transferret, quatenus redonaret, & non transferret, quia nunquam habuisset; & ratio a priori est, quia si redonat, non acceptat, si non acceptat, non est vere donatarius: idem dicas, si gemmam donaret Joanni.

Adde demum quod si transmittatur, posset Paulum donatarium donare pro eodem instanti Joanni gemmam sibi donatam, hinc solum sequitur quod per accidens tunc dominium non sit in Paulo primo donatario, quod non obstat nostræ Conclusioni.

QUESTIO V.

Utrum dari possit plenum dominium in solidum ejusdem rei penes plures?

Certum est, posse in uno esse Dominium directum, in altero utile, unde difficultas solum est de Dominio pleno. Negant communissime Juriste; Theolog. tamen anxii sunt in pervestigando, an saltem in instanti donationis possit dominium plenum esse, simul in donante, & donatario? quod multum conducit ad decernendum, Num possit Deus sine amissione Domini conferre homini jus sibi cum v. g. ad Gloriam promissam, & sic ex iustitia remunerari merita condigna? quod examinabimus disp. sequenti.

Lugo disp. 3. de Incarn. & disp. 2. de Just. sect. 2. Arriag. 1. p. disp. 30. Hurt. de Incar. disp. 10. Platel. Requies, & alii docent, de facto in instanti donationis do-

mi.

minium esse penes donantem, & donatarium in solidum: quia scilicet donans non abdicat a se per eo instanti dominium, sed transfert ita, ut simul retineat; sicut ignis, v. g. ita communicat passo formam ignis, ut retineat suam, quod autem in solo primo instanti donationis possit id accidere, ratio est, quia in eo tantum instanti donans potest uti re sua licite in sensu diviso a donatione; in instanti vero sequenti non potest amplius donationem impedire, & ideo caret dominio.

II. Dico equidem dari non posse ejusdem rei plenum, ac perfectum dominium in solidum, penes plures, ne in primo quidem instanti donationis. Ita communiter Jurisperiti ex lege *Uti si Ceteris*. ff. *Commodati*: & communis Theologorum cum Esp. d. 49. Maur. & aliis.

Prob. Si posset dari penes Petrum, & Paulum dominium plenum ejusdem Equi v. g. in solidum pro eodem instanti, dari posset bellum utrique justum; sequela est absurda; ergo & id, unde sequitur. Patet sequela, quia posset Petrus, & Paulus habere voluntates discordes, seu pugnantes, & simul justas; Petrus enim v. g. posset velle uti Equo, invito Paulo, & e contra Paulus, invito Petro; ita ut voluntas utriusque esset justa ob dominium, quod haberent in equum; hoc autem est dari bellum utrique justum: quod autem hujusmodi bellum repugnet, etiam patet, quia non potest lex favere simul Petro adversus Paulum, & Paulo adversus Petrum; faveret enim simul, & non faveret utrique; Petrus dominus equi posset juste velle equitare, invito Paulo, & Paulus posset juste impedire Petro equitationem, & obligare ad non equitandum; ergo uterque haberet, & non haberet jus plenum ad equitandum.

Confirm. pluribus paritatibus; Non potest in instanti condonationis peccati dari simul gratia, & peccatum, seu jus in peccatore, ne odio habeatur, & jus in Deo ad odio habendum peccatorem; Pariet in instanti Voti nequit dari in votente v. gr. castitatem jus ad licite contrahendum matrimonium, & in Deo jus ad exigendam castitatem promissam; Nec in instanti renunciationis privilegii potest dari in privilegario jus ad usum privilegii, & in legislatore jus, ne utatur: Nec potest servus in instanti, quo manumittitur, esse simul servus, & liber; Et ratio horum omnium est, quia daretur bellum utrique justum; ergo neque in instanti donationis dari potest in do-

nante jus ad usum rei, & in donatario jus ad impediendum talem usum.

Dices: Si Petrus, & Paulus probabiliter putent, quod Equus v. g. sit proprius, poterit uterque licite uti Equo tamquam proprio, altero invito: ergo potest in hoc casu dari bellum utrique justum; ergo etiam in instanti donationis.

Resp. dist. ant. dari potest in eo casu bellum utrique justum per accidens, & ex jure non pleno, nisi tantum positive, concipitur per se, & ex jure pleno simpliciter, videlicet tam positive, quam exclusive, nego antec. & conseq. In casu adducto admittitur a DD. bellum utrique justum per accidens, seu ratione erroris invincibilis, qui est in alterutro, quod Equus sit proprius; cum re vera Equus sit unus tantum, posita rerum divisione; Præterea hujusmodi jus est plenum positive tantum, non exclusive; quia scilicet est jus ad omnem usum Equi, non tamen ad excludendum alterum; ne utatur Equo, qui pariter probabiliter est illius; tunc autem bellum utrique justum repugnat, quando in utroque est jus plenum, etiam exclusive, ita scilicet, ut possit alterum excludere ab usu rei, & obligare illum, ne ea re utatur. In instanti donationis Donatarius habet jus simpliciter plenum etiam exclusive, cum possit obligare donantem ad non utendum re donata, se invito. Idemque dicas de Donante, si esset Dominus; ergo in eo instanti daretur bellum utrique justum ex jure simpliciter pleno, quod ostendimus repugnare.

III. Hinc sequitur 1. quod si Deus in alia Providentia dare veller Petro, & Paulo simul jus in Equum, plenum tantum positive, non exclusive, tunc daretur per se dominium in solidum plenum tantum positive; eo modo, quo nunc datur per accidens in Petro, & Paulo probabiliter opinantibus rem esse suam. Sic etiam posita Polygamia, dux uxores non habet dominium plenum etiam exclusive in conjugem. Sic etiam si duo seorsim conducant Petrum, ut eat Romam, uterque poterit illum obligare ad iter capeffendum; neuter vero obligare, ne eat; unde dominium in his casibus non est simpliciter plenum.

Sequitur 2. posse Deum simul & hominem habere dominium plenum Equi, non vero duos homines. Disparitas est, quia homo non habet quatenus non potest habere jus utendi Equo invito Deo; contra vero Petrus dominus Equi habet jus utendi Equo, invito Paulo; ergo si Petrus, &

Paulus essent condomini, dari posset bellum utrinque justum: si secus vero si Deus, & homo sine condomini; Deus enim habet dominium super plenum; homo vero habet dominium plenum plenitudine propria domini creati, quod non potest se extendere ad usum rei, invito Deo.

Sequitur 2. quod si posset Deus conferre homini jus strictum ad Gloriam v. g. promissam, & sic exercere iustitiam in collatione gloriæ, quod examinabimus Disp. sequenti, to tali hypothesi solum daretur in Deo, & homine jus plenum positive, non exclusive; quamvis enim posset homo exigere gloriam, adeo ut injustus esset Deus, [ut dicitur ad Hebr. 6.] si operis nostri oblivisceretur, & gloriam denegaret; Deus tamen adhuc remaneret plenissime Dominus gloriæ suæ, quod tamen alii aliter explicat.

Confirm. demum Conclusio, quia si Donatio non esset destructiva Domini in donante pro instanti donationis, sequeretur, quod posset donans simul donare, & iuste retinere rem, invito donatario; atqui in omnium sententia injuste retineret; ergo donatio destruit dominium, unde non est simul in donante, & donatario; & idem dicas de vendente, permittente, aut aliter transferente Dominium. Maj. prob. tum a pari; Nam quia facultas v. g. revocabilis data convivæ ad cibum comedendum non destruit dominium; ideo, citra injuriam convivæ, potest Dominus antecederet concedere pro instanti A facultatem, & deinde citra injustitiam, quamvis non citra instantiam pro eodem instanti impedire, ne cibum comedatur; tum a priori, quia cum dominium plenum sit legitima potestas ad omnem usum rei, necessario legimur, & reddit justum omnem usum, cum quo componitur; ergo deberet reddere justam, & licitam retentionem rei, invito donatario, si perseveraret in instanti donationis.

IV. Obijc. 1. Ex Lug. d. 2. n. 26. Dominium in solidum non trahit possibilitatem belli utrinque iusti, ergo non repugnat ex hoc capite. Prob. antec. Ideo posset dari bellum utrinque justum, quia posset donans velle aliquem usum rei, quem nolle donatarius, & utraque voluntas pugnare deberet esse iusta; sed falsum est, quod Donans possit donare. & simul discrepare a voluntate donatarii. donans enim vult approbare donatarii voluntatem in ordine ad usum rei donatæ; ergo dominium in solidum non trahit bellum utrinque justum.

Resp. nego antec., ad prob. nego min. Nam, ut notat idem Lugo disp. 3. de Incarn. n. 17. potest donans simul velle donare Equum Petro, & velle apud se equum retinere, invito Petro; cum dix. istæ voluntates non sint oppositæ; sic qui contrahit matrimonium potest simul velle dare jus cojugi, & velle contra jus collatum peccare; sic qui voverit castitatem, potest velle contra castitatem peccare, & esse facinorosus. Ratio a priori est, quia Jus & res sunt duo invicem separabilia; fur enim habet rem furtivam, non jus ad illam; contra vero dominus talis rei habet jus, non rem; ergo potest donans velle dare donatario jus, non rem, atque adeo potest physice non approbare voluntatem donatarii in ordine ad usum rei, quamvis non possit moraliter, hoc est licite, & iuste; idque ob defectum domini, quod per donationem destruitur.

V. Obijc. 2. Ex eodem Lugo n. 2c. Donans pro instanti, quo donat, potest licite re donata in sensu diviso a donatione; ergo dominium tunc est in donante; ex alia parte est etiam in donatario, ut conceditur; ergo in utroque: Prob. 1. conf. quia ad dominium non spectat posse componere duos actus impossibiles, puta donationem validam, & usum licitum, sed sufficit quod possit alterutrum: sicut ad potentiam physice liberam non spectat posse componere amorem, & odium; sed quod possit alterutrum; ergo cum revera possit donans in instanti donationis vel donare valide, vel uti licite, re vera habet dominium.

Confirm. 1. quia stat amorem, & odium esse impossibiles physice, & tamen utrumque seorsum esse compossibile cum potentia libera; ergo stat donationem validam, & usum licitum esse moraliter impossibiles, & tamen utrumque esse compossibile cum potentia morali, seu cum domino: & consequenter donatio non destruit, sed perfitur dominium, sicut amor perfitur potentiam liberam ad odium, quatenus qui libet actus perfitur potentiam suam.

Confirm. 2. A priori; tunc stat dominium, quoties stat potestas moralis ad usum licitum rei; sed in instanti donationis nihil tollitur per donationem ab hac potestate; ergo per donationem non destruitur dominium. Prob. min. quia in tantum tollitur huiusmodi potestas, quia non possit donans cum donatione componere voluntatem utendi licite, ac iuste re sua, invito donatario;

atque

ut qui quamvis id non possit, non oritur ex defectu potestatis, sed ex impossibilitate horum actuum, nempe donandi valide, & utendi licite; ergo potestas dominativa non tollitur per donationem.

Resp. 1. Argumentum probare, quod in instanti condonationis peccati adhuc perseveret in Deo Juxta ad odium habendum peccatorem, quia potest illum odisse in sensu diviso a condonatione, & gratia; probat etiam quod Privilegium perseveret in instanti renunciationis, quia Privilegiarius potest eo uti in sensu diviso a renunciatione: probat similiter quod neque dominium destruitur pro secundo instanti donationis; quia donans tunc potest uti licite re in sensu diviso a donatione præterita.

Resp. 2. directe Donationem destruere dominum pro instanti donationis; aliter donans posset justè & licite retinere rem, invito donatario, ut ostendimus in ultima Confirmatione. Ad id, quod dicitur, posse Donantem ponere usum licitum in sensu diviso a donatione, Respondet ex hoc non sequi quod habeat dominium, sed quod haberet, si non donaret; sicut quia renuncians privilegium potest eo uti in sensu diviso a renunciatione, sequitur solum quod haberet privilegium, si non renunciaret, & Deus posset odisse peccatorem, si non condonaret. Advertendum enim quod si possit in sensu diviso duplicem sensum facere possit. Primo quod datur simul potentia ad actus impossibiles, atque adeo simulas potentie, non potentia similitudinis; & in hoc sensu voluntas dum amat, potest in sensu diviso ponere odium. Secundo quod datur potentia absoluta ad A, & potentia conditionata ad B; sic habens visionem beatam potest peccare in sensu diviso a visione; quatenus habet potentiam absolutam ad Deum amandum, & conditionatam ad peccatum, quatenus peccare posset, si careret visione beata, quæ destruit potentiam ad peccandum. In hoc sensu verum est, quod possit Donans ponere usum licitum in sensu diviso a donatione; hoc est potest uti licite, & haberet dominium formale, si careret donatione, quæ est destructiva domini. Hinc patet, quomodo Antichristus sub præscientia peccati libere peccat, per hoc quod possit non peccare in sensu diviso a tali præscientia. Contra vero Petrus prædeterminatus ad amorem non libere amat, per hoc, quod possit non amare in sensu diviso a prædeterminatione. Disparitas est, quia Antichristus sub præ-

scientia peccati habet simultatem potentie ad peccandum, & non peccandum, cum possit non peccando præscientiam peccati impedire; Petrus vero sub prædeterminatione ad amorem habet solum absolute potentiam ad amandum, & simul conditionate haberet potentiam ad non amandum, si careret prædeterminatione, cum non possit impedire prædeterminationem.

In hoc etiam diverso sensu verum est, quod voluntas sub prædeterminatione amoris præcepti consequente ad scientiam mediam possit ponere odium in sensu diviso a tali prædeterminatione, utpote impedibili citra eversionem libertatis; contra vero sub visione beata, vel sub habitu charitatis etiam collato post scientiam mediam de Amore præcepto sub auxilio indifferenti voluntas potest non amare in sensu diviso; & tamen eveniunt libertas pro ita absoluto, quia scilicet pro ita absoluto solum posset non amare, si careret visione, aut habitu charitatis, quoniam tamen absolute possit sub tali compendio supernaturali, utpote inimpedibili, ponere negationem Amoris, quod requiritur ad libertatem.

In forma dist. antec. Donans potest licite uti re, quam idonat, in sensu diviso a Donatione, si faciat sensum, quod habeat actu potentiam formalem ad usum licitum, nego, si faciat sensum, quod haberet potentiam istam, si non donaret, conc. ant. & nego consequ. Ad probationem, nego quod ad Dominium formale spectet ponere tantquam actus proprios vel donationem validam, vel usum licitum; (sicut ad libertatem spectat ponere vel amorem, vel odium) Donatio enim non est actus domini formalis, sed virtualis; (sicut renunciatio Privilegii non est actus Privilegii, sed voluntatis connotantis Privilegium, quod est materia, seu terminus per renunciationem destruendus) unde potest voluntas dumtaxat ratione domini virtualis validare donationem, seu domini formalis translationem in donatarium, stat ut si non transferret, tunc posset legemare usum rei.

VI. Obijcies ultimo, Dari potest in instanti Donationis Dominium reflexum, seu virtuale Donationis, quæ est destructiva domini, si careret donatione, quæ est destructiva domini. Hinc patet, quomodo Antichristus sub præscientia peccati libere peccat, per hoc quod possit non peccare in sensu diviso a tali præscientia. Contra vero Petrus prædeterminatus ad amorem non libere amat, per hoc, quod possit non amare in sensu diviso a prædeterminatione. Disparitas est, quia Antichristus sub præ-

Confirm. stare potest in Donante donatio facta Petro cum potentia ad vendendum Paulo rem eandem in sensu diviso a donatione; ergo poterit etiam stare in donante donatio facta Petro cum potentia ad utendum licite, & iuste eadem re in sensu diviso a donatione; atque adeo componi potest Donatio cum dominio formali.

Resp. 1. per instantiam: Datur simul in vovente, & in Deo promissarii consimile jus reflexum, sicut in donante, & donatario, quatenus vovens v. g. castitatem habet potestatem non vovendi, atque adeo retinendi jus ad matrimonium contrahendum, & Deus habet potestatem non acceptandi votum, seu jus promissarii ad matrimonium prohibendum voventi; & tamen non potest in utroque dari jus formale, nempe in vovente jus ad matrimonium contrahendum, & in Deo jus promissarii ad matrimonium illi prohibendum.

Deinde ante responsum directam ad-
verto, Dominium reflexum diversimode esse in Donante, ac in donatario; 1. quia in Donante constituitur per libertatem ad donandum connotantem dominium pro instanti antecedenti; Indonatario vero constituitur per libertatem ad acceptandum dominium connotantem donationem in donante. 2. quia in Donante Dominium reflexum est potestas transferendi dominium pro instanti ipso donationis, in donatario vero est potestas transferendi dominium in alium donatarium solum pro instanti sequenti, cum non possit idem simul esse donatarius, & donans; propterea per donationem non dicitur transferri dominium reflexum a donante in donatarium, sicut transferitur directum; quia dominium reflexum non est idem, neque ejusdem rationis in utroque. Sed transmitti potest Adversariis, quod eodem modo in utroque sit dominium reflexum, quod vere transferatur a donante in donatarium, nihil hinc contra conclusionem inferri potest.

In forma ad arg. dissimulato antec. nego consequ. disparitas est quia Dominium reflexum jam explicatum in utroque nec trahit possibilitatem belli utrinque iusti, nec aliud inconveniens; imo est necessarium: quomodo enim intelligi posset donatio, nisi in Donante sit potestas ad donandum, & in Donatario potestas ad acceptandam donationem, & ad transferendum dominium, sive pro eodem, sive pro sequenti instanti contra vero Dominium formale in utroque traheret possibilitatem belli utrin-

que iusti, & redderet justam, ac licitam retentionem rei, invito donatario, quod repugnat.

Ad Confirm. conc. antec. quod scilicet sine possibilitate belli utrinque iusti donans possit valide vendere in sensu diviso; ita ut detur simultas potentia ad utrumque actum impossibilem donationis, & venditionis: Nego consequ. quod scilicet sine hoc inconvenienti possit donans uti iuste re in sensu diviso, ita ut detur simultas potentia ad donationem validam, & usum licitum. Disparitas est, quia Donatio, & usus rei, invito Donatario, sunt duo actus physice compossibiles, & solum moraliter, seu licite incompossibiles; ergo non datur in donante potentia moralis, seu dominium, quod possit utrumque actum legitimare, contra vero donatio, & venditio ejusdem rei sunt duo actus etiam physice impossibiles, ut amor, & odium; si enim donans vellet simul donare, & vendere, vellet chimeram; ergo ex hoc quod donans possit in sensu diviso valide vendere, & quod donatio, & venditio sint duo actus impossibiles ejusdem domini reflexi, nullum sequitur inconveniens.

VII. Ex hæcenus dictis habes 1. Ad Dominium Reflexum (quod connotat dominium formale pro instanti antecedenti) spectare tamquam actus proprios donationem, venditionem, permutationem, & quamcunque aliam translationem Domini formalis pleni. 2. Ad dominium pure directum, & proprietas ut constitutum ab utroque (quod scilicet connotat dominium utile pro instanti antecedenti) spectare posse concedere usum fructum, vel darcia emphyteusim, aut in feudum, nec non locare, & dare usum juris; quia hujusmodi actus transferunt dominium utile, quod non potest simul esse in duobus. ne detur bellum utrinque iustum. 3. Spectare ad Dominium formale, quod complectitur dominium proprietatis, seu directum simul & dominium utile posse uti re ad quemcunque usum, etiam destructivum; unde duximus, Dominium formale æqui haberi etiam pro instanti, quo æquus a Domino occiditur, quamvis tunc solum existat denominative, non constitutive, seu quidditative; sicut dominium reflexum existit solum denominative in instanti donationis, quando destruitur dominium formale.

Denique sciendum, Pallavicinum in Assertionibus Theologicis lib. 4. cap. 12. velle, quod in instanti Donationis Dominium acque

neque sit complete in donante, neque complete in donatario, sed in utroque incomplete; Non est complete in donatario, quia non potest uti re, nisi in sensu composito donationis; neque est complete in donante, quia non potest uti re, nisi in sensu diviso a donatione. Sed communiter hæc doctrina rejicitur: donans enim nullatenus habet dominium formale, quia non potest uti re licite, sed posset, nisi donaret; sicut cadaver posset ambulare, si viveret: Donatarius vero est plenissime dominus, quamvis dominium habeat dependenter a donatione; quia etiam in secundo instanti donatarius habet dominium dependenter a donatione præterita, & tamen in secundo instanti est plenissime dominus: sicjuxta jurisdictionis est plenum etiam pro primo instanti, quo confertur, quamvis tunc habeatur dependenter ab ejus collatione.

QUESTIO VI.

Num sit possibile Dominium in solidum penes plures, posita rei replicatione, aut concordia voluntatum?

NE penitus ignoretur, paucis perstringo quæstionem hanc, quæ Metaphysicam potius redolet, quam Theologiam. queritur 1. utrum posita divinitus replicatione (v. g. Equi Romæ, & Neapoli) dari possit dominium plenum in solidum penes talem Equum, ita ut Petrus sit dominus Equi prout existens Romæ, & Paulus prout existens Neapoli? Secundo An possit dari dominium in solidum in Petro, & Paulo, si Deus conferat iis dominium rei, postquam per scientiam mediam præviderit, quod ambo essent concordaturi circa usum rei; adeo ut, si præviderentur discordes, iis dominium non conferretur.

I. Dico 1. Potest divinitus dari dominium ejusdem rei plenum penes plures in solidum, dummodo ea res replicetur in duobus locis, cum æquivalentia duabus rebus in ordine ad usum; secus vero, si non ita replicetur.

Prob. 1. a pari, si idem Equus v. g. ponatur duobus temporibus, v. g. Anno A, & anno B, poterit Petrus habere dominium Equi plenum Anno A, & Paulus anno B, quia idem Equus reproducitur æquivalent duobus Equis; ergo pariter si idem Equus replicetur, ita ut æquivalent duobus Equis,

poterit Petrus esse plenus dominus illius; prout existentis in uno loco, & Paulus prout existentis in altero; atque adeo dari potest in hac hypothesi dominium in solidum; quod si fingamus non replicari, ita ut æquivalent duobus, unde v. g. in duobus locis non habeat vires ad ferendum pondus duplicatum, nec duplicatas vires ad currendum, certe dominium non posset esse plenum in utroque, ut patet. Ratio a priori Conclusionis est, quia tunc haberetur dominium plenum, quando haberetur facultas legitima disponendi de re ad libitum, invito quovis alio; atqui posita Equi replicatione cum æquivalentia ad duos Equos, Petrus potest disponere ad libitum de Equo prout existente Romæ v. g. invito quovis alio, etiam invito Paulo condomino; & similiter potest Paulus de eodem Equo prout existente Neapoli; ergo uterque esset plene condominus.

II. Hinc seq. 1. quod ut Equus replicetur, perinde ac si esset duplex, non solum deberet habere vires duplicatas, sed etiam deberet fibimet occurrens impedire penetrationem, & si Romæ occideretur, non deberet simpliciter mori, sed deberet Neapoli vivere, aliter non replicaretur juxta systema conclusionis, perinde ac esset duplex.

Seq. 2. quod absolute loquendo per nādam Equi replicationem non possit dari dominium in solidum; nuda enim replicatio non fert, quod Equus habeat vires duplicatas; neque fert quod si vulneretur, & moriatur in uno loco, non vulneretur, & moriatur ubique, ut communiter docent in Physicis: vulnus enim haberetur per destructionem unionis continuæ inter partes corporis, & mors per destructionem unionis inter animam, & corpus; repugnat autem ut istæ uniones destruantur in uno loco, & non destruantur simpliciter in quocunque alio loco; rem enim destrui, est illam non amplius existere; cum autem negatio sit malignantis naturæ, fit, ut si res non existat, nullibi existat. Propterea si Equus replicatus moreretur Romæ, & viveret Neapoli, in rigore Romæ non moreretur: quia non destrueretur unio inter animam, & corpus, sed solum destrueretur ubicatio Romana talis unionis; destrui autem ubicationem unionis, non est Equum mori; aliter quando Equus ambularet, semper moreretur, quia tunc successive destrueretur ubicatio propria unionis inter animam, & corpus. Ratio autem, cur per nādam repli-

replicationem sic explicatam non possit haberi dominium in solidum penes Petrum, & Paulum, est, quia tunc non daretur in imo facultas legitima occidendi v. g. Equum invito altero; ergo in neutro esset dominium plenum.

III. Dico 2. Dominium plenum in solidum penes Petrum, & Paulum repugnat etiam posita concordia voluntatum; hoc est etiam si dominium utrique conferatur a Deo post praevisionem per scientiam mediam, quod ambe voluntates sint concordatae in ordine ad usum rei. Ita communis contra nonnullos Recentiores.

Prob. Si Deus post praevisionem voluntatum Petri, & Pauli concordiam conferret utrique dominium v. g. Equi pro instanti, A, sive pro hora A, Rogo: vel pro instanti, A, voluntates istae possent discordare, ita ut Petrus v. g. vellet equitate, & Paulus nollet quod Petrus equitet, vel non possent discordare; si hoc secundum; ergo carerent libertate physica essentialiter praerequisita ad dominium; atque adeo carerent dominio pro tali instanti; si primum, rursus interrogo: vel dominium in hypothese discordiae remaneret, vel non remaneret; si remaneret; ergo posset dari bellum iustum ex utraque parte, ut ostendimus quaestione praecedenti; si non remaneret; ergo non haberent pro tali instanti dominium plenum, quippe quod non se extenderet ad usum Equi in hypothese, quod illae voluntates discordarent, prout requiritur ad dominium plenum, ac perfectum, ut patet.

Confirm. quando Deus praevisa per scientiam mediam concordia voluntatum Petri, & Pauli pro instanti, A, relate ad usum Equi, praefinit hanc concordiam, & simul confert utrique dominium, vel decernit dominium, quia praefinit concordiam, vel praefinit concordiam, quia decernit utrique conferre dominium, vel praefinit concordiam, & decretum collationis dominii se habent disparate; ita ut neutrum fundetur in altero; nullum ex his dici potest; ergo non datur in Petro, & Paulo dominium plenum, posita concordia voluntatum. Prob. min. nam si dicatur primum, quod scilicet decretum dominii fundetur in praefinitione concordiae, sequitur quod si discordarent, non essent dominii, atque adeo dominium non se extenderet ad usus discordes, unde non esset plenum; sicut non est plenum dominium, quod a Deo confertur Petro pro hypothese

si, quod uno tantum usu ea re utatur, ita ut si uteretur alio usu, non esset dominus: Si dicatur secundum, quod praefinitio concordiae fundetur in decreto dominii, sequeretur eversio libertatis, quia decretum dominii esset antecedens concordiam impossibilem cum discordia, & impedibile a voluntate; ergo juxta nostram principia evertit libertatem. Si dicatur tertium, quod se habeant disparate, sequeretur possibilitas belli utrinque iusti, juxta explicata quaestione antecedenti.

IV. Resp. 1. adversari, quod Decretum dominii fundetur in decreto concordiae, sicut praedestinatio fundatur in praevisione, & praedestinatio actus finaliter boni; & idcirco Petrus & Paulus essent domini, & tamen non possent discordare impotentia solum consequente, quae non evertit libertatem, eo modo quo praedeterminatus non potest peccare finaliter, & damnari.

Sed contra est, quia sicut Praedeterminatus debet posse peccare finaliter, ita tamen, ut si peccaret, non fuisset praedeterminatus, eodem modo Petrus, & Paulus deberent posse physice discordare, & in casu discordiae non essent domini; atqui si hoc dicitur, non sunt plene domini, quia dominium non se extenderet ad legitimandos usus discordes; ergo haec responsio non subsistit.

Resp. 2. quod praefinitio concordiae, & decretum dominii se haberent concomitanter & disparate; unde possent Petrus, & Paulus discordare; in casu tamen discordiae adhuc remanerent domini, sed usque postea a Petro, invito Paulo, diceretur iustus simul; & iniustus, ex diverso titulo; esset iustus ratione juris, quod residet in Petro, & iniustus ratione juris quod residet etiam in Paulo.

Sed neque haec responsio subsistit: Nam vel dominium in utroque supponitur plenum simpliciter, in sensu, quo hic agitur quaestio; vel supponitur plenum tantum positive, non exclusive, prout est in duobus probabiliter opinantibus, quod res sit propria, ut explicavimus quaestione praecedente: Si dicatur hoc Secundum, habemus in quantum, quod repugnet dominium in solidum usquequaque plenum, etiam posita concordia voluntatum; praeterea sicut nemo dixit, quod duo probabiliter opinantes rem esse propriam iuste simul, & iniuste utantur ea re, sed simpliciter iuste utantur, invito altero, quia dominium in utroque est plenum solum positive; ita in casu nostro, unus

DISPUTATIO III.

De Justitia.

usus rei positus ab uno, invito altero, non debet dici justus simul, & injustus ex diverso titulo, sed simpliciter justus. Si dicatur primum, aperte repugnat, quod usus rei positus a Petro, invito Paulo, sit justus simul, & injustus; sicut evidenter repugnat, quod usus rei positus a donante in instanti donationis, invito donatario, sit justus simul, & injustus ex diverso titulo, videlicet justus ob dominium in donante, injustus ob dominium in donatario. & ratio est, quia usum esse justum, est esse licitum, & permissum a lege fundante dominium; esse vero injustum, est esse prohibitum, & simpliciter illicitum ob jus, quod in altero residet; repugnat autem quod eadem actio sit permissa simul, & prohibita; ergo repugnat quod sit justa simul, & injusta; & propterea repugnat bellum utriusque justum.

V. Colligo paucis trium harum questionum fundamentum. Donans potest in instanti donationis retinere physicè rem, invito donatario, non potest tamen moraliter, seu licite, & juste; ergo deest tunc in donante potentia moralis, seu dominium, & consequenter repugnat dominium in solidum in donante simul, & donatario. Verum quidem est, quod donans possit licite rem retinere in sensu diviso a donatione; hinc tamen solum fit, quod habere dominium, si non donaret, non vero quod habeat, dum donat: ut patet exemplo condonationis, renunciationis privilegii, voti, &c. & a priori quia ad dominium plenum spectat legitimare omnes usus rei physicè compossibiles cum dominio. Verum pariter est, quod habens dominium plenum non solum debeat posse uti re, ut usufructuarius, sed etiam donare, & quomodolibet alienare. Advertendum tamen, quod non debeat posse donare in instanti, quo habet dominium pro eo ipso instanti, quo est Dominus, sed pro instanti sequenti; sicut qui vivit potest se occidere non pro ipso instanti, quo vivit, sed pro sequenti, ponendo scilicet in hoc instanti vulnus, aut aliud, quod trahit defensionem vitæ pro instanti sequenti: ratio a priori est, quia actus secundus non potest destruere suam potentiam pro eo instanti, quo profuit ab ipsa; & idcirco donatio solum poni potest vi domini virtualis, cujus est actus, non vi domini formalis, quod est terminus per donationem transferendus in Donatarium.

Explicata natura Juris, quod est justitiæ objectum, progredimur ad examinandam Naturam Justitiæ; quæ, ut loquitur Philosophus ꝑ. Eth. 1. est virtutum moralium præstantissima, adeo ut nec hesperus, nec lucifer sit adeo admirabilis; quod probatur tum ex vulgari proverbio: *Justitia in se virtutes complectitur omnes*: tum quia justitia reddit hominem bonum tam in ordine ad se, quam ad alios; Aliæ vero virtutes reddunt hominem bonum solum in ordine ad se: tum demum quia virtus eo præstantior, quo majorem habet superare difficultatem; major autem est difficultas in exercendis operationibus, quæ respiciunt bonum alienum, ut sunt operationes Justitiæ, quam in moderandis per alias virtutes passionibus, in quo voluntas respicit bonum proprium; ergo justitia virtus est omnium præstantissima. Nos primo inquiremus quid sit Justitia, & quotuplex? Secundo quodnam sit ejus objectum materiale, & formale? Tertio An possit obligationi ex justitia satisfieri per iteratam solutionem? Quarto, An ad exercendum actum justitiæ detur operandi obligatio ex ejus motivo? Demum quodnam sit Justitiæ subiectum? Num scilicet inter Patrem, & Filium, Dominum, & servum, Deum, & creaturam interce, dere possit Justitia rigorosa?

QUÆSTIO I.

Quid sit Justitia, & quenam ejus Species?

I. Permitto ex Perez, Justitiæ nomen idcirco convenire Commutativæ, Distributivæ, Legali, & Vindicativæ, non vero aliis virtutibus etiam ad alterum, puta Obedientiz, Gratiitudinis, Fidelitatis, Religioni &c. quia illæ tantum virtutes exercentur cum obligatione ad alterum, quin mereantur ullam gratiarum actionem, aut retributionem; secus vero istæ, ut patet inductione: Nam solventi debitum, aut non furanti, vel distribuenti bona communia secundum rationem justitiæ distributivæ, aut observanti leges, & vindicanti culpas nulla retributio debetur; contra vero fit deus pauperi stipens ex obligatione charitatis, re-
actur

netur pauper gratias agere. Ratio a priori est, quia Natura condidit quædam bona in bonum creaturarum rationalium, quæ voluit a quibusdam possideri integre secundum convenientem portionem, & ideo noluit, ut ea accipiens secundum portionem sibi debitam ex justitia commutativæ teneretur ad aliquid rependendum: Parieter voluit natura, ut quædam bona communia integre distribuerentur secundum proportionem meritum per justitiam distributivam; æque ad id sine onere retributionis: Voluit etiam natura, ut non teneretur Princeps ad retributionem civibus pro observantia legum; cum enim Principi competat jurisdictio in bonum subditorum, non in bonum proprium, iniquum esset cogere Principes ad gratias agendas observantibus leges, seu justitiam legalem; debentur quidem præmia istis ex justitia distributiva, sed non debentur a legislatore quæ tali, sed a distributore bonorum communium in bonum publicum; virtuti enim naturaliter debentur præmia; unde Deus conaturaliter remunerat obedientiam, Religionem &c. quamvis cum ipse sit incapax beneficii, nunquam teneatur ad gratiarum actionem, etiam propter actus supererogationis: Denique punitus non tenetur gratias agere Principi punienti ex justitia vindicativa; tum quia poena est malum, quod de se non exigit gratiarum actionem; tum quia esset intolerabilis lex, quæ obligaret Reum ad penam subeundam non solum patienter, sed etiam cum gratiarum actione; ergo universim pro actibus justitiæ nihil est rependendum. Contra vero in aliis virtutibus ad alterum non est eadem ratio; cum enim institutæ sint ad fovendum mutuam amorem, ut sunt Charitas, Gratitude, Pietas &c. voluit natura, ut ex earum actibus resultaret onus gratiarum actionis. His præmissis querendum primo quomodo justitia definatur; & quænam sint ejus proprietates: Secundo, An univoce justitia dicatur de commutativa, distributiva, vindicativa, & legali?

ARTICULUS I.

Nam Justitia sit constans, & perpetua voluntas tribuendi unicuique Juxta suum.

II. **R**espondeo, Justitiam hoc pacto apte definiri, seu potius describi, (ut dicemus quæstione sequenti) tum a Justitia ex Vulp. leg. *Just. ff. de Just.*

ia, & Jure; tum a Theologis.

Explicatur: Dicitur *Poluntas*, hoc est volitio, non quidem actualis, sed habitualis, & ideo dicitur *Poluntas Constans*; quia habitus virtutis est difficile mobilis, tum physice, quatenus est habitus, tum ethice, quatenus est virtus. Dicitur etiam voluntas *perpetua*, quæ scilicet velit semper justè operari, & alteri jus suum tribuere.

Hinc sequitur 1. Justitiam esse virtutem moralem ad alterum: in stricta significatione est virtus, cum inclinet in objectum conforme rectæ rationi; est ad alterum, quia respicit operationem alteri debitam; & sic ordinat subjectum ad ultimum finem, ubi temperantia, fortitudo &c. non dicuntur esse ad alterum, sed ad se; quia moderando passiones abique respectu ad alterum ordinant subjectum ad finem ultimum. Denique est ad alterum strictè dicta, & specie distincta ab aliis virtutibus ad alterum, nempe ab Obedientia, Gratitude, Religione, quia respicit jus alterius strictè dictum; prout dicemus articulo sequenti.

Sequitur 2. Justitiam respicere medium rei, ut notat Angelicus q. 18. a. 10. ubi reliquæ virtutes attingunt medium rationis. Universim virtus attingere debet medium, ut proinde a Philosopho 2. Eth. 1. virtutes dicantur medium sectantes; medium autem, quod respicitur a virtute, est duplex; aliud dicitur medium rationis, quod scilicet præscribitur a ratione, spectans circumstantias v.g. temperantia debet respicere mediocritatem cibi, quæ non est eadem relate ad omnes, nec constitit in indivisibili, & ideo unicuique præscribi debet a ratione relate ad indigentiam operantis, & ad alias circumstantias: Aliud dicitur medium rei, quod scilicet constitit in indivisibili, nec variatur pro varietate circumstantiarum, & tale est medium, quod respicitur a justitia, quæ postulat, quod tanta res ponatur, quantum debetur.

III. Hinc Theologi morales colligunt 1. non satisfieri obligationi justitiæ, nisi ponatur res debita, aut in individuo, si fieri potest, aut saltem in æquivalenti; æque adeo si per errorem ea non ponatur, de recto errore debeat statim poni; quod in aliis virtutibus non contingit; Nam si per errorem omitto jejunium præscriptum hoc die ab abstinencia, vel ab obedientia, de recto errore, non teneo amplius illud ponere.

Colligunt 2. per solutionem probabilem non satisfieri obligationi ex justitia, ut docent

cent communis, secus vero aliis obligationibus, v. g. ex præcepto, ex voto &c. Ratio est, quia solutio probabilis, utpote incerta, non tanti æstimatur, quanti debitum certum; ideo qui probabiliter solvit, non solvit quantum debet; unde vel debet iterumolvere totum debitum, vel saltem, ut docet Laym., partem debiti pro mensura, quam habet probabilitatis: contra vero qui probabiliter satisfecit præcepto, v. g. Jejunii, non tenetur iterum jejunare; quia a ratione præscribitur, quod solutio fiat humano modo, atque adeo iuxta opinionem probabilem, quin requiratur omnimoda certitudo solutionis.

Colligunt 1. ex eodem D. Thom. 2. 9. Aristotele, & aliis communiter, contra Buridanum, Justitiam versari directe circa solas operationes exteriores ordinatas ad alterum, & indirecte circa passiones: Contra vero alias virtutes versari circa passiones duntaxat: v. g. Actus temperantiæ, & fortitudinis redduntur difficiles solum ex renitentia passionum; unde ita versantur circa passiones, ut si non darentur passiones, nulla esset superabilis difficultas in exercitio harum virtutum; atque adeo istæ virtutes non darentur; cum virtus deat solum in ordine ad superandam difficultatem: Contra vero Actus justitiæ sunt difficiles ex objecto suo independentes a renitentia passionum; quia quævis ad exercendum Justitiæ actum opponatur avaritia, & pecuniæ cupiditas; independentes tamen a difficultate orta ex tali passione, datur difficultas superanda in exercitio operationis exterioris debite ex Justitia, quippe quæ respicit bonum alienum. Ratio a priori ex Angelico est, quia Justitia est circa ea, quæ sunt ad alterum; atque in eis non ordinatur ad alterum immediate per passiones interiores, sed per operationes exteriores; ergo Justitia immediate, & directe non est circa passiones, sed circa operationes. Quod verum est non solum de Justitia particulari, seu commutativa, sed etiam de omnibus virtutibus ad alterum, sive sint partes subjectivæ, hoc est species Justitiæ, ut distributiva, vindicativa, &c. sive sint partes potestativæ Justitiæ, ut Religio, Gratiitudo &c., quæ Justitiam imitantur, cum sint ad alterum.

Colligunt ult. Præter Justitiam Generalem, quæ identificatur cum quavis virtute, quatenus quælibet virtus ordinat hominem ad ultimum finem, & adequat illum cum Deo, dari Justitiam particularem,

quæ homines invicem ordinantur per operationes externas debitas alteri ex jure strictæ dicto; hæc autem differt non solum a Justitia generali, quatenus complectitur omnes virtutes, sed etiam a Justitia generali, hoc est legali, quæ ordinat hominem per observantiam legum ad bonum commune; unde non respicit jus strictum persone particularis, sed quoddam jus, quod est in Republica, vi cuius cives obligantur ad bonum commune prosequendum, observando leges, & pro patria etiam occumbendo. Hinc Philosophus 3. Polit. 1. dixit, Possit hominem esse iustum, hoc est nullum ledentem, & tamen esse malum civem, hoc est negligentem boni communis, violando leges spectantes bonum publicum; in quo casu homo haberet tatum Justitiam particularem, quam ex Vulp. descripsimus, non vero legale.

ARTICULUS II.

Utrum Justitia univocè dicatur de Commutativa, Distributiva, Legali, & Vindicativa?

IV. **J**USTITIÆ Nomen, ut diximus, competit his quatuor speciebus, videlicet Commutativæ, quæ ordinat cives ad invicem; Distributivæ, quæ ordinat communitatem ad Cives; Legali, & Vindicativæ, quæ cives ordinant ad communitatem, quamvis diversimode.

Justitia commutativa, seu particularis dicitur illa, quæ exercetur in contractibus, & in commutationibus, respicitque medium rei Arithmeticum, & bonum particulare uniuscujusque Civis; & ideo dicitur ordinare in communitate cives ad invicem, ut quilibet servet jus alterius.

Distributiva ordinat communitatem ad cives, quippe quæ distribuit civibus bona communis, honores, ac onera juxta proportionem meritum, respicitque medium rei geometricum, & bonum commune, atque adeo non tribuit unicuique jus suum; quandoquidem ante distributionem talium bonorum nemo habet jus strictè dictum relate ad ea bona, sed solum habet Titulum decentiæ, quod ea bona sibi conferantur: hinc qui violat Justitiam distributivam, dicitur Acceptor Personarum, & non nisi large injustus, quin ad restitutionem teneatur; solus autem Princeps est, seu Gubernatoris, aut delegati Justitiam distributivam exercere.

Justitia Legalis ordinat cives ad communitatem.

nitatem; quippe quæ respicit primo, & per se bonum communitatis, per legum observantiam, non vero jus strictum uniuscujusque; & ideo legum transgressores bonum commune negligentes ad restitutionem non tenentur. Distinguitur hæc virtus ab Obedientia; hæc enim priorior, & directe spectat obtemperare superiori; Justitia vero legalis directe intendit bonum communitatis, quod ex observantia legum provenit: Distinguitur etiam a pietate erga patriam; quia potest aliquis ex pietate intendere bonum Patriæ, quatenus ab ea habui esse, etiam quando defuit esse civis: At justitia legalis respicit bonum commune, etiam si Respublica non sit propria patria, & solum quando aliquis est Reip. civis.

Denique Vindicativa respicit etiam bonum communitatis, quippe quæ infligit poenam juxta reatum culpæ, quin respiciat Jus strictè dictum ordinatum ad bonum particulare, & ad utilitatem habentis illud; Nam neque Peccator dicitur per peccatum acquirere jus ad poenam, sed potius contrahere debitum poenæ; neque Superior habet jus puniendi in bonum proprium, sed in bonum communitatis; atque adeo habet jus puniendi ex jure jurisdictionis, non proprietatis. His explicatis

V. Dico, Nomen Justitiæ analogice tantum convenire Commutativæ, Distributivæ, Legali, & Vindicativæ. Ita communiter apud Lug., & Esparf. contra Burid. Prob. Tunc Justitia analogice de his omnibus diceretur, quando ratio importata per nomen justitiæ non esset eadem in omnibus, sed partim eadem, partim diversa; atque ita ferè habet; ergo. Major constat ex definitione Analogorum apud Logicos. Min. prob. Ratio importata per nomen justitiæ est constans, & perpetua voluntas tribuendi unicuique Jus suum, sumendo ly Jus strictè pro Jure proprietatis ordinato ad utilitatem habentis illud, & quod unice ex voluntate habentis obligat, aut cessat obligare, ut communiter docent; atque solum Justitia commutativa respicit hujusmodi Jus strictè dictum; alie vero virtutes Justitiæ, etiam si respiciant Jus, & ponant operationem debitam, non respiciunt tamen Jus strictum; ergo ratio importata per nomen justitiæ non est eadem in omnibus.

VI. Obje. 1. Si Justitia distributiva, vindicativa, & legalis non respicerent Jus rigorosum alterius, non essent partes subje- ctivæ, seu species Justitiæ, sed solum ef-

fectus partes potentiales, ut Obedientia, Pietas, Religio, Gratitude, liberalitas, amicitia, & reliquæ virtutes, quæ sunt ad alterum; sequela non admittitur; ergo nec id, unde sequitur.

Resp. cum Lugo n. 50. Jus, quod respicitur a Justitia commutativa, esse Jus strictissime dictum, quod non competit distributivæ, vindicativæ, & legali; quibus convenit etiam respicere quoddam Jus rigorosum, quod non respicitur ab aliis virtutibus ad alterum; & ideo ceteræ virtutes ad alterum dicuntur esse partes potestativæ Justitiæ, quia nec respiciunt Jus strictissimum, nec rigorosum. Contra vero distributiva, vindicativa, & legalis dicuntur partes Justitiæ subje ctivæ, & species Justitiæ; quia quamvis non respiciant univoce Jus strictissimum, respiciunt tamen quoddam Jus rigorosum. Quare deficit a ratione Justitiæ veracitas, gratus, obedientia, liberalitas &c., quia non supponunt debum fundatum in titulo alterius, quandoquidem nobis potius, quam aliis debemus exerciti im harum virtutum: Religio vero, pietas, observantia, quamvis respiciant iustitiam debum, non tamen debiti adæquabilis, ut respicitur a quavis Justitia; contra vero distributiva, & vindicativa respiciunt debitum superioris, qui tenetur distribuere bona communia, & punire delicta. Legalis etiam respicit debitum, quod habent Cives ad tuendum bonum Reip. per legum observantiam; ergo apte quatuor istæ virtutes dicuntur partes subje ctivæ, seu species Justitiæ; quidquid sit utrum Fidelitas ad veracitatem; an ad Justitiam reducat?

VII. Obje. 2. Si distributiva non respiceret Jus strictissimum, sicut commutativa, non contraheret onus restitutionis Acceptor Personarum, qui Justitiam distributivam violat; sed contrahit; ergo. Major constat, quia onus restitutionis contrahitur ex violatione Juri alieni strictè dicti. Min. prob. tum ex D. Tho. hic q. 62. a. 1. ad 3. tum quia Acceptor Personarum injuste se gerit tam relate ad cives, quibus denegatur officium publicum, quod merentur, quam relate ad reip., quæ multa damna subit, dum officia publica administrantur ab indignis.

Resp. nego min. cum Suar., Lugo, Less. Rebell., & aliis ex D. Thom. q. 63. contra Vasq., Cajet. apud Dicastill. de Just. l. 2. tr. 2. disp. 8. dub. 8. & ratio est, quia Jus strictum ad officium v.g. vel cathedram non acquiritur a digniori, antequam illi conferatur; ergo si officium, vel cathedra

non

non conferatur, non violatur jus strictum; atque adeo non contrahitur onus restituendi. Antec. prob. quia Jus strictum sive in re, sive ad rem respicit commodum privatum, & unice pendet a voluntate habentis illud; atque exigentia, quæ est in digniori, ut sibi officium, vel cathedra conferatur, non respicit commodum privatum, cum non debeant ea conferri digniori in bonum proprium, sed in bonum publicum; nec cessat talis exigentia per meram voluntatem dignioris cedentis sui suo; quandoquidem officium publicum conferri debet digniori, etiam si ille renuat; ergo non habetur in digniori jus strictum ad bonum publicum antequam conferatur.

Confirm. Quia tunc non datur onus restitutionis, atque adeo non violatur jus strictum, quando damnum illatum rescari non potest; atque damnum illatum per acceptationem personarum, qua violatur justitia distributiva, conferendo officium publicum minus digno, rescari non potest; ergo Acceptor Personarum non tenetur ad restitutionem. prob. min. Nam nec potest rescari damnum illud tollendo a minus digno officium illi collatum, cum per collationem acquisierit jus strictum ad illud, unde non potest amplius ab eo tolli; neque potest rescari tale damnum bonis propriis; quia quodcumque bonum solvatur in compensationem, non fiet, ne officium a minus digno exerceatur; ergo damnum illatum per violationem justitiæ distributivæ nullatenus potest rescari. Quare injustus distributor bonorum communium non tenetur restituere digniori; ut jam ostendimus, nec ipsi communitati; quia relatæ ad communitatem non est injustus, sed infidelis, communitas enim non intendit obligare Principem ad conferenda officia publica dignioribus cum tanto onere, ne multis perplexitatibus, & perturbationibus ostium aperiat.

VIII. Notandum tamen, aliquando violari justitiam distributivam simul, & commutativam, quando scilicet intercedit pactum cum Rep. de conferendis officiis publicis juxta meritum civium; puta si Princeps ob id mercedem accipiat a Rep. in quo casu proculdubio per acceptationem personarum, quia violatur etiam justitia commutativa, datur obligatio compensandi damna, quæ emergunt Reip. qui tamen quicquam debeat restituere digniori prætermisso. Præterea quando opposiores concurrunt ad beneficium, vel cathedram, tunc violatur et-

iam justitia commutativa, si præferatur minus dignus, ut docent communissime contra Sorum, & Navarr. quia intercedit quoddam pactum implicitum inter oppositores, & Collatorem beneficii, quod conferatur ei, qui prævalet; & ideo Acceptor personarum in hoc casu tenetur compensare digniori damnum illatum.

Hinc patet solutio ad prob. min. dicendo, D. Thomam loc. cit. obligare ad restitutionem illum, qui violando justitiam distributivam, violat etiam commutativam; propterea Princeps, conferendo officia publica positive indignis, tenetur ad restitutionem damni Reip. illati; quia quamvis non teneatur ex justitia, sed ex Fidelitate conferre hujusmodi officia dignioribus, teneatur tamen ex justitia non conferre ea positive indignis, ut docent communiter apud Lessl. c. 32. & Lugo disp. 1. n. 54. Idem dicas si Episcopus ad beneficia curata eligat minus dignos, cum ex Tridentino, & ex propositione 47. damnata ab Innoc. XI. teneatur eligere digniores. Sic etiam Princeps, seu Gubernator violans justitiam vindictivam condonando in damnum Reip. penas delictis debitas, tenetur ad restitutionem erga Rem. quia simul violat justitiam commutativam, cum ex pacto implicito obligaverit se cum Rep. de vindicandis delictis, juxta dictam rationem.

Iustabitis: Si Testator relinquat Petro 1000 aureos distribuendos pluribus pro mensura meritorum, tenetur Petrus ad restitutionem, si non distribuit prout debet; & tamen solum violat justitiam distributivam; ergo Princeps violando justitiam distributivam in collatione officiorum communium, tenetur pariter ad restitutionem.

Resp. Petum in tali casu violare etiam justitiam commutativam, & ideo obligari ad restitutionem, dum enim Testator donat bona propria illis, eo ipso ab iis acquiritur jus strictum ad 1000 Aureos; unde si non distribuuntur juxta mentem testatoris, irrogatur injuria strictæ dictæ trahens onus restitutionis: contra vero digniores in Rep. non habent Jus strictum in officia publica, & communia, ut ostendimus; & ideo Princeps violans justitiam distributivam non tenetur ad restitutionem.

IX. Ex dictis habes, Ex sola violatione justitiæ commutativæ oriri onus restituendi; quia sola commutativa respicit justitiam dictam pariens similitudinem, cujus violatio parit injuriam. Ex qua doctrina innumeri casus deciduntur. v. g. si testis in judicio legi-

legitime interrogatus non fateatur veritatem, ut debet, non tenetur compensare damna, quæ ex hac taciturnitate sequuntur; quia tunc violat tantum justitiam legalem. Contra vero si testis deponat falsum adversus aliquem, tenetur damna compensare; quia ex justitia tenetur ad non cooperandum positive damno alterius. Propter eandem rationem Confessarius positive deobligans furem a restituendo tenetur ipse restituere; secus vero si omittat, quamvis culpabiliter, monere furem de obligatione restituendi; quia confessarius non tenetur ex suo officio, atque adeo ex justitia, prospicere bono temporali aliorum, sed solum bono spirituali penitentis; unde pariter nec tenetur ad restitutionem Gubernator, qui malo exemplo causat damna in Rep. Nec tenetur Clericus, qui inculpabiliter aliquem occidit vacando venationi prohibitz, quia solum peccat contra obedientiam. Nec tenetur ad restitutionem, qui non succurrit extreme indigentis; nec ille, qui omnes merces alicujus generis, v. gr. omnia frumenta emit, ut deinde carius vendat; quia per hujusmodi monopolium peccat solum contra charitatem, ut docent communiter cum Lessi. contra Medm. Idem dicas de eo, qui videns domum alienam comburi, non extinguit ignem, cum facile possit, dummodo non sit cultus, vel famulus, quia tunc ex officio, atque adeo ex justitia tenetur extinguere.

QUÆSTIO II.

De Objecto materiali, & Formali Justitiæ.

I. Dico 1. objectum materiale proximum justitiæ est Jus, seu Jus alteri debitum, hoc est operatio externa iusta alteri debita ex jure stricto; objectum vero materiale remotum sunt res ipsæ, quæ debentur, & quarum exhibitione debito satisfit. Ita Lessi. Mar. disp. 1. sect. 1. ex D. Th. qui qu. 58. docet, materiam justitiæ esse operationem externam, quæ aliquando est immediate, & ultimæ debita, ut cum debetur cantio, lectio, verba restitutionis famam; aliquando vero solum immediate, non ultimæ; ut cum quis 100. ablata restituit; nam tunc actio externa ratione 100. quæ restituitur, adæquat Jus alterius.

Prob. Concl. Illud est objectum materia-

le proximum cuiuscumque virtutis, circa quod immediate versatur proprius ejus actus, illud vero est objectum materiale remotum. circa quod actus versatur mediatæ; sed proprius actus justitiæ versatur immediate circa operationem externam debitam iuri stricto alterius, & mediatæ circa res ipsas, quæ debentur, & quarum exhibitione debito satisfit; ergo objectum materiale proximum justitiæ est operatio externa iusta; res vero, quæ debentur, sunt objectum materiale remotum. Maj. patet induct. mi. constat ex defin. justitiæ.

Confirm. De ratione habitus practici est respicere proxime praxim, seu operationem externam, ad quam ordinatur, & removere rem ipsam, circa quam talis operatio exercetur; sic Religio v. g. respicit cultum Dei tamquam objectum materiale proximum, & victimam tamquam remotum; atqui justitia est habitus practicus inclinans ad praxim, seu operationem, ut patet ex ejus definitione; ergo justitia habet pro objecto materiali proximo operationem externam alteri debitam, pro remoto rem ipsam, quæ debetur.

Hinc fit contra nonnullos, objectum materiale justitiæ non esse ipsum Jus aut activum, aut passivum: Nam objectum materiale virtutis practiciæ non est id, quod præsupponitur, sed id, quod intendit ponere; sic objectum materiale misericordiz non est miseria, quæ præsupponitur, sed sublevatio miserie, quam intendit ponere misericordia; nec objectum materiale Religionis est Jus in Deo ad cultum, sed ipse cultus; ergo objectum materiale justitiæ non est Jus, aut debitum, quod præsupponitur, sed operatio externa alteri debita; quam intendit ponere justitia, ut adæquet Jus alienum. Quare, ut notat Lessi. Jus alterius est potius objectum Cui. non objectum quod, quia est id cui justitia intendit adæquare opus, non quod intendit ponere.

II. Dico 2. objectum formale, seu specificativum justitiæ est Honestas specialis, quæ recludit in operatione externa iusta, seu alteri debita ex jure stricto. Ita communiter: cum D. Tho.

Prob. Specificativum formale cuiuscumque virtutis est honestas illa, quæ formaliter, & in quantum talis respicitur ab actibus illius habitus virtutis; ut patet inductione in Misericordia, Religione, & aliis virtutibus moralibus; atqui ab actibus justitiæ respicitur honestas illa specialis, quæ recludet in tribuendo cuique Jus suum, seu in ope-

operatione externa iusta; ergo talis honestas est obiectum formale iustitiæ.

III. Objic. 1. contra 1. Conclus. Iustitia per se inclinat ad ponendum iustum, ad operationem vero externam non inclinat nisi per accidens, quatenus aliter non potest poni iustum; ergo obiectum materiale iustitiæ non est operatio externa, sed ius, seu debitum, quod intendit iustitia adæquare.

Resp. 1. per instantum in misericordia, Religione, &c., quæ respiciunt tamquam obiectum materiale proximum ipsam operationem externam, quæ subleatur miseria, exhibetur Deo cultus &c. 2. deo eum Angelico, quod quamvis Iustitia velit ultimam ponere iustum, seu quod res alteri debita ad creditorem perveniat; proxime tamen intendit ipsam operationem externam, quæ res alteri debita exhibetur, quia eum iustitia sit habitus practicus, respicere debet praxim, seu ipsam operationem per se; ut patet in aliis habitibus practicis: quare sicut obiectum materiale remotum, v. g. fraternitativæ, est equus, obiectum materiale proximum est frater; fraternitas vero est actus, non obiectum materiale talis habitus: ita proprius res, quæ debetur, est obiectum materiale iustitiæ remotum, operatio externa tribuens alteri rem, quæ debetur, est obiectum materiale proximum, **Actus** interius causans talem operationem externam est actus proprius iustitiæ; idemque dicas de virtute Religionis, misericordiae, &c.

IV. Obji. 2. contra 2. Si obiectum formale iustitiæ esset honestas, quæ relictæ in operatione externa alteri debita ex iure stricto, sequeretur quod qui restitueret ablatum, & non ex tali motivo, operaretur simul iuste, & non iuste: iuste quidem, quia poneret æqualitatem: non iuste, quia non ex motivo iustitiæ; conseq. est absurdum; ergo & antec.

Resp. Aliud esse ponere iustum, aliud ponere iuste; ponere iustum, est ponere quod adæquat ius alterius ex quocumque motivo ponatur; ponere iuste, est ponere ex motivo formali iustitiæ, seu ex motivo honestatis, quæ relictæ in operatione externa iustitiæ aliud est ponere opus misericordiae, aliud opus honestum; aliud vero ponere misericorditer, & honeste. In forma dist. sequens operaretur iuste simul, & non iuste, si fiat sensus, quod poneret iustum, & non ex motivo iustitiæ, transito modum loquendi; si fiat sensus, quem faciunt in rigore verba, quod scilicet poneret, & non poneret ex motivo iustitiæ, nego maj. & conseq.

Part. I.

V. Ex quibus sequitur Iustitiâ describi potius, quam definiri, dum dicitur, esse constans, & perpetua voluntas, &c. Tunc enim habetur definitio, quoties explicatur res per prædicatum primum: describitur vero, quoties per prædicata secundaria: prædicatum autem primum, & specificativum Iustitiæ est respicere honestatem, quæ est in tali operatione; unde cum habitus, & potestatis definiri debeant per proprium specificativum, Iustitia definiri debet, *Habitus respiciens per se honestatem, quæ reperitur in operatione debita iuri alterius*. Quia tamen huiusmodi habitus secundario respicit actus suos, seu voluntatem tribuendi cuique ius suum, ideo describitur, dum explicatur per ordinem ad hanc voluntatem.

QUÆSTIO III.

Utrum secunda solutio ejusdem debiti possit esse actus Iustitiæ.

A Nam dedit quæstioni Card. de Lugo, qui Disp. 1. de Just. n. 22. & disp. 3. de pen. n. 15. contendit, Ad solutionem ex Iustitia prærequiri quidem debitum, non tamen actum vigens, & perseverans; unde quamvis per primam solutionem sit adæquatum, imo extinctum, adhuc possit secunda solutione iterum adæquare, ut proinde secunda solutio possit esse actus Iustitiæ; non secus ac secunda absolutio Sacramentalis, relate ad idem peccatum per primam absolutionem extinctum, adhuc est vera absolutio, & condonatio. Idemque docet Haunold, & alii. Quod communius negant. Quidam Recentior subtiliter distinxit, ac docuit, non posse esse actum Iustitiæ secundam solutionem successive positam, posse vero simultaneam, De utraque seorsim agendum.

ARTICULUS I.

An possit esse Actus Iustitiæ iterata solutio per se successive.

I. Resp. negative. Prob. 1. Auth. D. Th. qu. 58. ar. 1. ubi hæc habet: *Ratio Iustitiæ in hoc consistit, quod*
E
aliter.

Alteri reddat, quod ei debetur secundum aequalitatem, ergo ex Angelico justitia debet presupponere debitum; atqui posita prima solutione adaequata, non remanet debitum; Cum re vera qui adaequate solvit, nihil amplius debeat; ergo non potest exerceri actus justitiae per iteratam solutionem successive positam.

Prob. 1. Ratione: Non potest esse actus justitiae, nisi qui respiciat adaequationem debiti cum jure alterius; seu adaequationem juris passivi cum activo; sed posita prima solutione adaequata, non potest secunda solutio respicere adaequationem debiti cum jure alterius; ergo non potest secunda solutio esse actus justitiae. Major constat ex definitione justitiae, quae est voluntas tribuendi cuique jus suum; atque adeo respicere debet debitum, seu jus passivum, ut adaequativum juris activi. Min. prob. posita prima solutione adaequata debiti extinctiva non remanet ullum debitum, cum non obligetur amplius Debitor ad aliam solutionem; ergo non potest secunda solutio respicere adaequationem debiti.

Confr. a pari: Actus misericordiae respiciens essentialiter sublevationem miseriae necessario presupponit in alio miseria, & indigentiam; adeo ut sublatam adaequate miseria per erogationem primae elemosinae, non possit amplius exerceri erga eundem actus misericordiae per collationem novae pecuniae; ergo actus justitiae respiciens essentialiter adaequationem debiti necessario presupponit debitum, & jus activum in alio. adeo ut sublato per primam solutionem debito, non possit amplius exerceri actus justitiae, solvendo iterum tantundem. Antec. patet. aliter exerceri posset actus misericordiae etiam erga illum, qui post collatas saepius elemosinas evasit diffusissimus supra omnes Reges. Conseq. sequitur. Et ratio a priori est, quia Debitum per primam solutionem extinguitur; atque adeo perinde se habet, ac si nunquam fuisset.

Confirm. 1. quia non potest exerceri actus justitiae per solutionem factam pro debito pure possibili, aut futuro; ergo neque pro debito praeterito jam per primam solutionem extincto. probatur consequentia: Ideo in primo casu solutio non est ex justitia, quia ad actum justitiae non sufficit ordinare solutionem ad debitum, nisi debitum sit existens, vigens, ac praesens; ergo cum debitum extinctum non sit hujusmodi, non potest per secundam solutionem exerceri actus justitiae.

II. Obje. 1. Ad rationem justitiae speciat

adaequare jus alienum; sed potest jus ad centum semel adaequatum per primam solutionem iterum adaequari per secundam; ergo potest secunda solutio esse actus justitiae. Major constat ex definitione justitiae: Min. probatur paritate in physicis: Materia, quae per primam formam adaequatur, potest iterum informari, & adaequari secunda forma substantiali, quamvis per primam formam exigentia materiae fuerit extincta: sic Corpus habens iam ubicationem adaequatam potest per replicationem habere aliam. Et ratio a priori est, quia sicut in materia datur exigentia alicujus formae vage, & ideo posita prima forma, adhuc potest informari secunda, quia adhuc secunda forma est exigita vage, & conditionate: ita pariter posita actione damnificativa, aut aliter posito debito, datur exigentia moralis alicujus solutionis vage: unde posita prima solutione ex justitia, adhuc potest poni secunda ad adaequandum idem jus alienum; quia adhuc secunda solutio est exigita vage, & conditionate.

Resp. nego min. paritates non sunt ad rem: ideo enim materia potest esse capax plurium formarum, quia exigentia remota alicujus formae identificatur cum ipsa materia, quae etiam dum informatur una forma, existit: & ideo potest divinitus secunda forma informari: contra vero jus in creditore, seu exigentia moralis alicujus solutionis vage post primam solutionem extinguitur; atque adeo nec physice, nec moraliter existit, unde non potest amplius per secundam solutionem adaequari. Idemque dicas de Corpore relate ad ubicationem: unde Paritates possunt retorqueri: nam si materia, posita prima forma, extingueretur, non remaneret capax secundae formae; ergo cum debitum, posita prima solutione, extinguatur, non potest remanere capax secundae solutionis ex justitia.

Hinc habes dari in materia exigentiam formae remotam identificatam cum ipsa materia & exigentiam proximam, quae constituitur per materiam, & carentiam cujuscunque formae; propterea posita una forma, extinguitur quidem exigentia proxima, non tamen remota, & ideo potest iterum adaequari, & expleri per secundam formam. In casu nostro, exigentia moralis alicujus solutionis remota identificatur cum actione damnificativa, v.g. & exigentia moralis proxima constituitur per eandem actionem damnificativam, & per ea: etiam cujuscunque solutionis; quia tamen actio damnificativa praeteri-

teritæ non perseverat moraliter, nisi in exigentia proxima solutionis, idcirco extincta hac exigentia per primam solutionem, nulla simpliciter remanet exigentia, nec proxima, nec remota; & ideo non potest secunda solutio esse actus iustitiæ: sicut nec potest esse actus misericordix eleemosynæ data post extinctam misericordiam.

Neque obstat, quod secunda solutio a debito exigatur vage, & conditionate, non secus ac prima: Nam quamvis debitum extingatur aliquam solutionem vage; quia tamen per primam solutionem extinguitur, ideo non potest secunda solutio accedere ut exigita, nisi conditionate, in hoc sensu quod si prior solutio non extinxisset debitum, posset hoc extingui a secunda, juxta quem sensum est etiam verum, quod secunda solutio esset ex iustitia, nisi præcessisset prima.

III. Obijc. 1. Celebre paritatē cōdonationis debiti, & absolutiois Sacramentalis: potest enim extincto debito per primam cōdonationem, & extincto peccato per primam absolutionem, iterum idem debitum condonari, & idem peccatum iterum Sacramentaliter absolvi; ergo pariter extincto debito per primam solutionem, poterit iterum eidem satisfieri ex iustitia per secundam.

Confir. etiam paritate obedientix: Potest quis die feito audire secundum sacrum, ut satisfaciatur præcepto, quamvis per auditionem primi abunde præcepto satisfecerit: ergo potest etiam post secundam solutio ad adequandum jus alienum, quamvis per primam fuerit illi plenissime satisfactum.

Resp. verum esse, quod possit iterum iterumque condonari eadem injuria, & idem debitum; & ratio est, quia secunda condonatio non est aliud, nisi nova obligatio in creditore ad non exigendum debitum; sicut autem potest quis iterum, iterumque eodem voto se obligare, ita potest iterato se obligare ad non exigendum debitum; atque adeo etiam post extinctionem debiti, seu offensæ per primam condonationem potest dari secunda; & ratio a priori est, quia Condonatio non respicit per se extinctionem debiti, sed per accidens; per se autem respicit illam obligationem in creditore, quæ potest iterari; contra vero solutio per se respicit extinctionem debiti, seu adæquationem juris passivi cum activo, quæ simpliciter extinguit debitum, quod essentialiter supponit; & ideo non potest iterari. Quare sicut in physicis quod est ligatum, potest iterum ligari, quod vero est solum, aut extinctum, non potest iterum solvi, aut ex-

tingui; ita in moralibus.

Est alia manifesta disparitas: Nam condonatio sæpius iterata in morali æstimatione est eadem cum prima; neque enim aliud habet Reus per secundam Condonationem, quod non habuerit per primam; sed habet idem aliter; at per secundam solutionem non habetur eadem pecunia aliter, sed habetur nova pecunia; unde in morali æstimatione secunda solutio non censetur eadem cum prima, sed substantialiter diversa; non enim ponit iterum æqualitatem, sed ponit inæqualitatem; atque adeo nequit esse ex iustitia. Quare paritas potest retorqueri. Nam si Secunda condonatio ferret novum bonum in debitore, non haberet rationem condonationis, sed doni liberalis; atqui secunda solutio offert novum bonum creditori; ergo non habet rationem solutionis ex iustitia, sed rationem doni liberalis.

Ad aliam paritatem de absolutione Sacramentali, Dico posse supra idem peccatum conferri pluries absolutionem Sacramentalem, non solum quia absolutio est condonatio, quæ de se potest iterari; sed etiam quia secunda absolutio Sacramentalis per se confert novam gratiam; quamvis non extinguat iterum peccatum. Illa enim verba Sacerdotis, *Ego te absolvo*, faciunt hunc sensum, (ut suppono in de Pœnitentia) Ego confero tibi gratiam sacramentalem, quæ est extinctiva peccati in actu secundo, & formaliter, si reperiat illud; secus est extinctiva in actu primo, & radicaliter; ut dicitur ab omnibus de gratia baptismali collata B. Virg. quæ non delevit peccatum originale in actu secundo, & formaliter, sed solum in actu primo, & radicaliter, quatenus si illud reperisset, delevisset. At solutio ex iustitia non respicit per se collationem gratiæ, sed extinctionem debiti essentialiter præsuppositi; atque adeo si non reperiat debitum, non est solutio ex iustitia, sed donum ex liberalitate.

Ad Confir. adverte ex D. Tho. 2. 1. q. 104. ar. 2. posse obedientiam exerceri tam ponendo actum debitum ex præcepto, quam ponendo actum conformem voluntati superioris non præcipienti illum; contra vero solutio non potest esse ex iustitia, nisi sit simpliciter debita. Hinc auditio sacri est actus obedientiæ, tam si ponatur ad Conformandum se cū voluntate superioris præcipientis illam, quam non præcipientis; sicut de facto non præcipit auditionem secundi sacri, sed aliquoties illud vult, quatenus vult alterutrum ex obligatione, & secundum ex devo-

tione; requiritur tamen, quod detur de facto voluntas superioris saltem interpretativa de tali actu; atque adeo si superior nullatenus habeat voluntatem, quod secundum factum audiarur, secunda auditio non erit actus obedientiae, nisi forte per accidens, & ex errore; ut si quis putet die profecto teneri ad audiendum sacrum, & audiat illud ad satisfaciendum praecepto; sicut per accidens est actus misericordiae elemosyna data pauperi putato. Hoc posito, retorquetur paritas: Non potest dari actus obedientiae, nisi praesupponatur in superiore jus jurisdictionis, & voluntas sive praeceptiva, sive aliter volens actum; ergo neque dari potest solutio ex iustitia, nisi praesupponatur in creditore jus proprietatis; sed posita prima solutio huiusmodi jus extinguitur; ergo secunda solutio non est ex iustitia.

IV. Obijc. ult. ex Haenol. t. 1. de just. tr. 2. c. 1. contr. 5. potest dari ex iustitia solutio debiti anticipata; (qui enim debet 100. cras, potest hodie illa solvere ad extinguendum tale debitum) ergo etiam potest esse ex iustitia secunda solutio. Consequenter solutio anticipata, quae non debetur hodie, ideo potest hodie esse ex iustitia, quia ordinatur ad extinguendum debitum, quando tamen hodie non existit; ergo secunda solutio quamvis simpliciter non sit debita, adhuc potest esse ex iustitia, quia pariter ordinatur ad adequandum debitum.

Confir. primo: quia qui tenetur dare, v. g. alimenta Petro, cum hac non consistant in indivisibili, potest dare alimenta pinguiora prae angustioribus: posito autem quod det alimenta pinguiora, adhuc solvit integre ex iustitia, ascendendo tamen aliquam liberalitatem; ergo pariter quamvis in secunda solutione admisceatur aliqua liberalitas, eo quod ad illam debitor non teneatur, erit tamen solutio ex iustitia, si ad adequandum debitum antecedens ordinetur.

Confir. 2. qui famam restituit verbo, si iterum velit scripto restituere, in hac secunda restitutione exercet actum iustitiae; ergo secunda solutio esse potest ex iustitia.

Resp. Negari non posse quod in solutione ex iustitia admisceri possit aliqua liberalitas quoad modum, dummodo simpliciter debitum praesupponatur: sic qui debet Carolinum, potest liberaliter dare potius argentum magis gratum creditori, quam æreum; qui debet solvere 100. vel hodie, vel cras, potest liberaliter hodie potius, quam cras solvere; sic etiam qui debet alicui alimenta, cum non possit moraliter assignari infimum,

quod debetur, dari possunt liberaliter largiora prae angustioribus: in his tamen casibus admiscetur iustitiae liberalitas solum quoad modum, seu quoad individuationem huius potius materiei debita, quae est gratior creditori, quam alterius: at in secundae solutione, quia nullatenus praesupponetur debitum, exerceretur liberalitas simpliciter, & quoad substantiam, nullatenus vero iustitia. In forma nego consequenter, ad probationem, antec. solutio anticipata potest hodie esse ex iustitia, si hodie nullatenus debitum existat, nego; si debitum existat hodie vage, quatenus debitor teneatur solvere vel hodie, vel cras, conc. antec. nego consequenter.

Ubi advertet, dupliciter posse solutionem esse anticipatam. Primo si debeantur v. g. 100. solvenda vel hodie, vel cras disjunctive; ita ut si hodie solvantur, teneatur creditor solutionem acceptare; & juxta hunc modum solutio anticipata est actus iustitiae admiscens liberalitatem quoad modum. Secundo si debeantur centum cras, adeo ut creditor non teneatur acceptare hodie solutionem, & huiusmodi anticipata solutio hodie non est ex iustitia; cum hodie simpliciter non sit debita; posset tamen esse ex iustitia, si fiat implicite contractus cum Creditore, quod accipiet hodie solutionem, & se obliget ad non exigendam illam cras, pro quodam debeatur; posito autem hoc contractu, erit ex iustitia solutio facta hodie; quia ratione istius contractus debitum est iam praesens.

Ad 1. Confir. Cum alimenta debeantur vel pinguiora, vel angustiora, non tamen haec in individuo, nec in tanta mensura, ideo si dentur pinguiora, exercetur iustitia cum liberalitate quoad modum; At in secunda solutione exerceretur solum liberalitas quoad substantiam.

Ad 2. qui adequate restituit famam verbis, si iterum restituit scripto, non exercet actum iustitiae, cum nulla supponatur obligatio.

ARTICULUS II.

An possit esse actus Iustitiae duplex solutio adaequata eiusdem debiti posita simul?

V. **R**esp. pariter cum communiori Negative.

Prob. Non est actus iustitiae illa solutio, quae non est debita; ut ostendimus articulo superiore ex D. Th. 2. 2. q. 58. & ex deff.

definitione iustitiæ; sed duplex solutio adæquata simultanea non est debita, quacumque intentione, & modo ponatur; ergo duplex solutio simultanea non potest esse actus iustitiæ; nisi forte per accidens, & ex errore (ut quando quis putans se debere 100. solvit 100. ad extinguendum hoc debitum putatum.) Quare si quis debeat unum aureum, & solvat simul duos aureos, etiam si solvat per modum plurium, ut contendunt Adversarii, animo extinguendi idem debitum, alter aureus erit solutio ex iustitia, & alter ex donatione liberali ad arbitrium solventis, aut ad summum uterque aureus erit inadæquate solutio ex iustitia, & inadæquate ex liberalitate.

Confr. 1. A Contrario: Nam si quis debeat duos aureos, alterum ex titulo A, alterum ex B, & solvat unum tantum aureum animo extinguendi tam debitum A, quam B, per hanc solutionem unum tantum debitum extinguatur adæquate, aut utrumque inadæquate; ergo viceversa si solvatur duplex Aureus, & debitum sit unius auri, una tantum solutio erit ex iustitia, vel utraque inadæquate; ad eum modum, quo si duplex causa totalis in actu primo concurrat, vel alterutra tantum infusetur adæquate, vel utraque inadæquate, prout Deo libenter, in hypothese quod repugnet eundem effectum causari per duplicem actionem totalem, esto connaturaliter soleant concursum attemperare, & sic utraque inadæquate influere.

Confr. 2. Si posset simul stare duplex solutio adæquata ex iustitia, posset simul stare condonatio, & solutio eiusdem debiti adæquata; sequela est absurda; (desideretur enim qui diceret, condonare debitum, quando acciperet eius solutionem adæquatam) ergo & id unde sequitur; probi. sequela, quia sicut condonatio & solutio sunt seorsim extinguiæ debiti, ita duplex solutio; atqui si ponatur simul condonatio, & solutio, tunc solutio est actus liberalitatis, non iustitiæ; ergo si ponatur duplex solutio, altera erit actus iustitiæ, altera liberalitatis: propterea quando Zachæus dixit, *Si quid aliquem defraudaui, reddo quadruplum*, una solutio fuit ex iustitia, tres alia ex liberalitate.

VI. Obijc. 1. Si ponatur simul duplex solutio per modum plurium, non est maior ratio, cur solutio A extinguat debitum, & sic actus iustitiæ, quam solutio B. ergo utraque est ex iustitia; ita ut exercetur solum liberalitas quoad modum, & quoad individuationes solutionum, non quoad substantiam, & quoad speciem solutionis.

Par. 1.

Confr. 1. Quia si duo gradus caloris simul ponantur in passo frigido, uterque simul expellit eundem gradum frigoris; sic duo gradus gratiæ simul infusi in peccatore simul extinguunt peccatum; ergo si due solutiones simul ponantur, utraque extinguit debitum; atque adeo utraque erit actus iustitiæ.

Confr. 2. Si dux missæ simul audiantur die festo, utraque extinguit obligationem audiendi sacrum, & utraque est actus obedientiæ; ergo pariter &c.

Resp. Argum. solvendum ab Adversariis in pluribus instantiis. primo si ponatur simul condonatio debiti, & solutio adæquata, non est maior ratio, cur condonatio potius, quam solutio extinguat debitum; ergo talis solutio erit actus iustitiæ, quod nemo dixerit. secundo posito duplici debito unius auri, si unus aureus solvatur, non est maior ratio, cur extinguatur debitum A, quam B. ergo utrumque simul extinguitur. tertio si debens unum aureum solvat duos, & velit unum dare ex iustitia, alterum ex liberalitate, quin determinet, quod A potius sit ex iustitia, quam B, non esset maior ratio de A, quam de B. ergo uterque esset ex iustitia, & uterque ex liberalitate, quæ nemo dixerit.

Ducere dico, quod si ponatur duplex solutio simul, altera erit ex iustitia, altera ex liberalitate ad arbitrium solventis, quin possit utraque esse ex iustitia, posito quod utraque simul non sit debita. Non negamus posse aliquam solutionem esse actum iustitiæ, quoad substantiam & liberalitatem quoad modum, ut est anticipata solutio, vel quando dantur alimenta pinguiora, vel quando debetur v. g. Carolenus, & solvitur aureus per modum unius solutionis; si enim potuit Christus Dominus satisfacere ex iustitia, exhibendo satisfactionem infinitam pro peccato finito, a fortiori pro debito unius Caroleni potest solvi aureus per modum unius; ita ut solutio sit ex iustitia quoad substantiam, & ex liberalitate quoad modum, & ratio a priori est, quia ad iustitiam spectat adæquare debitum negative, hoc est non exhibendo minus, quamvis possit solvi plus: At quando pro debito unius auri ponuntur due solutiones adæquate per modum plurium, tunc non exercetur liberalitas quoad modum, sed quoad substantiam, quia altera est simpliciter indebita, unde non potest esse actus iustitiæ, sed liberalitatis.

Hinc fit 1. Quod si quis restituat famam verbo simul & scripto per modum unius,

E 1

hu-

huiusmodi restitutio sit actus *justitiæ mixtus* liberalitate quoad modum; quia est quidem debita restitutio *sanæ*, sed non hoc modo. Contra vero si huiusmodi restitutio fiat verbo, & scripto per modum plurium, tunc altera erit ex *justitia*, altera simpliciter ex liberalitate.

II. 2. quod si Zachæus reddidit quadruplum per modum unius, tunc restitutio integre fuit actus *justitiæ mixtus* liberalitate quoad modum; secus vero si restituit quadruplum per modum plurium.

Ad 1. Confr. duo gradus caloris, vel gratiæ veniunt per modum unius ad expellendum frigus, vel peccatum; cum non possint venire per modum plurium; (sicut possunt venire duæ solutiones ex intentione solventis) & ideo ab utroque gradu caloris expellitur frigus, & ab utroque gradu gratiæ peccatum; non secus ac debitum unius auri extinguitur per solutionem duorum aureorum, quando uterque per modum unius solvitur ad tale debitum extinguendum, esto in hoc actu *justitiæ* admisceatur liberalitas quoad modum, ut explicavimus.

Ad 2. Confr. duæ Mille, quæ simul adiunguntur, possunt ad arbitrium audientis venire vel per modum unius, vel per modum plurium; si veniant per modum plurium, altera erit actus obedientiæ, altera supererogationis; si per modum unius, utraque simul auditio erit actus obedientiæ, mixtus supererogatione quoad modum.

VII. Obijc. 2. ex Lugo. Ut possit aliquid eligi ob aliquem finem, non est opus, quod ad talem finem sit necessarium, sed sufficit quod sit utile; atque duplex solutio, quamvis non sit necessaria, & debita, potest tamen esse utilis ad idem debitum extinguendum; ergo potest eligi, & ordinari ad talem finem, & sic esse ex *justitia*. Major patet, nam quando vel solutio A, vel B possunt extinguere debitum, neutra est necessaria, & tamen utraque seorsim eligi potest ad hunc finem, quia est utilis. Minor itaque prob. quia licet secunda solutio non sit necessaria, potest tamen esse utilis ad debitum extinguendum per modum causæ formalis; sicut secundum peccatum mortale, quamvis non sit necessarium ad gratiam tollendam, potest illam auferre per modum causæ, seu quasi causæ formalis.

Resp. nego minorem: ad prob. nego antec. secunda enim solutio extinguit debitum in actu primo, & conditionate, eo modo, quo extinguit debitum possibile conditionate, seu si adfuerit, non vero actu, & for-

maliter, ut requiritur ad actum *justitiæ*; sic secundum peccatum mortale expellit gratiam radicaliter, non formaliter: quod si duo mortalia simul ponantur, tunc per modum unius, non per modum plurium gratiam expellunt.

VIII. Obijc. ultimo. Ut duplex solutio adæquata simul posita sit ex *justitia*, sufficit quod utraque seorsim sit debita; sed re vera utraque seorsim est debita; ergo utraque simul potest esse ex *justitia*. Maj. prob. paritate in physicis: ut duplex forma simul posita extinguat exigentiam materiæ, sufficit, quod utraque seorsim, & vage sit exigita: similiter ut duplex actio totalis simultanee explicet indigentiam effectus, sufficit quod effectus indigeat utraque disjunctive, quamvis non indigeat utraque simul; ergo similiter in casu.

Resp. nego antec. & recurrit instantia de condonatione, & solutione, quæ simul possent extinguere debitum: Paritates adductæ probant nimis, probant enim quod etiam duæ solutiones successive posite possent esse ex *justitia*; sicut duæ formæ, & duæ actiones totales etiam successive posite possunt explere exigentiam materiæ, & indigentiam effectus, si possint explere simul. Disparitas itaque est, quia forma A, dum expleret exigentiam materiæ, non destruit materiam, quæ proinde capax est alterius formæ; item actio A totalis, dum expleret indigentiam effectus, non destruit indigentiam cum effectus identificatam: contra vero solutio A, dum expleret exigentiam moralem debiti, extinguit omnino debitum, ita ut nec physice, nec moraliter amplius perseveret; unde nihil remanet explendum, & adæquandum per solutionem B, & propterea solutio B non potest esse actus *justitiæ*.

IX. Hæc dicta sunt in hypothesi, quod possit idem effectus pendere a duplici causa totali: verum absolute loquendo, sicut non potest duplex solutio esse ex *justitia*, quia alterutra tantum est debita, non utraque simul: ita nec potest idem effectus pendere a duplici causa totali; quia alterutra tantum causa datur indigentia, non utriusque simul. Univerſim enim, ut optime discuntur Vasq. in 3. p. d. 29. c. 4. ubi nulla datur indigentia, nulla dari potest dependentia, v. g. quia Deus nullatenus indiget creatura, nec Angelus materia prima; non potest Deus a creatura, nec Angelus a materia sustentante dependere; ergo cum effectus non indigeat duplici causa totali simul, non poterit ab utraque simul, sed

sed solum seorsum dependere. Conseq. proh. ex illo Axiomate, quod inductione constat esse verissimum: Ita se habet simpliciter ad simpliciter, ut secundum quid ad secundum quid; ergo sicut quod simpliciter non indiget, non potest simpliciter dependere, ita effectus, qui in sensu composito unius causae totalis non amplius indiget, non potest amplius ab alia dependere. Sic in moralibus, quia ubi nullum simpliciter datur debitum, seu exigentia moralis compensationis, ibi nulla simpliciter est possibilis solutio ex iustitia, ideo erga debitum; quod in sensu composito condonationis non amplius exigit solutionem, non potest amplius dari solutio ex iustitia. Similiter quia qui simpliciter non indiget elemosyna, ut Deus; Rex &c. simpliciter non est capax, ut exerceatur erga illum misericordia, ideo pauper, qui in sensu composito elemosynae non amplius indiget, non remanet capax, ut erga illum exerceatur amplius misericordia. Pariter quia qui simpliciter non indiget cibo ad vitam prorogandam, non potest ejus vita pendere a cibo sibi collato; ideo pauper indigens cibo A, vel B in sensu composito cibi A, non pendet amplius ejus vita a cibo B.

Confr. paritate Theologica: quod simpliciter habet necessitatem ad existendum, ut Deus, non potest simpliciter non existere; & ideo creatura, quae in sensu composito, quod existat, habet necessitatem ex suppositione ad existendum, non potest non existere; ergo quia quod simpliciter habet sufficientiam ad existendum, ut habet Deus, non potest ab alio dependere; ideo Creatura, quae in sensu composito quod pendeat a causa A, habet sufficientiam ad existendum ex suppositione, non poterit amplius ab alio dependere.

X. Neque dicas 2. sufficere quod effectus indigeat causa A, vel B, seorsum, ut possit dividitur ab utraque simul pendere; sicut sufficit, quod indigeat causa A, vel B, vage, ut possit determinate pendere ab A.

Negatur enim antecedentis paritas, quae si quid evinceret, probaret, quod etiam naturaliter posset contingere primum, ut naturaliter coarctat secundum. Directa disparitas est, quia universum actus primus respicit actum secundum vage, ut potentia libera respicit vage assensum, vel dissentium; actus vero secundus essentialiter est determinatus: indigentia autem effectus spectat ad actum primum; unde respicit vage hanc, vel illam actionem, seu dependentiam; contra ve-

ro dependentia est ipse actus secundus indigentiae, & ideo necessario est determinata, unde potest effectus indigere causa A, vage, & dependere ab illa determinate: Ac cum nullatenus indigeat duplici totali simul, non poterit ab eis dependere simul.

Neque dicas 2. potest eadem materia informari duplici forma; idem corpus esse in duplici loco; quantumvis una tantum forma, & ubicatione indigeant, & unam exigant vage; ergo potest etiam idem effectus a duplici totali causa pendere.

Nam, ut notat idem Vasquez, disparitas est manifesta; duplex enim forma, vel ubicatio constituit duplicem effectum formalem, ad quem constituendum exigitur duplex forma, vel ubicatio: contra vero duplex causa efficiens, quamvis poneret duplicem actionem, unum tamen duntaxat effectum causare, non indigentem duplici causa: unde pariter retorquetur: Non potest enim idem effectus formalis causari in materia a duplici forma, seu a duplici causa formali; ergo nec idem effectus a duplici causa efficiente.

Neque replices, quod sicut corpus indiget duabus ubicacionibus, ut sit in duplici loco, & habeat esse praesentis; ita effectus indiget duplici actione, ut sita duabus causis, & habeat esse firmus; ergo utrobique par ratio.

Nam duplex forma, seu ubicatio constituit duplicem effectum formalem dantem subiecto esse praesentis; contra vero duplex actio non est duplex effectus, nec intenditur a natura ratione sui, sicut intenditur duplex forma, vel ubicatio, sed intenditur tanquam via, & medium ad eundem effectum, qui a duplici actione nullatenus haberet esse praesentis, aut firmus; & ratio est quia effectus eodem modo persistit esse, tam si utraque causa totalis influat inadaequate, & deficiente una tunc altera incipiat causare adaequate, ut coarctat de facto, quam si simul causent adaequate, & deficiente una, adhuc perseveret altera actio adaequate.

Hinc apparet ratio a priori, cur duplex actio totalis repugnet, quia scilicet altera esset essentialiter superflua, nec tribueret effectui novam perfectionem, ut deberet, nempe esse firmus, sed posset addere novam imperfectionem, seu dependentiam, non secus ac si idem effectus ab eadem causa totali penderet, vel per duplicem actionem distinctam, vel per unam actionem, & alteram identificatam cum tali effectu.

Hæc obiter dicta sint ut alius percipiatur vis ratiocinationis adversus duas solutiones ex Justitia.

QUÆSTIO IV.

Utrum ad actum justitiæ exercendum detur obligatio operandi ex motivo Justitiæ.

I. Duplex datur Præceptum Justitiæ, negativum, & Positivum: Negativum prohibet violationem juris alieni; Positivum præcipit alieni juris læsi reparationem. Utrumque poni potest primo ex motivo justitiæ intendendo honestatem, quæ reperitur in adæquando jure alieno, & sic ponitur operatio justa juxte; Secundum poni potest non intendendo eam honestatem, sed ex alio motivo sive malo, sive indifferenti, in quo casu ponitur operatio justa, sed non juxte. Quæritur nunc, An ad satisfaciendum obligationibus justitiæ debeat operatio justa poni etiam juxte, seu ex motivo justitiæ?

II. Dico equidem cum communiori, Non dari universam obligationem operandi ex motivo sive materiali, sive formali justitiæ ad satisfaciendum præcepto justitiæ tam negativo, quam positivo.

Prob. Tunc satisfit præcepto tam negativo, quam positivo justitiæ, quando ponitur quicquid præcipitur a virtute justitiæ: sed a virtute justitiæ solum præcipitur, ne lædatur jus alienum, & quod jus læsum refarciatur, non vero præcipitur, quod id fiat aut ex motivo materiali justitiæ, videlicet ne ponatur inæqualitas, aut ex motivo formali, hoc est ex motivo honestatis, quæ reducitur intribuendo cuique, quod suum est; ergo ad satisfaciendum præceptis justitiæ non datur obligatio operandi ex motivo justitiæ. **Prob. min. 1.** a posteriori; quia ex communi sensu censetur satisfacere præcepto justitiæ negativo, qui libere non vult furari, licet non omitat sursum, ex motivo non lædendi jus alienum: & censetur satisfacere præcepto positivo Depositarius v. g. reddens domino rem depositam, quamvis non reddat ex motivo adæquandi jus alienum.

2. A priori, quia universam Justitiā, & alia virtutes morales ita obligant ad ponendum actum virtutis, ut non obligant ad ponendum illum ex motivo talis virtutis; v. g. temperantia obligat ad actus tem-

perantia, non tamen ex motivo temperantia; & ideo communiter dicimus, quod finis legis non cadat sub legem; & sensus est, Legem, quæ aliquid præcipit, non præcipere simul, quod id fiat aut intendendo finem legislatoris, aut ex motivo satisfaciendi obligationi legis; quod aperte docuit D. Tho. 1. 2. q. 96. a. 3. ad 2. ubi hæc habet: *Aliquis actus dicitur esse virtutis dupliciter; uno modo ex eo, quod homo operatur virtute, sicut actus fortitudinis est, facere fortia, & sic lex præcipit aliquis actus virtutis; alio modo dicitur actus virtutis, quia aliquis operatur virtute eo modo, quo virtutes operatur, & talis actus semper procedit a virtute, nec cadit sub præcepto legis, sed est finis, ad quem legislator ducere intendit.* Ex qua Angelici doctrina colligitur, Alium esse finem legis, alium legislatoris: Primus est ipse actus virtutis, qui cadit sub præceptum, seu est materia præcepti; secundus est honestas ipsius virtutis, quæ nec præcipitur, nec prohibetur, & ideo poni potest actus virtutis præceptus, quin ponatur virtute, seu ex motivo virtutis; finis enim legislatoris, qui est finis legis extrinsecus, non cadit sub legem.

III. Objic. 1. Non potest satisfieri præcepto virtutum Theologicalium, nisi ponendo actum ex motivo formali illarum; v. g. nequit poni actus Charitatis, nisi ex motivo divinæ bonitatis; ergo neque potest satisfieri præcepto justitiæ, nisi ponendo actum ex motivo justitiæ.

Resp. 1. Posse satisfieri præcepto negativo virtutum Theologicalium, & non ex motivo illarum; v. g. potest quis nolle negare fidem, ad quod obligat præceptum fidei; quin teneatur id nolle ex motivo fidei; deinde loquendo de præcepto positivo potest etiam quis sugere v. g. a periculo peccandi contra fidem, ad quod etiam obligat præceptum fidei, quin teneatur sugere ex motivo fidei; cum possit fugere ex motivo Charitatis erga Deum, vel erga se ipsum, aut ex alio motivo indifferenti. Denique loquendo de actibus internis, præceptis a virtutibus Theologicalibus, procul dubio poni debent ex motivo illarum, aliter non poneretur res præcepta: At quando justitiā obligat ad non lædendum jus alienum, vel ad reparandum jus læsum, potest poni res præcepta, quin ponatur ex motivo formali justitiæ; quia scilicet non præcipitur actus internus virtutis justitiæ, sed solum externus, qui solet imperari ab actu interno virtutis justitiæ.

R².

Regula generalis est haec. Quando potest poni res praecipua ab aliqua virtute, quin ponatur ex motivo talis virtutis, tunc non datur obligatio operandi ex motivo virtutis praecipientis. hinc quia nequit poni actus internus fidei praecipuus, quin ponatur ex motivo fidei, ideo debet ex motivo fidei procedere, contra vero quia poni potest reparatio juris laesi praecipua a justitia, quin ponatur ex motivo justitiae, ideo ad id non obligamur.

Ex hac Reg. deducunt aliqui apud Sanchez. l. 1. c. 13. quod satisfaciatur obligationi audiendi sacrum die festo, qui audit illud pro ut debet, etiam si non intendat per illud satisfacere, imo etiam si intendat per illud non satisfacere, quia scilicet vult v. g. audire hoc sacrum ex devotione, & postea aliud audire, ut satisfaciatur praecipuo. Ratio hujus illationis est, quia hic vere possunt opus praecipuum; ergo non tenetur deinde aliud sacrum audire. Probabilius tamen dicendum cum communiori apud eundem Sanchez, quod non satisfaciatur praecipuo, qui audit sacrum, positive volens per illud satisfacere: quia praecipuum non solum obligat ad sacrum audiendum, sed etiam ad audiendum humano modo; non videtur autem humano modo se gerere erga legislatorem, qui ponit opus, nolendo per illud satisfacere suae obligationi; sicut in omnium sententia non satisfaciatur obligationi audiendi sacrum, qui audit nolens illud audire, quia non audit humano modo. Hinc qui invitus restituit, esto non teneatur iterum restituere, non satisfaciatur tamen praecipuo justitiae, ut notat idem Sanchez, quia non restituit humano modo, dum caret voluntate restituendi etiam interpretativa; peccatum tamen hujusmodi esset duntaxat internum; & ideo si lata sit excommunicatione contra non restituentes, Petrus restituens invitus excommunicationem non incurreret, quia censura propter solum peccatum internum non incurritur; nec teneretur iterum restituere, quia sublata est materia, ratione cujus ad restituendum obligabatur.

IV. Obijc. 1. Si satisfaceret obligationi justitiae ponendo reparationem juris laesi praecipuam, & non ex motivo justitiae, sequeretur quod satisfaceret obligationi justitiae, qui restitueret Equum, vel 100. quae debet, etiam si ea redderet animo donandi liberaliter: consequens est falsum; qui enim donat 100. nolens per illa satisfacere debito, procul dubio non satisfaciatur: ergo fal-

sum antec.

Resp. veram esse sequelam de Equo; qui restitui debet in individuo, falsam vero de 100. quae non debent restitui in individuo, sed in specie: quare si Equus sit Pauli, & Petrus putans esse suum, donet illum Paulo, & deinde deprehendat Equum illum non esse suum, sed Pauli, non teneatur iterum dare aliquid aliud Paulo, cum jam reparaverit jus laesum, atque adeo satisfecerit obligationi ex justitia; contra vero si Petrus debeat Paulo 100. v. gr. ob emptionem domus, & memor huius debiti donet eidem 100. tenetur deinde dare alia 100., ut satisfaciatur debito ex emptione domus; non quia dedit illi 100. & non ex motivo justitiae, sed quia quando donavit 100. voluit, ut integrum remaneret prius debitum.

Dixi, si Petrus memor debiti antecedentis donet 100. dubitatur enim a Theol. moralibus, an si immemor debiti donaret 100. teneatur deinde solvere alia 100. quando ejus debiti recordaretur? Affirmant nonnulli ob rationem adductam, Negant tamen alii probabilius; quia praesumitur, quod Petrus voluerit prius satisfacere obligationi justitiae, si forte adesset; unde non praesumitur velle donare absolute, sed ex suppositione, quod nihil debeat ex justitia; quare deprehensio debiti, tunc solum tenetur iterum satisfacere, quando donatio fuit absoluta, hoc est cum animo donandi, etiam si forte adesset debitum aliquod occultum.

Ad Argumentum. Doctrina universalis sit, quod si restitutio fiat ex bonis creditoris, (ut quando restituitur Depositum, vel res aliqua in individuo sublata a Fure) tunc obligationi justitiae satisfiat, restituendo rem illam; quamvis reddatur ex motivo liberalitatis. Quando vero restitutio fit ex bonis ipsius debitoris, tunc si fiat ex motivo liberalitatis, remanet obligatio iterum satisfaciendi debito; quia dando liberaliter, censetur velle contrahere de novo onus satisfaciendi priori debito: sicut enim qui audit sacrum die festo, nolens satisfacere praecipuo, sed volens ex voto se obligare ad aliud sacrum audiendum, tenetur ex hoc voto novum sacrum audire, quamvis per auditionem prioris satisfecerit praecipuo, quia per illud votum contraxit novam obligationem ad aliud sacrum; ita qui debens 100. vult 100. donare, tenetur deinde ad alia 100. quia per donationem contraxit hanc novam obligationem.

Da-

Dubitatur etiam, An qui vovit v. g. audire sacrum, & illud audiat animo non satisfaciendi voto per illud, teneatur aliud audire, ut voto satisfaciatur? Affirmant nonnulli, quia obligatio voti oritur ab ipsa voluntate voventis, qui in casu adducto censetur iterum velle se veluti novo voto obligare. Alii negant, quia votum univereum censetur obligare instar legis, seu præcepti a Superiore impositi, atque adeo sicut non tenetur audire secundum Sacrum juxta probabilem sententiam, qui audit primum animo non satisfaciendi præcepto per illud, ita in casu voti.

Q U Æ S T I O V.

Utrum possit justitia exerceri inter filium, & parentem, inter servum, & Dominum, ac inter Conjuges?

I. Suppono 1. ad exercendam justitiam rigoroſe dictam requiri non solum alteritatem physicam voluntatum; sed etiam alteritatem moralem; seu quod non solum physice distinguatur voluntas exercentis iustitiam a voluntate ejus, erga quem exercetur, sed etiam quod unicompertat jus stricte dictum adversus alterum, unde res dicatur esse hujus, non alterius. Diximus autem disp. 2. q. 1. in eo differre jus stricte dictum proprium justitiæ a jure minus rigoroſo, quod respicitur ab aliis virtutibus ad alterum, puta a pietate, gratitudine &c. quod jus stricte dictum respicit unice commodum habentis illud; & ab ejusdem voluntate unice pendeat: propterea si Petrus habens jus ad 100. cedat juri suo, nihil amplius ei debetur: contra vero in aliis virtutibus ad alterum; nam si Pater cedat jure paterno obligante ad alius pietatis, si dominus cedat jure herili, conjux jure economico, benefactor jure antiodali obligante ad actus gratitudinis, non per hoc cessat obligatio ad hujusmodi actus.

Suppono 2. Filium alium esse sub patria potestate, qui dicitur filiusfamilias, alium exemptum a patria potestate, & dicitur emancipatus; uterque exercere debet erga Patrem pietatem ex jure naturæ: At emancipatus habet jus stricte dictum, & absolutum dominium erga bona, quæ habuit a Patre sibi assignata, aut quæ aliunde acquisivit; Contra vero filiusfamilias secundum

se nihil habet proprii, sed omnia, quæ ad filium spectant, sunt sub dominio Patris, sub cujus potestate est filius. Dixi, secundum se; nam bonorum castrensiurn, vel quasi castrensiurn tam dominium, quam usufructus spectat ad filium non emancipatum, qui ad ea bona habet jus strictum adversus Patrem. Vocantur a DD. apud Lessi. c. 4. d. 3. Bona castrensiâ, quæ acquisita sunt a filio in bello, vel occasione militiæ, ut sunt stipendia militum, prædæ ex hostibus, donativa Ducum &c. vocantur bona quasi castrensiâ, quæ habet filiusfamilias ex beneficio Ecclesiastico, vel munere clericali, aut ex publico munere non mechanico, puta Judicis, Advocati, Tabellionis, aut ex professione alicujus artis liberalis, & quodcumque ei donatur sub conditione, quod usufructus non spectet ad Patrem; dicunturque hæc bona quasi castrensiâ, tum quia imitantur naturam castrensiurn, tum etiam quia Clerici sunt milites spirituales.

Spectant etiam ad peculium filiusfamilias bona adventitia, & profecticia, ita ut profecticia spectent ad Patrem etiam quoad usum fructum, secus vero bona Adventitia; vocantur autem bona adventitia, quæ filiusfamilias acquirit industria propria, puta si lucraretur negociando ex pecunia furtiva: nec non quæ casu illi obveniunt, ut si forte repèriat thesaurum, aut si quidquam ipsi donetur, & non intuitu Patris, (nam sic esset profecticiurn) nec ita, ut sit donum castrense, aut quasi castrense; vocantur demum bona profecticia, quæ filius habet a Patre, vel intuitu Patris ab alio ipsi donantur; propterea si quis donet 100. filiofamilias ob amicitiam, quam habet cum ejus Patre, hæc 100. spectant ad peculium profecticiurn, si vero donentur eidem ob necessitudinem cum ipso filio, spectant ad adventitiurn.

Suppono 3. Servum alium dici a serviendo, quia tanquam famulus vendidit, seu locavit domino suum famularum, alium dici a servando, eo quod in bello captus occidi poterat, & servatus est, vocaturque mancipium; & de hoc servo præcedit præsens quaestio, An possit exercere justitiam erga dominum; sicut etiam de servo vernâ, qui scilicet ex ancilla domi manente nascitur; certum autem est ex Philosopho, tam relare ad mancipium, quam relare ad servum vernam, esse in domino quoddam jus herile, ratione cujus obligantur præstare domino, quod ille jure domini exigere potest.

potest, & vice versa dominus obligatur ad eos alendos, & gubernandos. Utrum autem hujusmodi obligatio in servis, & domino sit ex justitia? discutit Lugo disp. t. n. 35. communis docet, obligationem serviendi in mancipio esse ex titulo observantiae, seu dulciæ, atque adeo si negaret domino opus servile sibi impositum, non per hoc obligaretur ad restitutionem ex bonis propriis, quæ forte possent illi obvenire; sicut nec filius, si negaret Patri obsequia debita ex jure paterno. Similiter in domino obligatio alendi mancipium non est ex justitia; unde nec ad restitutionem teneretur, si quando alimenta debita denegaret; sicut nec Pater, si negaret alimenta debita filio; propterea relate ad mancipium, jus dominativum est potius jurisdictionis, quam proprietatis, non secus ac jus patrum erga filios; & solum est jus proprietatis in mancipium relate ad alios, quatenus omnes ex justitia tenentur non impedire domino usum sui mancipii, sicut ex justitia nemo potest impedire domino usum sui equi. Hinc Less. Sanch. &c. apud Lugo disp. 6. secta. 3. contra Mol. & alios putant, tam servos bello captos, aut emptos, quam veras posse licite fugere eo modo, quo Reus probabiliter potest licite fugere & carcere.

Suppono denique, tam maritum esse plene dominum bonorum suorum, adeo ut non possit uxor circa injustitiam de iis disponere; quam uxorem esse plene dominam bonorum parafernaliurn, seu superdotalium. His positis

II. Dico 1. potest mutuo exerceri rigorosa justitia inter Patrem, & Filium etiam non emancipatum; nec non inter conjuges. Ita communis cum Suar. Vasq. Soto, Mol. contra Cajet. 2. 2. q. 57. ar. 4. Valent. & alii apud Lug. d. 1. c. 2.

Prob. Erga illos exerceri potest justitia, qui habent aliquod strictum jus justitiæ, quod si lædatur, irrogatur injuria simpliciter dicta, & contrahitur onus restitutionis; æqui tam Pater habet aliquod hujusmodi jus, quam Filius etiam non emancipatus, nec non Conjuges inter se; ergo in Patrem & filium, & inter conjuges exerceri potest justitia rigorosa. Min. patet ex dictis, & quidem quod Pater habeat jus strictum in bona sua, quod si lædatur a Filio; compensari ab isto debeat ex bonis propriis castrensis, vel quasi castrensis, non videtur dubium: quod vero Filius etiam non emancipatus habeat jus strictum erga bona castrensis, vel quasi castrensis, ita ut si læ-

datur a Patre, debeat ab eocompensari, constat ex secundo supposito; ergo uterque potest invicem rigorosam justitiam exercere, tam negative, non lædendo scilicet jus alterius ex motivo formali justitiæ, quam positive, compensando scilicet jus læsum. Idemque dicas de Conjugibus; constat enim ex quarto supposito, maritum esse plene dominum bonorum suorum, & uxorem bonorum parafernaliurn.

Confirm. quia tam Pater, quam Filius, & Conjuges habent jus strictè dictum ad famam propriam, ad membra, ad vitam, quod si lædatur, committitur stricta injustitia, & contrahitur onus restituendi famam, & quodcumque compensari potest; ergo saltem relate ad hæc bona possunt invicem justitiam exercere.

Confirm. 2. quia quamvis Filius nullum bonum haberet proprium, posset tamen Pater illi donare v. g. Equum, constituendo Filium dominum Equi adversum se: potest etiam Pater contrahere cum Filio contractu oneroso, obligando se ad dandum Equi, si præstet aliquem laborem, v. g. studendo, saltando &c., in quo casu ita Filius evaderet dominus Equi, ut Pater ex justitia obligaretur servare ejus jus illam, ac læsum restituere; Equi saltem relate ad talem Equum appropriatum filio poterit Pater exercere justitiam erga filium: idemque dicas de Conjugibus.

III. Dico 2. potest pariformiter mutuo exerceri stricta justitia inter servum, & dominum.

Prob. iisdem rationibus: Nam domino, & servo competere potest strictum jus justitiæ erga bona propria; & uterque de facto habet hujusmodi jus erga propriam famam, membra, vitam; panter dominus potest mancipio donare v. g. equum five liberaliter, five sub conditione onerosa, prout diximus de Patre erga filium; ergo pariter inter dominum, & servum exerceri potest justitia strictè dicta.

IV. Objic. 1. auctoritatem D. Thom. qui q. 57. ar. 4. hæc habet: *Patris ad filium non est comparatio sicut ad simpliciter alterum, cum filius sit aliquod Patris, & quodammodo pars illius, ut dicitur 1. Eth.;* & per hoc non est simpliciter in justum, sed quoddam in justum, scilicet paternum. Ex eadem ratione inter dominum, & servum est justum dominativum; & inter conjuges œconomicum; ergo ex Angelico repugnat inter hos justitia rigorosa ob identitatem moralem, quam habent, quæ obstat perfectæ alteritati requisiæ ad justitiam.

Con.

Confirm. a priori, quia Justitia intendit ponere adæquationem inter jus activum unius, & passivum alterius; ergo exigit perfectam distinctionem personarum, & jurium, atque adeo perfectam alteritatem; atqui hæc alteritas dari non potest inter Patrem, & Filium, cum filius sit jure naturæ Patris, & aliquid illius; nec inter dominum, & servum, cum servus sit domini jure Gentium; nec inter Conjuges, cum sint duo in carne una; quatenus, ut explicat Martius, caro viri est viri per identitatem, & est uxoris per jus, quod habet in illam; idemque dicas de carne uxoris; ergo inter hæc personas intercedere non potest justitia rigorosa; Nisi forte ea admittatur cum Lugo, Amico, Mart. disp. 13. per hoc, quod Filius, non qua filius, sed qua homo possit esse justus erga Patrem; & servus non qua servus, sed qua homo; quod esset dicere, Filium, dum est sub potestate Patris, & servum in statu servitutis, justitiam exercere non posse.

Resp. Dupliciter comparari Filium ad Patrem; Primo secundum rationem filiationis, secundum quam debet Patri obsequium, & Pater Filio amorem, & Gubernationem; & idem dicas de servo erga Dominum, & de Conjugibus. Secundo quatenus unus habet jus strictum dictum adversus alterum. Si comparetur primo modo, optime dicit Angelicus, justum strictum, & simpliciter non posse dari inter illos, cum non intercedat alteritas moralis, seu jurium proprietatis requisita ad justitiam; secus vero si comparetur secundo modo. Quarecum jus patrum, herile, & æconomicum non sit strictum jus proprietatis ordinatum in bonum proprium, ideo si ponat Filius, quod debet ex jure Paterno, non exercet justitiam, sed pietatem; Contra vero si filius ponat, quod debet Patri ex jure stricto, quod Pater habet in sua bona, exercet strictam justitiam, tam si non lædat hujusmodi jus, quam si relaxium reparet, puta si postquam detraxerit Patri famam, restituat.

Ad Confirm. Quamvis filius jure naturæ sit Patris, & servus jure gentium sit Domini, non per hoc filius non potest habere jus strictum in bona castrensia, in propria famam &c. adversus Patrem; ergo non per hoc non poterit Pater exercere justitiam erga filium, & e converso. Quare nego min. subsumptam. Ad id, quod additur ex Lugo, & aliis, filium non qua filium, sed qua hominem posse justitiam exercere erga Patrem, dico in rigore sermo-

nis id esse falsum; Nam si fiat sensus, quod non sufficiat ratio filiationis ad exercendam justitiam, est verissimum, cum ad justitiam exercendam requiratur jus strictum dictum, quod non habetur præcise ratione filiationis: si vero fiat sensus, quod ratio filiationis obstat, quominus exercetur justitia, non vero ratio hominis, ex dictis constat id esse falsum: filius enim neque qua filius, neque qua homo potest proxime justitiam exercere erga Patrem, sed solum in quantum habens debitum correspondens juri stricto Patris, idemque dicas de reliquis.

V. Objic. 2. Quidquid acquirit servus, domino acquirit, non secus ac quidquid acquirit monachus, monasterio acquirit; ergo dominus nequit exercere justitiam erga servum, ut nec monasterium erga monachum; cum non possint adæquare jus strictum servi, aut monachi, quod nullatenus præsupponitur. Præterea Filius debet Patri ex pietate, quæcumque illi debet, non vero ex justitia, seu ex jure paterno, non ex jure stricto; ergo non potest erga Patrem justitiam exercere.

Resp. Servum habere posse jus strictum adversus dominum, non solum in fama, membris, vicia, ut habet monachus adversus suam Religionem, sed etiam in iis bonis, quæ propria industria acquirit, citra fraudem famulatus debet; nec non in bonis, quæ ei donat Dominus aut contractu liberali, aut oneroso. Ad id, quod additur, Dico Filium injuste se gerere, si surripiat bona Patris, eo invito; & juste, si non violat jus Patris in sua bona; aut si jus violatum resarciat ex bonis suis castrensis.

VI. Illud hic advertit Lugo n. 19. quod Filius possit per aliquas actiones solum injuste se gerere erga Patrem, per alias vero non solum injuste, sed etiam impie; Nam si furetur aliquid a Patre, est tantum injustus, ita ut ratio filii minuat, non augeat delictum; unde major quantitas requiritur in filio ad peccandum graviter furando a Patre, quam in extraneo: Si vero furetur a Patre in tanta quæritate, ut redigat illum in egestatem, vel si mulcet, infamet, aut occidat Patrem, injuste simul, & impie se gerit; quia circumstantia illa Patris mutat speciem delicti, & reddit illum violativum etiam juris paterni obligantis ad pietatem, & observantiam debitam; idemque proportionaliter dicas de mancipio erga dominum, & de conjugis erga conjugem; in istis tamen casibus obligatio relin-

refrugiendi non oritur ex obligatione pietatis debite, sed solum ex violatione justitiæ.

QUÆSTIO VI.

Utrum possit Creatura Justitiam erga Deum exercere?

QUærimus hic de creatura erga Deum, deinde de Deo erga creaturam; quia tamen justitia exerceri non potest erga aliquem, nisi in eo præsupponatur jus stricte dictum, ideo prius inquirimus, An in Deo sit jus proprietatis stricte dictum erga creaturas, cujus violatio pariat injuriam, & onus compensationis?

I. Prima Concl. Datur in Deo jus proprietatis stricte dictum relate ad omnes creaturas, adeo ut possit ad libitum de iis disponere, seu percipere commodum libertatis suæ ex omni usu creaturæ; Ita Suar., & alii communius apud Ropal. disp. 84. contra Vasq. disp. 7. de Incarn.

Prob. Dominium, seu jus proprietatis est perfectio simpliciter simplex, seu melior ipsa, quam quodcunque, in quo ipsa non sit; ergo non est Deo denegandum. Antec. prob. tum ex communi conceptu, tum etiam quia Dominium jurisdictionis est perfectio simpliciter simplex melior ipsa, quam non ipsa, nec potest Deo denegari; ergo a fortiori Dominium proprietatis; Nam si debet Deus posse de creatura disponere in utilitatem ipsius creaturæ, & sic exercere dominium jurisdictionis; a fortiori debet posse de creatura disponere in bonum, & ad gloriam promovendam ipsiusmet Dei, & sic exercere dominium proprietatis, quod fuisse ostendit Less. l. 10. de Div. perfect. c. 10.

II. Objic. 1. Creaturæ non possunt esse Deo utiles; ergo non potest Deus habere erga creaturas jus proprietatis rigorosum, utpote quod respicit commodum, & utilitatem habentis illud. Antec. prob. Deus enim nullius indiget; unde dicitur Psal. 19. *Deus mens es tu, quoniam bonorum meorum non eger.* & Job. 22. *Quid prodest Deo, si iustus fueris? aut quid conferes, si immaculata fueris vis tua?*

Resp. 1. omisso antec., nego conf., sufficit enim quod jus proprietatis respiciat commodum libertatis, quatenus habens jus potest ad arbitrium de re disponere; Deus autem relate ad creaturas habet legitimam fa-

cultatem percipiendi hujusmodi commodum libertatis suæ ex omni usu creaturæ; ergo est rigorose dominus proprietatis: ex imperfectione enim subiecti oritur, quod res possit esse illi utilis; sicut ex imperfectione subiecti oritur, quod exerceas misericordiam habeat veluti miserum cor; propterea Deus citra hanc imperfectionem rigorose misericordiam exercet.

Resp. 2. dist. antec. Creaturæ non possunt esse Deo utiles rigorose, quatenus non possunt ejus felicitatem promovere, aut conducere ad finem Deultimum, conc.; non possunt esse Deo utiles relate ad finem a Divina voluntate intentum, qui est suus honor, laus, & gloria, nego antec. & conf.

III. Objic. 2. Jus, quod non est adæquabile, & extingubile per quodcunque opus ponatur, etiamsi milles ponatur, non est jus proprietatis stricte dictum pertinens ad justitiam commutativam; sed jus Dei relate ad creaturas non est adæquabile, & extingubile; ergo non est jus strictum. Maj. prob. quia solutio ex justitia debet adæquare jus activum creditoris, & extinguere debitum, cum de conceptu justitiæ sit respicere adæquationem juris alieni. Min. etiam probatur, quia quodcunque opus a creatura ponatur, ne inadæquate quidem extinguatur jus proprietatis Dei erga creaturas; unde titulo domini exigere potest non solum aliud, & aliud opus, sed etiam idem iterum iterumque in infinitum.

Confirm. quia idcirco Philosophus docet a Filio exerceri pietatem, non justitiam per obsequia debita Patri, quia jus paternum ad obsequia filii est inadæquabile; ergo.

Resp. nego maj.; non enim ad rationem juris stricte dicti pertinet arithmetica adæquabilitas; quæ solum spectat ad rationem juris limitati; patet, quia dominium jurisdictionis in Deo est inadæquabile; & tamen est rigorosum jus jurisdictionis; ergo idem dicendum de jure proprietatis: sufficit enim quod possit creatura conformare se voluntati domini qua talis, ut iuste se gerat erga illum; quamvis Dominus possit iterum iterumque eandem, & alias operationes exigere.

Deinde dupliciter considerari potest in Deo jus proprietatis, & jurisdictionis, videlicet in actu primo, & in actu secundo; si consideretur in actu primo, quatenus potest aliquid exigere, est simpliciter inadæquabile; si vero in actu secundo, quatenus hic & nunc exigit v. gr. auditionem minus facti, est arithmetice adæquabile; ad rationem.

tionem autem juris stricti spectat adæquabilitas solum si consideretur in actu secundo, non in actu primo, & juxta hanc responsionem dicitur maj. jus proprietatis, quod non est adæquabile in actu secundo, non est jus strictum, conc. quod non est adæquabile tantum in actu primo, nego maj., & conseq.

Ad Confirm. Jus paternum non est jus strictum, non quia est inadæquabile, sed quia accedit ad jus jurisdictionis, cum non possit Pater disponere de Filio in proprium commodum, perinde ac si ex justitia ad obsequia debita obligaretur. Adde, Patrem habere posse jus strictum erga filium, si hac obliget se contractu oneroso ad exhibendum. Patri aliquod obsequium supererogationis, v. g. filius obliget se ad studium impensum, si sibi doneatur 100. a Patre; ergo etiam Deus poterit habere jus strictum erga creaturam, si hæc contractu oneroso obliget se v. g. ad jejunandum, dummodo obtineat sanitatem; quia obtenta, teneatur ex justitia jejunare; sicut filius tenetur ex justitia impense studere, postquam accepit 100. a Patre. Quare sicut in tali casu duplex jus haberetur in Patre, alterum Patrum, cui cedere non potest, alterum jus proprietatis strictum relate ad studium impensum, cui juri Pater creditor cedere potest; ita in Deo duplex jus considerari potest, alterum excellentiæ, ratione cujus exigit cultum per actus Religionis; alterum proprietatis, ratione cujus in actu secundo hic & nunc exigit v. g. jejunium; hoc secundum jus adæquari potest, quamvis primum sit inadæquabile, ut notat Ripal. n. 39.

IV. Secunda Concl. Potest creatura exercere justitiam rigorosè dictam erga Deum: Ita communius cum Suar. contra Vasq., Mxr. Bec. apud Rip. loc. cit.

Prob. Potest creatura ponere, quod Deus dominus universorum exigit ex jure proprietatis; sed qui ponit quod debet, & exigit ex jure proprietatis, exercet actum rigorosæ justitiæ; ergo potest creatura actum rigorosæ justitiæ erga Deum exercere; Sicut rigorosam obedientiam exercet, si ponat, quod debet ex jure jurisdictionis.

Confirm. quia præcedendo an supremum Dei dominium declinet a ratione juris stricti ex eo, quod sit arithmetice inadæquabile, certe potest creatura contrahere cum Deo contractu oneroso, obligando se v. g. ad jejunium, si obtineat sanitatem; atqui in tali casu creatura, obtenta sanitate, tene-

tur ex justitia ad jejunium; ergo si jejunet, exercet actum justitiæ erga Deum. Maj. prob. Sicut enim potest servus obligare se ex justitia domino ad aliquem laborem, ad quem vel secundum se non obligatur titulo servitutis, vel si obligatur, hic & nunc non exigatur a domino; ita poterit creatura erga Deum.

V. Objic. 1. Creatura quidquid est, Dei est essentialiter serva, & sub jure Dei; ergo non potest iustitiam erga Deum exercere. Prob. conc. quia ad justitiam requiritur alteritas, cum nemo exerceat justitiam erga se ipsum; sed creatura, cum sit Dei, est aliquatenus idem cum Deo; ergo non potest justitiam erga Deum exercere.

Confirm. Servus, ut communius docent, non obligatur ex justitia Domino inservire; ergo neque creatura Deo; ergoneque creatura justitiam erga Deum exercere; sicut non exercet justitiam servus, dum inservit domino.

Resp. Servum habere posse alteritatem moralem, seu jurium erga dominum, sufficientem ad exercendam justitiam, ut explicavimus quæst. antec.

Ad Confirm. quamvis servus relate ad Dominum creatum non obligetur ad servitutum ex justitia, sed solum alii ex justitia erga Dominum teneatur non contrahere servum, invito Domino; nihilominus justitiam rigorosam exercet servus non furando aliquid a Domino, & injustitiam exercet furando, infamando &c., quia relate ad hæc dominus habet jus strictum; ergo cum Deus etiam habeat strictum jus proprietatis erga creaturam, poterit hæc esse justa, aut injusta erga Deum.

Adde quod licet creatura non teneatur ex justitia Deo inservire, adhuc tamen possit contractu oneroso de ponendo v. g. jejunio, si obtineat sanitatem, teneatur creatura ex justitia ponere jejunium, obtenta sanitate.

VI. Objic. 2. Votum jejunandi, si obtineatur sanitas, pertinet ad virtutem Religionis, & qui jejunat ad satisfaciendum voto, exercet actum Religionis, non justitiæ; ergo posito eo contractu, non exercetur justitia erga Deum a creatura.

Confirm. quia duplex datur debitum, Alterum morale, quod oritur ex conformitate cum recta ratione, alterum legale pertinens ad justitiam, quod nascitur ex ratione dati, & accepti, & ex mutua translatione domini; atqui emissio illo voto, & obtenta sanitate, non confurgit in creatura debi-

debitum legale, cum nulla translatio domini in sanitatem facta sit a Deo in creaturam; ergo jejuniū ad satisfaciendum voto non potest tineri ad justitiam.

Confirm. 1. Si creatura posset esse justa erga Deum, posset pariter esse injusta, irrogando injuriam stricte dictam: sed hoc est falsum; tum quia non potest creatura obligari ad compensandum jus Dei læsum; tum quia aliter omne peccatum esset formalis injustitia erga Deum: ergo ut supra.

Resp. Licet actus votendi sit actus Religionis, qui tamen vovet, seu promittit aliquid Deo sub conditione, quod aliquid a Deo accipiat, quando satisfacit voto, tunc exercet actum religionis simul, & justitiæ; quia idem omnino actus respicit motivum formale utriusque virtutis, non secus ac furtum sacrilegum utrique virtuti opponitur.

Ad primam Confirm. Debitum legale haberi potest in creatura relate ad Deum, cum ratione Divini domini, ut diximus in prima Conclusionē, tum ratione contractus initi cum Deo: quare obtemperare sanitate, ex debito legali tenetur creatura jejunare prout se obligavit; Quamvis autem Deus conferendo sanitatem non spoliaverit se Dominio erga illam; quia solus dominus creatus transferendo dominium, illud amittit, ut dicemus quæst. ult. adhuc tamen ratione sanitatis acceptæ tenetur creatura ad jejuniū ponendum vi contractus, atque adeo ex justitia.

Ad secundam Confirm. nego min. Objectionis mox satisfaciemus quæstione sequenti.

QUÆSTIO VII.

Utrum pariter possit injustitiam erga Deum Creatura exercere? ubi, An omne Peccatum hujusmodi injuriam includat?

Quæstio hæc, quæ ad Disp. sequ. de Injustitia videtur pertinere, commodius hic discutitur, ut alius intelligatur, quomodo possit Creatura justitiam erga Deum exercere.

I. Dico itaque 1. Potest Creatura injuriam irrogare, & stricteam injustitiam adversus Deum exercere. Ita Suar. lib. 4. de Incar. sect. 5. contra Vasq. disp. 7. de Incar. & alios apud Rip. disp. 84.

Prob. Injustitia exerceatur, quoties non ponitur id, quod debetur ex jure activo proprietatis; sed potest Deus dominus proprietatis exigere v.g. jejuniū a creatura, & creatura potest nolle jejunare, prout debet ex jure divino: ergo potest Creatura injustitiam erga Deum exercere. Hinc Lugo docet, quod detrahens famam Dei sit rigoroſe injustus erga Deum, non secus ac detrahens famam Petri; cum multo magis Deus quam Petrus habeat jus stricteum erga propriam famam, & honorem.

Confir. Potest Creatura lædere jus jurisdictionis Dei, & esse inobediens; ergo potest lædere jus proprietatis Dei, & esse injusta.

II. Objic. 1. Creatura nullum potest damnum Deo irrogare, iuxta illud Job. 25. *Si peccaveris, quid nocbis est?* ergo neque poterit injustitiam exercere, quippe quæ de se fert damnificationem lædendo jus proprietatis ordinatum in commodum habentis illud.

Confir. Obligatio justitiæ ex genere suo est gravis: sed Creatura non potest graviter obligari ob læsum jus divinum: ergo non potest obligari ex justitia; atque adeo nequit esse injusta. Prob. min. tunc creatura graviter obligaretur, quoties damnicaret Deum graviter; atqui Deus, cum sit infinitè dives, non potest graviter damnicari; ergo &c. Certe eo furtum est levius, quo Persona, cui fit, est dior; ergo cum Deus sit ditissimus, damnificatio erit levissima, & consequenter non datur injustitia erga Deum.

Resp. Cum Suar. opusc. de Just. Dei sect. 1. quod sicut Deus non est capax utilitatis stricte dictæ, quæ ad felicitatem promoveatur, ita nec est capax stricte damnificationis: verum sicut potest actus creaturæ esse utilis Deo ad finem ab ipso intentum, & ad suam gloriam; ita potest peccatum relare ad talem finem nocere. Adde, peccatum posse esse actum injustitiæ, cuius nullatenus damnicet, sicut furtum est injustum, quamvis non damnicet, ut si quis, domino invito, accipiat vestem valentem 10. quando dominus vult donare 10. & non vestem; & ratio a priori est, quia quæcumque læsio domini proprietatis continet injustitiam.

Ad Confir. materia furti est gravis non solum relate ad Personam, sed etiam secundum se; unde qui furatur 100. aureos a Rege, a quo minoris æstimantur 100. aurei, quæ ab alio 100. assis, adhuc peccat gra-

graviter, ut notat Haunol. tract. 2. de just. contrav. 2. Quare creatura adhuc peccat graviter contra Justitiam erga Deum, quamvis Deus diffissim nullum damnum patitur, dummodo materia ex se sit gravis, hoc est sufficiens ad peccandum graviter contra obedientiam. In forma, nego min. ad prob. nego maj.

III. Objic. 2. Nihil potest fieri a creatura, Deo invito, ne ipsum quidem peccatum; sed quod ooo sit, invito domino, non est actus injustitiae; ergo non potest creatura esse injuria erga Deum. Maj. prob. quia quodcumque sit a creatura, sit Deo concurrente, & saltem permitteore; ergo non sit Deo invito.

Confr. Quod sit a servo, vel subdito, sciente domino, vel superiore, & non impediende, cum cateroqui facile posset impedire, non dicitur fieri invito domino, aut superiore; sed creatura, quidquid operatur, facit sciente, & non impediende Deo; ergo nihil facit, Deo invito; atque adeo nequit esse Deo injuriosa; scienti enim, & volenti non fit injuria.

Resp. Cum Haunol. Arg. solvendum ab Adversariis in Dominio jurisdictionis; Sicut enim non est injustus, qui non operatur invito domino proprietatis, ita nec est inobediens, qui non operatur invito superiore; ergo eo modo, quo creatura potest esse Deo inobediens, poterit esse etiam injuria. Quare distinguenda est in Deo duplex voluntas, efficax, & inefficax; quando Creatura peccat, tunc Deus solum inefficaciter vult actum bonum, & peccatum permittit simul, & prohibet; unde peccatum ponitur Deo invito, quantum sufficit, ut peccatum possit contrahere malitiam inobedientiae, & injustitiae.

Ad. Confr. distin. maj. Si dominus, aut superior teneatur impedire, conc. si non teneatur, nego maj. & distin. pariter mi. nego utramque consequentiam: Creatura peccat, non impediende Deo, qui non tenetur peccatum impedire; unde fit, quod peccatum ponatur Deo invito, quamvis non impediatur ab illo. Adde etiam Dominum creatum posse permittere furtum servi, ut illum puniat, ex lege Si quis, ff. de furtis, & tamen furtum illud committitur invito Domino creato, quia scilicet non teoetur illud impedire.

IV. Objic. ult. Usus Domini non potest esse laesio ipsius domini, sed omnis actio creaturae, etiam peccaminosa, est usus domini divini, cum usutur Deus ad

altissimos fines, permittendo peccata, ut ex malis bona eruat; ergo actio peccaminosa creaturae non potest esse laesio divini domini, nec Deo injuriosa.

Resp. Recurrere infantiam de actu inobedientiae, quo etiam utitur Deus ad suos fines. Quare distingui debet duplex usus Domini, formalis, & obiectivus: Usus formalis est ipse usus rei immediatus; ut cum Deus creat, vel destruit creaturam, huiusmodi usus Creaturae dicitur usus formalis domini: usus vero obiectivus est obiectum illud, quo Deus utitur ad suos fines; sic cum Deus utitur peccato Creaturae, ut inducat illam ad poenitentiam, vel ut ostendat suam misericordiam, huiusmodi usus peccati dicitur usus Domini obiectivus. Hoc posito, distin. maj. usus formalis domini non potest esse laesio ipsius domini, conc. usus obiectivus, nego maj. & distin. min., nego consequentiam.

V. Dico 2. Probabilius est, omne peccatum esse formaliter injustitiam strictae dictam Creaturae adversus Deum. Ita Suarez, Rip. loc. cit. Requienus lib. 3. disp. 17. contra Vasqu. Lugo de Incarn. disp. 3. sect. 7. & alios.

Prob. Committeretur per quodvis peccatum stricta injustitia erga Deum, si quoddam peccatum esset contra Deum precipientem quatenus Dominus est proprietatis; atqui de facto quodlibet peccatum est huiusmodi; ergo quodlibet peccatum de facto est stricta injustitia adversus Deum. Minor prob. Quia tunc Deus precipit ut dominus jurisdictionis, quando precipit bonum Creaturae, tunc vero ut dominus proprietatis, quando precipit in bonum proprium; atqui Deus precipit de facto utrumque bonum intendit, imo ultimat, & principaliter intendit gloriam suam, ad quam ordinat omnia; ergo magis precipit ut dominus proprietatis, quam jurisdictionis. hinc psal. 21. dicitur: *Confitebor adversus me iniquitatem meam*, ut significetur, peccatum imbibere malitiam injustitiae.

Confr. Qui aliquid surripit a suo Rege, committit injustitiam adversus illum; & jus jurisdictionis, quod est in Rege, non impedit, quominus laedatur etiam jus proprietatis; ergo etiam relate ad Deum.

VI. Objic. 2. Quamvis Deus precipere possit, ut dominus proprietatis, de facto tamen solum precipit ut dominus jurisdictionis; ergo peccatum non est injustitia strictae dicta. Prob. antec. primo, quia peccatum definitur ab Aug. *Falsum, distum, concu-* pi.

plum contra legem aeternam Dei; ergo est contra Deum ut legislatorem, atque adeo ut dominum jurisdictionis. secundo quando Princeps præcipit subditi aliquid laboris, etiam servus teneatur obedire, quin tamen censetur Princeps tunc præcipere servo, ut dominus proprietatis. Sic superior præcipiens subditi, ne aliquid comedant. solum censetur præcipere ex iure jurisdictionis, non proprietatis; ergo etiam Deus.

Resp. nego. antec. ad prob. dico primo, peccatum definiri per rationem universalem communem etiam peccato, quod tantum esset contra jus jurisdictionis; deinde dico definiri per ordinem ad jus jurisdictionis potius, quam proprietatis, ut magis ejus deformitas eluceat, cum sit contra Deum præcipientem in bonum Creaturarum. Ad secundam probationem dico, Principem in edicto universali, quo omnibus aliquid præcipit, censeri præcipere servo solum tamquam subdito, atque adeo solum ex iure jurisdictionis: contra vero quando Princeps præcipit aliquid solum servo, tunc censetur præcipere ut dominus proprietatis: Superior non censetur præcipere ut dominus proprietatis, sed subditi aliquid comedant, quia non censetur eo præcepto curare res monasterii, sed bonum subditorum. At Deus magis curat propriam gloriam, quam bonum Creaturarum; ergo præcipit dominus proprietatis.

VII. Objic. 2. Si quodvis peccatum imbibere formaliter malitiam injustitiae contra Deum, deberet in Confessione explicari hujusmodi circumstantia, utpote mutans speciem; sicut quando fornicatio est injusta, debet explicari; sed hoc est contra praxim; ergo ut supra.

Confirm. 1. quia Nemo committit peccatum injustitiae, nisi advertat quod violat jus proprietatis: sed creatura peccando potest non advertere, quod violat jus proprietatis Dei: immo potest opinari, quod Deus semper præcipiat solum ex iure jurisdictionis; ergo saltem hujusmodi peccatum non est formalis injustitia contra Deum.

Confirm. 2. quia si peccatum esset stricta injustitia, peccans teneretur satisfacere ad aequalitatem pro peccato; sed hoc est impossibile; solus enim Christus Dominus potest de condigno satisfacere pro peccato. ergo ut prius.

Resp. Cum malitia injustitiae adversus Deum sit imbibita in quovis peccato, eo ipso, quod in Confessione explicatur peccatum, explicatur malitia injustitiae; ut explicatur ratio inobedientiae, ingrati-

ditis, & aliz rationes transcendentes. Adde quod licet esset explicanda hæc circumstantia mutans speciem, posset aliquis sequendo opinionem oppositam, quod peccatum non sit formalis injustitia, non teneri ad illam explicandam.

Ad primam Confirm. Nostra conclus. solum vult, quod peccatum per se loquendo sit formalis injustitia erga Deum, etiam si per accidens non sit talis, quando aliquis putat hanc malitiam non contineri; sic mendacium v. gr. de se est malum, quamvis per accidens possit esse bonum, & meritum, quando scilicet ex errore invincibili quis putat ad illud obligari, ut salvet v. gr. vitam innocentis.

Ad secundam, sicuti qui occidit, vel mutilat Petrum, et formaliter injustus, quamvis non possit satisfacere Petro ad aequalitatem, ita creatura peccando est injusta erga Deum, quamvis non possit satisfacere ad aequalitatem. Ad injustitiam enim solum spectat, quod lædatur jus strictum proprietatis.

VIII. Objic. ult. Si Creatura peccando esset injusta erga Deum, sequeretur, quod post peccatum teneretur ad restitutionem, seu ad compensandum damnum Deo illatum; sed Creatura non potest quidquam Deo restituere; ergo Creatura peccando non est injusta erga Deum. Prob. min. ut habeatur restitutio proprie dicta, restituens debet habere aliquid proprii; sed creatura, utpote essentialiter serva, & sub Dei dominio, nihil proprii habere potest relate ad Deum; ergo non potest quidquam restituere.

Confirm. Si creatura teneretur aliquid Deo restituere propter peccatum, maxime teneretur ad compensandam injuriam actu doloris; ergo teneretur statim post peccatum contreri, sicut fur teneretur statim restituere; sequela communis non admittitur; ergo nec id, unde sequitur.

Resp. Cum Haanol. Verum quidem esse, quod qui injuste se gessit erga Deum, v. g. insamando illum, aut aliter peccando, teneatur ad restitutionem; quis enim neget, quod insanus Deum teneatur famam Deo restituere? & quod si Deus ut Dominus proprietatis præcipiat v. g. ne vestes sacre a loco sacro extrahantur, qui eas extrahit, aut comburit, teneatur ad restitutionem, & ad consimiles vestes reponendas in loco sacro? quare nego min. ad probationem 1. nego maj. Nam sicut potest quis reducere Equum v. g. ad stabulum Domini, quando ad id tenetur ex justitia, & sic compensa-

re damnum illatum, absque eo, quod Equus sit proprius; ita potest Creatura reddere Calcem v. g. ad locum sacrum, quando ad id tenetur ex justitia erga Deum, quin calix sit proprius. Deinde omnia maj. distin. min. Creatura nihil habet proprii, quod non sit etiam Dei, conc. quod sit solius Dei, nego. min. & consequenter ad restitutionem sufficit, si quod ponitur ad compensandum jus lesum, sit juris proprii, non tamen requiritur, quod non sit etiam juris Dei: actus autem liberi, quos Deus non exigit a creatura, sunt actus proprii Creaturæ, esto sint etiam proprii Dei, quatenus potest Deus ut Dominus proprietatis illos exigere.

Ad Confr. Verum est, quod qui peccavit, & iniuste se gessit adversus Deum, secundum se teneatur statim conteri, & damnum illatum reparare; quia tamen ex benigna voluntate creditoris annuentis potest saepe citra culpam differri restitutio; & communius DD. docent, Deum ex sua benignitate nolle nos cogere ad statim penitendum post peccatum; idcirco potest penitentia per aliquod tempus citra novam culpam differri, quod patet ex praxi Ecclesiarum, & confessoriorum, qui non solent penitentes interrogare, an statim post peccatum contritionem elicerint, nec penitentes de hoc sunt solliciti. Aliqua tamen peccata sunt specialis injuria adversus Deum, ut infamatio Dei, blasphemia hæreticalis &c., & in his censetur Deus non annuere in penitentiae dilationem, atque adeo sicut tenemur statim reparare damnum, quando infamavimus proximum, ita etiam quando infamavimus Deum.

QUÆSTIO VIII.

Utrum Deus possit exercere Justitiam rigorosam erga Creaturam?

Quæritur, An si Deus contrahat cum Creatura de danda v. g. Gloria, si jejunet, Creatura posito jejunio acquirat jus strictum ad gloriam erga Deum; unde Deus conferendo gloriam exerceat justitiam rigorosam erga creaturam; atque adeo non possit citra injustitiam gloriam denegare? Vaisq. 1. p. disp. 85. Lugo de Incar. disp. 8. Amicus, Elparz. Haunol. negant creaturam esse capacem juris stricti dicti adversus Deum, atque adeo negant posse a Deo justitiam exerceri erga creaturam. Quare si

Deus sub contractu oneroso obliget se ad dandam Gloriam Petro jejunanti, posito jejunio, Deus in hac sententia non obligatur ex justitia commutativa ad dandam Gloriam, sed vel ex fidelitate, vel ex gratitudine, vel ex justitia distributiva, ut docent Recentiores Thomæ cum Goncz. Secunda sententia communior docet, posse Deum exercere justitiam erga Creaturam. Ita Suar. l. 11. de Gratia c. 30. & de Incar. disp. 4. sect. 5. Maurus de Deo q. 62. Ariag. rom. 1. disp. 31. Fasol. q. 21. Hurt. Granad. Valent. Bannes, & pro hac sententia citatur D. Tho. 2. 2. qu. 61. ar. 4. ad primum, ubi docet formam Divini judicii attendi secundum rationem commutativæ justitiæ, secundum quam recompensat præmissi merita, & peccata supplicii; & 3. p. q. 1. ar. 2. ubi dicit, satisfactionem Christi Domini fuisse adequatam compensationem culpæ commissæ; adequata autem compensatio est actus justitiæ. Ab Antiquis, ut notat Vaisq., questio hac non fuit sub propriis terminis discussa; quia tamen magni sit a Recentioribus, adeo materię huic implicatissime sequentibus Artic. faciemus satis.

ARTICULUS I.

Stabilitur Conclusio affirmativa ex Scripturis, Conciliis, & Patribus.

I. Censeo equidem, Posse Deum conferre Creaturæ jus stricte dictum obligando se ad dandam v. g. gloriam ex contractu oneroso; atque adeo posse deinde conferendo Gloriam sic promissam exercere justitiam erga creaturam. Hanc sententiam Suar. in opusculis vocat certam propter maximum fundamentum, quod in Scripturis, & Patribus, & Gravioribus Scholasticis habetur.

Prob. non solum negative, solutione Argumentorum, sed etiam Positive Authoritate Scripturarum. Matth. 20. in parab. de conventionem cum operariis, dominus dixit, quod *insum fuerit, laboribus. & deinde uni ex murmurantibus subditis; Nonne ex denario convenisti mecum? tolle quod tuum est, & vade;* ergo creatura habere potest jus strictum adversus Deum parientem sumentem. Apost. 2. ad Timoth. 5. dicit: *Reposita est mihi corona justitiæ &c.* & c. 1. Gloriam vocat depositum suum servandum sibi a justo iudice: Ad Hebr. 6. *Non enim injustus est Deus, ut obliviscatur operis vestri, &c.* Rom. 4. *Ei qui operatur merces non imputa-*

per secundum gratiam, sed secundum debitum.

Confit. ex Trid. agnoscere in Deo duplex debitum, Alterum fidelitatis, alterum justitiæ: hæc enim habet fest. 6. cap. 16. Bene operantibus proponenda est vita æterna, & tamquam gratia filius Dei misericorditer promissa, (ecce debitum fidelitatis) & tamquam merces, ipsius Dei promissione, eorum operibus fideliter reddenda (ecce debitum justitiæ) Demum ex SS. Patribus agnoscantibus patet in Deo justitiæ debitum. Aug. de Natura, & Gratiæ. 2. Non est iniustus Deus, qui iustus fraudes mercede justitia. & in psal. 83. Deus indulgentia largitur, corona debitor, indulgentiam tribuere debet ut Pater, coronam vero ut iustus Juxta: & D. Bern. de gratia, & lib. Arb. Dei promissum Apostolus suum depositum appellat, promissum quidem ex misericordia, sed jam ex justitia persolvendum.

II. Resp. 1. Adversarii, Deum esse justum minus rigoroſe, hoc est fidelem; nam qui stat promissis, dicitur etiam largo modo justus: & qui promissis non implet, iniustus: quod ex eo probant, quia Aug. l. 1. confess. c. 4. Deum alloquens dicit: Reddis debita, nulli debens; donas debita, nihil perdens. & D. Tho. 1. 2. qu. 114. 2. 1. ad primum dicit, Deum non esse simpliciter debitorem nobis, sed sibi ipsi, in quantum debitum est, ut sua ordinatio adimpleatur.

Sed contra est 1. quia verba Sacra Scriptæ sumenda sunt in sensu proprio, nisi quid obſtet. Deinde cum Tridentinum distinguat in Deo debitum justitiæ a debito fidelitatis, non debent ea confundi; & ratio est, quia universim promissiones factæ sub conditione onerosæ non adimplentur ex fidelitate, sed ex justitia, ut a creaturis, ita etiam a Deo. In eo autem differt debitum fidelitatis, quod dicitur morale, a debito justitiæ, seu legali; quia ad illud promittens obligatur ex honestate virtutis, & a jure minus stricto promissarii: ad hoc vero contrahens obligatur a jure stricto creditoris, posita conditione onerosæ.

Ad id, quod additur ex Aug. & D. Tho. dico, ab his non negari in Deo debitum rigorosum, sed solum negari, quod eodem modo illud competat Deo, & creaturæ; Deus enim est debitor duntaxat ex sua voluntate, quæ libere constituit se debitorum, creatura vero sæpe habet debitum justitiæ ex voluntate aliena. Præterea Deus ad actus justitiæ obligatur ex se ipso, seu ex ipsamet sua natura, quæ non potest esse iniusta; creatura vero obligatur ab ex-

trinſeco, nempe a lege æterna Dei; & ideo ita Deus est debitor, ut sibi tantum, non aliis debeat. Denique ut notat Fesol. q. 21. n. 11. duplex in Deo considerari potest radix obligationis ex justitia: Prima se tenens ex parte ipsius Dei, & est ipsa divina voluntas volens se obligare, v. g. ad dandam gloriam, quando exigit jejuniū. Secunda ex parte creaturæ, & est ipsa opus positum a creatura supposita promissione divina, juxta illud Rom. 4. Ei, qui operatur, merces non imputatur secundum gratiam, sed secundum debitum. Hoc posito, Deus non obligatur ad dandam gloriam ex prima radice, potest enim exigere jejuniū, nihil promittendo, obligatur tamen ex secunda radice. & ideo dicitur Deus reddens debita nihil debens, videlicet nihil debens ex prima radice, quatenus non debet se obligare ad aliquod rependendum pro jejuniū quod exigit; ex secunda, quatenus in hypothefi quod voluerit se obligare ad dandam gloriam v. g. posito jejuniū, quamvis debeat, teneatur huic obligationi a se libere contraxisse satisfacere purificata illa conditione onerosæ, quod scilicet creatura jejunaverit; exigitur enim recompensatio pro jejuniū, posito quod voluerit Deus se obligare ad recompensationem.

III. Resp. 2. Adversarii, Promissionem v. g. Gloriæ, posita conditione onerosæ non parere in Deo obligationem justitiæ; nam de facto promittitur peccatori remissio peccati sub conditione penitentis, juxta illud Ezech. 33. Si impius egerit penitentiam, vita vivet: & tamen remissio peccati non confertur a Deo ex justitia, sed solum ex fidelitate, & gratia; juxta illud ad Rom. 3. gratia injustificati estis. Similiter Deus promittit exaudire orantes, & tamen ex misericordia, non ex justitia, exaudire preces nostras; ergo post promissam gloriam jejuniā, non obligatur ad dandam gloriam, posito jejuniū, ex justitia, sed ex fidelitate.

Sed contra est, quia duplex datur conditio onerosæ, altera proportionata mercedi, altera improporionata, & longe inferior, quæ potius est dispositio, quam conditio onerosæ; quando conditio est proportionata dono saltem geometricæ, ut de facto meritorium supernaturale justit proportionatur augmento gratiæ, tunc vere Deus obligatur ex justitia; secus vero quando est improporionata, ut est contritio peccatoris relate ad gratiam; & ideo peccator per contritionem solum de congruo meretur gratiam;

niam; sicut etiam de congruo Deus exaudit orationes iustorum: iustus vero per operationes supernaturales meretur de condigno augmentum gratiæ, & gloriæ, utpote debitum ex iustitia. Hinc in Scripturis huiusmodi præmium vocatur Merces, Bravium, Corona iustitiæ, Denarius durus, Depositiim a Deo iusto Iudice nobis reddendum. & ratio est quia quoties in conditione a Deo requisita reperitur condignitas ad præmium, hoc habet rationem mercedis; secus habet rationem doni.

ARTICULUS II.

Rebatur eadem Conclusio paritate Fidelitatis.

IV. **P**rob. 2. a pari: potest Deus obligare se creaturæ ex fidelitate, & sic esse fidelis; ergo potest obligare se ex iustitia, & esse iustus. prob. conf. Non minus a fidelitate obligatur Deus promissario obligatione unice ab illo relaxabili per cessionem sui juris minus stricti, quam a iustitia obligaretur donatario obligatione unice ab eodem relaxabili per cessionem sui juris stricte disti; ergo si potest Deus promittere, & conferre jus minus strictum, poterit pariter donare, & conferre jus strictum.

Confirm. Sicut in Deo est potestas antecedens promissionem gloriæ negandi creaturæ gloriā, sine infidelitate, & imperfectione morali; ita est potestas antecedens promissionem sub conditione onerosā negandi gloriā creaturæ sine iniustitia, aut injuria creaturæ; atqui potest Deus per promissionem Gloriæ liberalem reddere se impotentem ad illam negandam citra infidelitatem; ergo per promissionem onerosā potest reddere se impotentem ad illam negandam citra iniustitiam. Et ratio a priori est, quia in utroque casu impotentia ad gloriā negandam est grammaticalis, non philosophica, aut theologica, quippe quæ non arguit defectum, sed perfectionem potentie, ut impotentia ad peccandum, ad ponendam chimæram &c. Deus enim, nisi haberet impotentiam ad gloriā negandam post promissionem liberalem, non esset summe fidelis; nec esset summe iustus, nisi esset impotens ad illam negandam, post promissionem onerosā; sicuti non esset summe sanctus, aut verax, nisi haberet impotentiam ad peccandum.

V. Resp. 1. Disparitatem inter fidelitatem,

& iusticiam esse, quia Deus promittendo fit tantum sibi obligatus, non creaturæ: sicut enim ex suamet rectissima Natura obligatur v. g. ad non mentendum, ita ad standum promissis: contra vero si donaret, seu conferret jus strictum, tunc obligaretur a jure creaturæ, quod videtur Deum dedecere, quippe qui ex Aug. reddit debita nulli debens.

Sed contra est, quia Deus etiam ex fidelitate debet rem promissam creaturæ, dicente Aug. in psal. 109. *Fidelis Deus, qui se nostrum debuerit fecisse*. Si enim creatura promissaria habet jus exigendi rem promissam, eo ipso in Deo datur debitum correspondens. Exenus dici solet, quod Deus debeat tantum sibi id, quod debet ex Fidelitate, quia illud non debet neque ex prima, neque ex secunda radice obligationis explicata ait, antec. neque enim debet, quia tenetur promittere quicquam creaturæ; neque debet propter ullum opus positum a creatura, posito quod non promiserit aliquid sub conditione onerosā, sed mere gratuito, aut sub conditione non dicente proportionem saltem Geometricam cum dono promisso; Negari tamen non potest quod illud debeat creaturæ promissariæ ex jure ipsius minus stricto, de ratione enim promissionis, ut constituitur a proposito, est, quod conferat aliquid jus promissario: propositum enim variari potest, variatis circumstantiis citra imperfectionem; quod si varietur circumstantiis invariatis, tunc habetur defectus constantiæ, non fidelitatis. Contra vero promissio ita obligat, ut citra cessionem juris promissarii variari non possit, nisi forte res deprehendatur nimis ardua, vel Persona improba, quod si varietur sine rationabili causa, arguit defectum fidelitatis, non constantiæ; ergo promissio conferri aliquid jus promissario, licet minus strictum. Hinc, ut notat Less. c. 18. n. 55. Homines conqueri solent de injuria sibi illata, si violetur promissio; dicunt enim rem sibi deberi post promissionem; injuria autem non fit sine jure; ergo promissio conferri aliquid jus promissario; quod ex coetiam patet, quia promissarius potest condonare, ac relaxare debitum promittentis. Quare Deus reddit debita nulli debens ex secunda radice obligationis; esto quæ sunt debita ex iustitia, ea debeant ex secunda radice, videlicet propter opus a creatura positum, post promissionem onerosā; & quæ debent ex fidelitate, ea debeant uni sibi, cum non deceat Deum esse infidelem; quamvis etiam

alienatus, debeat exire minus stricto promissarii, quatenus promissio divina definit obligare, si promissarius cedat jure suo, & dono promissio renunciet.

VI. Resp. 2. cum Elparz. Deum neque obligari posse a fidelitate, neque a justitia, neque ab alia obligatione morali, sed unice a proposito, seu Decreto externe manifestato afferente metaphysicam certitudinem effectus secuturi: quod probant, tum quia Deus videtur incapax obligationis moralis; tum etiam quia ideo in creatis per promissionem confertur jus promissario, quia post promissionem potest promittens creatas mutare voluntatem; unde in supplementum necessitatis physice succedit obligatio moralis: At Deus non solum physice, sed etiam metaphysice necessitatur ad dandum quod promissit; ergo non debet transferre jus in promissarium, & contrahere obligationem morem; esset enim hujusmodi jus essentialiter superfluum; Non secus ac si Deus vellet obligare se ad cognoscenda objecta creata, cum ad id necessitetur metaphysice.

Sed contra est, quia negari non potest, Deum non solum aliqua prædicere, aut decernere, sed etiam aliqua promittere, ita ut ad implenda ea, quæ prædixit, aut decrevit, teneatur ex veracitate, & constantia; ad implenda vero ea quæ promissit teneatur ex fidelitate: Fulgentius ad Monim. l. i. c. 14. hæc habet: *Deus non omnia promissit, quæ prædixit. quamvis prædixerit omnia, quæ promissit, justificatio, & glorificatio prædicta est, & promissa*; ergo differt Dei decretum a promissione, a qua solum obligatur ex fidelitate: falsum quippe est, Deum non esse capacem obligationis moralis, quamvis enim non obligetur moraliter a lege superioris, sed a sua rectissima voluntate, at ita obligari v. g. ad non mentium, ad non pejerandum, ad standum promissis &c. hoc intelligimus obligari moraliter, seu ad actus moraliter non malos, nisi fiat lis de vocabulo; ut notat Suar. l. 32. de Gratia c. 30. n. 40. Non negamus, Deum a nudo proposito aliquid faciendi necessitari ad illud faciendum; dicimus tamen posse etiam a promissione obligari; unde securitas effectus provenit veluti ex duplici titulo; sicuti non obligati v. g. ex obedientia ad jejunium, possumus etiam ad idem jejunium obligari ex voto; & sicut Christus Dominus exigens Gloriam per unionem hypostaticam potest illam exigere per merita. Ratio a priori est, quia promissio, seu juramentum superadditum

Part. V.

proposito addit speciale exercitium virtutis etiam in Deo, & novæ honestatis amorem; in homine etiam addit specialem complacentiam per hoc, quod futurio effectus sibi promissi, aut ex justitia debiti non pendat solum a voluntate divina, sed etiam a propria, quod est homini gloriosum; sicut magis gloriosum est habere præmium ex propriis meritis, quam ex sola voluntate donantis. Hoc tamen non militat in actibus necessariis Dei; quia non necet iis in honestas virtutis, sicut rehuert in actibus liberis; & ideo non potest Deus obligare se ex fidelitate v. g. ad cognoscenda objecta creata, sicut potest obligare se ad dandum v. g. Gloriam.

VII. Resp. 3. Dominium Dei perfectissimum exigere, quod possit citra injuriam creaturæ negare quodcumque; atqui si non esset fidelis, adhuc posset citra injuriam creaturæ negare rem promissam, secus vero si esset infidelis; ergo potest Deus citra præjudicium supremi domini promittere gloriam creaturæ, non tamen donare, conferendo jus strictum ad illam. Maj. explicatur: quamvis Deus v. g. nequeat comedere panem, ad Dei tamen dominium spectat, quod si per impossibile comederet, nulli irrogaret injuriam; ergo quamvis Deus non possit esse infidelis, & negare gloriam promissam; ad Dei tamen dominium spectat, quod si negaret, nulli irrogaret injuriam, quod tamen non haberetur, si negaret rem debitam ex jure stricto.

Sed contra est, quia sicut ad Dei dominium non spectat, quod possit negare rem promissam sine infidelitate; ita nec spectat, quod possit negare rem donatam sine injustitia; ergo sicut ex fidelitate non laeditur Dei dominium; ita neque ex justitia. Verum quidem est, quod si per impossibile comederet cibum, sine injuria creaturæ illi comederet; quia non præsupponitur translatus creaturæ ullum ius in cibum; at per promissionem, & donationem transfertur creaturæ ius in rem promissam, ad donatam; & ideo si per impossibile rem illam negaret, non esset negaturus sine infidelitate, aut injustitia. Ratio autem a priori, cur non deoget perfectissimo Dei domino jus strictum v. g. ad gloriam in creatura, mox explicabitur.

ARTICULUS III.

*Offenditur quomodo Jus strictum in creatura
cohaereat cum supremo Dei dominio.*

VIII. **H**OC est, quod maxime negotium taceat in hac materia; videtur enim Dei dominium diminui, per hoc, quod non possit negare v. g. gloriam, ad quam strictum jus habet creatura; sicut enim caret dominio v. g. Petrus Equi, si conferat Paulo jus strictum in illum, ita videtur carere dominio gloriæ Deus, si conferat creaturæ jus strictum in gloriam.

Conciliatur itaque 1. Dominium Dei plenissimum cum jure stricto creaturæ a Suar. loco cit. quia Deus non obligatur ex jure creaturæ ab extrinseco, sed immediate a se ipso, quia vult teneri ad solvendum, quod creaturæ debet posita conditione onerosa: ubi e contra Dominus creatus ita debet ex justitia solvere debitum, ut ad id obligetur ab alio, nempe a creditore, & a Domino.

Sed impugnatur hæc evasio, quia adhuc explicari debet, quomodo Deus volens obligari ex jure stricto creaturæ, remaneat perfecte dominus; Nam si non potest gloriam negare, non intelligitur perfecte dominus gloriæ, quamvis verum sit, quod libere voluerit se obligare; ideo Deus intelligitur vere dominus rei gratuito promissæ, quamvis non possit illam negare post promissionem, quia si per impossibile negaret, jure suo negaret, nec læderet jus strictum creaturæ; contra vero si per impossibile negaret gloriam promissam sub conditione onerosa, læderet jus creaturæ; ergo si ex justitia Deus obligatur, videtur spoliare se dominio suo.

Conciliatur 2. ab aliis ap. Lugo de Incar. d. 3. n. 27. supponendo quod in instanti donationis dominium simul sit in Donante, & donatario, & quod tota Dei æternitas sit quoddam instans indivisibile; unde fit, quod Deus transferendo dominium creaturæ in instanti æternitatis, illud simul retineat; sicut donans ita transfert dominium in instanti donationis, ut simul retineat.

Sed contra est, quia jam ostendimus, Dominium plenum in solidum penes plures repugnare etiam pro unico instanti donationis. Adde, quod quamvis æternitas Dei sit indivisibilis, respondet tamen temporis divisi; quare sicut non potest Deus post

promissionem negare rem promissam extra infidelitatem; ita post donationem non potest negare rem donatam citra injuriam; aique carere potestate moraliter disponendum de re citra injuriam alterius, est carere dominio; ergo Deus post donationem rei caret dominio.

Conciliatur 3. ab aliis apud eundem Lugo n. 10. dicendo, quod licet Deus per donationem spoliatur se dominio accidentali; (sicut per promissionem spoliatur se facultate moraliter, veluti accidentali, ad negandam rem promissam) semper tamen retinet dominium essenziale, quatenus potest inducere creaturam donatariam ad renuntiandum libere juri suo, & sic potest citra injuriam negare rem donatam.

Sed contra est, quia quamvis possit Deus, habens omnipotentissimam potestatem inclinandum quocumque libet cordium, ut loquitur August. inducere creaturam ad libere cedendum juri suo, & sic possit post hujusmodi renunciationem negare rem donatam citra injuriam; nihilominus quousque creatura non renunciat, non potest Deus illi negare rem citra injuriam; ergo quousque creatura habet jus contra Deum, Deus caret suo dominio, quod repugnat.

Neque dicas, tunc carere Deum dominio accidentali, & amissibili, non vero essentiali. Nam hoc est intelligibile, quod in Deo detur dominium accidentale, & amissibile, aliter possemus etiam in Deo admittere potentiam accidentalem, & amissibilem; quatenus pro quando caret dominio illo accidentali, seu jure ad negandam gloriam promissam, antequam creatura promissam renunciet juri per promissionem acquisito, tunc etiam caret Deus physica potentia ad gloriam non ponendam; Quare sicut nemo admittit in Deo omnipotentiam accidentalem, ita nec debet admitti dominium accidentale; cum utraque perfectio sit simpliciter simplex, atque adeo essentialis Deo.

IX. Conciliatur denique a nobis dominium Dei perfectissimum cum jure creaturæ stricto ad Gloriam, dicendo, non lædi, aut imperfici, sed commendari divinum dominium ex hoc, quod non possit negare gloriam donatam citra injuriam creaturæ; atque adeo hujusmodi impotentiam non arguere defectum, sed perfectionem potentiae; Sicut impotentia etiam physica ad negandam rem promissam, aut ad non ponendam rem, quam revelavit ponendam, non arguit defectum in omnipotentia, sed perfectionem. Ratio a priori est, quia quoties impotentia;

ta in Deo fundatur in perfectione alicujus Attributi divini, tunc hujusmodi impotentia, sive moralis ea sit, sive physica, est solum grammaticaliter impotentia, non theologicæ, ut impotentia ad peccandum, ad mentendum, ad non ponendam gloriam, quam promissit, aut revelavit ponendam; atque sicut impotentia ad negandam gloriam post promissionem, aut revelationem fundatur in Attributo fidelitatis, aut veritatis; ita impotentia ad negandam gloriam citra injuriam creaturæ in casu nostro fundatur in Attributo iustitiæ; quod hoc ipsum exigit; ergo impotentia ista moralis est grammaticaliter impotentia, & re vera commendat dominium divinum. Ex quo fit, quod posita donatione gloriæ facta Petro, tam Petrus sit plene dominus Gloriæ, quam Deus; cum ad perfectionem divini domini spectet hoc ipsum, quod non possit citra injuriam Petri negare rem donatam.

Neque dicas, Hominem donantem Equum alteri posse post donationem dici plene dominum Equi, quamvis non possit disponere de illo citra injuriam donatarii; cum neque spectet ad dominium creaturæ, posse disponere de re citra injuriam alterius post donationem; sequela est falsa; ergo & id, unde seq.

Nam contra est, quia in hoc discrimina- tur donatio facta a creatura a donatione facta a Deo, quod creatura post donationem Equi v. g. potest physice uti Equo, invito donatario, & solum non potest moraliter; ergo hujusmodi donatio destruit potestatem moralem, seu dominium in donante. Contra vero Deus post donationem sicut post promissionem, non potest physice negare rem donatam, aut promissam, idque ex perfectione omnipotentis; ergo non deficit illi potestas moralis, seu dominium; Universim enim tunc dicitur dominium deficere, quoties ad aliquam actionem physice liberam non datur potestas moralis, seu legitima; (cum dominium nihil aliud sit, quam ipsa libertas munita lege favente uni, & gravante reliquos) ergo si ad aliquam actionem non datur physica libertas, non dicitur deficere dominium, seu potestas moralis, per hoc quod non possit poni hujusmodi actio: v. g. non dicitur deesse Petro dominium plenum Equi, per hoc quod non possit illum destruere, & reproducere, ut potest Deus, quia scilicet hujusmodi actio non est physice possibilis Petro; pariformiter non dicitur Deus carere domino pleno er-

ga Angelum, per hoc quod non possit abdicare dominium erga illum, sicut potest dominus creaturæ abdicare dominium rerum suarum, quia scilicet hujusmodi actio abdicandi dominium est physice impossibilis Deo; ergo cum ostenderimus ex perfectione potentis oriri, quod non possit Deus negare gloriam post contractum onerosum, sequitur quod non desit, sed commendetur Dei dominium, per hoc quod posito eo contractu non possit gloriam negare citra injuriam creaturæ; unde apparet quomodo actus iustitiæ in creatura præsupponat defectum, & imperfectionem; secus in Deo.

X. Confir. paritate fidelitatis, quæ semper recurrit: per hoc enim quod Deus non possit amplius negare gloriam post promissionem, sicut poterat ante promissionem, potentia moralis Dei non dicitur per promissionem limitari, sicut limitatur in creatura; ergo per hoc quod non possit Deus citra injuriam negare gloriam post contractum onerosum, sicut poterat ante, non dicitur potentia moralis dominativa Dei limitari, sicut limitatur in creatura. Diximus autem articulo superiori cum Suar., quod nisi fiat lis de voce, negari non possit in Deo obligatio moralis, seu obligatio ad actus morales, hoc est conformes Regulæ morum, quæ est divina voluntas: ideo moraliter Deus obligatur ex fidelitate ad dandum, quæ promissit, sive liberaliter, sive sub conditione disproportionata, v. g. ad remittendum peccatum sub conditione contritionis; obligatur vero moraliter ex iustitia ad dandum quod promissit sub conditione proportionata, ut est premium debiti meritis condignum.

Neque dicas a. Si posset Deus post contractum onerosum citra diminutionem sui domini reddi impotens ad gloriam negandam, sequeretur quod posset etiam abdicare simpliciter a se dominium erga gloriam; sicut enim posito contractu non potest physice negare gloriam, ita posita abdicatione domini, nec potest physice de gloria disponere; ergo si contractus onerosus, & collatio juris stricti non obstat Dei dominio, nec obstat abdicatione domini.

Resp. nego sequelam. Disparitas est, quia Abdicatione domini fert diminutionem domini, atque adeo imperfectionem; secus vero collatio juris facta Creaturæ. Sicut enim carentia omnipotentis est carentia perfectionis simpliciter simplicis, ita carentia domini ergo nequit Deus dominium abdicare. Adde, quod facta collatione juris stricti in crea-

nam, adhuc potest Deus inducere naturam ad cedendum suo jure erga gloriam debitam; & sic potest gloriam illi negare: contra vero si Deus abdicaret dominium gloriæ, nullatenus posset de illa dispendere, ne mediate quidem; ergo disparatio.

XI. Ex dictis colliges 1. Ad dominium plenum spectare potentiam moralem disponendi de re ad omnes usus, qui sint physice possibiles, non rei tantum secundum se spectatæ, sed rei relate ad personam, seu rei simul, & domino. Unde si usus aliquis rei non sit physice possibilis relate ad personam aliquam, hæc non dicitur carere dominio plenissimo, per hoc quod non possit ponere usum talis rei; proinde non desinit Petrus esse plene dominus equi, quamvis non possit illum annihilare, nec possit eo uti ad volandum.

Colliges 2. post donationem gloriæ factam creaturæ dari dominium gloriæ positive plenum in Deo simul, & creaturæ, quatenus uterque habet potestatem moralem disponendi de gloria ad omnes usus physice possibiles: hujusmodi autem dominium positive plenum non esset per accidens, ut in duobus probabiliter opinantibus rem esse propriam, sed per se: ita ut Deo competat essentialiter, creaturæ vero ex concessione divina. Quod autem non sit plenum exclusive, (ita scilicet ut possit Creatura prohibere Deo aliquem usum talis gloriæ, aut Deus prohibere illum Creaturæ) id oritur ex perfectione domini divini; sicut enim ex perfectione Deus non potest dominium abdicare, ita nec potest aut obligare creaturam post donationem gloriæ, quod non utatur gloria tamquam sua, aut a Creatura obligari, ne utatur gloria, tamquam sua ad omnes usus sibi physice possibiles. Non est autem mirum, quod relate ad idem in Deo simul, & creaturæ dominium sit plenum positive. Nam relate ad actus liberos proprios creatura habet dominium plenum, ut patet ex ipso conceptu libertatis; & relate ad eosdem habet etiam Deus dominium plenissimum, dicente Aug. lib. de corrept. & gr. c. 14. *Deus magis habet in potestate sua voluntates hominum, quam ipsi suas.*

XII. Ubi adverte, quod sicut gloria donata creaturæ est sub jure pleno Dei, & creaturæ: ita ipsum jus in gloriam est sub jure utriusque: utriusque enim qui habet ius in rem, habet jus in ipsum jus: sicut enim unio physica, qua unitur v. g. materia formæ, est unio summe cum extrinsecis; ita jus,

quod est unio moralis personæ cum re donata, est etiam unio moralis summe cum eadem personæ; atque adeo qui habet jus in rem, habet jus in ipsum jus; unde dominus libri v. g. sicut potest physice librum destruere citra injuriam alterius, ita potest moraliter destruere jus in librum, donando illum: quare Deus dominus gloriæ donatæ creaturæ est etiam dominus juris, quod Creatura habet in gloriam; propterea potest de tali jure dispendere ad omnes usus, v. g. illud prorogando, vel inducendo Creaturam ad illud libere cedendum. Quæ omnia dici debent ab Adversariis de jure minus stricto, quod habet creatura post promotionem sibi factam a Deo.

ARTICULUS IV.

Num Deus conferendo jus strictum Creaturæ, obliget Potentiam ordinariam simul, & Extraordinariam?

XIII. **R** Ip. disp. 85. ut conciliet jus strictum in creatura cum supremo Dei dominio, distinguit in Deo duplicem potentiam dominantiam; Alteram ordinariam, qua prospicit bono creaturarum; Alteram absolutam, & supremam, qua prospicit bono Excellentie divinæ: Sicut in physica duplex in Deo distinguitur potentia physica; Altera ordinaria, qua agit juxta exigentiam causarum secundarum; Altera extraordinaria, qua agit contra vel supra exigentiam naturæ. Iacet proinde quod quando Deus obligat se ex justitia ad dandam gloriam Petro, obliget tantum potentiam ordinariam, constituendo se debitorem, quatenus prospicit bono creaturarum, non vero extraordinariam, quod non se obligat ad dandam gloriam etiam pro hypothese, quod negatio gloriæ conducatur ad exaltationem divinæ Excellentie.

Explicat hoc 1. Exemplo Rep. aut Regis, qui potest obligare ex iustitia dominium basilium, seu privatum, quod habet in bona sua; non vero dominium altum, quo prospicit bono publico Civium; potest enim Rex in bonum commune negare id, quod debet ex iustitia alicui privato. Secundo exemplo Christi Domini, qui titulo unionis hypostaticæ, necnon titulo redemptionis, & meritum erat Rex Regum, & dominus dominantium, habebatque ius proprietas

tatis in omnes homines, & in omnia eorum bona, & insuper poterat acquirere jus v. g. ad librum per emptionem; quo posito, poterat se obligare alteri ad dandum hunc librum, quatenus erat illius dominus, titulo emptionis; non quatenus erat dominus altiori titulo ex unione hypostatica. Tertio sicut potest v. g. Deus obligare creaturas ex jure jurisdictionis, non proprietatis, ita videtur posse se obligare solum secundum potentiam ordinariam, non extraordinariam.

XIV. Censeo equidem 1. cum Ovid. in 1.1. tract. 9. c. 8. p. 8. posse Deum obligando ex *justitia* se Creaturæ, utramque potentiam obligare, ordinariam, & absolutam.

Prob. In tantum non posset utramque obligare, in quantum ejus dominium diminueretur, si nullatenus posset negare rem donatam, citra injuriam donatarij; sed per hujusmodi impotentiam non diminuitur, sed commendatur divinum dominium, ut ostendi articulo superiore; ergo potest utramque potentiam obligare.

Confr. De facto Deus promittendo Creaturæ Gloriam, utramque potentiam obligat ex fidelitate, aliter non effemus securi de ejus promissione; ergo utramque pariter potentiam potest obligare ex *justitia*.

Censeo 2. cum eodem Ovid. Deum obligantem se ex *justitia* Creaturæ non posse obligare potentiam ordinariam, non obligare pariter extraordinariam, qua consulit divinæ excellentiæ.

Antequam probem, suppono duplicem istam potentiam non esse in Deo realiter diviso, sed solum connotative, non secus ac intellectus, & voluntas, potentia amandi, & potentia odio habendi; propterea quando Deus cognoscit, dicitur uti potentia intellectiva; quando vult, dicitur uti voluntativa; quando amat, amativa; quando odit, oditiva; ita prorsus, quando utitur Creaturis in bonum ipsarum, dicitur uti potentia dominativa ordinaria, quando vero iis utitur ad ostendendam suam Excellentiam, & dominium supra res creatas, dicitur uti potentia extraordinaria.

Prob. nunc concl. Dum Deus obligat se v. g. ad amandam creaturam, non potest obligare tantum potentiam amativam, non obligare etiam oditiva; ergo dum obligat se ex *justitia* ad dandam gloriam creaturæ, neque poterit obligare tantum potentiam ordinariam, non obligare extraordinariam. prob. sensus, quia in utroque casu eadem reali-

ter est utraque potentia; ergo sicuti dum obligat se ad amandam creaturam, non potest obligare solum potentiam amativam, adeo ut possit creaturam odisse potentia oditiva; ita dum se obligat ad dandam gloriam, non potest obligare tantum potentiam ordinariam, adeo ut possit gloriam negare per potentiam extraordinariam; quod pariter dicendum ab Adversariis, dum Deus se obligat ex fidelitate.

Confr. ex Ovid. Si quis se obliget ex *justitia* ad non surripiendum a Paulo rem aliquam manu dextera, quin se obliget ad non surripiendum manu sinistra, hujusmodi obligatio esset contemptibilis, nec esset in rigore obligatio ex *justitia*, dans Paulo securitatem suæ rei; ergo pariter si Deus obliget se ad non negandam gloriam per potentiam ordinariam, quin se obliget ad non negandam per extraordinariam, qua prospectit gloriæ suæ. Verum quidem est, quod sicut potest se obligare se ad dandum 100. Petro, pro iis tantum circumstantiis, quibus ea solutio non cedat in damnum Reip.; ita possit Deus obligare se ad dandam gloriam Petro, pro iis circumstantiis, quibus ea non obstat divinæ glorificationi: hoc tamen non esset obligare unam potentiam, non alteram; sed esset obligare utramque potentiam pro his, & non pro aliis circumstantiis. Sicuti si Deus obliget se ex *justitia* ad dandam gloriam bene operanti hodie, non vero bene operanti cras, non dicitur obligare unam potentiam, non alteram, sed omnem potentiam obligat pro circumstantiis hujus temporis, non illius.

XV. Ad ea, quæ objicit Rip., negandum, posse Deum ex *justitia* obligare solum potentiam ordinariam: Ratio est, quia si posset negare gloriam, quando id conducit suæ excellentiæ, se vera non obligaretur ex *justitia*; sicut nec obligaretur ex fidelitate, si posset aliquo modo negare rem promissam, unde non daretur securitas metaphysica ex promissis divinis.

Ad 1. Exemplum de Rep. & Prætoris, reatorquetur paritas: Nam non possunt isti obligare se ex *justitia*, nisi obligent omnem illam potentiam, qua si uterentur, inferrent injuriam, & essent injusti; cum autem non sint injusti, si utantur bono civium in bonum publicum, ideo non obligant dominium altum, sed bassum; ergo pariter Deus debet omnem illam potentiam obligare, qua si uteretur, esset injustus; atqui si uteretur potentia extraordinaria ad negandam gloriam esset injustus; ergo etiam po-

potentiam extraordinariam debet obligare. Prob. min. tum paritate fidelitatis, esset enim infidelis Deus, si uiceretur potentia extraordinaria ad negandam rem promissam; tum quia Creatura non haberet jus strictum in gloriam donatam, si non posset simpliciter Deum obligare ad solutionem; & expectandum esset, quod negatio gloriæ non conducatur ad Excellentiam divinam: sicut nec in humanis haberetur obligatio ex iustitia, si posset debitor negare solutionem, quando id expedit bono proprio. Adde, quod Deus ad arbitrium ponere potest eas circumstantias, in quibus videt negationem gloriæ donatæ conducere ad propriam excellentiā, & sic posset ad arbitrium gloriam negare; (quod non potest facere Resp., aut Pater) unde recurrit, quod nullam prorsus securitatem haberet Creditor Gloriæ.

Ad secundum nego, quod Christus Dominus obligaret se ex iustitia ad dandum librum, quem emat, si solum obligaret se ad illum dandum, quatenus est dominus libri, titulo emptionis, non vero titulo unionis hypothecæ; eo enim ipso posset citra iniuriam donatarii librum negare; non enim obligaret omnem illam potentiam, qua si uteretur, iniuriam irrogaret, negando librum donatario.

Ad tertium, eam dato, quod posset Deus obligare Creaturam solum ex iurisdictionis, non proprietatis, non proinde sequitur quod possit Deus se obligare ex iustitia, prout est dominus uno titulo, & non alio; quia simpliciter non se obligaret, nec redderet Creditorem securum.

ARTICULUS V.

Satisfit Difficultatibus in Contrarium.

XVI. **O** Bie. 1. ex Vasq. 1. p. d. 85. & 1. 2. disp. 125. Non potest iustitia commutativa exerceri inter illos, inter quos dari non potest æqualitas dati, & accepti, lucris, & commodi, passi, & contrapassi; hæc autem haberi non potest inter Deum, & creaturam; ergo inter hos iustitia exerceri non potest. Major constat ex Philosopho 5. Eth. 4, & D. Tho., necnon ex notione virtutis iustitiæ, quæ est æquativa juris alieni. Min. prob. Deus solvendo, quod debet, nihil patitur damni; sicut patitur Creatura, ponendo, quod debet ex contractu oneroso, ergo non habetur pas-

sum, & contrapassum, nec ullum damnum, aut utile Deo; unde dicitur Luc. 14. Cum feceritis hæc omnia, dicitis: servi inutiles sumus.

Confr. 1. Quia impossibile est, ut quis habeat jus in se ipsum, & quod idem libmet sit obligatus ex iustitia; ergo impossibile etiam est, quod Deus exerceat iustitiam erga Creaturam. Prob. consequ. Deus non potest iustitiam exercere, nisi sit jus in Creatura adversus Deum; atqui quodvis jus Creaturæ est etiam ius Dei, & sub dominio Dei; non secus ac ius Petri est sub dominio Petri; ergo sicut Petrus habere non potest ius in se ipsum, ita nec creatura potest habere ius in Deum: quia ipse Deus haberet ius in se ipsum; unde nequit iustitiam erga creaturam exercere.

Confr. 2. Creatura magis est sub iure Dei, quam servus sub iure domini, & filius sub iure Patris; sed erga servum, & filium, quæ tales, non potest exerceri iustitia a domino, & Patre; ergo nec a Deo erga creaturam.

Resp. Obiectum iustitiæ non esse æqualitatem rei cum re; Nam qui restituit Equum furto sublatum, non ponit hanc æqualitatem; & e contra qui debet equum in individuo vult restituere pretium æquivalens, ponit æqualitatem rei cum re, non tamen ponit actum iustitiæ. quare obiectum materiale iustitiæ est solum æqualitas iuris passivi cum activo, seu æqualitas operationis debiti cum iure activo ad illam: hanc æqualitatem potest Deus ponere; & ideo potest iustitiam exercere: quando enim obligat se ex iustitia ad dandum gloriam,posito itiniio, ita tenetur dare gloriam, ut dando, ponat æqualitatem explicatam, etiam si nihil damni patiatur. Quando Philosophus docet iustitiam ponere æqualitatem dati, & accepti, facit sensum, quod qui restituit v. g. equum, dat equum, & recipit carentiam oneris ad equum dandum; quæ carentia æquivalens ipsi equo, & sic habetur æqualitas inter datum, & acceptum; & in hoc sensu Deus exercendo iustitiā ponit æqualitatem dari, & accepti; dat enim gloriam, & accipit carentiam obligationis ad illam iterum dandam. Præterea per actum iustitiæ habetur æqualitas lucris, & commodi, passi, & contrapassi; quatenus qui recuperat Equum v. g. habet lucrum ex equo acceptum, & patitur damnum ex eo, quod amittit ius ad Equum recuperandum; qui vero restituit Equum, patitur damnum amittendo equum, & recipit lucrum.

erum, quod careat ulterius onere restituendi Equum; & juxta hunc sensum admitti potest, quod per exercitium justitiæ inter Deum, & creaturam deatur utrinque aliquod hujusmodi lucrum, & damnum. At re vera nec lucrum, nec damnum strictè dictum competit Deo, quia istæ conditiones spectant ad exercitium commutativæ ex imperfectione subjecti habet, quod sit *Dei conceptus ex alieno malo*, ut loquitur Philosophus 2. Rhet. 8. De ratione autem virtutis misericordiæ solum est, quod subleventur alienæ miseriæ ex animo benevolo, & ideo potest Deus esse strictè misericors.

Ad 1. Confir. Jus Creaturæ non est ius Dei ut quo, sed ut quod; ad eum modum, quo cognitio mea non est cognitio Dei; ut quo, quia scilicet Deus denominatur cognoscens, sed est Dei ut quod, quatenus est id, de quo Deus potest disponere: sic etiam libertas Creaturæ est libertas Dei solum ut quod, non ut quo. Hinc fit, posse ius creaturæ esse contra Deum, quamvis sit sub Dominio Dei, possitque Deus de illo disponere; sic etiam libertas creaturæ potest contra Deum exerceri, quamvis pariter sit sub Dei dominio.

Ad 2. concessa maiori, distin. min. iuxta dicta qu. 5. Non potest dominus Creatura talis exercere iustitiam erga Servum, si faciat sensum, quod ratio domini impossibilitet exercitium iustitiæ erga Servum, nego: si faciat sensum, quod ratio domini non sufficiat, ut possit dominus iustitiam exercere; sed requiratur in servo ius aliquod strictum adversus dominum, conc. min. & nego conseq. Idem dicas de Patre erga filium. Creatura idcirco dicitur magis esse sub dominio Dei, quam servus sub potestate domini; tum quia servus potest aliquid propriè habere independenter a donatione sibi facta a domino; secus vero Creatura: tum etiam, quia servus habere potest ius tum passive, tum exclusive plenum adversus dominum Creaturam, secus vero Creatura adversus Deum.

XVII. Obiic. secundo ex Lugo disp. 3. de Incar. n. 24. Si possit Deus obligari ex iustitia Creaturæ, posset pariter constitui servus Creaturæ; nequit autem constitui servus, ut nec subditus; ergo &c. prob. sequela:

Quia servus est, qui ex iustitia obligat se alteri ad exequendam ejus voluntatem; sed posset Deus ad id se obligare ex iustitia Creaturæ; ergo posset constitui servus Creaturæ.

Confir. 1. Deus non potest esse obligatus Creaturæ ex jure jurisdictionis; ergo a fortiori neque ex jure proprietatis; etenim jus proprietatis respicit bonum proprium; magis autem dedecet, posse Creaturam obstringere Deum in bonum proprium Creaturæ, quam in bonum ipsius Dei.

Confir. 2. Obligatio ex iustitia fert prælationem voluntatis habentis jus supra voluntatem debitoris; repugnat autem, ut relate ad usum gloriæ v. g. debeat præferri voluntas creaturæ habentis jus strictum ad illam voluntati Dei debitoris; ergo repugnat Deum obligari ex iustitia Creaturæ.

Resp. etiam si possit Deus tum ex fidelitate, tum ex iustitia obligare se ad exequendam in omnibus voluntatem Creaturæ, non per hoc posset ipse dici servus Creaturæ. Ratio est, quia servus propriè dictus ita obligatur ex iustitia alteri, ut non possit dominium esse simul cum ejus servitute, nec dominus creatus potest obligari, & simul retinere dominium: cum repugnet dominium in solidum penes plures in creatis; contra vero Deus si obligatur ex iustitia Creaturæ, adhuc retinet dominium perfectissimum erga Creaturam; ergo non potest constitui servus Creaturæ, propterea improprie dicitur in Scripturis: *Servus me fecisti in iniquitatibus tuis*: sicut improprie dicitur: *Obediente Deo reci hominis*, Josue 10.

Ad 1. Confir. Deus nequit esse obligatus creaturæ ex jure jurisdictionis; quia de conceptu hujus juris est facultas præcipiendi in bonum subditi, dirigendo illum ad ultimum finem; nequit autem creatura aliquod Deo præcipere in bonum ipsius Dei, dirigendo illum ad suum ultimum finem, seu ad suam felicitatem; Cum Deus non possit sua felicitate carere. Hinc sicut Deus in physicis est primus motor immortalis, ita & in moralibus; unde alios dirigere potest ad finem ultimum, ab aliis vero dirigì non potest; sicut potest alios causare, non tamen ab aliis causari: Hoc absurdum non sequitur, si creatura habeat jus proprietatis adversus Deum; ergo potest Deus iustitiam exercere erga Creaturam, non vero obedientiam strictè dictam.

Ad 2. In creatis non potest dominium esse plenum in duobus, relate ad eandem

dem rem; quia deberet præferri voluntas utriusque domini in ordine ad usum rei, quod repugnat: At cum Deus donando gloriam Creaturæ ita transferat dominium gloriæ, ut simul retineat, nec possit velle negare gloriam debitam; hinc non sequitur quod deberet præferri voluntas Creaturæ voluntati Dei relate ad usum gloriæ; cum talis Dei voluntas contraria voluntati Creaturæ sit impossibilis. quare distin. maj. fert prælationem voluntatis domini supra voluntatem debitoris physice possibilem, conc. impossibilem, nego maiorem, & suppositum minoris, supponitur enim possibilem esse voluntatem Dei contrariam voluntati creaturæ habentis jus ad gloriam.

XVIII. Obijc. 3. ex Esparz. Dens eodem actu dat Creaturæ jus, & terminum juris; ergo non potest se ex iustitia obligare. Antec. prob. quia Deus eodem actu, quo dat jus creaturæ ad gloriam, vult se obligare ad illam dandam; & quia huic obligationi deesse non potest, ideo eodem actu vult dare etiam gloriam. Prob. etiam conseq. quia solutio, ut sit ex iustitia, debet præsupponere jus; (ideo enim qui dat librum simul, & jus ad librum, non exercet actum iustitiæ, sed liberalitatis, quia non daretur ex iure præsupposito, sed dat simul rem, & jus) atqui si eodem actu Deus dat ius ad gloriam, & simul ipsam gloriam, eo ipso talis solutio non præsupponit ius; ergo non est ex iustitia.

Confir. Jus in Creatura adversus Deum est essentialiter superfluum: ergo non datur. Antec. prob. Idcirco in humanis promissio, & donatio conferunt ius, quia cum possit promittens mutare voluntatem dandi rem promissam, debet antecederet se obligare moraliter, conferendo ius, antequam conferat rem: sed Deus, quando promittit, non potest amplius voluntatem mutare; ergo frustra confert ius creaturæ.

Resp. argum. impugnare etiam fidelitatem in Deo, quæ non potest exerceri, nisi præsupposito iure promissarii. Quare etiam transmissio, quod Deus unico actu, seu decreto conferat ius ad gloriam, & ipsam gloriam, pro quando est debita; non per hoc solutio gloriæ non est ex iustitia, seu ex iure præsupposito, sicuti licet Deus eodem actu decernat diem hodiernum, & crastinum, solem, & lucem; non per hoc dies crastinus non præsupponit hodiernum, & lux solem: quare ad exercendum actum iustitiæ non requiritur, quod de eorum conferens ius præcedat decretum conferens gloriam ex iure

debitam; sed solum requiritur quod quando datur gloria, præcesserit jus ad illam: hoc non habetur, quando quis dat simul librum, & ius ad librum: & ideo in hoc casu exercetur liberalitas, non iustitia.

Ad confir. nego, quod in humanis ideo præcise detur illa obligatio moralis, seu ius, quia potest promittens mutare voluntatem; quod ex eo patet, quia potest quis in eodem instanti obligare se ex voto ad actum aliquem, & eodem instanti nolle transgredi votum, atque adeo actum exercere; in quo casu non potest vovens voluntatem mutare: quare potest Deus non solum revelare, quod sit daturus gloriam, sed etiam obligare se ex fidelitate, vel iustitia ad illam dandam, conferendo ius ad illam, ad hoc ut collatio gloriæ ponatur ex motivo fidelitatis, aut iustitiæ, qui actus summe decent Deum, ut diximus art. 2. contra eundem Esparz.

XIX. Obijc. 4. Si posset Deus obligari creaturæ ex iustitia stricte dicta, posset Deus dici debitor creaturæ; atqui Deus nequit dici stricte debitor; sicut nequit dici proprius servus creaturæ: ergo &c. prob. minus quia ex Aug. *Dens reddit debita nulli debens*: tum quia Deum esse debitorem creaturæ fert inferioritatem Dei erga creaturam; Nam qui debet aliquid alteri, eo ipso ab eius voluntate obligatur; atque adeo illum agnoscit tamquam superiorem; cum omnis obligatio sit a lege, seu a voluntate superioris.

Confirm. Principes ex vi pacti onerosi, & contractus civilis non obligant personam propriam, sed solum obligant propria bona ob nobilitatis eminentiam: & ideo, ut notat Vulpian. *L. actio, ff. de obligatione, & actione*, erga Principes datur actio realis, non personalis, quatenus eorum res tantum sunt obligatæ, non Persona; ergo a fortiori idem dicendum de Deo, ut docet Ruiz de Vol. Dei disp. 52. negans Deo debitum iustitiæ.

Resp. Eundem August. passim docere, Deum esse nostrum debitorem: Ser. 16. de V. Ap. habet: *In iis, quæ jam habemus, laudamus Deum largiorem, in iis, quæ non habemus, tenemus debitorem*; & Ser. 15. de temp. *Promissor Deus debitor factus est, bonitate sua, non prerogativa nostra*. Est autem debitor etiam ex iustitia, cum dicat Apost. *Non est iniustus Deus, ut obliuiscatur operis vestri, & dilectionis*. Huic debito non obstat, quod Deus reddat debita, nulli debeas, quia per hoc quod satisfaciatur debi-

to *justitiæ* ex rectitudine suæ voluntatis, quin ab alio superiore obligetur, adhuc verificatur de jure creaturæ adversus Deum definitio *Juris* strictè dicti; ergo est debitor strictè dictus, non tamen servus creaturæ, quia ita obligatur creaturæ, ut retineat perfectum dominium in illam; quidquid enim sub dominio creaturæ est, pariter est cumulativè sub dominio Dei.

Ad id, quod additur, dico, obligationem erga alterum de se non ferre inferioritatem; potest enim Rex debere 100. Plebejo, quin per hoc habeat inferioritatem erga illum; quia scilicet non obligatur a voluntate Plebeji, tamquam a voluntate superioris, sed tamquam a requisito, ut lex divina obliget Regem ad solvendum quod debet Plebejo; sic quando Deus debet gloriam creaturæ, non obligatur a voluntate creaturæ, tamquam a voluntate superioris, sed tamquam a conditione, qua posita, ipsemet a sua rectissima voluntate obligatur ad exercendum actum *justitiæ*. Quod ab Adversariis dicendum de obligatione fidelitatis.

Ad Confirm. dico, Principes etiam posse personam propriam obligare, & de facto jure naturæ illam obligari, quoties ex *justitiâ* obligantur, quamvis lex civilis decernat, quod eorum Personæ non molestetur, si non satisfaciunt obligationibus propriis; sed solum actio habeatur erga eorum bona. Deus autem nec in bonis, nec in persona molestari potest a creatura, cum non possit suis obligationibus deesse.

XX. Objic. ult. Injuste accipitur pretium pro opere debito ex *justitiâ*, ut dicitur dissequenti, cum in tali contractu non detur utrinque par onus; ergo Deus non potest ex *justitiâ* teneri ad remuneranda opera creaturæ debita ex *justitiâ*; sed per nos quodcumque a Deo precipitur, ex jure proprietatis precipitur, atque adeo est debitum ex *justitiâ*; ergo nullum opus creaturæ a Deo præceptum remuneratur Deus ex *justitiâ*, unde simpliciter Deus ex *justitiâ* non potest obligari.

Resp. 1. Eumdem non posset Deus ex *justitiâ* præmiare opus præceptum, utpote debitum ex *justitiâ*, posset tamen sic remunerari opera consilii, utpote non præcepta, nec debita ex *justitiâ* ante contractum onerosum. Secundo. Si in alio ordine Deus tantum ex jure jurisdictionis aliquid præciperet, hujusmodi opus non esset debitum ex *justitiâ*, unde esset capax compensationis ex *justitiâ*. Tertio. Quamvis opus præ-

ceptum a Deo non possit ex *justitiâ* compensari, qua parte est debitum, & præceptum, potest tamen compensari, qua parte non est præceptum, hoc est quod in tanta, vel tanta intentione ponatur; sicut martyres merentur propter circumstantiam, seu propter anticipationem mortis, non propter substantiam, quæ est naturalis. & necessaria. Denique esto creatura nihil possit exigere pro opere ex *justitiâ* debito, atque adeo quouscunque ponit opus, quod Deus illi præcipit tamquam dominus proprietatis; nihilominus quando Deus ex sua benignitate vult contractum inire cum creatura, obligando se ad dandam v. g. gloriam, si creatura ejunget, tunc icinium non est debitum ex *justitiâ*, eo quod non præcipiatur a Deo; si tamen sponte a creatura illud ponatur, tunc Deus ex *justitiâ* tenetur conferre creaturæ gloriam, posito quod ad illam dandam se obligaverit sub conditione onerosâ, quod ponatur icinium.

DISPUTATIO IV.

De *Injustitiâ*.

Injustitia *justitiæ* opposita est alieni *iuris* violatio; tendit proinde ad inadequatorem *iuris* passivi cum activo; (non secus ac *justitiâ* tendit ad ea iura adæquanda) sive talis inadequatio sit positiva, v. g. furando; sive negativa, v. g. non restituendo. Injustitiæ actus dicitur iniuria, hæc autem in rigore ethico, ac philosophico tunc solum habetur, quando intenditur alieni *iuris* læsio: Philosophus enim 1. Eth. 8. dicit, quod si quis ex advertentia quidem alterum læsiverit, non tamen ex intentione lædendi, sed aut ex ira, aut ex alio affectu, tunc iniuste ageret, sed non esset formaliter iniustus; sicut enim virtus procedere debet ex motivo virtutis, ita vitium ex motivo vitii; unde non habetur iniustitia reddens hominem in rigore philosophico iniustum, nisi per actum procedentem ex motivo lædendi ius alienum. At iniustitia Theologicè sumpta habetur, quoties advenit læsio ius alienum, etiamsi talis læsio non intendatur, nisi tantum interpretative; sicut est inobediens theologice, qui advertens ad præceptum superioris, illud transgreditur, etiamsi non ex intentione transgrediendi, ut notant Amic. & Platelius n. 721. contra Caet. Hinc læsio *iuris* alieni, & non ex intentione læden-

di, est injuria materialis philosophice, theologicè vero est injuria formalis: qui vero inadvertenter violat jus alienum, iniuriam irrogat materiale[m] etiam in sensu theologico, & morali; quia scilicet non peccamini: Quærendum nunc primo, Num possit injuria irrogari scienti, & volenti? Secundo, An detur obligatio restituendi ea, quæ per turpem, aut per honestam causam accepta sunt? Tertio, Utum contraheus Usurarius, & simoniacus iniustitiam contineant. Denique ex quanam culpa oriatur opus Restitutionis? Ubi plurima ad Restitutionem spectantia.

QUÆSTIO I.

Utum, & Quandoam Scienti, & Volenti fiat injuria?

L Difficultas est, Utum injuria solum cadat in invicem, & nullatenus consentientem in actionem de se injuriosam. Ratio dubiandi est, quia ex una parte communiter Theologi cum D. Thom. qu. 39. a. 3. docent, Iniuriam debere esse involuntariam ei, cui fit; sicut enim violentia physica debet esse cum physica renitentia Passi; ita iniuria, quæ est violentia moralis, debet esse cum renitentia morali; quæ non habetur in consentiente: unde Philosophus 3. Ethic. 10. dicit: *Nullus est, qui injuria sponte afficiatur*; & Reg. 17. Juris in 6. dicitur: *Scienti & consentienti non fit injuria, neque dolus*. Ex altera parte in multis casibus irrogatur iniuria etiam consentienti; v.g. Pupillo consentienti in alienationem bonorum; mutuario consentienti in solutionem usurarum; Clerico consentienti in sui percussione[m] &c.

II. Dico equidem cum D. Thom. & aliis communiter apud Lugo d. 8. sect. 1. Scienti, & volenti tunc solum non irrogatur injuria, quando consensus in actionem damnicativam est plene liber, & non est iuridice irritus.

Explicatur Conclusio: Dicimus 1. ad eliminandam iniuriam consensum debere esse plene liberum, & non coactum. Hinc si quis metu gravi inducatur ad dandam pecuniam latroni, adhuc iniuriam patitur, quamvis consentiat; in hoc enim ipso iniuriam subit, quod non relinquatur in sua libertate morali; sic mercenarius, dum cogitur solvere usuram, iniuriam patitur, quia non consentit cum plena libertate, sed

coacte; metus enim reddit consensum secundum quid involuntarium. Dicimus 2. consensum hunc non debere esse a jure irritatum, seu juridice nullum; propterea Pupillus v. gr. consentiens in alienationem suorum bonorum injuriam patitur, quia talis consensus irritatur a jure: sic Clericus in sui percussione[m] consentiens adhuc injuriam patitur; tum quia non potest eodere juri collato in favorem status clericalis, unde talis cessio est iuridice nulla; tum etiam quia licet consentiat Petrus Clericus, non per hoc habetur cessio juris, quod residet in tota communitate clericorum: Sicuti quamvis Monachus consentiat, ut distrahatur a fure bona Monasterii, non per hoc tollitur iniustitia, quia non habetur cessio juris residentis in communitate Monachorum; quidquid sit An Clericus violentas in seipsum manus injiciens iniustitiam committat erga statum clericalem, & excommunicationem incurrat? juxta sententiam Molinæ contra alios. His explicatis

Prob. Conclusio. Non habetur injuria sine violatione juris stricti, seu nisi peccetur contra legem faventem habentis jus, & gravantem reliquos: atqui quando habens jus consentit in actionem damnicativam consensu plene libero, & non irritato, tunc non violatur jus strictum, nec peccatur contra eam legem; secus vero si consensus sit coactus, aut irritus; ergo scienti, & volenti non irrogatur injuria, si ejus consensus sit plene liber, & non irritus, secus vero si sit coactus, aut irritus. Min. prob. si consensus sit plene liber, & non irritus, tunc lex favens habenti jus cessat gravare, seu obligare alios, ne ponant actionem damnicativam, quia hujusmodi obligatio est in favorem habentis jus; unde si habens jus renunciat tali favori, eo ipso lex non obligat; ergo in tali casu non peccatur contra hanc legem, nec violatur jus strictum.

Ratio a priori est, quia injuria est actio moraliter violenta; ergo sicut violentia physica debet esse ab extrinseco contrarietate Passi, ita injuria, seu violentia moralis, atqui quando quis consentit in actionem sibi damnicantem, tunc non contrarietur, sed coagit moraliter cum ponente talem actionem; ergo talis actio in eo casu non est violenta moraliter, nec injuriosa; sufficit tamen quod contrarietate, seu involuntaritas sit secundum quid, (qualis habetur in consensu coacto, seu mediculoso) ut inferatur saltem aliqualis violentia moralis, & habeatur rigorosa injuria.

III. Objec.

III. Obijc. 1. Marito libere consentienti in adulterium uxoris iniuria irrogatur, & tamen huiusmodi consensus est plene liber, & non iuridice annullatus; ergo huiusmodi consensus non impedit iniuriam. Ant. prob. quia aliter qui commisit adulterium, marito consentiente, posset in confessione solum dicere, Commisi fornicationem, quod est contra Propositionem 10. damnatam ab Innoc. XI.

Confirm. Potest aliquis esse invitus, quin fiat illi iniuria; ergo potest esse converso aliquis esse libere consentiens, & tamen pati iniuriam. Antec. prob. Nam quilibet est dominus sue fame, & complex delicti est invitus, quod suum peccatum in confessione cum sua infamia manifestetur ab alio complice; si tamen manifestatur, non fit illi iniuria; ergo quamvis sit invitus, non per hoc patitur iniuriam. Sic etiam Petrus dominus pecunie est invitus quod a se potius, quam ab alio tollat pecuniam Pauper extreme indigens, & tamen hic pauper non committit iniustitiam tollendo pecuniam a Petro invito.

Resp. cum Dicastil. & Esparz. q. 16. Consensum illum mariti esse iuridice nullum, & ideo non impedire iniuriam; quare neg. antec. Deinde transmissio, quod huiusmodi consensus non sit a lege annullatus, unde nulla iniuria irrogetur marito consentienti, iuxta doctrinam Sanch., & Lugo dist. 8. n. 15. Non per hoc peccatum illud erit simplex fornicatio, & non adulterium in confessione explicandum. Ratio est, quia adulterium non solum habetur per iniuriam, quæ irrogatur marito, sed etiam per iniuriam, quæ irrogatur bono Proles, & ipsi sacramento matrimonii; non enim ius mariti in uxorem est sicuti ius in domum, quam possit alteri commodare; sed est ius tantum ad exigendum debitum; adeo ut huic solum iuri possit cedere; atque adeo quamvis per adulterium non irrogetur marito iniuria ratione decore sui, cui etiam cedere potest, irrogetur tamen iniuria matrimonio, & bono proles, cui maritus cedere non potest; & ideo huiusmodi adulterium in confessione explicandum est, quia quamvis non habeat completam rationem iniustitiæ, habet saltem incompletam, & ideo in Confessione aperciendam.

Ad Conf. verum est, quod sicut libere, & iuridice consentienti non fit iniuria, ita & contra libere, & iuridice invito semper fiat iniuria; negamus tamen, complicem esse iuridice invitum. Nam Deus dominus fa-

ma tribuit alteri complici facultatem, ut in confessione delictum complices aperiat, quando non potest aliter speciem peccati proprii explicare, ut docet communis contra Navarr. Valent. Medin. & Alios putantes, non posse complicem revelari; quia lex naturalis de non infamando proximum prævalere debet legi divinæ positivæ de integritate materiali confessionis. Pariter Petrus dominus pecunie non est iuridice invitus, quod a se potius, quam ab alio tollat pecuniam Pauper extreme indigens, quia Deus dominus supremus dat hanc facultatem pauperi, & ideo repugnantia Petri habetur pro nulla.

IV. Obijc. 2. Qui condonat injuriam, si ve personalem, si ve realem, antequam fiat, consentit in actionem dampnificativam, puta in furtum, & tamen huiusmodi furtum est vere iniuriosum; aliter non haberetur vera condonatio; ergo consensus liber & validus non impedit injuriam; atque adeo etiam scienti, & volenti fit injuria.

Resp. negando, quod sic condonans consentiat in actionem dampnificativam; non enim cedit juri, ne lædatur, sed solum cedit juri ad exigendam compensationem; ad eum modum, quo martyres non cedunt injuri, ne occidantur, & ideo iniuste occiduntur, quamvis condonent, seu cedant juri ad vindictam.

QUÆSTIO II.

Utrum iniuste accipiaturs lucrum ob turpem, aut ob honestam causam?

Quæremus 1. De lucro accepto ob turpem causam, v.g. de pretio accepto a facio, ob patrandum homicidium; aut a scortis ob turpe facinus. Deinde de lucro accepto ob causam honestam, præsertim si sit debita ex iustitia.

ARTICULUS I.

An lucrum acceptum ob turpem causam retineri possit?

I. Putant Iuristæ apud Lessi. restituendum esse pretium ob facinus, quod leges puniunt, puta propter homicidium; non vero pretium acceptum ob facinus, quod non puniunt a legibus, ut est facinus meretricum. Medina vero, Navar. & alii docent, restituendum esse quodcumque pretium

tum ob quameunque turpem causam acceptum: Caiet. & Sotus putant restituendum esse pretium acceptum ob causam turpem, solum si ea sit contra iustitiam, ut in casu de fenario; non vero si sit contra aliam virtutem, ut est facinus scortorum.

Dico equidem 1. Contractus, quilibet de re turpi est irritus, neutrum obligans ex contrahentibus: quinimo uterque obligatur ante patratum facinus rescindere huiusmodi contractum: & si pretium acceptum sit, omnino restituendum. Ita communissime.

Prob. 1. pars: Non potest dari obligatio ad peccandum; ergo contractus de re turpi, puta de patrando homicidio, neutrum obligat; non enim obligat fenerator ad ponendum homicidium, cum non possit hic obligari ad peccandum; neque obligat promittentem pretium propter homicidium; quia cum promissio sit conditionata, & ad conditionem ponendam nulla sit obligatio in fenario, neque erit obligatio in promittente ante purificationem conditionis ad pretium solvendum; ergo simpliciter contractus est invalidus, & non obligatorius. Hinc in lege *Generaliter ff. de verb. signif. dicitur: Generaliter novimus, turpes obligationes nullas esse momentis.*

Secunda pars Conclusionis, quod scilicet huiusmodi contractus ante patratum facinus sit rescindendus, constat ex causa 2. qu. 4. ubi dicitur: *In malis promissis rescinde fidem*: & ratio est, quia tenetur promittens retrahere quod allicit ad crimen, qualis esset promissio pretii ad patrandum delictum.

Tertia etiam pars est manifesta, quod scilicet pretium acceptum restituendum sit; ratio est, quia pretium illud acceptum v. g. a fenario non est datum absolute, sed conditionate, hoc est dummodo ponatur homicidium; ergo cum detur obligatio non patrandi homicidium, datur consequenter obligatio restituendi pretium, cuius dominium acquiri non potest, non patrato homicidio.

II. Dico 2. Contractus de re turpi, adimpleta turpi conditione, obligat promittentem ad solvendum pretium promissum; & promissarius potest illud acceptare, imo etiam exigere, & retinere. Ita communis apud Lugo disp. 8. sect. 3. ex D. Thom. contra Navar., Medin. & alios.

Prob. 1. pars: quicumque se obligat alteri ex contractu oneroso ad aliquam actionem sive bonam, sive indifferentem, ad illam tenetur; atqui adimpleta turpi conditione, puta patrato homicidio, solutio pretii promissi fenario est actio saltem indiffe-

rens, & non mala; ergo cum promissor ad id se obligaverit, patrato homicidio, tenetur solvere. In tantum contractus dicitur turpi, ante conditionem impletam, est irritus, & rescindendus, in quantum obligaret ad peccatum; atqui impleta conditione turpi, non obligaret ad peccatum, cum solutio pretii tunc non sit peccaminosa; ergo huiusmodi contractus adimpleta turpi conditione est validus, & obligatorius.

Confirm. Si quis promissit virgini matrimonium, sub conditione desolationis, purificata conditione, tenetur eam ducere, & ad id in foro externo obligatur, ut docent communiter apud Lugo disp. 12. sect. 2. ergo universim qui promissit pretium ob turpem causam, adimpleta turpi conditione, tenetur solvere quod promissit.

Prob. 2. pars, quod scilicet promissarius possit huiusmodi pretium acceptare, exigere, & retinere. Primo quia leges concedunt meretrici actionem ad petendum pretium promissum; lege 4. ff. de Conditione ob turpem causam, dicitur: *meretrix turpiter facit, quod sit meretrix, sed non turpiter accipit, cum sit meretrix.* Secundo quia promissor adimpleta turpi conditione tenetur solvere, ut ostendimus; ergo in promissario est verum ius ad tale pretium; atque adeo potest illud exigere, & retinere.

Confirm. qui posuit turpe facinus in gratiam alterius, puta homicidium, posuit operationem sibi periculosam, & dedecus inferentem, promittenti vero gratiam, & utilem; ergo potest pretium accipere pro eo periculo, & dedecore, non quidem ante patratum facinus, ne ad culpam obligeatur, sed post illud.

III. Obijc. 1. Ex Navar. contra secundam conclusionem; etiam si adimpleta sit conditio turpis, quando solvitur pretium, adhuc huiusmodi pretium alliceret ad culpam; ergo ne purificationem quidem conditione turpi solvendum est; atque adeo retineri non potest. Prob. antec. fenerator antequam patret homicidium, si sciat solvendum sibi esse pretium post homicidium, allicitur ad homicidium; si vero sciret pretium promissum nec deberi, nec posse dari, retraheretur a facinore; ergo etiam si pretium solvatur post turpem conditionem, adhuc allicit ad culpam.

Confirm. ex Med. Solutio pretii post patratum homicidium fieri nequit sine complacentia in tali homicidio; atqui huiusmodi complacentia est peccaminosa; ergo etiam solutio pretii; atque adeo est illicita.

Mia.

Min. prob. qui dat primum, approbat opus meritorium, cui debetur, & in eo habet complacentiam; ergo a pari quidat pretii pro turpi facinore patrato, approbat illud, & in eo sibi complacet.

Confirm 1. quod accipitur peccaminose, retineri non potest; sed pretium ad homicidium patrandum accipitur peccaminose; ergo retineri nunquam potest, etiam homicidio patrato.

Resp. si Argum. concluderet, evinceret, Deum non debere peccatoribus ignoscere, cum multi spe futuræ remissionis ad crimina alliciantur; nec esset laudabile præceptum diligendi inimicos; nec debuissent leges concedere actionem meretricibus ad pretium exigendum post crimen patratum; nec deberet permitti v. g. venditio carnum tempore quadragesimæ; cum multi inde ad illas comedendas alliciantur: quare dicendum, esse illicitum dumtaxat, quod alliciat ad culpam per se, non vero quod perse allicit ad actum honestum, & per accidens ex malitia voluntatis ad culpam. Ita esset in casu obligatio ad solvendum pretium post crimen patratum; ea enim per se tantum alliciet ad actum iustitiæ honestissimum, & per accidens ad crimen.

Ad Confirm. Gratis affumitur Major a Medina; potest enim solvi ex iustitia pretium scario promissum, non solum non approbando homicidium, sed etiam summe dolendo de culpa in eo mandando. Ad prob. majoris paritas est nulla, primum enim de se solvitur pro opere bono, aut saltem pro opere grato pramianti; & ideo trahit complacentiam de illo: contra vero pretium solvi potest etiam pro opere malo, quod hic, & nunc displicet, quamvis fuerit gratum, quando pretium promittebatur.

Ad 2. Confirm. major est universim falsa; Nam qui accipit v. g. quod suum est, propria auctoritate per occultam compensationem, potens commodè illud obtinere per iudicem, peccat accipiendo, non retinendo. Deinde dist. maj. invariatis circumstantiis, omitto; variatis, nego maj. & consequenter meretrix peccat accipiendo pretium ob crimen patrandum, non tamen peccat retinendo illud post crimen patratum; mutatur enim ea circumstantia, ratione cujus acceptio erat iniusta.

VI. Objec. 1. Non potest deberi pretium pro opere inhonesto; ergo post patratum homicidium non debetur Scario pretium promissum. Antec. prob. opus turpe ob sui vitiositatem est infra; atque adeo extra omne

Part. I.

pretium, non secus ac opus spirituale ob suidignitatem est supra, & ideo extra omne pretium: ergo sicut contra iustitiam peccaret. qui simoniace venderet rem sacram, etiam si pretium solveretur pro labore intrinseco in re illa sacra perficienda, puta pro labore intrinseco in missa celebranda, ita contra iustitiam peccaret, qui venderet opus turpe, aliquid exigendo pro homicidio v. gr.; ergo non potest pretium deberi pro opere inhonesto.

Confirm. Si posset Judex vendere sententiam injustam, & conjugata usum sui corporis, venderent, quod sum non est; ergo non possunt pretium ob id datum retinere. Antec. prob. quia nec Judex est dominus sententiæ injustæ, nec conjugata est domina usus sui corporis.

Confirm. 2. quia multæ leges irritum declarant contractum de re turpi; ergo neque obligat absolute, neque conditionate, hoc est posita conditione turpi. Antec. constat ex lege, si Plagii, de verborum significatione.

Resp. Nec peccatum vendi posse, nec rem sacram, aut opus spirituale, potest tamen vendi incommodum, quod quis subit in gratiam alterius, patrando scelus: & eodem modo jure naturæ posset vendi labor intrinsecus in perficiendo opere spirituali; quia tamen Deus supremus dominus jure positivo jubet, spiritualia gratis dari, juxta illud Matth. 10. *Gratis accepistis, gratis date*; ideo contra iustitiam peccat simoniacus vendendo rem sacram, aut laborem intrinsecum illi annexum.

Ad 1. Confirm. Nec Judex vendit sententiam injustam, nec conjugata adulterium, sed uterque incommodum, & periculum quod in eis subit sibi utilitatem, aut delectationem alterius; quamvis autem incommodum illud illicite subeat, non tamen illicite accipit pro eo pretium; ut diximus de meretrice, quæ illicite est meretrix; non tamen illicite accipit pretium pro opere meretricio: Sic qui post contracta prima Sponsalia cum Berta, contrahit matrimonium cum Theresia, illicite contrahit, sed non illicite solvit, quod debet ex tali contractu; Sic etiam vovens non donare, illicite donat; sed non illicite dat, quod donavit.

Ad 2. leges vel intelligendæ sunt de irritatione contractus ante impletam conditionem, vel solum pro foro externo, in quo in penam talis contractus illicite celebrati, saepe denegatur actio promissoria, quam-

G

quamvis in foro conscientie illi debeatur pretium promissum: Dixi, sepe id denegari; Nam aliquando leges ipse obligant ad solvendum huiusmodi pretium, puta pro opere meretricio jam praestito.

V. Hinc apparet, quomodo verum sit, quod communiter dicitur, posse a iudice accipi, ac retineri pretium promissum pro ferenda sententia iniusta, purificata jam conditione, non posse tamen accipi pretium pro ferenda sententia iusta. Primum est verum ex modo dictis, quia quamvis sententia sit iniusta relate ad Titum, atque adeo teneatur Iudex Titio compensare damnum illatum, at non iniuste recipitur pretium, quod solvitur a Cajo, si in eius gratiam Iudex tulerit sententiam iustam cum suo Periculo, & dedecore. Contra vero sententia iusta vendi non potest, quia Petrus habens jus obligat omnes, atque adeo etiam Iudicem, ut gratis sibi detur res sua: praeferquam quod cum Iudex accipiat pretium adequatum a Rege pro suo labore, non poterit citra injulitiam novum pretium accipere a Petro, cui licet adjudicet.

VI. Objic. 3. si contractus de re turpi, posita turpi conditione, obligaret ad solvendum pretium promissum, sequeretur quod etiam promissio prodiga obligaret ad solvendum, quod prodigie promissum est. Sequela non videtur admittenda, quia nemo potest obligari ad actum malum, ut est actus prodigalitatis oppositus virtuti liberalitatis, quae in medioeritate consistit; ergo nec id, unde seq. prob. sequela; ideo posita conditione turpi, datur obligatio solvendi pretium promissum, quia posita ea turpitudine, puta homicidii, nulla habetur turpitudine in solutione pretii: atqui pariter posita prodiga promissione, v.g. dandi medicamentum propriorum bonorum gratis, aut dandi centum pro re, quae valet decem, nulla est turpitudine in solvendo, quod est promissum; ergo tenetur etiam promissor stare promissis.

Resp. sequelam negari a Soto, Saloñ. Le decima apud Dian. p. 4. tr. 4. Resol. 77. putantibus illicitam esse non solum promissionem prodigam, sed etiam executionem talis promissionis, & ideo non dari obligationem ad solvendum, quod prodigie promissum est; etiam si talis promissio fuerit iurata, cum juramentum non sit vinculum iniquitatis.

Equidem tamen censo cum Lugo disp. 18. n. 61. Mol. d. 273. Sanch. Lessi. sequelam esse admittendam, quando scilicet executio

promissionis prodigae non est illicita, ut in casibus adductis in argumento. De facto enim, ut advexit Molina, & Lessi. si Puella nobilis & dives prodigie promittat nuptias ignobili, & pauperi, quamvis peccet prodigie promittendo, tenetur tamen sub mortali matrimonium implere, ut communiter docent, & constat ex praxi Ecclesiae ad id obligantis, & ratio est ea ipsa, quae innuitur in argumento; quia scilicet quamvis promissio ista nuptiarum fuerit prodiga, & peccaminosa, at executio non est illicita; immo supposito jure alteri collato per promissionem, est iusta, & debita. Notat tamen Sanch. l. r. de matr. disp. 14. tunc non teneri huiusmodi puellam ad matrimonium, quando ex eo oriuntur scandala, & rixae; quia iulitiam non obligat ad actum, qui sine scandalo, & peccato poni non potest; secluso tamen scandalo, omnes obligant foeminam ad matrimonium prodigie promissum: dummodo promissio non fuerit ficta, aut facta ex errore notabilis differentiae inter sponsum, & sponsam.

Insitabis: qui promittit usuras, non tenetur vi promissionis illas solvere, sed solum vi iuramenti, si praestatum sit; ergo qui prodigie promittit, neque tenebitur vi promissionis, licet forte teneatur vi iuramenti.

Resp. nego consequ. disparitas est, quia promissio usurarum, utpote coacta, jure naturae est irrita, promittuntur enim a mutuatario usurae ex metu, ne aliter promittens careat mutuo sibi necessario; at promissio prodiga supponitur libera; ergo valida est, & obligatoria. Praeterea qui promittit usuras, non solum non promittit illas libere, sed neque liberaliter: promittit enim illas, tamquam debitas ex mutuo; atque adeo cum non debeantur vi mutui, promissio illa non obligat; sicut qui promittit centum in pretium iustum rei, quam vult emere, si ca valet decem, non tenetur nisi ad decem. At in casu nostro promissio prodiga supponitur liberalis; ergo obligat: sicut si quis prodigie promittat centum pro re, quae valet decem, non quidem in pretium iustum rei, quam velit emere, sed donando liberaliter excessum pretii iusti, tenetur ex fidelitate solvere centum; quidquid sit, An huiusmodi obligatio ex fidelitate sit gravis, an levis; & utrum prodiga promissio sit graviter, an leviter illicita.

VII. Objic. demum Reg. 18. Jur. in 6. ubi dicitur: *Non firmatur tractu temporis, quod*

quod de jure ab initio non subsistit; ergo contractus de re turpi, utpote iustus, nunquam est obligatorius.

Sed contra est, quia ea Regula facit sensum, quod contractus absolutus ab initio invalidus nunquam convalescit, non vero quod contractus conditionatus, qui ante impletam conditionem non est obligatorius, non possit impleta conditione obligare, quod habetur in presenti.

ARTICULUS II.

Nam retineri possit, quod accipitur ob quamcumque causam honestam etiam si debita ex Justitia?

VIII. Dico 1. Retineri potest, quod accipitur ob causam honestam non debitam ex Justitia, v.g. pro audiendo sacro; pro caste vivendo, pro non blasphemando, pro deponendo odio, revelando fure &c. Ita communis, contra Less. c. 14. d. 9. qui putat non posse accipi pretium pro opere debito ex charitate, puta pro deponendo odio; cum huiusmodi pretium veluti coacte solvatur.

Prob. Huiusmodi operationes, quæ non sunt alteri debite ex justitia, sunt laboriosæ, & difficiles, cum omnis actus virtutis sit arduus; & præterea possunt esse alteri grata; ergo si in gratiam alterius ponuntur, potest pro iis pretium accipi, & retineri; si enim potest retineri pretium ob operationes turpes positas in gratiam alterius, a fortiori retineri potest ob operationes honestas, quæ in gratiam alterius ponuntur; & quamvis videatur pretium non dari sponte, quatenus quisque vellet, quod huiusmodi operationes ponantur gratis, non per hoc injuste pretium accipitur; sicuti quamvis quilibet mallet habere sine ullo pretio rem, quam emit, non per hoc injuste pretium accipitur a venditore ob rem emptam.

IX. Neque dicas 1. Id ob stare legibus; cum lege 2. ff. de conditione ob turpem causam, dicatur: Si tibi dedis, ne sacrificium faceres, contradicere possis, hoc est repeteri. Nam leges pro foro externo decernunt huiusmodi pretium restituendum; quia præsumunt non esse sponte datum, sed coacte: Verum ante sententiam iudicis in foro conscientie non est restituendum, nisi moraliter constet quod non sit sponte, ac libere datum. Neque dicas 2. si possit retineri, quod accipitur ob causam honestam non debitam

ex Justitia, posset Iudex accipere, & retinere pecuniam a me illi datam pro sequenda opinione probabili, quæ favet mihi potius, quam adversario, cum ad id ex Justitia non teneatur: sequela est absurda, cum damnata sit ab Alex. VII. prop. 16 dicens: Quando litigantes habent opiniones æque probabiles, potest Iudex pecuniam accipere pro ferenda sententia in favorem unius præ alio: ergo ut supra.

Nego enim sequclam: tam legibus positivis vetitum est huiusmodi Arbitria vendere, quam ipsa lege naturali: etenim Iudex ex Justitia tenetur adjudicare licet ei, cui magis jura favent: quod si æque jura favent utrique parti, lis dividenda est, ut fuisse ostendit Tambur. l. 1. c. 3. §. 4. contra Nonnullos; ergo contra Justitiam acciperet pretium Iudex in casu adducto.

X. Dico 2. ob causam honestam debitam ex Justitia nihil accipi potest; puta pro non furando, pro restituendo deposito, pro debito solvendo. Ita communiter apud Less. Lugo, Vafq.

Prob. qui vendit, quod debet ex Justitia, vendit quod non est suum, sed ejus, cui ex Justitia debetur; ergo non potest pro huiusmodi opere quidquam accipere; nec pretium acceptum retinere; sicut retinere non potest pretium, quod quis accipit vendendo rem alienam.

Confirm. Si debeas Petro 100. & accipias 10. ut solvas 100. non redderes 100: quæ debes, sed redderes tantum 90. ergo pro opere ex Justitia debito nihil accipi potest. Hinc fit, ad restitutionem teneri primo qui accipit v. g. pretium, ut rem inventam reddat domino. Secundo qui pretium accipit, ut testificetur veritatem, quando ad testificandum tenetur ex Justitia. Tertio qui pretium accipit, ut reddat domino depositum. Quarto qui debens dare v. g. 100. alicui puellæ ab ipso eligendæ in dotem, accipit v. g. 10. ut det dotem potius Bertæ, quam Lavinie; non enim daret in dotem 100. prout debet, sed tantum 90.

XI. Difficultas est, an, si quis debeat opus ex Justitia non tibi, sed alteri, possit a re aliquid accipere, ut ponat huiusmodi opus alteri debitum; v. g. debet Iudex sententiam justam proferre in favorem Titii, potest ne pretium accipere a Cajo, ut illam proferat? Resp. Lugo distinguendo; vel enim Cajus dat pretium Iudici in gratiam Titii, ne scilicet hic subeat injuriam; vel dat in gratiam ipsius Iudicis, quem dicit

ligit, ne peccet, aut ne se exponat periculo infamiae, vel poenae: Si primum, Nihil potest Judex accipere, quia tunc Cajus negotium gerit Titii, & illum vult servare indemnem; atque adeo sicut injuste Judex acciperet pretium a Titio, ut illi adjudicaret sententiam justam; ita injuste accipit a Cajo, qui partes Titii agit. Si secundum, potest Judex accipere pretium a Cajo; sicut enim potest quis ab Amico accipere pretium, quod offert, ne se inebruet, ne peccet contra castitatem, ne ludat Ludo venito, ita etiam potest accipere, ut sententiam justam proferat. Hoc etiam sentit Vasquez e. 7. dub. 6. de Rest. in opus. Sotus, & alii apud Bonac. Less. tamen c. 14. dub. 9. cum communiiori absolute id negat, quia quando aliquid opus est invendibile, (ut est v.g. donatio alicujus rei, facultas revocabilis ad usum, &c.) tunc etiam si fiat in tui gratiam, non per hoc vendi potest; huiusmodi enim opus non censetur dignum pretio, sed amicitia; aliter usurarius posset a te aliquid accipere, si in tui gratiam det mutuum; & Episcopus posset etiam a te aliquid accipere, si in tui gratiam det alteri beneficium, quae sunt absurda, ut notat Mol. disp. 304. n. 4.

Dices: in foro externo non datur actio ad repetendum, quod traditum est ob opus ex iustitia debitum, ex leg. 2. ff. de conditione ob turpem causam; ergo neque in foro interno restituendum est.

Resp. Nego consequ. Forum externum, ne multiplicentur lites, non concedit huiusmodi actionem; sicut non concedit actionem illi, qui in contractu laesus est infra dimidium pretii iusti, ne lites multiplicentur; quamvis in foro interno detur obligatio restituendi; si conset de iniustitia contractus, etiam si laesio non fuerit supra dimidium.

XII. Dico 3. Non solum pretium acceptum pro opere debito ex iustitia restituendum est, sed etiam munera, si dentur involuntarie, & coacte: v. g. si detur munus aliquod ministro publico ad redimendam vexationem, vel quia aliter ille non est praestiturus, quod ex iustitia praestare debet, vel quia negligens est in negotiis expediendis, vel quia prius expedit offerentes munera &c. tenetur minister iure naturae huiusmodi munus restituere. Ita communiter.

Prob. Quia involuntarium impedit translationem domini via donationis, quae essentialiter debet esse libera; ergo hys de-

tur pretium, sive minus ob opus ex iustitia debitum, neque pretii transferatur dominium, neque muneri involuntarie dati, ergo iure naturae utrumque restituendum est. Propter hanc rationem Mol. to. 1. disp. 38. putat, etiam famulos iudicis teneri ad restitutionem, si munera accipiant, ut prius introducant, seu prius expediant negotium eius, qui munus obtulit, quam alterius: etenim vel famuli praeposunt illum, quem ex iustitia debent praeposere, vel quia diutius expectavit, vel quia venit e remotioni loco, vel quia periculum est in mora &c. & recurrit quod munus deus coacte, ad redimendam vexationem; vel praeposunt alium ex iustitia postponendum, & tenentur saltem restituere damnum, quod inferunt illi, qui ex iustitia erant praepositi; ut dicitur de ipsis Iudicibus, seu officialibus; qui pariter si tolerant huiusmodi famulos, tenentur in solidum ad restitutionem, eo quod ex officio illis incumbat, has iniustitias prohibere: si tamen famulus sua gratia, & precibus, sine aliorum iniustitia mora, obtineret expeditionem alicuius causae, procul dubio posset munus acceptum retinere: quia ad hoc beneficium pretio aestimabile non tenebatur, ut notat idem Molina.

Advertit hic Navarr. l. 3. c. 3. quod Judex ad restitutionem talium munerum teneatur, etiam quando non est probabiliter certius, sed moraliter dubius de coactione donationis. Ratio est, quia exponeret se periculo accipiendi rem alienam, & fieret possessor dubiae fidei, qui ad restitutionem teneatur, non secus ac possessor malae fidei.

XIII. Dico ult. Praesciendos a legepositiva non tenetur officialis iure naturae restituere munera sponte, ac liberaliter sibi donata; sive quia dantur ab amicis ratione amicitiae, sive quia donantur post rem iuste obtentam in gratitudinem; sive quia ita dantur ante expeditionem negotii, ut nullum metum inferant querele, si lis alteri iuste adiudicetur, sed solum alliciant ad expeditionem pro merito causae. Ita communiter.

Prob. Jus naturae nulli prohibet donare res suas: ergo si quis donet illas Officiali, modo habeat libertatem requisitam ad donandum, donatio non erit irrita iure naturae.

Confirm. Si iure naturae id prohiberetur, non posset lex humana permittere, quod Judex delegatus accipiat a paribus esculentis, & poculentis ex mera liberalitate obla-

et, ut permittitur in Cap. *Statutum*, de Rescriptis in 6.; & in L. *Plebiscitis*. ff. de off. Prat.; ergo, &c.

Neque dicas 1. Ista munera non darentur, nisi esset officialis; ergo non videntur dari, nisi coacte ratione officii; atque adeo restituenda sunt. Negatur enim consequentia; sicut enim non ex eo, quod munera non darentur Titio, nisi esset amicus, inde fit, quod amicitia inferat coactionem; ita in casu nostro; dantur enim munera, quia is est officialis, sed dantur libere, ut in negotiis jure tibi faveat: propterea si Judex adversario litem adjudicet, non poteris munera repetere, quia non contulisti sub conditione, quod tibi lis adjudicaretur, sed absolute; sicuti si quis debet munera mulieri, ut alliciti illam ad peccatum, etiam si non consentiat, donatio est valida.

Neque dicas 2. Ista munera conferri non possunt sine scandalo, & periculo injustitiae, juxta illud Exod. 21. *Non accipies munera, quæ utiam excæcant prudentes, & subvertunt verba iustorum*: unde fit, quod oblatio talium munerum humanis legibus prohibeatur. Nam primo falsum est, quod aliquando sine scandalo dari non possunt, puta si dentur post latam sententiam, vel si dentur officiali amantissimo iustitiae, vel si dentur ab amicis, & sint levis momenti. Secus si. Dato quod aliquando sine scandalo offerri non possunt, non proinde fit, quod donatio sit nulla; sicuti si deus munus feminæ animo inducendi illam ad fornicationem, etiam si cum scandalo detur, adhuc donatio est valida, nec illa tenetur ad restitutionem, quamvis non consentiat.

XIV. Denique circa leges de non accipiendis muneribus sciendum, quod si huiusmodi leges non solum acceptionem prohibeant, sed etiam ipso jure donationem annullent, & reddant accipientes incapaces, & inhabiles ad acquirendum illorum dominium; restituenda sunt in conscientia; potest enim Princeps ob bonum commune obligare, ut bona unius subditi non fiant de dominio alterius, quamvis illi donentur: contra vero si leges tantum prohibeant acceptionem, sed non irritent donationem, restituenda non sunt, quamvis accipiens mortaliter peccet, transgrediendo huiusmodi legem, ut communis docent cum Mol. & ratio est, quia in jure ista duo sunt valde diversa, prohibere ne aliquid fiat, & irritare factum; ergo si donatio solum prohibeatur, non irritetur, est valida, atque adeo munera non sunt restituenda.

Parti II.

Neque obstat lex *Non dubium*, ff. de legibus, & Reg. illa Juris in 6. ubi dicitur, quod quæ contra legem sunt, haberi debeant pro infectis. Nam solum sensus est, quod quæ contra legem sunt, debeant in iudicio irritari, non vero quod sint ipso facto irrita. Hinc juramentum ipsum de non accipiendis muneribus neque fert obligationem ea restituendi, si sacrilege accipiantur; sicut juramentum de non Indendo non fert quin ludens faciat sua, quæ acquirit per ludum sacrilegum. Et ratio est, quia aliud est juramentum de non accipiendis, aliud vero de non faciendis suis, ac retinendis muneribus; quare potest quis contra juramentum accipere, quin contra juramentum retineat: quod si ntrumque juraret, & non accipere, & non retinere munera, deberet quidem restituere, non tamen ex obligatione iustitiæ, sed Religionis, ut notatidem Mol.

QUÆSTIO III.

Utrum Contractus Usurarius jure naturali prohibeatur, tanquam Continens Injustitiam?

IUsura sumpta pro re, quæ provenit ex contractu usurario, definitur, *Lucrum immediate proveniens ex mutuo*: sumpta vero pro contractu est *Pactum restituendi præter sortem principalem lucrum aliquod præsertim ratione mutui*. Aliquando usura est manifesta, & explicita; aliquando est solum palliata, & implicita: ut quando intentio lucri palliatur alio contractu, v. gr. contractui mohauze damnato ab Innoc. XI. in Propositione 40. puta si mercator vendat Titio pecunia credita pannum pretio summo v. g. 100. cum pacto quod sibi retrovendatur pecunia numerata pretio infimo, v. g. 90. Sperare lucrum ex mutuo, prohibetur Luc. 6. ubi dicitur: *mutuum date, nihil inde sperantes*; quod intelligendum est, ut explicat Urban III. in Cap. *Consulti*, de Usuris, si speretur tanquam debitum ex iustitia, & ex vi prævi contractus, non vero si absque prævio contractu etiam implicito speretur aliquid dandum ex gratitudine, & liberalitate; sicut non committit Simoniam Clericus, qui inservit Episcopo, sperans sibi conferendum beneficium pure ex liberalitate, non in pretium famulatus; si tamen in pactum deducatur, quod ratione mutui detur lucrum aliquod ex gratitudine, & liberalitate.

G 3

dine, adhuc usura committitur, ut constat ex Propositione 41. ab eodem Innoc. damnata; quia vi pacti lucrum illud fit debitum etiam ex iustitia; idemque dicas de Simonia, ex Propositione 45. pariter ab eodem Pontifice confixa; si scilicet ex pacto prævio datur temporale pro spirituali, non tamquam pretium rei sacræ, sed tamquam gratuita compensatio, vel tamquam motivum conferendi spirituale. Usura dicitur Realis, & externa, si pactum de lucro dando manifestetur signis externis; dicitur vero mentalis, & interna, si accipiat animo usurario lucrum, tamquam debitum ex mutuo, absque prævio pacto externo. His præmissis

Ufuras esse licitas somniarunt Hæretici Albanenses, Carolus Molinæus, & Alii ejusdem furfuris apud Salas. Communistamen, & Catholica doctrina docet, esse illicitas, ut definitum in Conciliis Viennensi, Lateranensi, Nicæno apud Lugo. Et sane eas prohiberi tum jure Canonico, tum divino positivo, constat ex Clementina unica, de Usuris, & ex pluribus Script. locis: Psal. 12. dicitur: *Quis ascendit ad montem Domini &c. qui pecuniam non dedit ad usuram*. Difficulus est apud Theologos, An jure etiam naturali sint illicitæ, & quantum ratione id efficaciter evincatur?

II. Dico equidem, usuras etiam jure naturæ esse illicitas, non secus ac furtum, utpote injustitiam continentes. Ita communissime contra Armacanum, Abulensem, apud Platellum n. 626. quorum sententiam Bannez vocat hæreticam, Salas temerariam, & errori proximam.

Prob. 1. A posteriori. Concilia, & Pontifices ex testimoniis veteris testamenti docent, usuras esse illicitas; ergo etiam jure naturali prohibentur. Probatur consequentia; quia Præcepta divina positiva veteris testamenti non amplius obligant in novo testamento, in quo Christus Dominus dedit sua præcepta spectantia ad Sacramenta, & ad fidem; ergo si Ecclesia vi præceptorum veteris testamenti damnat usuras, & obligat nunc Judæos ad illas restituendas, signum est præcepta isthæc veteris testamenti obligare jure naturæ; atque adeo usuras jure naturali esse illicitas.

Prob. 2. a priori: Contra rectam rationem est, & contra justitiam in Commutatione recipere plus, quam valeat id, quod datur; ergo contra rectam rationem, & contra justitiam accipere lucrum im-

diatè proveniens ex mutuo; plus enim accipitur, quam valeat id, quod datur; datur enim v. g. 100., & accipiuntur 105.; ergo usura ure naturæ est illicita tamquam continens injustitiam.

III. Neque dicas 1. Auctionarium illud, seu lucrum posse juxta accipi non quidem pro forte, sed pro usu foris, ut fit in locatione, dum aliquid accipitur pro usu rei locatæ. Nam in mutuo transferretur dominium sortis in mutuatarium, ac proinde jus ad usum pecuniæ mutuatæ est proprium mutuatarii; & consequenter talis usus vendi non potest; venderetur enim mutuatario id quod proprium mutuatarii; non secus ac si quis vellet vendere Titio Equum 100. aureis, & deinde vellet eodem Titio vendere 10. aureis usum equi jam venditi; in quo casu bis venderetur usus Equi; ita pariter in mutuo bis venderetur usus pecuniæ, semel prout inclusus in dominio sortis, vi cujus deinde tantum reddendum est, & semel seorsim, ita ut pro tali usu solvatur auctionarium, quod patet esse iniquum. Hoc non accidit in locatione v. g. Equi, vi cujus contractus non transferretur dominium Equi, & ideo potest ejus usus vendi, utpote pietio æstimabilis. Eodem modo si pecunia non mutuetur, sed commodaretur, ut posset commodatarius illam ostentare, non tamen expendere, tunc posset pro tali usu aliquidungi: In hoc tamen casu si forte periret pecunia, periret commodanti, quia res domino perit; & Idem dicas, si valor monetæ interim varietur. contra vero quando pecunia mutuat: quia vi mutui fit quasi ex mea tua, & dominum transferretur, si interim percat, aut varietur, perit, & variatur mutuatario.

Neque dicas 2. Lucrum supra sortem non accipi injuste, quia accipitur a mutuatario sciente, & volente. Nam mutuatarius non offert illud plene volens, sed metuens, ne aliter sibi mutuum denegetur, atque adeo vult cum admixtione involuntarii; hujusmodi autem voluntas non impedit injuriam, nec facit quominus injuste illud accipitur; donatio enim non est valida, quando non est plene libera, sed coacta metu indebito.

Neque dicas 3. Possit lucrum accipi pro damno emergente, lucro cessante, periculo amittendi sortem, aut pro sumptibus faciendis in ea recuperanda. Nam concedo hujusmodi lucrum non esse usurarium, si servetur æqualitas; quia tale lucrum non

provenit immediate ex mutuo, sed ob alias causas mutuo extrinsecas. Illud tamen notandum, quod periculum amittenda fortis debeat esse extraordinarium, & proximum, ut possit pro eo aliquid accipi; periculum enim ordinarium, & remotum imbitur in ratione mutui.

Neque dicas 4. posse lucrum accipi pro dilatione solutionis. Nam huiusmodi dilatio, seclusa aliis damnis, non est pretio estimabilis; quia 100. tam hodie quam anno sequenti non nisi 100. valent, si interim nullum damnum sequatur, aut lucrum cesset ex tali dilatione; sicut Ager tanti estimatur nunc, & post annum, si interim non fructificet.

IV. Objic. 1. Non videtur esse contra iustitiam accipere lucrum ultra sortem pro obligatione non repetendi sortem per annum, ut docuit Medin. de Rest. q. 32. & Ledesin. apud Dian. p. 4. tr. 8. Resol. 40. ergo universum non est contra iustitiam, nec iuribus naturalibus illicitum accipere lucrum aliquod ex mutuo. Conseq. seq. Quia in quolibet mutuo datur obligatio non repetendi rem mutuam per aliquod tempus; aliter non haberetur contractus mutui, sed veluti contractus Precanii. Antec. prob. quia obligare se per annum ad carendum utilitate pecunie mutuatae, & facultate illam expendendi in opportunitatibus facile occurrentibus, videtur pretio estimabile; ergo potest aliquid accipi a mutuantem pro hac obligatione.

Confirm. 1. Quia communiter DD. docent cum Mol. quod possit aliquid iuste accipere Petrus a Paulo, si se obliget illi ad mutuandum 100. intra annum, quandoqueque voluerit; sicut etiam pro obligatione ad vendendum, fidejubendum &c. ad ejus arbitrium; ergo pariter poterit mutuantem aliquid iuste accipere a mutuario, si se obliget illi ad non repetendam per annum pecuniam mutuam. Consequentia videtur sequi, quia in morali estimatione idem videtur esse obligare se ad mutuandum intra annum ad arbitrium alterius, quam obligare se ad non repetendam per annum pecuniam mutuam.

Confirm. 2. Qui non vult colere agrum, & se obligat alteri ad illum non colendum per annum, in omni sententia, apud Lugo, potest pro hac obligatione aliquid accipere; ergo pariter qui non vult sui pecunia, & mutat illam alteri, obligando se ad non repetendum, atque adeo ad non utendum illa per annum, poterit

pariter aliquid pro hac obligatione exigere.

Confirm. 3. Potest Fidejussor aliquid exigere pro obligatione fidejubendi; ergo etiam mutuator pro obligatione non repetendi sortem. Ratio a priori videtur esse, quia pecunia praesens magis estimatur, quam absens, & futura; illa enim est apta negotiationi, beneficentiae, sustentationi; ex ista vero saepe plurima damna veniunt, & lucra cessant. Hinc Chirographa, & Apodixae tunc solent minoris, quam valeant, juxta doctrinam Fagundez contra Molinam, quia pecunia numerata magis estimatur, quam creditur.

Resp. Sententiam istam Medinæ docentis posse lucrum accipi non præcise ratione mutui, sed ratione obligationis non repetendi sortem usque ad certum tempus, esse valde periculosam in fide, & viam usuris aperire, ut notat Palasus. Præterquamquod damnata est ab Alex. VII. in Propositione 42. quæ dicit: *Licetum est mutuantem, aliquid supra sortem exigere, si se obliget ad non repetendam sortem usque ad certum tempus*. Nec non ab Innoc. XI. in Propositione 41. quæ dicit: *Cum numerata pecunia pretiosior sit numeranda, & nullus sit, qui non majoris facias pecuniam præsentem, quam futuram, potest creditor aliquid ultra sortem a mutuatario exigere, & eo titulo ab usura excusari*.

Ad rationes adductas alii aliter, & prolixè. Equidem resp. cum Salas dub. 9. quod obligans se ad non repetendam sortem per annum, vel habet spem proximam interim lucrandi, aut probabile periculum alicujus damni, vel solum habet spem, aut periculum remotum: si primum, potest aliquid ultra sortem exigere, dummodo servetur æqualitas debita, quia non recipitur illud ratione mutui, sed ob rationes mutui extrinsecas, & sic non haberetur usura. Ubi, diligenter notandum, quod si mutuatarius velit se obligare ad compensandum quodcumque damnum interim sequatur, aut lucrum cesset, & detque de eo sufficientem cautionem, nihil possit exigi pro ea spe, aut periculo proximo. Si vero habeatur spes lucri remota, & periculum remotum damni ex absentia pecunie per annum mutuatae, nihil potest pro eis exigi, ut constat ex Propositionibus damnatis. Et ratio est, quia huiusmodi spes, & periculum sufficienter compensantur cum ea utilitate, quam percipit mutuantem, videlicet quod si res mutuata interim fur-

vel alio infortunio pereat, non sibi pereat, sed mutuario.

Neque dicas cum Lugo n. 20. Rationem hanc videri frivolum, quia isthæc utilitas nullius est momenti, tutius enim custoditur pecunia peres ipsum mutuantem, quamvis sibi pereat, si forte peritura sit, quam penes mutuatarium, a quo non facile recuperari potest.

Nam contra est, quia licet non abunde compensetur ea utilitate periculum proximum amittendi forem &c. sufficiens tamen videtur compensari periculum remotum, atque adeo ratio a Salas adducta videtur efficax. Forte minus efficax est ratio, quæ ab eodem Lugo n. 21. a Platel. & aliis communis adducitur, quod scilicet ideo non possit aliquid accipi pro obligatione non repetendi forem per annum, quia tanti æstimantur 100. nunc, quanti 100. quæ redduntur post annum, dummodo in perpetuum possis us uti. Nam quamvis id sit verum relate ad bona in perpetuum possidenda in patria, non est tamen verum relate ad bona possidenda usque ad finem huius vite, magis enim æstimatur pecunia possidenda duobus annis, quam uno tantum anno, & ideo magis communiter æstimatur pecunia præsens, quam futura.

Ad 1. confirm. concessio antecedente, nego consequ. Illa obligatio mutuandi intra annum ad libitum alterius est pretio æstimabilis; ergo potest aliquo luero compensari: obligatio vero non repetendi forem per annum esto sit etiam pretio æstimabilis, abunde tamen compensatur ea utilitate, quod si res interim pereat, non pereat mutuanti. Idem dicas ad duas alias confirmationes de obligatione ad non colendum agrum, & ad sivejubendum. Ad id, quod dicitur de Apodixis, Dico cum Sanch., & aliis communis non posse minoris tui, quam valeant, si nulla sit difficultas in eis exigendis, nec esset ulla spes probabilis interim lucrandi cum ea pecunia, qua emuntur. Verum sicut mutans potest exigere a mutuario, ut se obliget ad compensandum damnum, si forte interim sibi emergat ex absentia pecunie; ita potest hoc idem exigere, qui emit Apodixas immaturas; & quia hic secundus est contractus emptio-nis, ideo probabiliter ex hoc titulo potest aliquid exigere ab eo qui apodixas emendo aliqui probabili periculo sit obnoxius, ut nonnulli docent cum Fagun., Laym., Bellar., Less. contra communioem apud Tamb. l. 1. tit. 3. c. 7.

V. Inistibus vera est communis sententia, quod obligans se ad mutuandum intra annum ad arbitrium alterius possit pro hac obligatione aliquid accipere; ergo mutans potest sic contrahere cum mutuario, dicendo: mutuo tibi pecuniam per mensem gratis, & me obligo ad mutuandam illam deinde per alios undecim menses; & sic posset aliquid pro hac obligatione juste accipere; ergo pariter pro obligatione non repetendi forem per annum.

Confir. quia quamvis sit intrinsecum mutuo, obligare se ad non repetendam forem per aliquod tempus commodum; at, ut notat Tamburinus, non est intrinsecum mutuo, obligare se ad non repetendam forem diutissime, puta per 20. annos; ergo pro hac obligatione mutuo extrinseca potest aliquid accipi; non secus ac pro lucro cessante.

Resp. Non posse mutuantem citra usuram palliatam eo pacto contrahere, & accipere aliquid pro obligatione mutuandi per alios undecim menses. Ratio est, quia, ut notat Lugo n. 26. in morali æstimatio non differt mutuum per annum a mutuo per mensem cum obligatione mutuandi per alios undecim menses; unde sicut nequit mutans aliquid accipere pro obligatione non repetendi mutuum per annum; ita nec pro mutuo per mensem gratis cum obligatione mutuandi per alios undecim menses. Tunc potest aliquid accipi pro obligatione ad mutuandum, quando ea obligatio contrahitur longe ante occasionem mutui; quia in eo casu huiusmodi obligatio fert, & quod pecunia interim sit penes mutuantem, unde sibi pereat, si perit; quod non habetur in mutuo præterea quod sic contrahens non possit ea pecunia interim uti, si forte indigeat; & quod non possit exigere ab altero contrahente, quod si interim damnum aliquod emergat, compensetur; quod tamen potest mutans exigere a mutuario.

Ad Confir. Si ea doctrina Tamburini subisteret, quod scilicet quo diuturnius est tempus mutuationis, eo plus possit exigere mutuario obligationem non repetendi mutui intra illud tempus, aperiretur osium usuris. Quare dicendum esse intrinsecam mutuo obligationem non repetendi forem per aliquod tempus, eo modo, quo est intrinseca, & essentialis forma caloris denominationi calidi; atque adeo sicut calor ut tna v. gr. accidit denominationi calidi ut sic, quatenus stare potest denominatio calidi cum solo calore ut duo, non tamen accidit de-

nominationi calidi ut tria calor ut tria; ita accidit mutuo ut sic obligatio non repetendi sortem per annum, quatenus stare potest essentia mutui cum sola obligatione non repetendi sortem per sex menses; non tamen accidit mutuo per annum obligationi non repetendi sortem per annum; & ideo qui mutuat per annum, non potest aliquid accipere pro obligatione non repetendi sortem per annum; cum talis titulus non sit ratio extrinseca mutui, (sicut est titulus lucri cessantis) sed sit ratio essentialis, & intrinseca.

VI. Obijc. 2. In Scripturis, in Jure Civili, & Canonico usura permittuntur; ergo non sunt intrinsece malæ, nec contra justitiam. Antec. prob. Deut. 23. dicitur: *Non fenerabis fratri tuo, sed alieno.* Lucæ 19. Servo pigro dictum est: *Quare non dedisti pecuniam ad mensam, & ego tum usuris exegisset illam?* In Jure etiam Civili passim permittuntur, & approbantur usura; præsertim in l. 20. C. de usur., & in Jure Canon. in C. *Conquisitus*, de usuris, & C. *Salubriter*, datur facultas percipiendi fructus pignoris, non computatis illis in sortem, quod videtur usura.

Confir. Pro omni beneficio, quod non teneor ex justitia impendere, possum aliquid accipere; atqui non teneor ex justitia mutuum dare; ergo possum aliquid pro mutuo accipere.

Resp. nego antec. In Deut. Deus dedit facultatem Judæis expoliandi hac via Gentiles tamquam hostes, sicut dederat ad expoliandos Ægyptios. Ad id, quod dicitur de servo pigro, ibi pro usura venit lucrum ex negotiatione huius, ut colligitur ex verbo *dandi ad mensam*, quod non est dare mutuo, sed dare mercatoribus ad negotiandum. Leges Civiles sæpe prohibent usuras usurarum, ut in l. ult. cod. de usuris; permittunt tamen in lege 100, cod. de usuris, nobilibus mutuantibus quatuor in 100. mercatoribus 8. Aliis vero 6. tantum in 100. singulis annis, & 12. pro pecunia trajectina; (quæ scilicet datur, ut mari a mutuario deferatur, ita tamen ut periculum pecuniæ pertineat ad mutuantem) & ratio est, quia leges præsumunt, quod ut plurimum contingit, videlicet quod tantumdem lucri cesset mutuantibus; unde permittunt usuras ratione lucri cessantis, aut periculi extraordinarii amittendi sortem; quia tamen non semper mutuant cessat lucrum, ideo leges istæ pro foro interiori non semper sunt iustæ; & præsertim abrogatæ sunt in Jure Canonico, & in

Conc. Viennensi, quibus omnes Principes Christiani tenentur obedire, & ideo nunc datur actio in foro externo ad repetendas usuras solutas ex l. 8. novæ Collectionis, tit. 6. Denique in Jure Canonico usura non permittitur; solum permittitur quod fructus pignoris accipiantur a Genere propter onera matrimonii, quæ ex fructibus Dotis nondum solutæ sustinere debuisset, atque adeo fructus pignoris percipiuntur non ex vi mutui præstite, sed ex vi lucri cessantis, & damni emergentis.

Ad Confir. pro beneficio mutui nihil aliud accipi potest ultra summam æqualem rei mutuatæ; sicut pro beneficio venditionis nihil aliud potest accipi ultra pecuniam æqualem rei venditæ; ratio est, quia mutuat non est utilis, nisi ratione pecuniæ mutuatæ, & consequenter non debet pro ea reddi nisi pecunia æqualis mutuatæ; sicut venditio non est utilis, nisi ratione rei venditæ, unde non debet pro ea reddi nisi pecunia æqualis.

VII. Obijc. ultimo: qui ad aliquod tempus privat se instrumento ad lucrandum in gratia alterius, potest aliquid in compensationem accipere; atqui mutuat privat se pecunia, quæ quamvis de se sit utilis, est tamen instrumentum ad lucrandum; ergo potest aliquid accipere.

Confir. Cum mutuatarius percipiat lucrum ex pecunia mutuatâ, non videtur contra justitiam, quod hujusmodi lucrum dividatur inter mutuantem apponentem pecuniam, & mutuatarium apponentem suam industriam.

Resp. Locatem instrumentum posse pro locatione aliquid accipere, quia privat se facultate lucrandi per illud, quæ est pretio æstimabilis, nec aliunde compensatur: contra vero qui mutuat pecuniam, ita privat se facultate, & spe remota lucrandi, ut id compensetur ea utilitate, quod interum res mutuatâ, si forte pereat, non sibi pereat, sed mutuario; ergo non potest aliud in compensationem accipi.

Ad Confir. Conc. quod possit aliquando vice mutui celebrari contractus Societatis, vel contractus, qui dicitur Trium, (hoc est Societatis, Asscurationis fortis, & Asscurationis fructuum) & sic possit aliquid accipere, qui in talibus contractibus apponit pecuniam. Verum si moraliter constet, pecuniam non deservire alteri ad negotiationem, sed ad consulendum suæ miseræ, tunc contractus Societatis, vel Trium esset usura palliata. Utrum autem teneatur ad Restitutionem Usurarum, qui celebravit con-

fructum mutui potens licite celebrare contractum Societatis, vel Trium, & sic circa usum aliquid accipere. Dicendum cum Lugo disp. 25. sect. 9. & aliis apud Dian. p. 3. tr. 9. ref. 92. Quod si bona fide quis celebraverit contractum mutui, dum poterat alium contractum licitum celebrare, non teneatur ad restitutionem, si tantum ex mutuo accepit, quantum poterat ex alio licito contractu accipere; quia implicite voluit celebrare contractum, quem licite poterat, quamvis ex ignorantia non celebravit; contra vero si mala fide contractum mutui celebravit, intendens aliquid injuste ex mutuo accipere: idemque dicas, si dubia fide illum celebraverit.

QUÆSTIO IV.

An Contractus Simoniacus sit solum contra Religionem, an etiam contra Iustitiam?

SIMONIA definitur, *Studiosa*, (hoc est deliberata) *Polentia emendi, aut vendendi pretio temporali aliquid spirituale, vel spirituali annexum*, sive annexetur spirituali antecedenter, ut jus patronatus, quod presupponit presentationi ad beneficium; sive annexetur concomitanter, ut labor necessarius administrationi Sacramentorum, sive annexetur consequenter, ut jus ad percipiendos redditus ex beneficio fundatum in officio spirituali.

Dividitur 1. Simonia in eam, quæ est juris naturalis, seu divini, ut est venditio rei Sacre, puta Sacramentorum, vel usus potestatis supernaturalis, quæ talis &c. & in eam, quæ est juris Ecclesiastici, seu humani, ut est permutatio beneficiorum, acceptio donorum ad Examinatores, qui examinant concurrentes ad Parochiam, ex Trident. Sess. 24. c. 18. Venditio officii Oeconomi Ecclesiæ &c. Dubitatur, Num venditio Beneficiorum sit Simonia juris naturalis, an Ecclesiastici? Communis cum Socr. contra Navar. & nonnull. Canonist. docent esse juris naturalis, quia si venditur jus ad percipiendos fructus beneficii fundatum in officio spirituali, censetur vendi ipsum officium spirituale, ut illa Reg. Urb. VIII. in cap. 31. quæ obijciunt q. 3. Qui bonum alium vendidit sine quo nec aliterum provenit, neutrum in venditum dicitur quod. Neque dicas posse pro Missa celebranda accipi stipendium, contra pretium rei sacre, sed ob

laborem annexum; ergo potest accipere pretium ob jus ad redditus beneficii fundatum in officio spirituali, quin censetur hujusmodi officium vendi. Nam in primo Casu stipendium non accipitur in pretium laboris intrinseci, sed in sustentationem laborantis, quæ jure naturæ est debita, quod non habetur in secundo casu.

Dividitur 2. Simonia in Conventionalem, ut si fiat pactum de dando spirituali pro temporali, & in Realem, si scilicet post pactum conferatur pecunia, aut res spiritualis. Datur etiam Simonia confidentialis in Beneficiis, quæ a Clem. VIII. reservantur Regularibus cum aliis quatuor casibus (consistens in pacto de resignando, vel conferendo beneficium, vel de nominando, aut presentando aliquem ad beneficium cum onere, quod idem beneficium, vel pars fructuum sibi, vel alteri restituantur). Ut autem casus hic sit reservatus, sufficit, quod pactum signis externis exprimat, etiam si talis Simonia sit pure conventionalis, & nullatenus realis. Eodem modo pœnz lætæ contra Simoniam confidentialem, (nempe excommunicatio, nullitas collationis beneficii, inhabilitas ad alia acquirenda &c.) incurruntur, etiam si Simonia sit tantum conventionalis, non realis: At pœnz lætæ contra Simoniam realem non incurruntur, nisi ob Simoniam realem utrinque completam, ut docet Less. d. 27. contra Cajet. si enim solum sit tradita res spiritualis, sed pretium non sit solum, aut vice versa, Simonia non est completa, & ideo pœnz non incurruntur; quia pœnz sunt restraints, & solum cadunt in actum completum; nisi lex aliud exprimat. His præmissis

Certum est, omne pactum in rebus spiritualibus esse irritum, & nullius momenti, atque adeo neutrum ex contrahentibus obligare, ut habetur c. singl. de pactis. Certum etiam est ex communi Axiomate, illud, quod in temporibus est usura, in spiritualibus esse simoniam: damnantur proinde ab Innoc. XI. illæ propositiones, quod scilicet possit circa Simoniam dari temporale pro spirituali, non tanquam pretium, sed tanquam gratuita compensatio, vel tanquam motivum conferendi, vel efficiendi spirituale, si hoc in pactum, saltem implicitum, deducatur; adeo ut temporale sit motivum intrinsecum conferendi spirituale, non vero si sit motivum duntaxat extrinsecum: propterea qui intervertit Episcopo intendens quod famulum sit ratio intrinseca,

seca, cur sibi detur beneficium, Simoniacæ interfuit: contra vero si interfuit intendens, quod idoneitas sit ratio intrinseca, cur detur beneficium, & famularius solum excitet memoriam suæ idoneitatis; eo modo, quo metus gehennæ est solum motivum extrinsecum ad actum contritionis, certe simoniam non committit.

II. Difficultas est 1. quomodo possit in pactum deduci citra Simoniam stipendium Missæ? Ad quod communius cum Lugo n. 13. Resp. ideo posse in pactum deduci, adeo ut ex iustitia debeatur, quia datur in sustentationem naturaliter debitam Sacerdoti; sicut cura Simonia possunt in pactum deduci, adeo ut ex iustitia debeantur, quæ sunt ad sacrificium necessaria, puta candelæ, vinum, paramenta Sacerdotalia &c. propterea sicut Pictor dicitur græcis pingere, quamvis dentur illi colores, & alii sumptus necessarij, nec non cibus, quo sustentetur; ita gratis celebrat Sacerdos, cui dantur candelæ, & alia ad sacrificium necessaria, inter quæ est Sacerdotis sustentatio. Ratio a priori est, quia tunc committitur Simonia, quando pro re spirituali accipitur aliquod temporale indebitum, sustentatio autem jure naturæ est debita; cum dicatur Matth. 10. *Dignus est operarius cibus suus.* & Rom. 15. *Qui altari servit, de altari vivere debet.* Quod est verum, etiam si Sacerdos aliunde habeat, unde valeat sustentari, ut docent communiter contra Azor. 3. p. l. 12. c. 3.

Neque dicas non deberi ex iustitia integram sustentationem Sacerdoti, quippe qui in celebranda Missa non occupatur nisi brevissimo tempore, sicut non debetur integra sustentatio Pictori, si tantum per semihoram pingat. Nam sustentatio Sacerdotis a consuetudine taxata non est totalis, sed partialis, habito tamen respectu non ad solum tempus, quod infumit in celebrando, sed ad alias circumstantias onerosas, videlicet recitandi horas, abstinentiæ a negotiationibus, venationibus, ludis, a cibo ante horam Missæ, gestandi habitum decentem &c. Hinc communiter docent apud Suar. c. 46. posse sustentationem Sacerdotis in pactum deduci, quia quilibet in pactum deducere potest quicquid sibi debetur jure naturæ, non enim petit indebitum; cum quo bene fiat, quod Sacerdos gratis celebret; idem enim Christus Dominus, qui dixit, *Gratis habuisti, gratis date*, pariter dixit: *Dignus est operarius cibus suo.* & 1. Cor. 9. dicitur: *Si nos vobis spiritualia seminavimus, magnum est, si carnalia vestra metamus;* quæ scilicet ad su-

sistentationem sunt necessaria.

III. Difficultas est 2. An possit quis citra Simoniam donare, vel promittere liberaliter temporale, sub conditione quod ponatur spirituale, v. gr. promittere libertatem mancipio sub conditione quod baptizetur? Ratio difficultatis est, quia hujusmodi donatio videtur implicita vedtio; aliter posset quis citra Simoniam promittere liberaliter 100. Episcopo sub conditione, quod conferat sibi ordines sacros, absolutionem a censuris, a reservatis, &c. quod nemo dixerit. Laym. putat, in hujusmodi donatione conditionata haberi Simoniam, quando opus spirituale cedit in bonum donantis, ut si quis det 100. ut sibi baptismus conferatur, non vero quando opus spirituale cedit in bonum donatarii, ut si quis det 100. mancipio, sub conditione quod baptizetur: Suar. tamen t. 1. de Rel. tr. 1. l. 4. c. 17. hanc doctrinam impugnat; quia si hujusmodi commutatio temporalis cum spirituali secundum se non est mala, unde potest ordinari ad bonum spirituale donatarii, a fortiori potest ordinari in bonum spirituale proprium, quia unicuique concessum est magis proprium bonum spirituale querere, quam alienum; unde si licet dare 100. mancipio sub conditione quod baptizetur, a fortiori videtur licere dare 100. Sacerdoti sub conditione quod te baptizet, absolvat, &c. etiam si id non fiat ad redimendam vexationem. Et ratio a priori est, quia donatio conditionata temporalis nullum imponit onus, sed solum allicit voluntatem ad ponendum opus spirituale; sic e. gr. Reo mortis non debetur Vita; si tamen ei vita concedatur a Judice sub conditione, quod fiat Christianus, vel Religiosus, quia nullum onus imponitur, sed confertur beneficium, quod possit mortem declinare, amplectendo baptismum, vel Religionem; idcirco in hoc non habetur Simonia, ut constat ex praxi, quam damnare, inquit Suar., esset insolentissimum: Hoc idem dicendum, quando opus spirituale cedit in bonum ipsius donantis: ergo si cedat in bonum donatarii, siue donantis, non habetur Simonia.

Verum idem Suar., & alii communius docent, quod quamvis speculative loquendo, hujusmodi donatio conditionata non sit Simoniacæ, etiam si bonum spirituale cedat in bonum donantis, moraliter tamen loquendo, & prædictæ est suspecta, & periculosa; quoniam præsumitur dari temporale potius in commutationem, & animo obligandi ad conferendum spirituale; & ideo in foro exte-

no punitur ut Simoniaci. Ubi obiter notandum, tam in materia usurarum, quam Simoniaci plurimas opiniones esse tantum speculative probabiles, non practice; quia fere nunquam in praxi adsunt ex circumstantiis, ratione quarum sententia dicitur probabilis. Sic v.g., ut notat Less. d. 20. ex Suar. & Navar., dare munera Episcopo ad conciliandam amicitiam, ut deinde tui memor det in gratitudine spirituale, puta beneficium, vel ordines sacros, sine ullo previo pacto, ne implicito quidem, speculative non est Simonia, at in praxi periculosa plenum opus est Alex.

IV. Difficultas denique potissima est, Num venditio rei spiritualis sit solum contra virtutem Religionis per hoc, quod res sacra vilipendatur, aequiparando illam pretio temporali? An sit etiam contra virtutem Justitiae, unde pretium acceptum ob rem sacram restituendum sit? In qua controversia certum est 1. esse contra Justitiam vendere rem spiritualem ex Justitia debitam, ut si Parochus, qui ratione stipendii tenetur ex Justitia ministrare sacramenta, venderet horum administrationem. Certum est secundo, non esse contra Justitiam jure naturae, vendere rem sacram ratione commodi temporalis, quod secum affert, & quo re privas in gratiam emptoris; v.g. si vendas sacra lipsana, quorum expositio magnum lucrum committit; sicuti, ut notat Suar. c. 4. non constituitur injustitia a mutuant; si aliquid accipiat non ratione mutui, sed ratione lucri cessantis.

Quare superest difficultas, an sit contra Justitiam vendere ratione sui rem Sacram non debitam ex Justitia? v. gr. si vendatur absolutio a reservatis, aut reliquae nullo commodum temporale afferentes. Et ratio dubitandi est, quia licet res sacra jure naturali, & divino sit invendibilis; hujusmodi tamen prohibitio videtur esse solum in favorem, & reverentiam rei sacrae, non in utilitatem recipientis rem sacram: eo modo, quo ab Ecclesia prohibetur venditio beneficiorum solum ex motivo Religionis, non Justitiae: sic etiam prohibetur extrahere Reum ab Ecclesia, non quidem in favorem delinquentis, aut ex motivo Justitiae, sed in favorem loci sacri, & ex motivo Religionis; unde qui Reum ab Ecclesia extraheret, esset sacrilegus, non iniustus; nec teneretur ad restitutionem. Ita discurrunt Vasquez, Sanch. & Alii apud Turrian. in Censura Theologica cens. 4. docentes, Simoniam non obligare ad restitutionem jure natura-

li, sed solum jure Ecclesiastico.

Dicendum tamen cum Communiori apud Less. de Simon. n. 162. quamlibet venditionem rei sacrae, quae sacrae, esse invalidam, & injustam, non secus ac si vendatur res aliena; ac proinde pretium Simoniacae acceptum jure naturae restituendum esse.

Prob. Si Dominus mandet oeconomus, ut aliquid gratis distribuatur, & ille pro tali distributione accipiat pretium, peccat contra Justitiam, & ad restitutionem tenetur; sed Deus praecipit res sacras gratis conferri, cum dicatur Matth. 10. *Gratis habuistis, gratis date*, ergo pretium Simoniacum injuste accipitur, & restituendum est, non quidem danti, qui pretii illius dominium a se abiecit, sed pauperibus, ut communis apud Sanch. in opuscul. d. 4. contra Cajet. & Navar. Hinc, quia jure divino etiam beneficia Ecclesiastica gratis conferenda sunt, ideo contra Justitiam accipitur pretium ob collationem beneficiorum, quamvis beneficium secum afferat emolumentum temporale. unde damnatur propositio 22. ab Alexandro VII. dicens: *Non est contra Justitiam beneficium Ecclesiasticum conferre gratis, quia collator non exigit pecuniam pro collatione beneficiorum, sed voluit pro emolumento temporali, quod sibi conferre non tenebatur.*

Confir. Ut venditio sit valida & iusta res, quae venditur, debet esse intra aliquod pretium; Cum de ratione venditionis sit, quod res vendatur pretio iusto; atqui res spiritualis est extra omne pretium, ergo illius venditio est invalida, & injusta, trahens onus restitutionis.

V. Obijc. ex Navar. lib. 2. de Rest. c. 2. Quamvis res spiritualis sit extra omne pretium, non est tamen infra omne pretium; (sicut est v. gr. res futura, quae idcirco non potest a iure vendi) sed est supra omne pretium; ergo non sit iniuria venditori, si res sacra vendatur; cum detur illi res, quae excedit valorem pretii, quod solvitur; ergo jure naturae pretium Simoniacum non est restituendum.

Confir. exemplo famae, quae est supra pecuniam; & tamen famae detractio compensari potest pecunia juxta estimationem Prudentum, ut fert opinio probabilissima; ergo ut prius.

Resp. Si Argum. concluderet, evinceret, quod ob guttam Aquae benedictae recipi possent sine iniuria mille aurei, quia ratione benedictionis ea aqua est supra omne pretium, atque adeo supra 1000. Aureos, qui

qui solvuntur; quod tamen nemo admittit; & quilibet damnaret venditorem ad restitutionem; quare nego utramque consequentiam.

Ad Confr. Plures cum Laym. lib. 3. tr. 3. c. 7. docent. Non potentem restituere famam non teneri ex iustitia commutativa ad solvendam pecuniam, quia fama non est inter res pecunia venales: quamvis posset illum iudex ex iustitia vindictiva damnare ad solvendam pecuniam, sicut ad aliam penam, puta Carceris, &c. Denique, transmissio antecedente, nego consequ. disparitas est, quia pecunia, & fama sunt quidem diversi ordinis, sed intra latitudinem rei temporalis; æstimatio autem rerum temporalium, & finito modo inter se comparabili potest ab arbitrio hominum dependere; & consequenter una cum alia compensari; At res sacra est in ordine supernaturali, cuius æstimatio sicut incomparabiliter excedit quicquid est temporale, ita non pendet ab arbitrio hominum; Unde neque possunt homines spiritualia temporalibus compensare.

VI. Sex tamen a DD. assignantur tituli, quibus excusari possit a labe Simoniz, atque adeo ab onere restitutionis, qui accipit temporale occasione spiritualis. Primus est Titulus *Debiti sustentationis*, vi cuius excusantur non solum qui recipiunt iuxta consuetudinem Ecclesie stipendium pro Missis, sed etiam pro concionibus, pro audiendis Confessionibus, pro canendis Responsoriis, &c. Secundo excusat Titulus *Laboris extrinseci*; unde Suar. & Filliuc. excusant, qui aliquid ultra solum stipendium Missæ accipiunt pro obligatione celebrandi tali hora, vel pro longo itinere; Lessic. etiam Valenz. Lugo disp. 21. contra Suar. excusant, qui aliquid exigit pro cantu in Missa, & divinis officiis, quia censetur labor extrinsecus. Tertius Titulus est *Privatio libertatis* ad alia opera exercenda, & privatio emolumentis, quod ex iis haberi posset, sicut in mutuo accipi potest lucrum cessans, & damnum emergens; quia hæc sunt pretio æstimabilia. Hinc potest pretium debitum accipere, qui ut tibi beneficium procuraret; peragit iter, scribit; & privat se aliis occupationibus frugiferis. Quartus est *Consuetudo* adversus Simoniam pure Ecclesiasticam, non tamen adversus naturalem. Quintus est titulus *Libertatis*, vel *gratitudinis*: Sic excusantur Religiosi, qui promittunt orare pro iis, a quibus elemosynas accipiunt: Non enim censetur dari elemosyna in pretium

orationis, quæ postulatur, sed gratis datur, quamvis qui dat, velit, ut ex ea Religiosus moveatur ad preces fundendas, & ad id se obligandum; Nisi forte verius dectur titulo sustentationis, ut datur stipendium Missæ. Sextus est *Redemptio vexationis iniuste*: Sic excusatur, qui pecuniam dat ad vitandas minas, & vim injustam, ne ad beneficium concurrat.

VII. Utrum autem possit Simoniz culpa esse venialis ex parvitate materie, sicut est venialis fractio voti de recitando Pater, & Ave, quamvis pariter fit contra Religionem? Negant Suar. c. 3. Sanch. lib. 1. c. 4. quod tamen videtur durum. Bordonio l. 8. q. 7. Bonac. Mol. & Aliis.

Dicendum propterea primo, cum Suar. Laym. & aliis communiter malitiam Simoniz Juris naturalis venialem esse non posse ex parvitate pretii.

Prob. Malitia isthæc consistit in irreverentia erga rem Sacram, quæ pretio temporali comparatur; atqui irreverentia hæc eo est major, quo minus est pretium, quod pro re sacra accipitur; ergo ex parvitate pretii potius crescit, quam decrescat malitia Simoniz. Hinc in C. *Tua* de Sim. Clericis, qui sex tantum solidos dederat Archidiacono, ut illum præstaret Episcopo ad ordines, gravibus poenis punitur; nimirum ut ab officio susceperit Sacerdotii abstinere, & in Religionem aliquam ingrediatur: in foro tamen externo parvitas pretii, ut notat Sanch. dub. 3. præsumitur gratis dari, nisi aliud constet. Quænam autem sit quantitas levis, quæ in foro externo præsumatur dari liberaliter, decidendum est iudicio Prudentum, attentis circumstantiis dantis, & recipientis. Universim illa dicitur quantitas levis, quæ attentis omnibus circumstantiis non reputatur posse allicere accipientem ad dandum obillem spirituale, ut notat Navar. ex cap. *Epsi* de Sum. Ubi ex qualitate donatus, & recipientis resolvitur, posse non esse magnam Equi donationem.

VIII. Dicendum 2. malitiam Simoniz Juris naturalis nec posse esse venialem ex parvitate rei spiritualis, puta si vendatur græta aquæ benedictæ.

Probatur Conclusio a Sanch. l. 1. c. 7. & aliis, quia tunc culpa non fit venialis ex parvitate materie, quando integra irreverentia, & offensio ratio reperitur in materia parva; irreverentia autem, quæ committitur in Simonia, consistit in æstimando re spirituali pretio temporali, & hæc irre-

reverentia reperitur in qualibet materia spiritali minima; ergo malitia Simonie non potest esse venialis ex parvitate rei spiritualis; sicut nec malitia infidelitatis, perjurii, &c. Hic tamen discursus impugnatur; quia quando dicitur irreverentia ratio reperiri in parva materia spiritali, quæ venditur simoniae, vel est sermo de integritate essentiali, vel de extensiva: Si de essentiali, verum quidem est, tam reperiri in minima re spiritali, eo tamen pacto, quo integra essentialis ratio injustitiae reperitur in futo re minimæ; quod tamen non est nisi veniale: Si vero de extensiva, negant adversarii, integram rationem irreverentiae extensivam reperiri in re parva spiritali. Hinc Palasus. 1. tr. 2. disp. 2. p. 7. putat ex communi sensu Ecclesie, & fidelium fundato in ipsi naturis rerum desumendum esse, in quibusdam transgressionibus culpa possit esse venialis ex parvitate materie: Aliqua enim de se sunt inordinata, adeo ut in qualibet materia repentur gravissima, ut idololatria, infidelitas, perjurium, desperatio, delectatio venerea deliberata quæ sita, Jejunium naturale ante sumpptionem Eucharistiae, irritatio Sacramentorum, odium, & contemptus Dei, & similia, quæ in quacunque minima materia non variant iudicium Prudentem de gravi inordinatione, & oppositione ad virtutem. Alia vero non semper æqualem habent deordinationem, ut furtum, quod si fiat in magna, vel parva quantitate, variat iudicium prudentem: Alia demum ita levia sunt, ut solum per accidens possint esse gravia, ut verbum otiosum, scurrilitas, &c.

Regula itaque habenda, quæ conclusio probetur, hæc est: Tunc materie parvitas non excusat a culpa gravi, quando malitia concipitur gravis, præcendendo a quacunque materia, in qua exerceatur; v. gr. dicere Deum esse mendacem, est malitia, quæ concipitur gravis, nulla intellecta materia, in qua dicatur Deus esse mendax: Contra vero inferre damnum alteri v. gr. non dicit gravitatem malitiæ, nisi intelligatur materie gravis, in qua damnum irrogatur; atqui malitia irreverentia contra rem sacram, quæ venditur, concipitur gravis, nulla intellecta materia in particulari, in qua exerceatur; ergo in materia Simonie non datur parvitas, materie excusans a mortali. Prob. min. quia qualibet res sacra est incomparabiliter major quolibet pretio temporali; gravis autem irreverentia est a summare pretio temporali rebus sa-

eram incomparabiliter majorem.

IX. Dicendum ult. Possit esse veniale ex materie parvitate malitiam Simonie juris Ecclesiastici; v. g. Siquid parvum detur pro consequendo officio æconomi, vel Sacristæ alicujus Ecclesie, quod ex prohibitione Pontificis emi non potest, intuitu Religionis, quantum sit officium temporale. Ratio est, quia in hoc casu non datur pretium pro re spiritali, sed pro re temporali, quandoquidem hæc officia temporalia sunt; ergo non militat ratio adducta pro antecedentibus Conclusionibus de irreverentia erga rem sacram, & de estimatione rei spiritualis pretio temporali; atque adeo juxta Regulam generalem potest peccatum esse veniale ex parvitate materie; Idem dicas, si Examinatores Synodales gratis aliquid parvum accipiant ante, vel post, occasione examinis ad concursum Parochialem.

X. Dubium non leve est, An Simonia juris Ecclesiastici sit vera Simonia, ejusdem speciei, ac Simonia juris naturalis, trahens eodem modo onus restitutionis, & alias poenas contra Simoniam latas? Negant nonnulli apud Dian. p. 4. tr. 4. resol. 155. cum Less. Sanch. dub. 108. Juxta quam sententiam, Pecunia data Intercessori ad obtinendum beneficium non est restituenda, nec reddit irritam beneficii collationem; quia hujusmodi Simonia jure tantum Ecclesiastico prohibetur, ut notat idem Sanch. dub. 20. & eodem modo, si duo Electores conveniant, dicendo, Eligeme in Provinciale, & ego eligo te in Guardianum; Peccatum quidem mortale est, sed non incidunt in excommunicationem, neque privantur officiis sic recepti, ut notat idem Dian. p. 11. tr. 6. ref. 30.

XI. Dicendum tamen 2. cum communiori apud eundem Sanch. & Dianam, Simoniam juris Ecclesiastici esse vere, & proprie Simoniam ejusdem speciei cum Simonia juris naturalis, nec opponi solum virtuti obedientie, ut putat Duran., sed etiam virtuti Religionis.

Prob. Universim lex positiva præcipiens aliquem actum indifferenter, ex motivo alicujus virtutis, reddit illum materialiter talis virtutis; ergo lex Ecclesiastica præcipiens aliquid ex motivo Religionis, seu ob reverentiam rebus sacris, & spiritualibus conservandam, reddit illud materiam virtutis Religionis; ergo Simonia juris Ecclesiastici est etiam contra virtutem Religionis; atque adeo ejusdem speciei cum Simonia juris naturalis. Antecedens patet: Nam v. g. quæ

excr-

exercet meretum in loco sacro, & qui frangit jejunium naturale ante fumptionem Eucharistie, ideo committit sacrilegium, quia hæc prohibentur intuitu Religionis. Sic incestum committit, qui peccat cum consanguinea in quarto gradu, non vero qui in quinto; quia Ecclesia solum usque ad quartum gradum prohibet matrimonium inter consanguineos ex motivo honestatis, & obsequantæ debite inter sanguine conjunctos.

Dices cum Laym. quamvis Ecclesia prohibeat aliquem contractum ob periculum usuræ, non proinde est usurarius & injustus hujusmodi contractus, si revera cesset lucrum ex mutuo, sed solum est contra obedientiam; ergo quamvis Ecclesia prohibeat v.g. donationes gratuitas occasione examinis ad beneficia, intuitu Religionis, non per hoc hujusmodi donatio erit Simoniacæ, si non sit emptio rei sacræ.

Resp. ex Suar. c. 7. Ad Simoniam non requiritur emptio rigorose dictam, sed sufficere quodvis pactum injuriosum rei sacræ: atqui non solum emptio beneficii, sed etiam donationes illæ prohibentur ab Ecclesia, ob reverentiam rei sacræ, sunt eidem rei sacræ injuriosæ; ergo etiam hujusmodi donationes sunt Simoniacæ: contra vero quia usura solum habetur ex lucro vi mutui, quodvis hujusmodi lucrum cessat, non habetur usura.

XII. Dicendum 2. Simoniam Juris Ecclesiastici trahere onus restitutionis, & subiacere aliis penis contra Simoniam latis. Ita communis apud Dian. & Sanch. locis citatis, qui propterea docent cum Bonac., Filuc., Excommunicationem incurrere, & collationem esse invalidam, si quis renunciet beneficii reservatæ pensioni; vel si quid oblatum sit mediatori pro intercessione ad beneficium obtinendum: Immo si ab aliis, te ignorante, Simonia sit commissæ, ut tibi beneficium conferatur, adhuc beneficii collatio est nulla, ut notat Less. c. 35. n. 143.

Prob. Eiusdem speciei est Simonia juris naturalis, & Ecclesiastici, ut ostendimus; ergo ob utramque Simoniam incurruntur opera, & penæ latæ contra Simoniacos.

Consuet. ex Sanch. quæ Urbanus II. in Cap. *Presertim*, causa 1. q. 5. damnat ut Simoniacum, qui dedit pecuniam alicui, ut ab Episcopo obtineret ordines sacros. Ratio a priori est, quia qui pecunia data parat sibi viam ad spirituale, non dicitur obtinere spirituale gratis, sed pretio; Sic Simon Magus Simoniam commisit, præ-

cise quia pretio volebat parare sibi viam ad spirituale; ergo hujusmodi pretium Simoniacæ acceptum restituendum est, & penæ contra Simoniam latæ incurruntur etiam ob Simoniam juris Ecclesiastici.

XIII. Dubitatur tamen demum, An sit Simonia, offerre pecuniam etiam intercessori mediato ad obtinendum beneficium, vel ordines sacros? Gabr. Vasq., & alii apud Dian. p. 4. tr. 4. ref. 151. putant probabiliter non esse Simoniam, quia non paratur via ad beneficium pecunia immediata, & proxime, sed remote; atque adeo non censetur emi res sacra, sed mera intercessio, quæ est aliquid temporale. Communius tamen docent Simoniam committi, & sententiam oppositam non esse consulendam, quia sive offeratur pecunia pro intercessione immediata, sive pro mediata, semper pecunia paratur via ad rem sacram, in quo consistit malicia Simonie.

QUESTIO V.

Ex quamam culpa oriatur obligatio restituendi?

I. Suppono 1. ex Lugo d. 8. n. 25. duplicem dari radicem, seu causam restituendi: Alteram ex *injusta acceptatione*, hoc est ex culpa contra iustitiam; propterea nomine *injustæ acceptationis* venit etiam damnificatio, & detentio rei alienæ injusta, nec non impedimentum iniuste appositum, ne quis bonum aliquid assequatur; Alteram *ex re accepta*, seu ex eo, quod citra culpam res aliena detineatur. Alii cum Bon. q. 1. p. 3. addunt tertiam radicem, nimirum *ex contractu*: Hæc tamen vel reducitur ad primam, si debeatur aliquid ex contractu injusto, puta usurario, vel ad secundam, si debeatur aliquid ex contractu iusto, puta venditionis. Alii apud Tamb. l. 8. tr. 3. c. 4. addunt quartam radicem *ex injusta damnificatione*, quæ pariter ad primam reducitur, si nomen illud *injusta acceptationis* late sumatur.

II. Difficultas est 1. Ad utram ex his radicibus reducatur obligatio restituendi famam, quando quis inadvertenter aliquem infamavit? Lessius hujusmodi obligationem ad secundam radicem reducit, quia Infamator hic citra culpam detinet alienam famam, dum in aliorum mentibus pravam opinionem inculpabiliter ingentiam relinquit; Sed Lugo disp. 15. verius reducit ad primam, quia

quia quamvis non peccarit contra iustitiam infamando, contra iustitiam tamen peccat, si advertendo ad damnum inculpabiliter illatum non statim illud refarcit: Sic qui inculpabiliter domum, aut segetes alienas incendit, teneatur non solum ex charitate, ut nonnulli putant, sed etiam ex iustitia impedire pro viribus, ne incendium ulterius progrediatur, quod si non impediatur, teneatur ad restitutionem ex prima radice injuste acceptionis.

III. Dubitatur 2. Ad utram radicem redatur obligatio reparandi damnum illatum sine propria culpa ab animalibus propriis, aut a servo, vel filio? Etenim in lege *Si Servus, si de Noxalib. alium*, præcipitur, quod si servus, vel animal, abque culpa domini, damnum inferat, teneatur dominus vel damnum refarcire, vel animal, aut servum tradere. Equidem cenfeo cum Espæze. Huiusmodi obligationem ad primam radicem reduci; quia præsumunt leges, quod ex culpabili negligentia domini damnum illud causatum sit ab animalibus, aut a servo: Quamvis autem aliquando non præcesserit culpa, ac proinde ante sententiam Iudicis nihil tunc in conscientia restituatur debeat; merito tamen leges in bonum commune obligant ad huiusmodi damnum compensandum, ut cautius a Dominis animalia, & servi custodiantur. Ubi notandum cum Lessi. c. 9. d. 17. & Tamb. l. 6. c. 4. Leges huiusmodi dispositivas obligare in conscientia post sententiam Iudicis, quippe quæ latæ sunt in bonum publicum: contra vero, sententiam Iudicis præsumptivam in conscientia non obligare; propterea si præsumat Iudex damnum illatum esse a tuo animali, quod revera non est illatum, & condemnet te ad compensationem, in conscientia ad id non teneris, nisi ad scandalum vitandum; unde poteris occulte tibi compensare quod ad obediendum Iudici solvisi.

IV. Suppono 2. Inter has duas restitutionis radices multiplex discrimen intercedere; primo quidem quia obligatio restituendi ex prima radice supponente culpam injustitiam non cessat, nisi posita restitutione: Contra vero obligatio restituendi ex secunda radice cessare potest, quin quidquam restituatur: Nam si res accepta inculpabiliter apud te pereat, nihil teneris pro ea restituere. Secundo quia obligatus ex prima radice teneatur ad restituendum etiam cum proprio detrimento: secus vero ex secunda radice: Et ratio utriusque est, quia in primo casu Dominus nullum debet subire da-

mnium ex injusta tua damnificatione, in secundo casu nullum debes tu subire damnum, posito quod non peccaveris contra iustitiam. Hinc fit, quod obligatus ex prima radice teneatur restituere rem expensis propriis; obligatus vero ex secunda, satis fit, quod Dominum moneatur, ut rem suam recuperet expensis suis. Tertio obligatus ex prima radice non solum debet restituere quod injuste abstulit, sed etiam damnum, quod passus est Dominus ob eam injustam acceptionem; nec non lucrum, quod inde illi cessavit; quod alii sub aliis verbis dicunt, restituere debet omne Interesse tam ordinarium, quam extraordinarium. Contra vero qui debet restituere ex secunda radice, præter rem alienam, restituere solum debet id, in quo factus est ditior ex re accepta. Ratio utriusque est eadem, quia qui obligatur ad restituendum ex prima radice, debet servare indemnem dominum, qui est innocens, non se, qui est reus; Contra vero qui obligatur ex secunda radice, debet servare se indemnem, cum ipse sit innocens. Hinc fructus rei naturales restituere debet, si ex iis factus sit ditior; v. gr. Pullum equæ non suæ, fructus arboris non suæ; Nam sicut res domino perit, ita res domino fructificat; fructus vero mixtos ex naturalibus, & industrialibus restituere pariter debet, v. gr. Segetem ex alieno agro ortam, demptis tamen expensis, & dempta æstimatione proprii laboris: fructus tamen mere industriales, ut sunt fructus permanentes ex negotiatione pecuniæ alienæ, ne ab ipso quidem fure restitui debent; quia isti non sunt fructus rei, sed fructus propriæ industriæ. Notandum tamen, quod Possessor bonæ fidei fructus naturales, & mixtos, quos bona fide percepit, etiam si ex iis factus sit ditior, non debeat amplius restituere post triennium, quia ex lege Usucapionis sunt proprii ipsius, dummodo habeatur titulus præsumptus; aliter requiritur spatium triginta annorum ad præscribendum, ut notat Lessi. l. 1. c. 6. dub. 7.

V. Suppono 3. ex eodem Lugo n. 26. Culpam mere internam nunquam parere onus restitutionis, eo quod non inferat damnum, nisi transeat in externam: Culpa autem externa peccaminosa contra iustitiam (quæ sola parit onus restituendi) alia dicitur Theologica, alia Juridica. Theologica est, quæ cadit sub considerationem theologicam, utpote contra Deum; Juridica vero, quæ cadit sub considerationem Juristarum respectu duntaxat fori externi. Theologi-

logica dividitur in mortalem, & venialem: venialis vero subdividitur in venialem ex parvitate materiae, & venialem ex imperfecta advertentia, seu ex semiplena deliberatione. Juridica, seu civilis est triplex, Lata, Levis, Levissima: Culpa lata importat omissionem diligentiae, quam communiter adhibere solent homines prudentes ejusdem professionis, v. g. si librum commodatum reliquit ante ostium cubiculi, ut proinde sublatu sit: Culpa levis fert omissionem diligentiae, quam adhibere solent diligentiores, ut si librum commodatum relinquant in cubiculo aperto: Culpa levissima fert omissionem diligentiae, quam adhibere solent diligentissimi; ut si rem commodatam conserves in Arca, & illam claudis, sed non tentas manu, an sit bene obsecrata. Rursus culpa lata juridica subdividitur in latiore, & latissimam: latissima est apertus dolus, ut si quis aliquid agat, vel omittat eo animo, ut sequatur damnum, quod praevideat sequiturum; si tamen damnum praevideat, sed non intendit, dicitur culpa latior, & dolus praesumptus.

Ubi notandum cum eodem Lugo, Culpa, quae in aliqua occasione est levis, posse esse in alia gravem, nam v. gr. major diligentia adhibenda est in conservando thesauro, vel vita hominis, quam in conservando hædo, vel brachio; major diligentia adhibenda in conservanda re commodata, quæ tibi adest utilitatem, quam in conservando depositum, quod tibi adest onus: unde omissionis diligentiae, quæ in primis casibus est gravis, in secundis est levis. His praemissis

VI. Dico 1. Non datur obligatio restituendi sub gravi pro foro interno, ex titulo injustæ acceptionis ob solam culpam juridicam ante sententiam judicis, nisi etiam praescribitur culpa gravis theologica, seu peccatum contra justitiam commutativam. ita ex Lugo disp. 8. n. 54. Less. Mol. contra quamplures apud Merol.

Prob. Obligatio restituendi ex prima radice injustæ acceptionis oritur unice ex delicto contra justitiam, ergo ubi in conscientia nullum hujusmodi delictum patratum est, non datur onus restituendi. Et ratio ulterior est, quia cum impossibile sit vitare damnum alterius inculpabiliter, non debet laesus esse rationabiliter invitatus de tali læsione inculpabili; quandoquidem sicut illam nunc patitur, ita potest etiam alteri deinde inferre. Verum quidem est, quod ubi intercedit culpa juridica lata, raro adest

culpa etiam theologica; si tamen abesse, adest pariter onus restituendi. Hic, ut notat Lugo, si quis v. gr. dum ludit pilâ, impingit in brachium Tonforis, qui alium novacula feriat, examinandum, iudicantem sit culpa, an tonforis, qui ibi se exposuit? & pro foro externo ille puniendus; pro foro tamen interno tenetur damna compensare solum, qui graviter peccavit exponendo se huic discrimini.

VII. Dico 2. Culpa contra justitiam levis ex parvitate materiae inducit onus restitutionis sub levi. Ita communiter apud Sanchez. l. 2. c. 23.

Prob. Nisi restituatur materia illa parva, retineatur domino invito; ergo datur obligatio restituendi; quia tamen res est levis, ideo tantum sub levi datur hujusmodi obligatio.

VIII. Dico ultimo. Culpa contra justitiam theologica levis ex semiplena advertentia, ac deliberatione nunquam parit obligationem restituendi sub gravi, & probabiliter nec sub levi.

Prob. 1. pars, quia Culpa venialis non est simpliciter delictum, aut injuria, eo quod non possit facile declinari; ergo non debet parere onus restituendi sub gravi. Prob. etiam secunda pars, quod scilicet neque sub levi; quia onus restituendi materiam gravem superaret demeritum delicti levis.

Confirm. Neque promissio facta homini, nec votum, aut juramentum, nec praeceptum superioris, nec contractus inducunt ullam obligationem, ne sub levi quidem, si procedant ex imperfecta deliberatione, seu advertentia; ergo neque peccatum veniale contra justitiam parit ullam obligationem restituendi; etenim ea obligatio neque potest esse gravis, neque levis: Non gravis, quia cum consequatur ad culpam per modum poenæ, imponeretur poena gravis ob culpam levem; nec potest esse levis, quia onus restituendi materiam gravem est onus grave, atque adeo supra demeritum culpæ levis. Et sane videtur incredibile, quod quis teneatur ad restituendum centies mille aureos ob peccatum levissimum, quod semidormiens commisit.

Hinc sequitur r. Non teneri ad restitutionem, qui per negligentiam venialem laceret proximi domum, vel segetem comburi. Secundo Famulum, qui ob similem negligentiam non clausit ostium domus, unde Fures res domini expilarunt. Tertio custodes vineæ, nemoris, veticularum, qui

ob levem culpam non custodiunt res sibi demandatas. Quarto qui subita ira permotus absque gravi culpa committit homicidium.

IX. Objic. 1. ex Vasq. contra ultimam conclusionem: Quoties multi absque conspiratione modicum quid ab eodem furantur, peccatum singulorum est veniale; (v. g. si transientes per vineam, singuli botrum vinee comedant, & vineam depopulentur) si tamen advertant quod damnum ab omnibus illatum sit grave, quilibet sub mortali teneretur restituere furtulum suum; ergo ex injusta acceptione veniali potest oriri gravis obligatio restituendi. Antecedens prob. alter damnum illud grave reparari non potest; & propterea imponi potest excommunicatio non restituens ea furtula, ut communiter docent apud Dian. p. 3. tr. 9. r. 54.

Confirm. Si post multa furtula minuta addatur ultimum, per quod devenitur ad summam gravem, oritur gravis obligatio restituendi, & tamen omnia furtula fuerunt peccatum veniale ratione parvitatatis materię; ergo ex veniali ratione parvitatıs materię potest oriri obligatio restituendi sub gravi; ergo a fortiori potest confirmari obligatio oriri ex veniali ratione imperfectę deliberationis, ut multi docent apud Tamb. l. 8. tr. 3. c. 2. §. 5.

Resp. 1. Nego antec. communius enim DD. docent cum Sua. Molin. Bonac. Filliuc. apud Lugo disp. 16. n. 54. contra Less. c. 12. d. 8. Sotum, Salas, quod in eo casu cuamvis non habeatur conspiratio, adhuc a singulis peccetur mortaliter ex hoc, quod advertant ad notabile damnum eidem causatum a tot furtulis; aliter quilibet exposari posset bonis suis, nemine graviter peccante, aut habente obligationem gravem ad restituendum, quod videtur iniquum. Et sane sicut peccat mortaliter qui furatur a farnaciarioe Accum, qua extreme indiget; (esto hujusmodi mortale non sit inspicie furti, sed in specie damnificationis injustę; unde si lata sit excommunicatio contra furantes, ea in hoc casu non incurreretur, ut docent Navar. & Less. c. 12. d. 6.) ita in casu nostro a singulis modicum furantibus peccatur mortaliter, & ad restitutionem sub mortali tenentur, si advertant ad grave damnum, quod ab omnibus infertur: quod si non advertant, nec peccabunt graviter; nec ad restitutionem tenebuntur sub gravi. Potest tamen ferri excommunicatio contra non restituentes illud modicum, qua

lata, si non restituant, peccabunt graviter, non quidem contra iustitiam, cum materia sit levis, sed contra obedientiam debitam Prælato, qui ob iustas causas potest sub gravi, &que adeo sub interminatione excommunicationis, hujusmodi restitutionem præcipere, utpote necessariam ad finem gravem, ut notat Sanch. & Less. apud Lugo n. 61.

Resp. 2. transmitto antecedens cum Sanch. l. 7. c. 21. n. 22. quod scilicet illi, sine conspiratione modicum furantes, tantum venialiter peccent, etiam si advertant ad furtula aliorum; (ad eum modum, quo venialiter solum peccat, qui furatur materiam levem a Titio, quamvis advertat, quod prius alii alias materias leves furati sint, quę simul unitę integrant materiam gravem) Nego tamen consequentiam, quod scilicet sub mortali ad restitutionem teneantur, antequam feratur excommunicatio contra non restituentes illud modicum; excommunicatione tamen lata, si non restituant, peccabunt graviter, non quidem contra iustitiam, sed contra obedientiam, ut diximus, & ideo excommunicationem incurrerent.

Ad confirm. qui ponit ultimum furtulum, vel advertit ad præcedentia furtula, vel non: si advertit, peccat graviter contra iustitiam, & ideo sub gravi obligatur ad restituendum, quantum satis est, ut non debeat apud se notabilem quantitatem invito domino; quod si non advertat, non peccat graviter, nec obligatur sub gravi ad restitutionem; nisi quando advertit, quod per omnia præcedentia furtula grave damnum intulerit; tunc enim sub gravi teneretur restituere, non quidem ob veniale commissum in singulis furtulis, sed ob injustam retentionem rei alienę notabilis; unde potius teneretur ratione rei acceptę, quam ratione injustę acceptionis.

X. Major difficultas est, si quis consumpserit ea, quę multis furtulis accepit. In quo casu respondet Lugo loc. cit. teneri ad restitutionem sub gravi, non ratione injustę acceptionis, sed ratione contractus impliciti: qui enim furtulum committit, consentit implicitę ad subeundam penam restitutionis; unde quando ad materiam gravem devenitur, teneretur sub gravi ad satisfaciendum huic obligationi sibi imposite per singula furtula; sicuti qui pluries promittit Titio Carolenum, post multas has leves promissiones; teneretur sub gravi ad illas implendas: Erronea autem est sententia dicentium, nunquam dari obligationem sub gravi.

gravi restituendi quodcumque per plurima formula ablatum est, ex Propositione 38. damnata ab Innoc. XI.

XI. Objic. 2. Qui projicit gemmam alienam in mare valentem mille, putans valere 100. tenetur restituere mille, non 100. ergo si putet illam esse vitrum, & valere carolenum, adhuc tenetur sub gravi restituere mille; quamvis venialiter peccarit in ea projicienda: atqui obligatio restituendi mille non potest non esse gravis; ergo dari potest obligatio gravis restituendi orta ex culpa veniali. Prob. prima consequentia, quia sicut in primo casu ignorantia valoris gemmæ non excusat ab obligatione restituendi mille, ita nec in secundo casu.

Resp. nego 1. consequ. ad probationem dico, in secundo casu excusare ab obligatione restituendi mille non quidem ignorantiam valoris gemmæ, sed carentiam injuriæ gravis; quando enim non irogatur injuria gravis, non datur obligatio gravis restituendi; quando vero inferitur injuria gravis, tunc totum damnum illatum restituendum est, quamvis sit ignoratum; qui enim vult A, implicite vult, quicquid consequitur ad A; sicut qui vult suscipere ordines sacros, implicite consentit in votum castitatis annexum, quamvis ignoratum; ergo qui vult inferre injuriam gravem projiciendo gemmam valentem mille, implicite vult restituere integrum valorem gemmæ, quamvis ignoratum.

XII. Ex dictis seq. Medicum v. gr. qui ex culpa veniali occidit ægrotum, non teneri ad restitutionem, sive teneatur illum curare ex charitate, sive ex justitia. Communiter quidem DD. docent, quod medicus, qui ex charitate medetur, non tenetur ad restitutionem, nisi ex culpa juridica lata; contra vero si medetur ex justitia, accipiendo pretium ab ægrotto, teneatur ad restitutionem damni etiam ex culpa juridica levi: hæc tamen communis doctrina non adverfatúr sententiæ nostræ, quia prænotavimus, aliquando eandem omissionem diligentis posse in uno casu esse culpam levem, atque adeo peccatum veniale, in alio culpam latam, atque adeo de se mortale; hinc cum majorem diligentiam teneatur adhibere medicus, qui medetur ex justitia, quam qui ex charitate; sequitur quod peccet mortaliter, & ad restitutionem teneatur, quando medetur ex justitia, si committat culpam juridicam levem, seu si omittat diligentiam illam, quam adhibere soleat diligentiores; contra vero quando

medetur ex charitate, peccet mortaliter, solum si committat culpam juridicam latam. Eadem doctrina recurrit in contractibus; cum enim majorem diligentiam adhibere debeat ad rem conservandam commodatarius, quam depositarius, ideo omisso illius diligentia, quæ in Depositario est culpa venialis, in commodatario est mortalis. unde bene stat, quod multi docent, commodatarius, utpote habentem utilitatem ex re commodata, teneri ad restitutionem ex culpa levi juridica; Depositarius vero, utpote habentem onus ex re deposita, teneri solum ex culpa lata; & ratio est, quia commodatarius etiam ob culpam levem juridicam committit mortale; & consequenter semper verum est, Non oriri gravem obligationem restitutionis, nisi ex peccato mortali contra justitiam.

XIII. Dubitatur hic 1. An ex culpa interna theologia gravi, & externe levi contra justitiam oriatur obligatio gravis restituendi? v. g. Anteneatur ad restitutionem Judex, qui ex odio gravi damnat reum; peccando tamen solum venialiter in adhibenda diligentia, ne injuste damnetur? Idem quaeritur de eo, qui ponit venenum in loco remotissimo a convictis hominum, eo tamen animo, ut si forte inimicus illud sumat, moriatur: & de eo, qui ab Avaro furatur obolum, eo tamen animo, ut forte ex merore amittat pecuniam conficiatur.

Lugo d. 8. n. 74. Aliique putant, Istos ad restitutionem teneri, & irregularitatem incurrere, si homicidium sequatur. Equidem cum Less. c. 9. n. 113. Sanchez, & aliis apud Tamb. l. 1. tr. 3. c. 2. §. 5. censet ad restitutionem non teneri: Ratio est, quia actio mere interna contra justitiam gravis non parit onus restitutionis, ut si quis cupiat occisionem inimici; propterea requiritur actio externa; sed actio externa levis, quæ de se est culpa venialis externa, non parit obligationem restitutionis; ergo actio interne gravis, externe levis non parit onus restituendi. Prob. min. Non datur onus restituendi, nisi quando actio de se est causa damni gravis; (aliter etiam quando quis fortuito alium occidit, teneretur ad restitutionem) sed actio damnisifica externa levis solum per accidens est causa damni gravis; ergo non parit onus restitutionis, quantumcumque conjungatur cum culpa interne gravi. Hinc neque parit irregularitatem, si ex ea homicidium consequatur, quamvis enim potuerit Ecclesia decernere, quod in tali casu incurratur irregularitas.

H 2 cum

cum detur culpa gravis prodiens in actum externum; Dicendum tamen, quod de facto non decreverit, quia nullam penam imponit Ecclesia propter culpam mere internam; nec imponit de facto penam gravem, qualis est irregularitas, propter culpam externam non gravem; Aliiter pena non esset proportionata culpæ, propter quam imponitur. Hinc etiam fit, quod si homicidium esset casus reservatus cum censura, nec reservatio, nec censura incurreretur; quamvis posset superior hunc casum sibi expresse reservare etiam sub censura.

Neque dicas cum Tambur., tale homicidium procedere ab actione externa peccaminosa, libera, & voluntaria; ergo non est, cur non pariat onus restituendi, & irregularitatem. Resp. enim procedere per accidens, non per se; quia talis actio externa non est apta nata parere homicidium; raro enim cum homicidio conjungitur, & ideo non trahit penas homicidii.

XIV. Dubitatur 1. An teneatur ad restitutionem, qui graviter proximum damnificavit cum ignorantia affectata, aut crassa, vel antecedente, aut concomitante?

Dicendum 1. Teneri ad restitutionem, si ve ignorantia fuerit affectata, sive crassa. Dicitur affectata, quam aliquis affectat, & vult habere; v. gr. qui non vult interrogare, Num res aliena, quam projicit, sit gemma, vel vitrum; dicitur vero ignorantia crassa, quam habere solent crassi, & supini, puta qui ex torpore non inquirunt quid agere debeant. Ratio Conclusionis est, quia hujusmodi ignorantia non tollit voluntarium, & peccatum, seu culpam Theologice; ergo qui cum ea ignorantia projicit v. gr. in mare gemmam alienam putans esse vitrum, vel occidit hominem, putans esse feram, tenetur ad restitutionem; quandoquidem hujusmodi ignorantia est culpabiliter volita; atque adeo culpabiliter etiam volitum est in causa damnum, quod ex casu sequitur.

Dicendum 2. Non teneri ad restitutionem, qui damnificat cum ignorantia antecedente: dicitur a Theologis ignorantia antecedente illa ignorantia invincibilis, cum qua ita sit opus malum, ut non fieret, si adverteretur ad ejus malitiam: v. g. si occidatur homo putatus invincibiliter fera, eo tamen animo, ut si sciretur quod sit homo, non occideretur. Ratio Conclusionis est, quia in tali occasione, cum damnificatione nulla intervenit culpa, cum supponatur ignorantia esse invincibilis; propterea compara-

tur occisioni factæ ab amente, vel ebrio, vel dormiente, in qua nulla adest culpa, neque relate ad tollendam ignorantiam, neque relate ad ipsam occisionem; ergo non debet parere onus restituendi.

XV. Dicendum ult. Neque parere onus restitutionis damnificationem factam cum ignorantia concomitante, & inculpabili. Dicitur a Theologis ignorantia concomitans illa ignorantia invincibilis, per quam ita sit opus putatum bonum, ut adhuc fieret, etiam si sciretur esse malum, v. gr. si adhibeatur omnis diligentia, ne inter venandum occidatur homo; & deinde projiciatur sagitta in feram, eo tamen animo, ut etiam si sciretur ibi esse hominem, adhuc sagitta projiceretur. Quare in hoc differt ignorantia antecedens a concomitante, quod licet utraque sit inculpabilis, nihilominus antecedens stat cum nolitione damnificationis; Concomitans vero stat cum volitione damnificationis, non quidem absoluta, sed conditionata. Ratio Conclusionis est, quia hujusmodi occisio nullo modo est voluntaria, neque in se, ut patet, neque in causa, puta in projectione sagittæ, quia projectio sagittæ nullo pacto imperatur a voluntate illa prava conditionata; ergo non parit onus restitutionis; atque adeo nec contrahitur irregularitas.

Confirm. Talis occisio hominis nullo modo imperatur a voluntate absoluta occidendi hominem, quia talis voluntas absoluta non datur; neque oritur a voluntate prava conditionata occidendi hominem, si ibi adesset; quia voluntas mere conditionata nihil ponit absolute, ergo occisio ita orta ex ignorantia concomitante non parit onus restitutionis.

XVI. Dubitatur 3. Quænam sit Regula ad decernendam materiam gravem furti, quæ obliget sub gravi ad restituendum?

Resp. varias a DD. assignari: Illam approbant Lugo, & Espar. ex M^ol. post alias rejectas; videlicet quod labor diurnus hominis mediocriter idonei in aliqua arte mechanica, seu stipendium tali labori debitum sit materia sufficiens ad peccandum graviter contra justitiam; In prædictis vero, & Regibus sit illud, quod nisi graviter prohibeatur, facile possent pati damnum grave, quod Lessi. dicit esse unum aurum, alii duos, vel tres. Equidem illam censo Regulam universaliorem ex Lessi. & Navar., quod sit materia gravis id, quod sufficit ad consuetum, & moderatum victum minus dici cuiuscumque personæ, spectata propria con-

conditione, & facultatibus; unde Navar. c. 17. dicit, aliquando medium Regalem esse materiam gravem respectu pauperum. Ratio doctrinæ est, quia huiusmodi quantitas videtur rationabiliter dissolvere amicitiam inter homines; ergo lædit illos graviter: Sicut Deum graviter offendit, qui ponit opus dissolvens amicitiam cum Deo. Notandum tamen, quod si quis per modicam furtula aliquid ab eodem furetur, major quantitas requiratur ad deveniendum ad materiam gravem; & eo major, quo magis inter se distant ea furtula; quia tunc minus est damnum, quod infertur, sicut major quantitas requiritur, si quis modicum a diversis furetur, vel si a Patre, amicis &c. qui non sunt adeo facile rationabiliter inveni.

XVII. Quæres demum, Utrum possit res furtiva emptæ a fure restitui eidem furi ad recuperandum pretium, an vero debeat restitui domino, etiam si pretium recuperari non possit?

Resp. Mol. disp. 72a. Azor. apud Dicastil. docere, quod restituenda sit domino, quia res clamat ad dominum. Poteris tamen tuum pretium tibi a fure recuperare, quod si non possis, tuo infortunio imputa, etiam si bona fide emeris. Vsq. tamen, Rebelle, Lugo apud Tamb. c. 3. §. 5. probabiliter putant, posse restitui furi, si bona fide fuerit emptæ, in casu, quo non possit aliter pretium recuperari restituendo illam domino. Ratio est, quia qui tenetur restituere ex re bona fide accepta, non videtur cogendus ad restituendum cum suo damno, ut supra diximus. Quare satis est, si reponat rem furtivam in eo statu, in quo erat, reddendo illam furi venditori, a quo pretium recuperet. Idem etiam docent Lugo, Dian., Tamb. contra Turrian., etiam si res furtiva fuerit emptæ mala fide. Ratio est, quia sicuti qui iniuste aliquid accepit, tenetur solum tollere iniustam acceptionem, seu retentionem; ita qui iniuste emit, tenetur solum tollere iniustam emptionem, rescindendo contractum. Qui tamen a fure habuit rem alienam gratis, seu per donationem, non potest illam restituere furi, sed domino; quia nullam pretii iacturam facit, si restituit domino, ad quem illa clamat.

XVIII. Dices 1. Si vestem alienam ab igne extraxisti, non poteris illam in eodem statu ponere, sed debes reddere domino; ergo pariter res furtiva extracta e manu furis non potest eidem furi reddi, sed domino.

Para P.

Confirm. 1. Si dominus rei furtivæ compareret coram iudice, iudex decerneret, illam reddi domino, non furi, etiam si pretium recuperari non possit; ergo in conscientia reddenda est domino.

Confirm. 2. Potest dominus rei furtivæ illam exigere etiam ab emptore, seu possessore bonæ fidei; & hic tenetur illam reddere, quamvis pretium amittat; ergo quamvis dominus illam non exigit, illi reddenda est, quia semper illam exigit interpretative.

Resp. dist. antec. Si non possum illam conservare extra ignem, nisi amittam vestem meam, nego antec. secus, conc. & dist. conf. si potest aliter pretium recuperari, conc. secus, nego conseq.

Ad 1. confirm. conc. antec., nego conf. Iudex, ne detur ansa fraudibus, presumit rem furtivam mala fide emptam esse, aliter quilibet posset a fure mala fide libenter res emere, securus quod recuperabit per iudices pretium suum, si dominus comparet; quare iudex in penam culpæ saltem præsumptæ decernit, quod res domino restituitur; etiam si pretium recuperari non possit: Non tenetur tamen emptor hanc penam subire, antequam a iudice imponatur.

Ad 2. nego conseq. Disparitas est, quia ex iure domini tenetur quilibet non impedire, ne dominus repetat rem suam; unde si exigit, non potest impediri, ne sibi illam usurpet: at Emptor rei furtivæ non tenetur positive illam reddere domino cum iactura pretii; sicut non teneor vestem alterius ab igne extractam conservare extra ignem, si sic conservando amittam eam: eodem modo si extraxi e naufragio Petrum, & dum extra aquas suspensum teneo, facile ego periturus sum, possum illum relinquere, ut mergatur, quia si non occido, sed permitto mortem illius, ne ego peream.

XIX. Dices 2. Si possem rem furtivam emptam reddere furi ad recuperandum pretium, possem pariter alteri illam vendere ad pretium recuperandum; sequela non admittitur; ergo.

Confir. Si redderem illam furi, cooperarer peccato furis, qui non est illam restituendus; sicut autem non possum reddere gladium domino furioso, ne cooperer damno innocentis, ita nec in casu.

Resp. Nego sequelam, tum quia venditio rei alienæ est iniusta, tum etiam quia vendendo illam alteri, repono in opere po-

H j n:

riculo, in quo non inveneram; secus vero, si reddam illam furi.

Ad Confirmationem: Cooperatio materialis cum peccato alieno, quando est remota, & datur sufficiens causa cooperandi, non est peccaminosa: sic mutuatarius offerendo utrasque mutanti, quando habet necessitatem mutui, non peccat cooperando materialiter peccato usurarii. In casu nostro datur necessitas cooperandi materialiter cum peccato furis, ne scilicet amittatur pretium soluti, & ideo huiusmodi cooperatio non est peccaminosa: contra vero restitutio gladii furioso est peccaminosa, si non datur ad id causa sufficiens, qualis esset, si v. g. furiosus vellet me occidere, nisi gladium restituerem.

XX. Dices 3. Si Titius velit furari aut rem meam, aut alienam, non teneor impedire, ne rem alienam subripiat, cum periculo, quod aliter subripiat meam; at non possum positive cooperari furto rei alienae, ne subripiatur res mea; neque enim possum comburere v. g. vestem alienam, ne Titius comburat meam; sicut non possum alium occidere, vel positive cooperari ad mortem alterius, ne ipse occidat; atqui tradendo furi rem furtivam ad recuperandum pretium positive cooperor damno alterius, ne ipse subeam simile damnum amittendo pretium: ergo non possum rem furtivam bona fide a me emptam reddere furi ad pretium recuperandum, & multo minus si ea sit empti mala fide.

Resp. verum quidem esse, quod non possum damnificare, aut positive cooperari actioni damnificativae alterius, ne ipse simile damnum subeam; sicut non possum occidere, aut positive cooperari occisioni alterius, ne ipse occidat; at possum cooperari materialiter damno alterius, ne ipse damnificet; sicut etiam possum cooperari materialiter occisioni alterius, ne ipse occidat. E. g. si Titius vellet me interficere, nisi dem illi gladium meum, quo vult abuti ad alium interficiendum, possum illi dare gladium, & materialiter cooperari morti alterius: Sicut si Tyrannus minetur excidium civitatis, nisi detur illi innocens, quem petit ad necem, potest Gubernator Urbis, aut Respublica cogere innocentem, ut Tyrannum adeat, & si ire nobis, potest illum Tyranno tradere, ut docet Lessius lib. 2. cap. 9. dub. 5. Mol. Fillius, Laym. & alii, quia in tali casu Resp. non diceretur positive cooperari occisioni innocentis; sed solum cooperari materialiter ejus morti, quatenus ponit actionem de se indifferentem,

ut est illa traditio innocentis; quamvis enim constet, quod Tyrannus hac traditione mea abusus sit, quia tamen subest causa urgentissima excusans a culpa Republicam, si in talibus circumstantiis innocentem tradat, idcirco solum materialiter cooperaretur ad ejus interfectionem, & quidem citra culpam; peccaret tamen Respublica, si ad averendum Urbis excidium occideret innocentem, aut positive cooperetur ad ejus necem, puta consulendo, adjuvando Tyrannum, aut ponendo aliam actionem, quae de se non sit indifferens. Similiter itaque in casu nostro emptor rei furtivae non potest rem illam furtivam, v. g. comburere, ad recuperandum pretium, nec potest positive cooperari damno alterius ad averendum proprium damnum; potest tamen cooperari materialiter peccato furis, ponendo actionem de se indifferentem, qualis est redditio rei furtivae ipsi furi; quamvis enim constet, quod fur ex propria malitia non sit illam traditurus domino, quia tamen subest sufficiens causa excusans a culpa Emptorem, si in talibus circumstantiis reddat rem furi; idcirco solum materialiter diceretur cooperari damno alterius, & quidem citra culpam, ut proinde liceat rem bona fide emptam a fure, eidem illam reddere, si non possit aliter pretium recuperare; & probabiliter etiam si fuerit empti mala fide, ut diximus; quamvis non possit restituere furi, si ab eo per donationem accepta sit, eo quod non detur tunc causa excusans a culpa in tali cooperatione cum peccato furis volentis illam sibi retinere, & non reddere domino.

QUAESTIO VI.

Utrum restituenda sint quae metu levi, aut blandis verbis extorquentur?

I. QUOD attinet ad metum, prima sententia cum Medina de relict. qu. 2. Basilio, Palacios, & aliis docet, in foro conscientiae restituenda quidem esse, quae metu gravi iniuste incusso extorquentur, non tamen quae metu levi; quorum Sententiam probabilem putat Dia. p. 3. tr. 5. ref. 119., inferens proinde ex illa, Confessarium posse deobligare penitentem a restitutione, si quid extorserit metu levi iniusto; & simul feruendo oppositam opinionem communiorē posse penitentem concedere facultatem recuperandi ea, quae solvit ob metum levem si-

bi iniuste incussum. Ratio hujus sententiæ est, primo quia levis violentia, ac injuria pro nihilo reputatur. Secundo quia metus levis facile superari potest, immo & debet; cum imprudenter agat, qui eo ducitur. Tercio quia forum internum conformatur cum externo, quoties hoc non nitiatur falsæ præsumptioni, sed forum externum cognito metu levi nõ obligat ad restitutionem, ergo nec internum; aliter forum externum anique denegaret patienti metû levi actionem recuperandi, quæ contra justitiam fibi sunt ablata. Quarto demum quia non minor libertas requiritur in Matrimonio, quam in aliis contractibus; atqui Matrimonium metu levi contractum non irritatur, ne pro foro quidem conscientie; ergo nec alii contractus, unde restitui non debent extorta per contractus levi metu initos.

Secunda Sententia cum Azor. t. 1. l. 1. c. 11. Lopez, Taberna, purat, in solis contractibus lucrativis, puta in donationibus, elemosynis, &c. restituenda esse, quæ metu levi extorquentur, quia major libertas in his requiritur, quam in contractibus onerosis, in quibus utrimque habetur commodum, & incommodum.

II. Tertia deum communior, & verior sententia docet cum Leis. c. 17. n. 40. Sanch. l. 4. disp. 9. Mol. d. 197. Soto, Bonac. Nav. Regn. Filluc. restituenda esse in foro conscientie extorta per metum levi iniuste incussum ad contractum incundum, sive contractus sint lucrativi, & gratiosi; si vero onerosi, quoniam hujusmodi contractus in foro conscientie rescindendos esse ad arbitrium metum passi; si sint dissolubiles. Ratio est, quia metus levis iniuste incussum injuriam irrogat, & iniustitiam; ergo illam tenetur rescire, quantum potest, qui metum iniuste intulit; sed non resciat ad æqualitatem, nisi sic extorta restitueret, & contractum rescinderet ad arbitrium metum passi; ergo ad utrumque tenetur.

Confir. quia quod per injuriam comparatum est, non reducit rem ad æqualitatem, nisi restituitur; ergo quæ sic extorquentur, obnoxia sunt restitutioni: Quæ ratio æque militat pro contractibus onerosis, ac pro lucrativis contra secundam sententiam.

III. Ad primam rationem in contrarium pro prima sententia adductam respondetur, etiam metum levi non cadentem in virum constantem tollere libertatem perfectam, & quidem iniuste in casu nostro, ergo justitia postulat, ut damnum iniuste illatum

compensetur. Neque dicas, quod sicut parvitas materie furto sublata excusat ab obligatione restituendi sub gravi; ita levitas metus iniuste incussi excusat etiam ab obligatione gravi rescindi damnum illatum. Etenim levis hæc injuria parit damnum grave; ergo sub gravi debet illud rescari; sicuti si quis aliquem leviter percutiat, providendo, quod hæc levis percussio inferat damnum grave, procul dubio peccat mortaliter, & sub gravi tenetur damnum compensare. Hinc Doctores ex duplici duntaxat capite excusant ab obligatione gravi compensandi damnum iniuste illatum, videlicet ratione parvitatæ materie, quippe quæ non fert grave damnum, & ratione indeliberationis, quæ excusat a culpa gravi. In casu tamen nostro neutrum caput habet locum; cû damnum illatum supponatur grave, & cum deliberatè inferatur, non inferitur sine gravi culpa; ergo sub gravi restitui debet extorta per metum etiam levi iniuste incussum, quoties non excusatur materie parvitas.

IV. Ad secundam, quamvis metus levis facile superari possit; nihilominus sapissime accidit in contractibus, præsertim apud rudes, & plebejos, quod non superetur; Hinc qui iniuste ponit contrahentem in periculo isto proximo damni gravis incurrendo metum levi, tenetur ad restitutionem, & ad rescindendum contractum ad arbitrium metum passi.

V. Ad tertiam, forum externum non concedit actionem patienti metum levi ad vitandas lites, quæ facile suborirentur; & idcirco cognitio tali metu non cogit per sententiam Judicis delinquentem ad restitutionem: Hinc tamen non fit, quod non detur obligatio restituendi pro foro conscientie; ad eum modum quo fur, si non sit plene convictus, non cogitur a Judice ad restitutionem; obligatur tamen pro foro interno. Similiter jus civile denegat actionem in deceptione intra dimidium justipreti, idque ad lites vitandas; at non proinde contractum involventem hujusmodi deceptionem approbat, aut deobligat decipientem a restitutione pro foro interno.

VI. Ad quartam, Multi cum Navar. Rodrig. Vetracuz docent Matrimonium metu levi iniusto extortum esse jure naturæ, & in foro conscientie invalidum; quorum sententiam probabilem putant Leis. c. 17. n. 47. Sanch. l. 4. disp. 17. Ledesma,

& alii. Equidem probabilius cenſeo cum eodem Sanch. eſſe validum jure naturæ, & ſimul jure poſitivo, non ſecus ac cæteri contractus; quamvis nõ eodem modo reſcindendum ſit, eo quod natura ſua Matrimonium ſit irreſcindibile, æ proinde ſolum compenſandum eſt damnum injuſte illatum. Jure Eccleſiaſtico non irritat pro foro interno Matrimonium metu levi contractum ob vitandos ſcrupulos. Quod autem diximus de Matrimonio, dicendum etiam de Profeſſione Religioſa; quamvis enim Navar. Manuel, & alii apud Diamam p. 1. tr. 2. reſ. 92. putent eam eſſe invalidam, ſi metu reverentia, atque adeo levi emittatur, & quod voluntarium militè cupiat Deus, & nullatenus coactum; Communis tamen cū Sanch. & Laym. l. 1. tr. 4. c. 6. docent eam eſſe validam, & ſolum jure Eccleſiaſtico irritari Profeſſionem metu gravi injuſto emiſſam.

Si tamen ad Matrimonium, vel Profeſſionem extorquendum inferatur metus gravis juſtus, Covar., & Mannel putant ea eſſe invalida, eo quod libertas ſit valde imminuta per ſolum metum: Bonac. de Matr. q. 3. p. 3. n. 11. & Sotus docent eſſe validam, ſi metus hiſt gravis a lege inferatur, ſecus vero ſi inferatur a Judice, vel alio privato; quia ſcilicet qui patrat delictum, cui per legem ſit annexa obligatio proſtitendi in Religione, aut contrahendi Matrimonium, voluntarie ſubit hanc obligationem, eo quod voluntarie commiſerit culpam, ad quam illa obligatio conſequitur; ſecus vero ſi a voluntate Judicis, vel alterius ad id adigatur; quia nemo poteſt ad Matrimonium, aut Proſtitutionem adigere, eo quod ea debeant eſſe omnino voluntaria ratione ſux perpetuitatis, & indiſſolubilitatis. Verum communis, & verius Doctores cum Sanch. l. 4. d. 13. Leſſ. cap. 17. n. 46. Layman, Palao, docent, ea univerſim valere, ſive a lege, ſive a Judice, vel ab alio metus juſtus incutiat ad ea extorquenda. Ratio eſt, quia ſi Titius v. g. minetur tibi iuſtam accusationem, niſi ducas uxorem, vel Profeſſionem emittas, hæc non poſſunt revera dici fieri coacte, cum nemo ad ea cogat, ſed coactio proveniat a proprio delicto, a quo provenit metus accusationis comminatus: Sicut enim non dicitur coacte

Matrimonium contrahere, qui virginem deſloravit, & cogitur eam ducere, vel dotare, ex cap. 2. de Adult. nec qui poſt ſponſalia per cenſuram cogitur ad Matrimonium contrahendum, ex cap. Ex litteris de ſponſ. nec dicitur coacte proſitri Monachus, quando ob Simoniam compellitur ingredi Ordinem ſtrictiorem, ex cap. De Regularibus de Simonia; quia ſcilicet in hiſ caſibus metus non incutitur ab extrinſeco, ſed ſupponitur ortus a lege, vel ex natura delicti; ita in caſu noſtro coactio non eſt a Titio comminante accusationem juſtam, ſed a proprio delicto, ad quod conſequitur, quod juſte poſſis accusationem illam ſubire, niſi velis illam declinare contrahendo Matrimonium, vel ingrediendo Religionem.

VII. Ex hæcenus dictis plura inferuntur corollaria. Primum eſt, quod renunciatio hæreditatis paternæ facta a filio metu reverentia abſque minis, licet in foro externo non reſcindatur, nec detur actio adverſus Patrem, eo quod huiusmodi metus ſit levis, in foro tamen interno juxta ſententiam communiorum adductam reſcindenda ſit, ac reſarciendum ſit damnum illatum filio; ut proinde poſſit hic illud occulte ſibi compenſare, relaxato prius per Episcopum jramento præſtito, ut notat Sanch. l. 4. diſp. 9. Ratio eſt, quia Pater autoritate ſua libertatem filii veluti oppreſſam tenens obligatur ex juſtitia in diſpoſitione hæreditatis relinquere filio omnem libertatem; ut pro arbitrio de illa diſponat, quod ſi non faciat, injuriam, & violentiam, licet leviem, inferat filio; unde ideo ad reſtitutionem tenetur. Ubi duo advertenda. Primum eſt, ex Hoſienſi cap. Primum de Jurejurando, Jramenti ab Episcopo non relaxari pro foro externo, ſi metus fuerit levis, ſed ſolum pro foro interno. Secundum eſt, ad metum reverentialem injuſtum non ſufficere quod filius cum reverentia, ac reverentia debita Patri hæreditatem renunciet, nec ſufficiat, quod ſi Pater non peteret renunciationem, illa non fieret, ſed requiri, quod omnino repugante voluntate, & quali coacte filius renunciet, non volens Patri contradicere præ timore, ac reverentia, quamvis nullum aliud malum ſibi timeat.

VIII. Secundum corollarium eſt, quod ſi filius metu reverentialem inducatur ad promittendum, ſoluturum de ſuo aliquod debitum Parentum, qui in amiculo mortis conſtituti id petant, non teneatur deinde illud ſolvere; quia ſcilicet metu, & quali coacte, ne parentem in eo articulo contriſtaret, indu-

aus

Aut est ad promittendum. Similiter, si mulier ex solo metu reverentia ad vitanda jurgia cum marito, ejusque indignationem, fidejubeat pro illo, non tenetur in conscientia solvere, dummodo relaxationem juramenti prius ab Episcopo obtineat. Ita Sanch. loco laudato.

IX. Tertium est, quod si debitori remittatur pars debiti, eo quod creditor desperet se alteri debitum recuperaturum, adhuc ille teneatur in conscientia partem debiti sibi remissam restituere, ac posse creditorem sui occulta compensatione. Ita Sylv. D. Anton. Navar. Sanch. lib. 4. d. 9. n. 17. qui bene advertit hoc intelligendum esse, quando intervenit aliqua fraus, aut culpa debitoris, v. g. quia minatur se alteri nihil debiti soluturum; vel quia fingit impotentiam. Ratio illationis est, quia si remissio debiti est mixta involuntario ob metum levi injulte incussum. Quinimo remissio ista partis debiti est nulla, non solum quando extorquetur metu etiam levi injuste incusso, sed etiam quando oritur ex metu probabiliter concepto a creditore nemine illum incipientem, quatenus v. g. timet sibi aliquod malum injuste sibi inferendum, nisi remittat. Et ratio est eadem: quia etiam in hoc casu donatio, seu condonatio est mixta involuntario, & fit voluntate omnino reluctante, & quasi coacta ob timorem mali concepti sibi injuste inferendi.

X. Quartum est, quod sicut restituenda sunt, quæ metu reverentia extorquentur, ita etiam quæ extorquentur precibus importunis, quæ metui saltem levi, & coactioni æquiparantur; ut constat ex Scriptura; siquidem Judicum 16. fortissimus Sampson precibus uxoris importunis coactus fuit veritatem aperire; hinc importunæ preces causant involuntarium, non secus ac metus. Qua de causa D. Antoninus, Sylvest. Corduba, Bannes, Gutierrez docent, quod trahens alterum ad ludendum precibus importunis, si lucratur, non possit lucrum retinere, sed ad restitutionem teneatur: (quamvis communis cum Mol. t. 2. d. 517. Nav. Henr. apud Merol. n. 400. id negent, quia non servaretur in ludo aequalitas, si coactus ad ludendum posset lucrari, & alter, qui coegit, lucrari non posset; quare ratione injuriæ, quam intulit cogendo alterum ad ludendum, solum videtur obnoxius penæ, ad quam a Judice posset condemnari) docent etiam, quod virgini a deflorator teneatur ad restitutionem, si precibus importunis ab illa consensum error-

fit. Advertit tamen Sanch. l. 4. d. 10. preces importunas non æquivalere metui, nec causare voluntarium mixtum per hoc precise, quod iis non interpositis actus non fieret; (sæpe enim aliquis importune rogatus facit aliquid alter non facturus, & tamen illud facit animo liberalissimo) sed solum quando fit aliquid vi precum importunarum voluntate omnino repugnante, & quasi coacta ad importunitatem vehementem repellendam, ut diximus de metu levi, juxta illud Lucæ 11. *Si ille perseveraverit pulsans, dico vobis, estis non dabit illi surgens, eo quod amicus ejus sit, propter improbitatem tamen ejus surget, & dabit illi quicquid habet necessarius, id est panes.*

Ex quibus fit 1. quod impediens legatū, aut eleemosynam precibus importunis, quæ mixtum involuntarium continent, & metui levi injusto æquiparantur, ad restitutionem teneatur, ut notat Sanch. l. c. & Guttier. 2. licentiam a Superiore obtentam hujusmodi precibus importunis ad expendendum aliquid, non excusare Religiosum a vitio proprietatis. 3. quod licet donatio inter conjuges confirmetur morte donantis, ex cap. fin. de donat. inter virum, & uxorem; non tamen si ea fuerit nimia importunitate extorta, idem dicendum de donatione inter Patrem, & filium familias; unde hæredes donatoris possunt vii occulta compensatione.

XI. Ulimum corollarium est, quod potens alicum justè accusare, si quid ab illo extorqueat ne accuset, ad restitutionem non teneatur. Et ratio est, quia hic metus est justus, quare cum alter privetur jure accusandi, quod habet, potest in compensationem jure ab altero aliquid accipere, quod proportionem habeat cum tali jure. Notandum tamen hoc verum habere, quando ille potest licite accusare, quin teneatur ad accusandum; nam si teneatur accusare, & obliget se ad non accusandum, contractus est nullus; non secus ac si Juxda aliquid accipiat cum onere ferendi sententiam injustam, aut meretrix cum obligatione dandi copiam sui corporis; nemo enim potest obligari ad aliquid illicitum; propterea restitui debet, antequam scelus patretur, id quod; acceptum est, & contractus rescindendus, quamvis post patratum scelus probabilior, & communior Sententia, contra Navar. & alios doceat non dari obligationem restituendi id, quod pro patrando scelere acceptum est; quia quamvis scelus non sit pretio æstimabile, nihilominus qui

fecit.

scelus perpetrat; exponit se periculo iacturæ honoris, fame, bonorum externorum, & aliquando etiam periculo vitæ, & quidem in gratiam alterius; ac propterea retinere poterit post scelus jam patratum id, quod accepit, ut hinc se periculo exponeret.

Illud in controversiam adducitur, Num possit sibi retinere, quæ quis accipiat, ne accuset prout potest, quin debeat, si timorem accusationis incutiat citra animum accusandi? Negant Bonac. de contr. d. 3. q. 1. p. 1. Mol. & alii, quia dolus dans causam contractui irritat illum. Sed probabilius affirmant Sanch. l. 4. d. 9. Less. c. 17. n. 42. cum aliis, quia licet dolus dederit causam contractui, ac proinde videatur donatio illa irrita; at huiusmodi dolus non est injustus; cum iuste possit illo accusationem minari, siue animum habeat accusandi, siue non; unde donatio non erit irrita; siquidem solum dolus injustus dans causam contractui donationem irritat.

XII. Circa alterum quaesitum, Num restituenda sint in foro conscientie, quæ blandis, ac byssinis verbis extorquentur? Affirmant Cajet. 2. 2. q. 32. a. 7. Medina, Armilla, quia sicut preces importunæ, ac metu levis minime voluntarium; ita etiam blanditiæ, & amor, seu concupiscentia; atque adeo sicut restituenda sunt, quæ metu levi injusto, ac precibus importunis extorquentur; ita etiam quæ extorquentur blandis verbis; atque amore duce; præsertim quia amor exerceat, non secus ac ebrietas.

Negandum tamen censo cum Mol. d. 94. Sanch. l. 4. d. 11. Bonac. d. 3. de contr. q. 12. Soto, & aliis communius. Ratio est, quia ut notat Angelicus p. 2. q. 6. ar. 7. concupiscentia, & amor non solum non efficiunt involuntarium, sed potius augent voluntarium, cum sint causa, cur voluntas majori conatu operetur; ergo cum habeatur sufficiens libertas ad contrahendum, nihil est causæ cur restituendum sit, quod blandis verbis obtinetur. In tantum enim restituenda sunt, quæ precibus importunis, aut metu levi injusto extorquentur, quia iis paritur involuntarium secundum quid, seu voluntarium mixtum involuntario, & quidem per injuriam, ac violentiam; ac in casu nostro nulla vis, nulla injuria, nullum involuntarium, etiam si libertas aliquatenus sit diminuta per concupiscentiam; ergo non datur onus restitutionis.

XIII. Sequitur hinc primo, ut notans

Sanch. Mol. Salom., meretrices non teneri ad restitutionem, si blandis verbis donationem aliquam ultra stipendium debitum extorqueant; dummodo non extorqueant fraudibus, v. g. dicendo se a Magnatibus esse concupitas, esse Virgines &c. quod tamen sit falsum. Verum Sanch. Sotus, Gutierrez putant non committi fraudem a meretrice, per hoc quod falso dicat Amasio, se illum perdere adamare, quia nemo ignorat hanc esse muliercularum cantilenam.

Sequitur 2. ex eodem Sanch. nec vitarii testamentum, quod maritus blanditiis uxoris ductus in ejus favorem confecit; cum blanditiæ non reddant actum mixtum involuntario, licet libertatem coarcent.

XIV. Ad rationem in contrarium patet solutio ex dictis. Concupiscentia excecet quidem mentem, ita ut actus non fiat juxta rationem, ac dictamen prudentiæ, ac libertatem sufficientem ad peccandum, & ad contractus celebrandos relinquat, idque fere semper; quod si aliquando libertatem everteret, tunc solum restituenda essent, quæ per huiusmodi contractus involuntarios compararentur; universum tamen non sunt obnoxia restitutioni, quæ blandis, ac byssinis verbis extorquentur. Atque hæc inter innumeras quæstiones de restitutione satis sit primoribus labris delibasse; ea quippe ad Moralem potius quam ad Scholasticam Theologiam spectant.

DISPUTATIO V.

*De immediato effectu actuum
Virtutum infusarum, videlicet
De Merito.*

Cum meritum Gloriæ condignum sit effectus gratiæ, ideo Angelicus post disputationem de gratia, disputat de merito; Nos hic opportunius de eo disputamus; tum quia meritum præmiæ supernaturalis est immediatus effectus moralis actuum virtutum infusarum, de quibus hæcenus egimus; tum etiam quia meritum condignum fundat Dei iustitiam erga creaturam, de qua jam disceptavimus; tum denique quia dispositio isthæc de merito viam sternit ad ea, quæ anno insequenti suscepienda sunt de causa meritoria Incarnationis, ac de meritis Christi Domini. Primo itaque agemus de merito condigno, ac de requisitis ad illud Secun-

Secundo de iis, quæ cadunt, aut cadere possunt sub meritis condignum. Tertio de merito congruo, & de iis, quæ sub tale meritum cadunt.

QUÆSTIO I.

De Merito condigno, & de requisitis ad illud.

Explicandum prius quid sit meritum, & in quo differat condignum a congruo; Deinde quænam sint requisita ad meritum condignum ex parte operis meritorii; quænam ex parte Personæ merentis; & quænam ex parte Personæ præmiantis.

ARTICULUS I.

Quid sit meritum condignum, quid congruum?

I. Meritum coram Deo præmii supernaturalis (de quo solum hic agimus) prout præscindit a condigno, & congruo, ex Ovid. & Haunol. definitur: *Obsequium factum Deo, potius ex se movere ad retributionem doni supernaturalis.* Differt ab imperatione; quia hæc movet per modum submissæ petitionis, illud per modum obsequii; differt a satisfactione, quia hæc est redditio æquivalens injuriæ.

Dividitur in condignum, & congruum: Illud habet æqualitatem cum præmio, ita ut accedente promissione præmiantis debeat ex iustitia, & independentem a promissione exigat solum connaturaliter retributionem præmiantis; Congruum vero ex defectu æqualitatis retributionem non exigit, quamvis convenienter deatur, & solum debeat ex liberalitate præmiantis: Sic Justus, qui meretur de condigno augmentum gratiæ, & gloriæ, illud exigit connaturaliter, & facta promissione exigit essentialiter: contra vero peccator, qui solum de congruo per contritionem supernaturalem meretur primam gratiam, illam non exigit, quamvis ex benignitate divina deatur convenienter. Discrimen inter hæc merita D. Tho. in 2. dist. 27. q. 1. ar. 3. his verbis expressit: *Dicitur aliquis mereri ex condigno, quando invenitur æqualitas inter meritum & præmium secundum rectam estimationem; ex congruo autem tantum, quando talis æquætas non invenitur, sed solum secundum liberalitatem donantis*

munus tribuitur, quod dantem decet. Idipsum sic explicat Cardinalis de Lugo: *Si Dux exercitus egregius de hoste videretur seferas, dignus est, quia Rege ad ultiores gradus honoris promoveretur; si vero miles privatus egregium facinus præstet, poterit quidem Rex merito prudenter ad dandum illi præmium dignum Duce exercitus; si tamen dat præmium inferioris, non poterit miles congruere; quia præmium majus meretur solum de congruo; quod si Rex stabulatum præter curam equibene præstitum vellet in silum adeptare, imprudenter ageret, quia ne de congruo quidem haberet meritis salis præmii.* Hæc Lugo. quamvis autem meritum congruum non ferat exigentiam rigorosam, fert tamen aliqualem exigentiam fundatam potius in liberalitate præmiantis, quam in præstantia operis: propterea Aug. contra Semipel. asserentes primam gratiam dari propter aliquod meritum imperfectum Fidei, l. 1. de præd. SS. c. 2. dicit: *Redditur namque gratia hoc pacto debita, nec donatur gratis.*

Ubi etiam notandum ex eodem Lugo disp. 24. de Penit. n. 10. quod in merito condigno æqualitas cum præmio non fit arithmetica, qualis est inter mercem, & pretium, sed geometrica, qualis est inter semen, & fructum maximum in corde Principis fecundissimo: etenim quo major est Principis munificentia, eo majus præmium exigitur ex exigentia connaturali, ut posita promissione, illud citra injustitiam negari non possit: Contra vero in merito congruo habetur quædam tantum convenientia; unde facta præmio promissione, si denegaretur, non heret contra justitiam, sed contra fidelitatem.

II. Neque dicas 1. ex Apost. non esse condignas passionem hujus temporis ad futuram gloriam; Nam de fide est, operationes supernaturales gratia informatas mereri de condigno vitam æternam. Unde Basilus l. de Sp. S. c. 24. dicit: *Mercatores nos sumus, per opera mandatorum possessionem celestium comparantes: quare Apost. vel loquitur de operibus naturalibus, ut putant Suar. & Bellar., quæ ne de congruo quidem mereri possunt donum supernaturale; vel negat æqualitatem arithmeticam pretii ad mercem, non vero æqualitatem proportionis seminis ad fructum maximum.*

Neque dicas 2. Inter finitum, & infinitum nulla proportio; ergo inter merita nostra finita, & vitam æternam durative infinitam neque datur æqualitas arithmetica, neque geometrica, seu proportionis. Nam pri-

primo hoc probat, quod peccatum mortale, si esset finitæ malitiæ, posset condigne mereri penam æternam. Deinde dico, infinitatem in duratione non tollere proportionem geometricam inter meritum, & præmium; & ratio est, quia iusto debetur visio Dei tamquam hereditas; sed hæreditas nunquam datur ad tempus, & beatitudo est essentialiter perpetua; ergo merito iusti non potest coaptari præmium visionis beatæ, nisi æternum. Adde quod munificentie divinæ simpliciter infinitæ non potest correspondere præmium usquequaque finitum; ergo cum non possit præmium creatum esse infinitum intensive, debet esse durative infinitum.

Neque dicas ultimo, sæpe in Scripturis vitam æternam vocari Gratiam; Nam Eph. 2. dicitur, *Gratia salvi facti estis per fidem*; ergo non potest esse debita ex iustitia. Nam vita æterna est solum in radice gratiæ, quatenus gratis datur prima gratia, quæ ad fidem vocatur, & ad justificationem, & salutem perducitur: propterea in Arzific. II. can. 18. dicitur: *Debetur merces bonis operibus, si fiant, sed gratia, quæ non debetur, præcedit, ut fiant.*

ARTICULUS II.

De Conditionibus ad Meritum condignum requisitis ex parte operis.

III. **T**rid. sess. 6. can. 31. contra Calvin. & Luther. definit opera iustorum mereri vere augmentum gratiæ, vitam æternam, & gloriæ augmentum: quamvis autem in Tridentino non dicatur expresse huiusmodi meritum esse condignum propter, & rigorose, ita scilicet ut præmium ex quadam iustitia debeatur; communissime tamen contra Duran. apud Maur. q. 18. Theologi docent, Tridentinum intelligendum esse de condignitate strictè dicta: Ex Scripturis enim utrumque constat, & quod meritum iustorum sit condignum vita æterna; & quod huiusmodi præmium sit debitum ex iustitia. Primum habetur Luc. 10. *Dignus est operarius mercede sua.* & Sap. 3. *Dens tentavit eos, & invenit illos dignos se.* & 2. ad Tim. 1. *Us digni habeamini Regno Dei, pro quo & patimini:* Secundum habetur Hebr. 6. *Non est iniustus Deus, qui obliviscatur operis vestri, & laboris.* & ad Tim. 4. *Reposita est mihi corona iustitiæ &c.* Et ratio a priori est, quia præmium meritis proportionatum debetur ex

iustitia, quoties promittitur sub conditione talis operis; sed vita æterna, spectata dignitate gratiæ, quæ dat jus ad visionem Dei, & spectata infinita munificentia Dei præmiantis, est præmium proportionatum meritis iustorum; & promittitur sub conditione illorum, juxta illud Jac. 2. *Accipies coronam vitam, quam reponis diligenti bus se;* & Matth. 19. *Si vis ad vitam ingredi, serva mandata:* ergo vita æterna debetur ex iustitia meritis iustorum; atque adeo hæc habent condignitatem strictè dictam relate ad hoc præmium. Hoc posito examinande sunt conditiones ex parte operis requisitæ ad meritum condignum; nempe an huiusmodi opus debeat esse liberum, honestum, supernaturale, arduum, & an elicatum, seu imperatum a charitate?

IV. Dico 1. Ut actus possit de condigno mereri augmentum gratiæ, & vitam æternam, debet esse liber, honestus, & intrinsece supernaturalis. Ita communiter.

Prob. 1. pars de libertate, tum ex Scripturis: Eccl. 31. *Qui potuit transgredi, & non est transgressus.* 2. Cor. 9. *Unusquisque prout destinavit in corde suo non ex tristitia, aut necessitate:* tum a pari, Actus demeritorius debet esse liber; ergo etiam meritarius: Tum a priori, quia ad meritum requiritur ut quis per actionem sibi imputabilem, atque adeo liberam reddatur dignus compensatione. Hinc Bernar. ser. 81. in Cant. dixit: *Ubi non est libertas, nec meritum.* Imo non sufficit sola libertas a coactione, ut constat ex Propositione 3. damnata Jansenii: sed requiritur libertas a necessitate, seu indifferencie. Hinc actus externus, qui non est liber libertate formali, sed solum denominativa, non addit meritum, aut demeritum actui interno formaliter libero, ut alibi ostendimus: & idem dicas de actu imperato, si careat libertate formali.

Prob. 2. pars de honestate ad meritum requisita; sicut enim non est dignus pœna, nisi qui difformat operationes suas legi, seu qui inhoneste operatur; ita non est dignus præmio, nisi qui operationes legi conformat, seu honeste operatur; ergo actus demeritorius debet esse moraliter bonus, seu honestus. Imo quamvis pura omisso libera (si esset possibilis) posset esse peccaminosa, quia dignus est pœna, qui omittit faciem id, quod debet; ea tamen non posset esse meritoria, ut docent communiter contra R. pal., quia bonum ex integra causa; atque adeo actus, ut sit bonus, & meritorius, non solum

solum debet non prosequi malum, sed etiam debet positive prosequi bonum. Hinc Matth. 6. dicitur: *Attendite ne iustitiam vestram faciatis coram hominibus, ut videamini ab eis, alioquin quam mercedem habebitis?* Neque dicas, esse dignum præmio ex Scripturis qui potuit transgredi, & non est transgressus; nam debet non transgredi ex amore honestatis, ut sit dignus præmio.

V. Dubitatur, An opus honestum debeat esse supererogationis, ut sit meritum? Communitate id negant contra Dionys. Cisterciensis, cujus sententiam Suar. l. 12. de gr. c. 5. putat erroneam: dicitur enim Matth. 19. *Si vis ad vitam ingredi, serva mandata*, ergo non solum opera supererogationis, sed etiam opera præcepta sunt meritoria, cum utraque sint honesta, & libera. Adde, ceteris paribus, opus præceptum esse magis meritum; quia per præceptum contrahit speciale honestatem obedientie: hinc opus, quod fit ex voto, est magis meritum, quam si fiat sine obligatione voti, ut docet Suar. ex D. Thom., quia ratione notum, superadditur honestas Religionis.

Dices: Resp. non præmiat eos, qui leges observant, sed solum eos, qui ultra debitum operantur; ergo a fortiori Deus solum opera supererogationis remuneratur, quia probabiliter Deus omnia præcipit, etiam ex iure proprietatis, atque adeo omnia opera præcepta a Deo sunt debita ex iustitia; unde non sunt meritoria.

Resp. neg. consequ. Resp. enim ex paupertate denegat præmium observantibus leges; Deus vero ditissimus non denegat. Præterea Resp. vult observantiam legum in bonum publicum, & creditor creatus exigit debitum ex iustitia in bonum proprium; Deus vero utrumque vult in bonum nostrum, & ideo etiam opera præcepta remuneratur. Præterquamquod etiam in exercitio operum præceptorum habentur circumstantiæ non præceptæ, quæ in substantiam operum redundant, ut sunt intensio, & duratio talium actuum, motuum supernaturalium huius, vel illius virtutis &c.

Prob. demum 3. pars Conclusionis, quod actus meritorius debeat esse intrinsece supernaturalis, quia meritum, & præmium debent esse in eodem ordine, ut notat D. Th. 2. 2. q. 109. 2. 5. propterea Araus. II. Can. 7. anathematizat docentes posse nos quidquam operari in ordine ad salutem, sine illustratione, & inspiratione Spiritus S. Hinc actus naturales iusti non possunt esse meritorii præmii supernaturalis; quia ex hoc

quod sint hominis iusti non evadunt supernaturales. Unde Christus Dominus Matth. 7. dixit: *Si diligitis eos, qui vos diligunt, quam mercedem habebitis?* Imo addo cum Suar. l. 12. de Gr. c. 10. quod actus naturales elicit a iusto, & imperati a charitate, vel ab alio actu supernaturali non habent meritum distinctum a merito actus supernaturalis imperantis; sicut actus externus imperatus ab interno non habet meritum distinctum a merito actus interni, ut alio ostendimus cum D. Tho. contra Scot. & ratio est, quia adhuc actus imperatus remanet intrinsece naturalis, quamvis imperetur ab actu supernaturali; ergo non est proportionatus præmio supernaturali.

Dices: Actus supernaturales Christi Domini quamvis de se non sint proportionati ad præmium infinitum; tamen quia dignificantur a sanctitate substantiali infinita Christi Domini, sunt meritorii infinite; ergo pariter actus naturales iusti, quamvis de se non sint proportionati ad præmium supernaturale, quia tamen dignificantur a gratia, possunt mereri præmium supernaturale.

Confirm. quia promittitur vita æterna in Evangelio etiam pro potu dato aquæ frigidæ; & a SS. PP. opera honesta naturalia valde commendantur.

Resp. Sicut actus naturales Christi Domini, & actus indifferentes nec merentur præmium infinitum, nec præmium supernaturale; ita pariter actus naturales honesti, & actus indifferentes iusti non sunt proportionati ad præmium supernaturale. quare concessio antec. nego consequ. disparitas est, quia in actibus supernaturalibus Christi Domini datur capacitas ad præmium majus, & majus supernaturale, prout est magis & magis digna Persona operans; atque adeo si persona operans est infinite digna, actus est meritorius infinite. Contra vero in actibus naturalibus honestis, aut moraliter indifferentibus iusti non datur capacitas ad præmium ordinis supernaturalis. Ratio ulterior est, quia operatio dignificatur a Persona; ergo a Persona infinite digna est infiniti valoris; At gratia accidentaliter per accidens omnino se habet relate ad opera naturalia iusti; quia huiusmodi opera non sunt filii Dei adoptivi formaliter, sed materialiter, & per accidens, sicut per accidens mulcus ædificat, & ideo non dignificantur a gratia, nec redduntur meritoria præmii supernaturalis.

Ad confirm. Promittitur vita æterna pro potu frigida dato tamen ex motivo supernaturali.

naturali. Præterea a SS. PP. commendantur opera honesta naturalia, præsertim in infidelibus, quia indirecte promoveant ad opera supernaturalia; quatenus facilitant ad hæc, & difficultant ad vitia, ut diximus in de Gratia.

VI Dico 2. Ut actus sit meritorius, debet pariter esse arduus, seu contemptivus alicujus commodi temporalis. Ita Esparz. q. 21. contra Maur. q. 44.

Prob. 1. ex Scripturis; *Non coronabitur, nisi qui legitime certaverit. Regnum Calorum vim patitur. Si tamen compatimur, & glorificabimur.* Secundo a priori, quia præmium datur in compensationem operis in alterius gratiam exhibitum; atqui si in operis, & obsequii exhibitione nulla subitur lætitia, non exigitur compensatio, ut patet; ergo opus meritorium debet esse contemptivum alicujus commodi in gratiam præstantis: Et hac de causa actus honesti imperati, si careant libertate formali, non addunt novum meritum actibus imperantibus; quia scilicet nulla in iis exercendis habetur difficultas.

Confirm. 1. Præmium condignum debetur ex iustitia, & tamquam merces; atqui quod debetur ex iustitia, debetur ex contractu utrinque oneroso; ergo si obsequium non sit onerosum, & laboriosum, non est meritorium de condigno vitæ æternæ.

Confirm. 2. quia aliter Beati, qui magis Deum amant, quam ament homines, privarentur præmio ex mero arbitrio divino, & non ex defectu exigentiæ in eo amore; qui eum caret difficultate, non est meritorium.

Neque dicas, non esse meritorium, quia Beati sunt in termino, sicut odium Dei in damnatis non est demeritorium, quia sunt in termino. Nam ex opposita sententia hoc inconveniens sequitur, quod scilicet Beati non deberent esse in termino, sed deberent semper iterum iterumque mereri Deum amando, si ad meritum non requiritur victoriosus contemptus alicujus commodi. Paritas de damnatis non est ad rem; Nam, ut notat Haunol. n. 871. Deus nulli est injuriosus, si non puniat peccata damnatorum nova poena, prout posset; imo bonum, quod per infirmitatem novæ poenæ obtineretur relata ad divinam gloriam, abunde compensatur ex ostensione suæ misericordiae: Contra vero esset contra perfectionem iustitiæ providentialis, si Deus non præmiaret opera amicorum exigentia præmii ultioris; & continuum miraculum pararet in

frustranda hac exigentiæ morali.

VII. Dices 1. Hinc sequeretur, quod opus magis arduum esset magis meritorium; unde vitis dediti magis mererentur, quam præditi virtutibus, dum bene operantur, ob maiorem in iis difficultatem. Sequeretur etiam, quod actus virtutis inferioris esset magis meritorius, si esset magis arduus, quam superioris.

Resp. Cæteris paribus cone. 1. sequelam, quia tamen præditi virtutibus cum a passionibus non impediuntur, solent operari intensius ex vividiore cognitione motivorum præstantiorum, ideo eorum actus plerumque sunt magis meritorii. Ad 2. sequelam dico, quod Actus virtutis superioris possit esse magis meritorius ob sui præstantiam, quamvis sit minus arduus.

Dices 2. Quamvis actus non sit arduus, si tamen sit honestus, & liber, dignus est retributione, cum sit re vera obsequiosus; ergo potest esse meritorius sine arduitate.

Confirm. 1. quia potest Deus promittere aliquod donum sub conditione operis honesti non laboriosi; atqui in hoc casu talis actus esset meritorium de condigno talis boni, & non esset arduus; ergo.

Confirm. 2. quia ex Philosopho laus est præmium virtutis; atqui per quemvis actum honestum etiam non arduum homo exigit laudem; ergo & præmium.

Confirm. 3. quia Angeli, & Adam, antequam peccarent, nullam molestiam capere poterant ex actibus virtuosis, quibus merebantur; ergo ad meritum non requiritur actus molestus. Antec. prob. quia Adam erat in statu naturæ integræ, & iustitiæ originalis; atque adeo erat immunis a quavis pugna inter partem inferiorem, ac superiorem, & a quavis poena.

Resp. Non esse dignum retributione actum, ad quem natura ipsa inclinat, si non sit contemptivus commodi in gratiam alterius; ideo enim datur præmium, ut ad actus virtutis alliciamur; si tamen ad huiusmodi actus nostra sponte ferremur sine ullo incommodo, sufficiens præmium talis actus esset ipse actus, quo perficimur, juxta illud: *ipsa sibi præmium virtutis.*

Ad 1. confirm. neg. min. sicut si Deus promittat bonum supernaturale sub conditione operis naturalis, vel indifferentis, non propterea talis actus erit meritorius boni supernaturalis; imo de facto promittit Deus gratiam contritioni peccatoris, nec propterea hæc de condigno meretur gratiam.

Ad 2. Nos hic loquimur de præmio adducti.

ductivo alicujus utilitatis, non de præmio nullius commodi inductivo, ut est laus orta ex opere honesto; Deus enim, & Beati propter suos actus sunt laudabiles, & exigunt hujusmodi præmium, nempe laudem, nec propterea dicuntur mereri.

Ad 3. Tam Angeli, quam Adam, dum erant in via, capaces erant alicujus incommodi, ac torturæ; aliter mereri non poterant, ut docent multi apud Suar. l. r. de Gratia c. 25. Ideo enim peccarunt Demones, quia dum inclinabantur ad propriam excellentiam considerandam, & amandam, huic inclinationi non resisterunt; quod si resistissent, certe in eammodum subissent, ratione ejus vitam æternam fuissent consecuturi. Idemque proportionaliter dicas de Adamo.

VIII. Dico ult. Ut Actus sit meritorius de condigno, non requiritur quod sit elicitus, aut imperatus a charitate. Ita communis contra Sor., Med. apud Vasq. & contra Bannez putantem solos actus elicitos a charitate esse meritorios vitæ æternæ; nec non contra Palud., Bellar. l. 5. de Justif. c. 15 putantes, quod saltem virtualiter debeant imperari, ac referri in Deum per actum charitatis.

Prob. Scriptura omnibus actibus honestis supernaturalibus vitam æternam promittit: Matth. 19. *Si vis ad vitam ingredi, serva mandata*; ergo gratis omnino dicitur, quod soli actus a charitate elicit, vel imperati mereantur vitam æternam. Ratio a priori est, quia Dei amicus, & filius adoptivus per omnes actus supernaturales honestos meretur præmium consensaneum amico, & adoptivo Dei; atqui præmium consensaneum amico, & adoptivo Dei est hæreditas, ac Dei visio, seu vita æterna; ergo per omnes actus supernaturales iusti merentur vitam æternam.

Dices: 1. Cor. 1. habetur: *Oculus non vidit, quæ præparavit Deus diligentibus se*; ergo actus meritorius debet esse a dilectione aut elicitus, aut saltem imperatus. Et ratio videtur esse, quia augmentum præmii substantialis, nempe visionis Dei, correspondet augmento gratiæ, & charitatis; sed habitus charitatis a solis actibus charitatis, aut a charitate imperatis intenditur; ergo ab his solis actibus habetur meritum vitæ æternæ.

Confirm. ut operationes nostræ mereantur præmium supernaturale, seu visionem beatam, referri debent ad Deum ultimum finem supernaturalem; sed solius charitatis

est referre actus in Deum finem supernaturalem; ergo. Hinc Trid. scil. 6. can. 26. requirit ad meritum condignum, quod opera justorum sint in Deo facta; quod videtur sonare fieri ex charitate; idemque docet D. Thom. q. 114. a. 4. & alibi.

Resp. Christum Dominum omnibus operibus honestis supernaturalibus vitam æternam promississe. quare dum dicitur vita æterna præparata diligentibus, sensus est, quod detur propter charitatem sive formalem, sive participatam: omnes enim actus supernaturales participant aliquo modo charitatem, tum quatenus includunt aliquem amorem ultimi finis, tum quia dignificari debent a gratia, (quæ sæpe in Scriptura vocatur charitas) ut possint vitam æternam de condigno mereri. Ad rationem a priori negò min. Ab omnibus enim actibus supernaturalibus incenditur meritorie tum gratia, tum habitus charitatis, ac reliqui habitus infusi, qui sunt gratiæ proprietates.

Ad confirm. Sufficit, quod Actus ratione supernaturalitatis natura sua referantur ad Deum finem ultimum supernaturalem, ut possint mereri vitam æternam. Trid. ibi docet aperte, quod tantum opera justorum, quæ sunt facta in Deo, hoc est in statu gratiæ, mereantur de condigno gloriam, non vero quæ sunt in statu peccati. Ad autoritatem D. Thom. alii aliter. Certum est ex Suar. & Tanner. quod sæpe Angelicus alius in locis aperte nobiscum sentiat.

ARTICULUS III.

De conditionibus meriti condigni tum ex parte merentis, tum ex parte premiantis.

Inquirendum, Num ad merendum condigne requiratur ex parte merentis status vitæ, & status gratiæ; & ex parte premiantis quod præmium promittatur?

IX. Dico 1. Ad meritum, & demeritum requiritur, ut actus honesti, aut inhonesti fiant in statu vitæ. Ita communiter.

Prob. Status vitæ dicitur status, in quo actibus bonis, & malis proposita est retributio; sed ad meritum, & demeritum requiritur, ut fiant in statu, in quo proposita est retributio; ergo requiritur status vitæ. Prob. min. Nam sicuti qui cursum in stadio, & pugnant in agone, ut mereantur bravium, debent pugnare tempore, quo sit proposita retributio; ita in casu nostro, Hinc

Hinc in Scripturis dicitur: *Dum tempus habemus, operemur bonum: Penes nos, quando nemo potest operari*; propterea nec Beati, nec damnati merentur, aut demerentur, cum sint in termino. Certum etiam est, Animas Purgatorii non mereri augmentum gratiæ, & gloriæ. Dubitatur tamen, An sicut possunt aliquid nobis impetrare, ita possint mereri sibi aliquod præmium accidentale, v.g. remissionem venialis, aut solatium aliquod ministerio Angelorum exhibendum? Affirmat Rip. disp. 77. l. 4. Commutius tamen negant: Cum enim non possint pro pena debita satisfacere, sed solum satisfacti, nec possunt mereri.

Non est autem ex mero Dei arbitrio, sed est etiam ex natura rei, quod tempus viæ sit finitum, & illi succedat terminus. Ratio est, quia Beatus est essentialiter est status quietis; atqui, si posset quis semper ulteriorem, & ulteriorem beatitudinem acquirere, non haberetur status quietis; ergo ex natura rei tempus merendi est limitatum, sicut etiam tempus demerendi miseriam oppositam beatitudini. Sunt quidem Angeli uique ad diem Iudicii capaces novi gaudii accidentaliter, ut notat D. Thom. 1. p. q. 62. a. 9. Juxta illud Luc. 15. *Gaudium eris coram Angelis Dei super uno peccatore penitentiam agente*; huiusmodi tamen gaudium non habent ex novo merito, sed vi beatitudinis substantialis, posita penitentia peccatoris, tamquam requisito; eodem modo Dæmones capaces sunt novæ pœnæ accidentaliter, dum vident peccatores ad bonam frugem redire: quando vero vident homines in peccatum labi, tunc non habent gaudium positivum, sed negativum, seu carentiam illius pœnæ accidentaliter, qua cruciarentur, si homines non peccarent.

Ex quibus deducitur, Homines in statu naturæ integræ, & iustitiæ originalis, in quo erant immunes a pugna inter appetitum sensitivum, & rationalem, necnon a morte, & mortis vestigiis, connaturaliter habituros fuisse tempus viæ determinatum, (ut habuerunt Angeli) post quod si in eo statu innocentie permansissent, transferendi erant in Empyreum ad Deum videndum. Nunc autem in statu naturæ lapsæ tempus viæ est usque ad finem viæ, juxta illud Eccl. 18. *Ne revertaris usque ad mortem iustificari*. Utrum autem Enoch, & Helias, qui nondum mortui sunt, sint in statu viæ, & capaces meriti? Affirmant Viegas, & Maur. q. 45. Negant communius cum Vasq. & Suar. l. 22. de gr. c. 15. quia sicut præ-

ter ordinem miraculose conservantur usque ad diem iudicii, & sicut non sunt in statu peccandi, ac demerendi, ita nec merendi. Aliiter eorum merita crescerent ultra meritum omnium Sanctorum, quod videtur inopinabile.

X. Obijc. Actus honesti de se sunt digni præmio, & inhonesti exigunt pœnas: ergo independentes a statu viæ habetur meritum, & demeritum.

Confirm. opus honestum per hoc, quod sit a Persona magis Deo dilecta, nempe a Beato, non desinit esse meritum; ergo ut prius.

Resp. Actus honestos esse dignos præmio in actu primo, ac veluti conditionate, si scilicet iis proponatur retributio, ut cursus in stadio exigit bravium tantum conditionate; idemque dicas de actibus inhonestis, qui exigunt pœnam in actu primo, & ex natura rei est, ut non proponatur pœna pro peccatis, quæ sunt in termino, & ideo peccata damnatorum non exigunt pœnam in actu secundo.

Ad confirm. redit eadem Responsio: Actus Beatorum non desinunt esse meritum, quia sunt a personis magis Deo dilectis, sed quia deest conditio necessaria ad meritum, nempe quod proponatur retributio.

XI. Dico 2. ad merendum de condigno vitam æternam requiritur etiam status gratiæ. Ita omnes Theologi contra Bajum damnatum a Pio V. & Greg. XIII.

Prob. Tum ex Script. 1. Cor. 17. *Si tradidero corpus meum, ita ut ardeam, Charitatem autem non habuero, nihil mihi prodest*. Jo. 15. *sicut palme non possunt ferre fructum, nisi manseris in vite*, &c. Tum ex Trid. sess. 6. can. 32. Tum ratione, quia sine gratia vel homo est peccator, & non potest simul habere reatum pœnæ æternæ, & jus ad vitam æternam; vel homo est in pura natura, & non potest actus naturalis mereri præmium supernaturale, cum sint in diverso ordine.

Dices: Opus malum de se sufficit ad merendam miseriam; ergo opus bonum ad merendam Beatitudinem, sive naturalem, si opus bonum sit naturale; sive supernaturale, si illud sit supernaturale; ergo ad merendam gloriam non requiritur status gratiæ, sed ad summum, quod actus sit supernaturalis.

Confirm. tum ex Apost. Rom. 2. dicente, Deum non esse Personarum acceptorem, sed gloriam tribuere omni operanti bonum: esset autem Personarum acceptor, si so-

si solum amicis operantibus bonum daret gloriam. Tum ex Aug. 1. 2. de lib. arb. c. 6. ubi ait, lege æterna statutum esse, ut boni beatam, mali miseram vitam comparent; ergo ad beatam vitam promerendam sufficit ut bonus bene operetur, quin requiratur status gratiæ.

Resp. Actum supernaturalem non mereri de condigno gloriam, nisi procedat ab habente gratiam; tunc enim non esset actus filii adoptivi formaliter; ergo non posset mereri præmium dignum duntaxat filio adoptivo, nempe hereditatem. In forma, concessio antecedente, nego consequens. Disparitas est, quia plus requiritur ad operandum supra naturam, & ad merendum beatitudinem supernaturalem, quam ad operandum infra naturam per peccatum, & ad merendam miseriam; sicut autem non potest homo per vires naturales mereri præmium supernaturale, sic neque potest dum est in statu servi per actus supernaturales mereri de condigno præmium proprium filii adoptivi, hoc est hereditatem.

Hinc fit, actum contritionis supernaturalis elicium a peccatore non posse mereri de condigno vitam æternam, atque adeo nec esse formam justificantem; si enim actus charitatis supernaturalis elicitus ab innocente carente gratia adoptionis non potest de condigno mereri vitam æternam, quia est opus servi Dei, non filii, unde non debetur illi hereditas, a fortiori contritio peccatoris, que est opus inimici. Quod si non potest mereri de condigno vitam æternam contritio peccatoris, a fortiori non potest esse justificativa formaliter, seu deletiva peccati, ut dicemus in de Penitentia disp. ult. q. 2. Cum plus requiratur ad delendum peccatum, quod est in ordine supremo, quam ad merendam gloriam.

Ad Confr. Deus non est personarum acceptor, si solum amicis honeste operantibus det Gloriam: quia solum amici illam merentur de condigno. Aug. loquitur in præsentia providentia, in qua bonus non potest non esse iustus. In statu vero puræ naturæ bonus meretur beatitudinem naturalem.

XII. Dico ultimum. Ex parte præmiantis ad meritum condignum condignitate perfecta requiritur promissio divina, qua Deus se obliget ad præmium conferendum, quin sufficiat sola æqualitas proportionis cum tali præmio. Ita communiter apud Ovied. & Maur. d. 47.

Prob. Ad meritum condignum condignitate perfecta requiritur, quod præmium

debeatur ex iustitia; sed citra promissionem divinam Gloriæ hæc non debetur ex iustitia, sed solum exigitur exigentia morali connaturali divinitus frustrabili; ergo [ad meritum condignum] requiritur ex parte præmiantis promissio præmi. Prob. maj. tum ex Apost. Hebr. 6. *Non est iniustus Deus, et obliviscatur operis vestri, & laboris*: Tum ratione, quia in humanis tunc solum quis de condigno meretur bravium, mercedem, præmium, quando illud ex iustitia debetur, & antecedenter promittitur. Ratio a priori est, quia omne debitum retributionis oritur vel quia retribuens accepit rem, aut opus, quod prius non erat accipientis, vel quia retributionem promisit sub conditione operis faciendi: atqui Deus non potest teneri ad retribuendum ex primo capite; non enim potest accipere a creatura rem, aut opus, quod antecedenter non esset ipsius Dei; cum ex ipso, in ipso, & per ipsum sint omnia, sitque Deus dominus omnium iure creationis; ergo unice potest Deus nobis debere mercedem ex secundo titulo, hoc est vi promissionis suæ; non quasi vero sola promissio sufficiat, ut meritum sit condignum; (contritioni enim peccatoris promittitur justificatio, quam tamen non meretur de condigno) sed quia citra promissionem præmium non est debitum ex iustitia. Hinc Aug. ser. 17. de verb. Apost. dicit: *Debitum nobis factus est Deus, non aliquid accipiendo, sed quod ei placuit promittendo.*

Confr. Nisi requireretur promissio præmiantis, non daretur apta ratio, cur animæ purgantes de facto non mereantur sibi de condigno augmentum gratiæ, & gloriæ, & cur Christus dominus non meruerit de facto de meritis reparationem post lapsum, & Angelis bonis unionem hypostaticam.

XIII. Obijc. Peccatum meretur de condigno penam æternam citra promissionem divinam; ergo etiam opus honestum meretur de condigno vitam æternam citra divinam promissionem.

Resp. nego consequens. Disparitas est, quia posita culpa iudex habet perfectum Jus proximum, & expeditum ad penam propositam infligendam; etiam non teneatur illam infligere; At posito opere bono, Creatura non habet perfectum Jus, sed solum exigentiam connaturalem ad præmium, & ideo requiritur divina promissio.

QUÆSTIO II.

De iis, quæ cadunt, aut cadere possunt sub meritum condignum.

Dubitatur, Num possit Justus de condigno mereri alteri gratiam Sanctificantem, & sibi reparationem post lapsum? secundo An possit sub meritum condignum cadere Perseverantia finalis? An Auxilia supernaturalia præsertim efficacia? An prima gratia actualis? An primus gradus Gloriæ essentialis? An remissio venialis? Difficultas tamen est, An ea possint cadere sub meritum condignum saltem in Alia Providentia? Nam in præsentī providentia, ut communiter Theologi docent cum D. Tho. 1. 2. q. 114. ar. 6. apud Maur. q. 51., Justus non meretur de condigno, nisi gratiæ augmentum, & gloriam sibi meret: adeo ut nec sibi mereretur de condigno Auxilia supernaturalia ad gratiam augendam, aut ad perseverantiam finalem; siue id oriatur ex defectu promissionis divinæ, siue ex defectu condignitatis jam exhaustæ præmio gratiæ, & gloriæ, quod sibi meretur.

ARTICULUS I.

Utrum possit Justus condigne mereri Alteri gratiam, & sibi reparationem post lapsum?

Solum hic inquirimus, An possit Justus de condigno mereri gratiam Sanctificantem alteri immuni a peccato, aut augmentum gratiæ alteri Justo, præscindendo an possit illam mereri peccatori. Et sane quod justus hæc possit de congruo mereri docent communiter cum Angelico loc. cit. quia Amicitia munus est Amicorum præces exaudire; ergo cum Justus sit Dei amicus, congruum est, ut ejus obsequia, & præces impetrent Aliis a peccato immunibus gratiam Sanctificantem, vel Auxilia efficacia, quibus possint ad illam se disponere: difficultas ulla est, An possit etiam de condigno juxta providentiam extraordinariam?

I. Dico equidem posse Justum in Alia providentia mereri de condigno Alteri a peccato immuni gratiam sanctificantem, & Alteri Justo augmentum gratiæ. Ita Suar. 3. p. disp. 4. sect. 17. Ripal. disp. 95. Maur. loc. cit. cum Cajet. Sot. Petro Hurt. contra Vafq. 3. p. dif. 4. c. 5. Mærat., Gasp. Hurt. & Alios.

Probant Conclus. Suar., Gran., Duran. & Alii, quia potuit Deus condere Adamum caput hominum, ita ut per bonam operationem gratiam de condigno etiam posteris mereretur; sicut de facto condidit Adamum caput hominum, ita ut per peccatum sibi, & posteris meruerit de condigno quod gratia privarentur; si enim peccatum Adæ potuit Posteris de condigno obesse, quidni possit in alia providentia ex institutione divina etiam prodesse de condigno?

Hæc tamen ratiocinatio impugnatur a Rip. quia si Adam constitueretur caput tam in ordine ad meritum, quam in ordine ad demeritum, sequeretur, quod sicut Posteris de facto demeretur privationem gratiæ propter peccatum originale, quod est interpretative proprium; ita tunc mereretur gratiam propter meritum proprium; unde non Adam mereretur posteris gratiam, sed ipsi sibi. Adde quod neque propter meritum proprium possent gratiam mereri; magnum enim discrimen est inter meritum, & demeritum: ut possint infantes demereri carentiam gratiæ, & penam æternam, sufficit, quod peccatum Adami sit interpretative proprium Infantium, per transfusionem voluntatum in illum; At ut possint mereri gratiam, non sufficit quod Adæ bonus Adami sit interpretative proprius Posterorum, cum non sufficiat solus Adæ bonus ad merendam gratiam; sed præterea requiratur dignitas Personæ merentis; unde solus Justus mereri potest de condigno gratiam; At per hoc quod operatio bona Adæ sit interpretative propria Infantium, non fit quod gratia, quæ erat in Adamo dignificans ejus operationes, sit interpretative propria Infantium, cum gratia non dignificet nisi proprium subiectum physicum; ergo infantes non poterant mereri sibi gratiam, ut potuerunt demereri sibi penam. Hinc si Christus Dominus constitueretur caput hominum, non ut nunc fuit, (videlicet quod Aliis meruerit gratiam, illamque influat in fideles tamquam in membra) sed ita ut bona operatio Christi domini esset interpretative nostra, eo modo quo Adam fuit nostrum caput; Non per hoc nos mereremur præmium infinitum; & ratio est, quia in eo casu Christus dominus transfunderet in nos solum operationem moralem, non vero dignitatem Personæ infinitæ. Hæc igitur ratiocinatione omitta.

Probatur Conclus. Potest Justus mereri de condigno gratiæ augmentum sibi; ergo etiam gratiam Innocenti, & augmentum gra-

tiz Alteri iusto in alia Providentia: prob. conseq. quia idem entitative est gradus gratiæ B, qui confertur de facto in præmium condignum iusto habenti gradum gratiæ A, ac qui conferitur in præmium ejusdem operationis Innocenti, vel alteri iusto; ergo sicut potest in presenti Providentia iustus mereri gradum gratiæ B sibi; poterit etiam in alia providentia illum eundem mereri innocentem, aut alteri iusto.

II. Obij. 1. Dispar est ratio inter gradū gratiæ B, quem meretur de facto iustus sibi, & eundem gradum gratiæ, quem meretur Alteri innocenti in alia providentia; ergo ex eo, quod possit illum mereri sibi, non inferitur, quod possit etiam Aliis. Anteced. prob. quia dum meretur iustus sibi gradum gratiæ B, meretur illum amico, & Filio Dei, atque adeo digno; contra vero dum meretur Innocenti, non meretur iusto, ac digno; magis autem est mereri præmium non digno, quam digno; sicut magis est mereri gradum gratiæ B peccatori, quam Innocenti. ergo, &c.

Respond. quamvis magis sit mereri gradum gratiæ Alteri positive indigno, seu peccatori, quam innocenti, seu negative digno; et non est magis mereri illum innocenti, quam iusto; cum in utroque sit impedimentum; Deinde adhuc dato, quod plus sit mereri gradum gratiæ B non iusto, quam iusto; non est tamen magis mereri unum gradum gratiæ non iusto, quam 1000. gradus iusto; ergo cum possit iustus mereri sibi 1000. gradus, multiplicando operationes honestas, poterit saltem per easdem operationes mereri unum gradum gratiæ innocenti; ita scilicet ut inæqualitas subjecti sufficiens præmium compensetur merendo plus sibi, quam Aliis. Quod patet in humanis; Nam Rex propter operationes strenuas militis æque confert præmium ipsi, ac ejus filius, aut amicus; & dato quod non æque, certe si potest juxta leges boni remuneratoris conferre huic militi præmium ut. 1000. saltem poterit idem miles iisdem meritis mereri condigne præmium ut unum suis filius, vel amicus, qui non habent positivam dignitatem ad tale præmium ex propria operatione, sed ex operatione militis; & eodem modo in casu nostro. Innocens, quamvis non dicatur esse dignus gratia per proprias operationes, esset tamen dignus propter operationes iusti merentis illam huic innocenti.

III. Obij. 2. Si possit in alia Providentia iustus mereri alteri amicum a culpa

gratiam, posset etiam de facto; imo de facto B. Virg. meruisset gratiæ augmentum nobis ob altissimum gradum Sanctitatis, in quo fuit collocata; ergo cum de facto non detur hujusmodi meritum condignum, nec est possibile.

Resp. neg. sequelam, connaturale enim est merenti, ut præmium exigat sibi prius, quam Aliis; ergo in presenti Providentia, in qua servatur connaturalitas, quilibet iustus etiam maxime Sanctus meretur solum gratiæ augmentum sibi de condigno, non vero Aliis. In alia vero Providentia posset Deus de potentia absoluta nolle dare iusto præmium ullum ipsi, sed velle, ut præmium a propriis bonis operationibus exigium conferatur Aliis; in quo casu non est ratio, cur non possit gratia alteri innocenti, aut augmentum gratiæ alteri iusto conferri. Ratio a priori est, quia, ut notat Rip. n. 10. condignitas operum non vindicatur sibi æqualitatem Arithmeticam cum premio, sed solum geometricam admetriem latitudinem majoris, vel minoris præmii: unde quamvis de facto adus charitatis A; v.g. mereatur de condigno duos gradus gratiæ, poterat tamen Deus eundem adum cum eadem connaturalitate, & juxta leges boni remuneratoris acceptare ad conferendum vel unum tantum gradum, vel tres ipsi merenti; ergo pariter poterat in alia Providentia Deus, juxta leges boni Remuneratoris, citra ullam innaturalitatem, aut ullum detrimentum merentis, acceptare eundem actum ad conferendum merenti duos gradus gratiæ, prout confert nunc; & simul unum gradum Alteri innocenti, aut iusto.

IV. Obij. ultimo. Si posset iustus mereri Alteri innocenti gratiam Sanctificancem, posset etiam mereri de condigno alteri gloriam, ut potest sibi; conseq. est falsum; ergo & antec. probatur minor; dignitas Gratia ad gloriam est dignitas adoptionis, quæ non communicatur nisi in genere causæ formalis subjecto, cui inhaeret; ergo.

Confr. quia Gratia est semen Gloriz; semen autem non fructificat, nisi in solo, ubi statim est; ergo solum sibi potest iustus mereri Gloriam.

Resp. nego min. Ad probationem, quamvis dignitas, seu ius gratiæ ad Gloriam ut hæreditatem sit dignitas propria filii Dei adoptivi, nec possit hujusmodi ius, seu dignitas haberi a non adoptivo; potest tamen non adoptivus habere ius ad gloriam ut Coronam ratione meriti alieni; ita tamen ut gloria non sit danda, nisi prævio fundamento

gratiz, ad quam etiam habeatur jus, seu exigentia moralis ratione meriti alieni: quis enim neget, quod possit Christus dominus mereri nobis gloriam dandam una cum gratia ex eius meritis infinitis? ergo falsum est quod jus ad gloriam ut Coronam conferatur solum in genere causæ formalis.

Ad Confr. Gratia dicitur semen gloriæ, quia nulli datur gloria, nisi cui insit gratia, quæ illam conatur alteri exigat; At potest innocentii & gratia, quæ est radix gloriæ, & ipsa gloria dari ob meritum alienum.

V. Quærendum hic esset, An iustus possit mereri alteri peccatori gratiam, seu remissionem peccati. Sed hoc opportunius in de Incarnatione disp. p. quæst. 3. art. 2., ubi, Deo dante, dicemus, quod sicut nequit iustus pro mortali condigne satisfacere, eo quod mortale sit saltem in ordine supremo, ita nec possit alteri mereri de condigno remissionem mortalis, quia carentia mali positi in supremo ordine est bonum negativum pariter ordinis supremi; non secus ac unio hypostatica est bonum ordinis supremi positivum; atque adeo sicut non potest iustus mereri de condigno unionem hypostaticam, ita nec potest condigne mereri alteri remissionem peccati, quia utrumque est boni ordinis supremi, illud positivum, hoc negativum.

Hinc fit, nec possit iustus mereri sibi de condigno reparationem post lapsum, ut docet D. Tho. 1. p. q. 114. 2. 7. Maur. q. 52. Bell. Suar. l. 12. de Gr. c. 27. & Alii communissime contra Rip. disp. 95. sect. 2. Ratio est, quia si non potest iustus mereri alteri de condigno remissionem peccati, ut hic supponimus, nec poterit alteri mereri de condigno reparationem post lapsum, quæ involvit remissionem peccati; ergo a fortiori non potest illam mereri sibi: Tum quia illæ reparationi post lapsum involvit remissionem peccati, tum etiam quia per peccatum subsequens ad meritum iusta exstinguitur omnis exigentia meriti præteriti; atque adeo non potest intuitu meriti præteriti conferri de condigno remissio peccati; sicut enim extincta exigentia physica in subiecto, quæcumque formam in eo ponatur, non ponitur ut exigita; ita extincta exigentia moralis per peccatum, quodcumque donum conferatur, non potest conferri ut exigitum, atque adeo non potest habere rationem præmii. Utrum autem cadere possit saltem sub merito congruum reparatio post lapsum? dicemus questione sequenti.

ARTICULUS II.

Num possit sub meritum condignum cadere Perseverantia finalis, Remissio venialium, Auxilia efficacia, Prima Gratia, & Primum Gradus Gloria?

VI. Circa primam difficultatem certum est ex D. Tho. 1. 2. q. 114. 2. 9. cum Communi Theologorum apud Suar. l. 12. de Gratia c. 27. in præsentia providentia iustum non posse de condigno mereri perseverantiam finalem in gratia; & ratio est quia ad meritum condignum, ut diximus qu. 1. non solum requiritur proportio cum præmio, sed etiam quod tale præmium a Deo promittatur; atqui in præsentia providentia non promittitur Perseverantia finalis bene operantibus, ne unquam sint desides in bonis operationibus; imo monentur iusti, ut semper timeant. Ad Philip. 2. Cum timore, & tremore salutem vestram operamini. 1. Cor. 10. Qui se existimas stare, videas, ne cadas. ergo in præsentia providentia perseverantia finalis non cadit sub merito condignum. Difficultas solum est, Utrum possit in alia providentia cadere, ita scilicet ut si promitteretur a Deo perseverantia propter bonum aliquod opus, v. g. propter ingressum in Religionem, tunc ea caderet sub merito condignum, an vero solum sub congruo, ut de facto cadit solum sub merito congruum justificationis peccatoris promissa a Deo sub conditione onerosæ contritionis?

Dico equidè posse in Alia providentia iustum mereri de condigno perseverantiam finalem. Ita communis contra Maur. q. 52. n. 10.

Prob. Tunc iustus mereretur de condigno perseverantiam finalem, quando per actum aliquem supernaturalem mereretur de condigno auxilia efficacia danda sibi usque ad mortem; sed potest hæc mereri de condigno; ergo. Prob. min. Auxilia efficacia danda usque ad mortem non sunt bonum præstantius, quam sit augmentum gratiæ habitualis, & gloriæ æternæ, ut patet; sed potest iustus mereri, & de facto meretur de condigno augmentum gratiæ, & gloriæ æternæ; ergo si Deus veller in alia providentia iustus bene operantibus, viæ augmenti gratiæ, & gloriæ, promittere auxilia efficacia usque ad mortem, & deinde solam beatitudinem naturalem æternam, in tali casu iustus mereretur de condigno perseverantiam finalem.

Hinc Colligitur, quod in præsentia providentia

videtur.

videntia Justus non mereatur de condigno auxilium ullum efficax; quia non datur promissio talis auxilii; in alia vero providentia posset de condigno mereri auxilia efficacia, vel in numero determinato, puta 10., vel tempore determinato, puta per annum, vel per totam vitam, ut ostendimus.

VII. Objic. 1. Deus in præsentij providentia promittit orantibus bona omnia spiritalia, juxta illud, *Si quid petieritis Patrem in nomine meo, dabit vobis*, ergo in præsentij providentia orando meretur justus de condigno auxilia efficacia, & perseverantiam finalem.

Resp. Sicut Deus promittit contritioni peccatoris justificationem, quam tamen peccator solum de congruo meretur, ita promittit orantibus quodcumque petierimus in nomine Christi Domini, quod tamen solum de congruo meremur: & ratio est, quia oratio Justo habet proportionem solum cum augmento gratiæ, & gloriæ; cum aliis vero bonis spiritalibus habere proportionem, si Deus illam ordinasset ad ea bona, & non ad augmentum gratiæ, & gloriæ; ergo cum de facto Deus ad hoc præmium duntaxat illam ordinavit, sequitur quod teneatur Deus exaudire preces solum ex vi promissionis, non ex obligatione justitiæ. Hinc Matth. 7. dicitur Deus exaudire preces, quia Pater, & bonus est, non quia Justus; coronam vero justitiæ reddit, quia Justus: & Psal. 65. dicitur: *Benedixit, qui non amoris deprecationem meam, & misericordiam suam amem*.

VIII. Objic. 2. Fingamus, Deum promittere Petro pro actu A auxilium efficax ad actum B; in tali casu Petrus vel mereretur pro actu B augmentum gratiæ & gloriæ, vel non; si primum, falsum est, quod auxilium efficax dandum in præmium actus A fit minus bonum, quam augmentum gratiæ & gloriæ, quod datur in præmium actum supernaturalium; nam illud auxilium efficax, quod datur in præmium actus A, cum trahat actum B, trahit etiam in radice augmentum gratiæ, & gloriæ; atque adeo præstat tali augmento: si secundum, ergo Deus injuste se gereret non premiando actum B, juxta illud Hebr. 6. *Non est injustus Deus, ut obliviscatur operis vestri, & laboris*.

Confr. 1. ex Maur. ut quis mereatur perseverantiam finalem debet mereri auxilium efficax, post quod repugnet lapsus; sed hujusmodi auxilium est impossibile; ergo non potest homo de condigno mereri perseve-

rantiam finalem.

Confr. 2. Si quis mereretur perseverantiam finalem merendo auxilia semper efficacia, sequeretur quod esset confirmatus in gratia, & quod danda illi essent auxilia efficacia, qua efficacia simpliciter; sed hujusmodi collatio auxiliorum æquivaleret prædefinitioni antecedenti, quæ in nostra sententia everteret libertatem; ergo non potest in alia providentia perseverantia finalis cadere sub meritum condignum.

Resp. quod Deus posset in alia providentia promittere Petro pro actu A supernaturali auxilium efficax ad actum B, ita tamen ut nullum præmium vellet conferre pro actu B; nec propterea Deus esset injustus. Ratio est quia tunc Deus negando præmium est injustus, quando illud antedecenter promittit; in casu nostro non promississet præmium, seu augmentum gratiæ, & gloriæ pro actu B, ergo non esset injustus, negando hujusmodi augmentum, sed solum frustraretur exigentiam naturalem talis actus.

Ad 1. Confr. Argumentum solvendum ab eodem Maur., qui non negat, posse Justum mereri de congruo perseverantiam finalem. In forma dist. maj. post quod repugnet lapsus vi promissionis divini, conc., vi ipsius auxilii, nego maj. & dist. min., nego consequ.

Ad 2. dicipotest 1. quod sicut Apostoli postquam fuerunt in gratia confirmati, ita homo in casu nostro haberet solum libertatem ad circumstantias actus præcepti, & ad substantiam actus supererogationis, quod sufficit, ut possent mereri, quamvis carerent libertate ad peccandum, & ad demerendum, si detur eis auxilium efficax, qua efficax simpliciter: Sic Christus dominus capax fuit merendi, non tamen peccandi ratione impeccabilitatis orta ex unione hypostatica: Secundo dici potest, quod tam confirmatis in gratia, quam homini in casu nostro detur auxilium efficax qua efficax in maxima latitudine, non tamen simpliciter, adeo ut moraliter tantum non possent peccare, non vero metaphysice.

IX. Ad 3. difficultatem, Num cadere possit sub meritum condignum Remissio venialium? Dico quod quamvis de facto non cadat, cum de facto omne meritum condignum Justo fit in ordine ad augmentum gratiæ, & gloriæ; in alia tamen providentia posset cadere sub meritum condignum remissio venialium.

Prob. Potest Justus satisfacere de condigno

gno pro veniali; ergo a fortiori poterit de condigno ejusdem remissionem mereri; consequitur, quia magis requiritur ad satisfactionem, quam ad meritum condignum; cum inter satisfactionem, & offensam requiratur proportio arithmetica; inter meritum vero, & primum geometrica. Antec. hic supponitur ex dicendis in de Incarnatione, ubi ostendimus solum offensam mortalem mensurari a dignitate Personae offensae; veniale tamen mensurari solum a fervore amicitiae cum Persona, quae leviter offenditur, quia peccatum veniale non est contemptus Dei, nec amicitiae divinae, ut est mortale, sed est quidam contemptus fervoris amicitiae cum Deo, & ideo non est in ordine offensae divino, & supremo, ut est mortale; propterea dari potest commensuratio arithmetica inter satisfactionem iusti, & peccatum veniale, adeo ut possit iustus condigne pro eo satisfaccere.

Neque dicas, quod si potest de facto iustus condigne satisfacere pro venialibus, quod est majus; poterit etiam de facto mereri condigne remissionem venialium, quod est minus. Negatur enim sequela, & ratio disparitatis est, quia ad satisfaciendum pro debito, vel offensae, nulla requiritur benigna voluntas creditoris, sed sufficit quod ponatur id, quod debetur, aut obsequium aequale offensae: contra vero ad merendum requiritur, quod a promittente bona operatio ordinetur ad primum, & quod illud promittatur, in praesenti autem providentia non promittitur remissio venialium pro operationibus iustis, sed solum promittitur augmentum gratiae, & gloriae.

X. Ad 3. Difficultatem, Num scilicet mereri possimus auxilia efficacia? jam diximus.

Ad 4. Num possit cadere sub meritum condignum prima Gratia? Certum est, quod, si loquamur de prima gratia actuali, ea cadere non possit sub meritum, ne congruum quidem. Ratio est, quia Principium meriti non cadit sub meritum; cum non possit idem causare se ipsum: si vero loquamur de primo gradu gratiae habitualis, diximus jam Articulo superiore quod possit iustus mereri de condigno primam gratiam habitualem alteri innocenti, non tamen alteri peccatori: Nemo tamen potest sibi ipsi de condigno mereri primum gradum gratiae, ac innocentem quidem, etiam si operetur actus supernaturales. Ratio est, quia Gratia habitualis, & gloria, quae est hereditas, non

debetur nisi filiis Dei adoptivis, & actibus filiorum, quae talium; atque actus supernaturales hominis non adoptati per gratiam non sunt actus Filii adoptivi Dei, sed sunt actus servi; ergo illis non debetur in primum condignum prima gratia, & gloria; si enim servo Regis non debetur amicitia cum Rege per hoc praecise, quod Regem diligit, a fortiori Civitatis essentialiter servae Dei, nondum adoptatae per gratiam, non debetur amicitia cum Deo, per hoc praecise, quod Deum diligit. Hinc a fortiori sequitur quod peccator per contritionem supernaturalem non possit de condigno mereri primam gratiam, quamvis illam mereatur de congruo, ut dicemus quaestione sequenti.

XI. Ad ultimum difficultatem De primo Gradu Gloriae essentialis, Num scilicet de facto cadat sub meritum condignum? quando scilicet contritio mereatur de congruo primum gradum gratiae, adeo ut a gratia habituali dignificetur contritio ad merendum primum gradum Gloriae.

Dicendum cum D. Th. 1. 2. q. 112. ar. 2. Suar. Vasq. Bell. apud Maur. q. 49. contra Martinon. & Ripal. de facto cadere sub meritum condignum non solum augmentum gloriae, sed etiam ipsam gloriam substantiam, seu primum gradum Gloriae.

Prob. Tum ex Scripturis, in quibus promittitur Gloria. Matt. 19. Qui reliquerit Patrem &c. centuplum accipiet, & vitam aeternam possidebit: Tum ex Trid. sess. 6. can. 32. ubi dicitur Iustificatus mereri augmentum gratiae, vitam aeternam, & gloria augmentum. Tum ratione, quia in tantum primum gradus gloriae non caderet sub meritum condignum, quia supponeretur debitus aliunde, videlicet propter primum gradum gratiae datum liberaliter per contritionem citra meritum condignum; sed hoc non obstat, quo minus contritio dignificata a primo gradu gratiae, quam meretur de congruo, dignificetur in eodem instanti ab eadem gratia ad promerendum de condigno primum gradum gloriae; ergo de facto contritio peccatoris meretur de condigno primum gradum gloriae promissum. Prob. 2. tum a posteriori, quia Christus dominus de facto meruit resurrectionem, & gloriam corporis, ut docet D. Th. in 3. dis. 48. ar. 5. quamvis ea esset aliunde debita ratione filiationis naturalis Dei; tum a priori, quia mereri est acquirere jus ad primum propter obsequium praestitum; sed non repugnat quod acquiratur novum jus ad primum, ad quod

quod antecederet habebatur aliunde Jus ; ergo dari potest aliunde jus ad præmium antecederet debitum . Min. hæc prob. Sicut enim dari potest novum debitum ad id , quod antecederet debebatur , ut cum quis vovet observare præceptum ; ita dari potest novum jus ad id , relate ad quod præsupponebatur jam jus : Ut cum quis emit rem sibi promissam .

Hinc infertur , quod primus gradus gloriæ cadat non solum sub meritum condignum contritionis dignificatæ a Gratia , sed etiam attritionis , quando illi in Sacramento adnectitur Gratia , ut notat Maurus paritate rationis .

XII. Objc. 1. Qui emit v. gr. domum , non potest iterum illam emere , aut habere pro præmio , vel dono ; ergo qui habet jus ad gloriam ratione gratiæ præhabitiæ , non potest illam condigne mereri , & accipere in præmium ; ergo non datur meritum condignum ad primum gradum gloriæ aliunde debitum ratione gratiæ dignificantis contritionem peccatoris .

Resp. 1. Retorqueo paritatem , qui emit domum , anequam sibi tradatur , potest iterum aliud pretium pro eadem domoolvere ad acquirendum novum jus in eandem ; ergo a pari . Secundo quamvis non possit iterum emi res emptæ , potest tamen emi res promissæ ; ergo potest pariter dari meritum ad gloriam aliunde debitam . In forma , omisso antecedente cum D. Tho. in 3. dist. 18. q. 1. , Nego consequ. disparitatem est , quia Emptio principaliter est propter rem pretium , & pretium datur ut acquiratur aliquid pretio æstimabile ; post primam autem emptionem , per solutionem novi pretii non acquiritur de novo aliquid pretio æstimabile ; etiam si acquiratur novum jus ad eandem rem emptam , cum non magis æstimentur duo jura ex justitia in eandem rem , quam unum tantum ; ergo res emptæ non potest iterum emi . contra vero Actio meritoria principaliter est propter honestatem operis , non propter præmium ; propterea etiam si præmium non daretur , ea esset per se amabilis ; Hinc posita una actione meritoria relate ad præmium A , adhuc datur motivum principale ad ponendam secundam relate ad idem præmium merendum ; atque adeo etiam posito jure ad gloriam ut hæreditatem , per primum gradum gratiæ , poterit dari in eodem instanti jus ad gloriam ut Coronam vi contritionis dignificatæ ab eadem gratia .

XIII. Objc. 2. Si contritio peccatoris

posset a primo gradu gratiæ significari ad promerendum de condigno primum gradum gloriæ , sequeretur quod eadem contritio dignificata a primo gradu gratiæ deberet in eodem instanti dignificari ad merendum secundum gradum gratiæ ; sequela est absurda ; ergo &c. Maj. prob. quia universim opera iustorum , quæ de condigno merentur gloriam , merentur etiam augmentum gratiæ . Probat. etiam minor , quia si a primo gradu gratiæ contritio dignificaretur ad promerendum secundum gradum gratiæ in eodem instanti conferendum , pariter a secundo dignificaretur ad merendum tertium ; & sic esset processus in infinitum , qui repugnat .

Resp. Nego sequelam . Ad probationem nonnulli admittentes partes proportionales actu infinitas in quantitate , & qualitatibus , apud Ovied. contr. 5. n. 40. docent , quod primus gradus gratiæ dignificaret ad merendam medietatem secundi gradus , & hanc ad quartam partem , hanc ad octavam , & sic in infinitum , quin tamen totum præmium excederet deinde secundum gradum gratiæ ; sicut insinuat partes proportionales palmi non excedunt quantitatem palmarem . Equidem dico cum Platel. n. 669. & aliis communius , quod primus gradus gratiæ collatus in posteriori ad contritionem peccatoris non dignificet ad ulteriorem gradum gratiæ , ne proportionalem quidem ; sed solum dignificet ad primum gradum gloriæ promerendum . Ratio est , tam quia Deus licet contritioni promiserit gradum , at ratione hujus primæ gratiæ non promittit contritioni ulteriorem gradum gratiæ ; contra vero ratione primi gradus gratiæ promittit contritioni gloriam , ut constat ex Tridentino loc. laud. ; ergo solum gloria debetur ex justitia , & de condigno , non vero augmentum gratiæ : Tum etiam quia videtur incongruum , quod præmium A sit causa præmii B , & præmium B causet præmium C in infinitum ; hoc autem sequeretur , si gratia dignificaret ad augmentum gratiæ ; non sequeretur vero , si dignificet ad primum gradum gloriæ ; ergo rationaliter promittitur contritioni gloria , non vero augmentum gratiæ ; & ideo contritio peccatoris solum gloriam meretur de condigno .

XIV. Objc. 3. ex Lugo. Si Rex promittat strenue militantibus præmium , ita ut Plebejus evadat nobilis , & nobilis evadat Dux ; Plebejus strenue operando acquirere nobilitatem , a qua tamen non dignificaretur .

tur, ut per eandem operationem mereretur gradum Ducis exercitus; ergo neque contritio peccatoris dignificatur a gratia ad merendam gloriam.

Resp. cum eodem Platelio, concessio antecedente, nego consequ. Disparitas est, tum quia in primo casu tantum promittitur nobilitas Plebeio, non vero ratione nobilitatis in eo instanti acquiritur Ducatus; contra vero ratione gratiae per contritionem de congruo collata promittitur peccatori gloria ex Trident. loc. cit. Tum etiam quia videtur incongruum, quod quis per actum meritorium mereatur primum, quod dignificare possit ad aliud primum in infinitum; & ideo strenua operatio Plebei dignificatur ad nobilitatem, non vero ratione nobilitatis ad Ducatum, & sic in infinitum: contra vero gratia dignificare potest contritionem peccatoris ad promerendam gloriam, quae tamen ad nullum aliud primum promerendum dignificet.

XV. Quaeres hic, utrum saltem divinitus principium meriti cadere possit sub meritum? Negant communiter cum Vasq. & aliis apud Ov. ex D. Th. 3. p. q. 2, art. 17. qui propterea negat potuisse Christum dominum mereri suam unionem hypostaticam; & ratio est, quia si Principium meriti caderet sub meritum, sequeretur quod causaret meritorium, & simul a merito recausaretur; atque adeo daretur mutua causalitas, & sic idem causaret mediate se ipsum. Affirmativam tamen sententiam docent Suar. 3. p. d. 10. sect. 4. Ruiz, Kon. apud eundem Ovied. putantes, quod meritum existens in mente praeiudicantis, seu praeiudicantis a praeiudicante, possit causare moraliter principium meriti, a quo talis operatio meritoria dignificetur: eo modo, quo potest sanitas finaliter intenta causare ambulationem, quae deinde physice recauset sanitatem; In utroque enim casu videtur mutua causalitas esse in diverso genere, & ideo non repugnare.

Sed impugnantur communiter, quia quamvis utraque causa tam finalis, quam meritoria causent intentionaliter, diversimode tamen causant effectum; causa enim finalis causat, ut sit; meritoria vero causat, quia est; v. g. Sanitas in mente aegri causat ambulationem, ut per eam ponatur a parte rei sanitas intenta: contra vero meritum in mente praeiudicantis non causat primum, ut per illud ponatur meritum; sed quia praevidetur meritum iam existens realiter, ideo causatur primum; propterea

causa meritoria non spectat ad genus causae finalis, sed ad genus causae efficientis. Ex quo fit, non repugnare mentem causalitatem inter causam finalem, & efficientem, quia causant in diverso genere; repugnare vero inter principium meriti, & meritum, quia causant in eodem genere causae efficientis.

Ex quibus sequitur, Non posse dari primum ut primum antecedenter ad existentiam realem meriti; cum non possit effectus praere existentiam suae causae efficientis, ut dicemus anno sequente. Quomodo autem gratia collata Antiquis PP., & Angelis data fuerit intuitu meritorum Christi domini tempore consequentium? Nodus est Gordius dissolvendus in de Incarnatione.

QUAESTIO III.

De Merito Congruo.

Explicavimus qu. 1. naturam meriti congrui, & ejus discrimen a condigno; verum sicut in hoc requiruntur nulla ex parte operis operantis, & praeiudicantis, ita in Congruo; cum utrumque conveniat in ratione genericis meriti; de his conditionibus agendum in praesenti; deinde de iis, quae cadere possunt sub meritum congruum; & qua ratione universum meritum augeatur.

ARTICULUS I.

De Conditionibus ad Meritum congruum requisitis.

I. Deo 1. ut detur meritum congruum praeiudicantis supernaturalis; requiritur quod actus sit liber, moraliter bonus, seu honestus, intrinsece supernaturalis, & arduus, seu contemptivus alicuius commodi temporalis.

Prob. iisdem rationibus, quibus quaestione prima ostendimus has omnes condiciones requiri ex parte operis in merito condigno. Addo hic ex D. Tho. 1. p. q. 95. art. 4. circa meritum actus externi, quod licet actus externus non addat meritum ut demeritum actui interno ex defectu formalis libertatis; unde ceteris paribus non magis meruisset v. gr. Abraham, si vere Filium immolasset, quam dum voluit tantum im-

immolare; dummodo iudem actus voluntatis cum eadem intentione, ac libertate in utraque hypothefi poneretur: nihilominus is, qui actui interno superaddit externum, per accidens meretur, aut demeretur magis; quia ut plurimum in exercitio operis superaddi solent plures actus interni, & magis intensi, ad superandas difficultates occurrentes; & ideo qui vult, & facit, per accidens meretur magis, quam qui tantum vult, & non facit: quia scilicet actus interni per accidens non solent esse pares in utroque. Adde ulterius, quod si uterque istorum in actibus internis sint pares, ita meritum substantiale utriusque erit æquale; ut tamen meritum accidentale maius sit in eo, qui vult, & facit, quam in eo, qui vult, & non facit. Ratio est, quia primum substantiale consistit in visione beata, & in gaudio de bono inereato; premium vero accidentale in gaudio de bono creato: sed qui vult, & facit, habet hoc gaudium accidentale, videlicet de bono opere externo a separato, quo gaudio caret, qui vult, & non facit; ergo illi in premio accidentali sunt impares. Ratio a priori est, quia sicut actus internus in eo, qui vult, & facit, per accidens extenditur ad actionem externam bonam conformem legi divinæ, atque adeo habentem suam specialem bonitatem moralem; ita per accidens ejus meritum extenditur ad premium aliquid accidentale, nempe ad gaudium de tali opere externo: propterea aureolæ, quæ dantur Martyribus, Virginibus, Doctoribus, ad præmia accidentalia operum externorum spectant.

II. Dico 2. Ad meritum congruum præmii supernaturalis requiritur status viz, non tamen status gratiæ. Ita communiter contra Sotum, & Medin. apud Maur. q. 54. n. 22. putantes, in peccatoribus dari solum vim impetrandi, non vero vim merendi de congruo.

Prima pars Conclusionis probatur iisdem rationibus, quibus questione prima ostendimus, ad meritum condignum requiri, quod operans sit viator. Unde fit, quod Beati in Cælis, & anime in Purgatorio non mereantur de congruo, sed solum possint aliquid nobis obtinere per modum puræ impetrationis, & ex vi meritum viz; quatenus positis Sanctorum orationibus in Cælo, tanquam conditionibus, merita præterita merentur de congruo, & obtinent id, quod pro nobis postulant in ordine ad salutem.

Prob. secunda pars, quia meritum congruum dicitur obsequium illud, quod conveniens est compensari præmio supernaturali, quamvis cum eo non habeat proportionem geometricam requiritam ad meritum de condigno: atqui contritio v. g. peccatoris procedens ex viribus gratiæ est obsequium Deo præstitum, quod convenit compensari iustificatione; dum enim peccator facit quantum in se est ad amicitiam Dei recuperandam, congruum est, quod illi ea non denegetur; ergo ad meritum congruum non requiritur status gratiæ. Hinc Aug. in Psal. 50 dixit: *Ninivite penitentiam agerunt, & certam misericordiam meruerunt.* & Ambrosius. *Lacryma veniam non postulat, sed meretur; & tu si veniam vis mereri, dilue culpam lacrymis tuis.*

Neque obstat illud Apost. 1. Cor. 13. *Si Charitatem non habuerit, nihil sum.* Sensus enim Apost. est, quod sine Gratia non habeatur meritum condignum ad salutem; quin velit fidem, spem, orationem, & hujusmodi actus ex viribus Gratiaæ moventis, & excitantis positos non prodesse per modum impetrationis, & simul meriti de congruo ad gratiam, & salutem obtinendam.

Hinc fit, quod sicut peccator per opera supernaturalia meretur de congruo præmium naturale; ita per opera naturalia honesta meretur de congruo boni temporalia, ut notat Suarez. l. 12. de Gratia c. 38. Propterea Aug. l. 5. de Civ. c. 15. dicit, Deum dedisse Romanis imperium, & felicitatem temporalem propter actus naturales moraliter honestos, quos exercebant.

III. Dico 3. Ad meritum congruum ex parte præmiantis non requiritur promissio; ea tamen non obstat merito congruo. Ita communissime apud Suarez. l. 12. de Gratia c. 23. contra Sotum putantem, quod si premium promittatur, eo ipso fit condignum, quia debetur ex iustitia.

Prima pars Conclusionis patet, quia etiam premium naturale non promissum potest esse congruum, quod non denegetur; ergo non requiritur promissio ad meritum congruum. Sic perseverantia finalis, auxilii efficacia, bona temporalia conducentia ad salutem non sunt promissa, & tamen communissime DD. docent contra Cajet. 1. 2. q. 114. 2. q. 9. quod ea de congruo mereri possimus: dicit enim Aug. l. de bono persever. cap. 17. *Frustra a Domino quodvis poscitur perseverantia, si non eam Dominus per gratiam suam in illis, cuius orationes exaudiat,*

quod operatur. Neque dicas eam esse promissam in illa promissione universalis, *Petite, & accipietis*. Nam independenter ab hac promissione universalis debemus Perseverantiam a Deo petere, & ab ejus misericordia illam sperare, adeo ut congruum sit non negari.

Secunda pars prob. quia ad meritum congruum non sufficit, quod præmium sit promissum, sed requiritur etiam, quod sit æquale merito; ergo si non sit æquale, meritum non erit condignum, sed congruum; unde non obstat promissio præmii merito congruo. Et de facto Contentionis promissa est Justificatio, quam tamen solum de Congruo meretur peccator. Nec ea danda est ex Justitia, sed solum ex fidelitate, tamquam gratia data; dicitur enim Rom. 3. *Justificati gratis*.

ARTICULUS III.

De iis, quæ cadere possunt sub Meritum Congruum.

IV. **C**ertum est, quod licet in presenti providentia nemo præter Christi dominum, possit quidquam mereri aliis de condigno; multa tamen aliis possumus mereri de congruo; datur enim communicatio meritum inter fideles, adeo ut unus possit aliorum orationibus, & meritis adjuvari; ergo potest unus alteri de congruo mereri bona spiritualia. Hinc Ambr. lib. 5. in Luc. in illud, *quorum fidem ut vidis &c.* dixit: *Magnus Dominus, qui aliorum meritis ignoscit aliis.* & August. *Nos venerari sanctos, ut meritis conficiemur, & eorum orationibus adjuvemur.* Ratio a priori est, quia Meritum de congruo est, quod conveniens est aliquo præmio compensari; sed conveniens est, mentis iustorum compensari etiam hoc præmio, quod scilicet propter illa conferantur aliis bona conducencia ad salutem, v. g. quod Martyrium Protomartyris compensetur conversione D. Pauli, pro quo oravit; ergo. Notat tamen Suar. loc. cit. c. 35. quod licet non requiratur status Gratia, ut possit quis aliquid sibi de congruo mereri, requiritur tamen, ut possit mereri aliis; Jac. n. 5. dicitur: *Orate pro invicem, ut salvemini; multum enim valet deprecatio iusti assidue;* & D. Ambros. *Si diligis Dominum Deum tuum, non solum tibi, sed etiam aliis pueris mereri.* Præterea licet nemo possit quidquam in presenti providentia mereri aliis de condigno, potest

tamen iustus pro alienis pœnis debitis condigne satisfacere, applicando pro iis suam satisfactionem. Ratio est ex Mariton. d. 44. n. 189. quia Deus ita ordinavit, & dignatus est acceptare condignam satisfactionem unius pro Alio; quod tamen non ordinavit circa meritum. Et ratio ulterior est, quia recto ordini charitatis consonat, quod nemo privet se mercede Gratia, & Gloriz respondente suis meritis condignis; quando autem iustus applicat suas satisfactiones, aut orat pro altero, & meretur illi aliquid de congruo, tunc non privat se sua mercede debita actui quatenus meritorio; quamvis applicet illum alteri, quatenus est satisfactorius, vel impetratorius.

V. Dico nunc 1. Probabiliter possunt iusti mereri sibi de congruo reparationem post lapsum. Ita videtur sentire D. Tho. lect. 3. in c. 6. ad Hebr. (Quamvis 1.2. favore contrariæ sententiæ) Scot. Bellar. Suar contra Vasq. & Thomistas.

Prob. Ex iis, quæ secundo Paralip. c. 19. habentur de Josaphat Rege Juda, ubi dicitur: *Impio præbes auxilium, & idcirco iram mereraris, sed bona opera inventa sunt in te;* ubi Lyranus addit: *Mereraris iram ex rigore justitiæ; sed propter alia opera tua bona pepercisisti tibi Deus ex dulcore misericordie.* Item David psal. 70. orat Deum, *Cum desceris in me virtus mea, ne derelinquas me;* Atqui si non possemus de congruo mereri, & impetrare hanc reparationem, frustra peteretur: ergo potest iustus de congruo mereri reparationem post lapsum.

Confirm. De facto peccator potest mereri sibi de congruo justificationem per contritionem, quin peccatum obstat tali merito; ergo a fortiori iustus potest mereri reparationem post peccatum, quin peccatum extinguat meritum congruum: quare dum dicitur, quod per peccatum extinguitur, seu confopiatur omnis exigentia præmii fundata in operibus bonis, juxta illud Ezech. 18. *Si averteris se iustus a iustitia sua, omnes iustitiæ ejus quas fecerat, non recordabuntur;* intelligendum de merito condigno, non de congruo. Et ratio a priori est, quia meritum de congruo dicitur, quod conveniens est misericorditer compensari aliquo præmio; atqui conveniens est, quod opera iustorum compensentur a Deo misericorditer reparatione post lapsum; v. g. quod dilecto D. Petri compensaretur reparatione post lapsum tunc negationis; ergo.

Neque dicas, iustum per peccatum retractare virtualiter omnia opera bona præ-

teritis; ergo nihil pro iis debetur, ne de congruo quidem. Nam iustus dum peccat non dicit virtualiter, nollem fecisse opera honesta, sed solum ponit opus contrarium operibus honestis; quod non sufficit, ut opera honesta præterita mortificentur, etiam relare ad meritum Congruum.

VI. Dico 1. Perseverantia finalis cadere potest in præsentis Providentia sub meritum congruum. Ita Communiter cum Suarez. Vasq. qui D. Thomam absolute inegantem, posse iustos mereri perseverantiam, interpretantur de merito condigno, non de congruo.

Probatum tamen ex Augusti lib. 1. de bono Persev. c. 6. ubi dicit: *Hoc denum sup-
pliciter mereri potest, sed cum datum fuerit, amitti contumaciter non potest.* Tum ratione, quia frustra juberemur a Deo illam quotidie petere dicendo, *Ne nos inducas in tentationem*, si tam orationibus impetrare, & mereri de congruo non possemus. Ratio a priori est, quia Conveniens est, Deū compensare bono Perseverantiz orationes quotidianas, & præstantia merita iustorum. Immo Vasq. contra Medin. putat, infallibiliter esse concedendam petentibus; cum dicatur Matth. 7. *Petite, & accipietis*; quod negari non potest, si oratio fiat, ut oportet. Ubi notandum ex Ripal. disp. 19. orationem differre a merito, quia meritum movet præcise, quatenus est obsequium erga præmiantem; Oratio vero quavis movere possit, quatenus est huiusmodi obsequium, movet tamen etiam quatenus est propriæ miseriz confessio, & alieni auxilii imploratio. Hinc oratio supernaturalis utrumque habet, & mereri de congruo, & impetrare; oratio vero naturalis non potest mereri de congruo præmium supernaturale, ut docent Catholici contra Semipelagianos; potest tamē probabiliter illud impetrare, ut ostendit Ripalda loco cit. Sicut enim Deus ex aspectu nostræ miseriz moveri potuit ad ponendam Incarnationem, ita ex precibus nostris naturalibus moveri potest ad dandum quod petitur, in quo casu oratio non esset meritoria, sed impetratoria.

VII. Ex dictis sequitur primo, posse iustos mereri de congruo peccatoribus gratiam remissivam peccati; Nam si potest peccator illam sibi per contritionem mereri, a fortiori poterit iustus illam mereri aliis. Secundo, posse iustos mereri sibi de congruo Auxilia gratiæ etiam efficacia, usque ad finalem Perseverantiam. Terrio Gratias gratis datas, & bona temporalia

prout condicentia ad Salutem. Quarto Præmiam Gratiam actualē Aliis; intantum enim non potest homo illam mereri sibi, quia principium meriti non cadit sub merito; quod non militat, si iustus illam mereatur aliis.

VIII. Difficultas non levis est, Num poterint iusti de congruo Incarnationem mereri? Ad quod dicendum cum Maur. q. 54. n. 79. Potuisse in alia Providentia; quia conveniens est, petitiones supernaturales, & desideria iustorum illam expectantium compensari tanto bono. In præsentia tamen Providentia nec Sanctos Patres, nec Deiparam meruisse Incarnationem quoad substantiam, ne de congruo quidem, docent communius contra Vasq. 1. part. disp. 31. quia Principium meriti, seu prima Gratia non potest cadere sub meritum; atqui in præsentis providentia Incarnatio est principium omnis meriti, cum omnis gratia conferatur intuitu meritorum Christi; ergo Incarnatio quoad substantiam non potest in præsentis Providentia cadere sub meritum congruum. Dixi, Incarnatio quoad substantiam; Nam quoad anticipationem temporis, seu quoad circumstantiam, admititur a DD. quod de facto sub meritum congruum B. Virginis, & SS. Patrum ceciderit. Equidem tamen probabilius censeto, quod etiam in præsentis providentia Deipara, & SS. PP. meruerint de congruo Incarnationem quoad substantiam, ut docet D. Th. 3. p. q. 2. ar. 11. ubi habetur: *Ex congruo meruerunt Sancti Patres Incarnationem desiderando, & petendo congruū enim erat, ut Deus exaudiret eos qui ei obediunt.* Quomodo autem id accidere possit in præsentis providentia, quin detur mutua causalitas inter meritum, & præmium, nec principium meriti cadat sub meritum, explicabimus in de Incarnatione; ubi ostendemus, & quod B. Virgo meruerit de condigno suam Maternitatem, & quod de congruo cum Sanctis Patribus meruerit Incarnationem; quia scilicet merita Christi relata ad gratias Deiparæ, & Sanctis Patribus collatas non habuerunt rationem meriti remunerandi per præmium, sed habuerunt rationem meriti solvendi, & compensativi, seu fuerunt instar pretii soluti pro merce antecesserunt collata juxta viam, & doctrinam Arandæ, & Haunoldi de Incarn. n. 336.

IX. Dices: opera honesta naturalia non possunt de congruo mereri præmium supernaturale propter ordinis diversitatem; ergo nec opera supernaturalia iusti mereri possunt

sunt de congruo Incarnationem, quæ est præmium in ordine supremo, ac divino.

Respond. nego consequentiam: disparitas est, quia licet utio hypostatica sit in supremo gradu, est tamen intra eundem ordinem supernaturalem, in quo sunt merita Iusti; unde non habetur diversitas ordinis, quæ obstat merito congruo; contra vero opera naturalia sunt in diverso ordine relate ad præmium supernaturale: propter quæ quamvis entitative magis differat Natura a gratia, quæ est in ordine diverso, quam gratia ab unione hypostatica; tamen magis connectitur, & proportionatur gratia cum unione hypostatica, quam natura cum gratia: sicut quamvis entitative plus distet Deus ab intellectu creato, quam Angelus ab oculo; illi tamen magis proportionatur; adeo ut possit intellectus Deum cognoscere; non tamen oculus Angelum videre. Ratio autem, cur magis proportionetur gratia cum unione hypostatica, & ambæ sint in eodem ordine supernaturalitatis, ex eo colligi potest, ut notat Suar. quia natura non potest actibus suis perfectio modo attingere ordinem supernaturalem, cum non possit viribus naturalibus dari cognitio scientifica de objecto supernaturali: contra vero viribus supernaturalibus gratia dari potest cognitio scientifica de unione hypostatica: Præterea actibus naturalibus non possumus credere, & sperare gratiam fide, & spe consentanea, & sufficienti ad illam de congruo merendam; contra vero possumus fide, & spe supernaturali credere, & sperare unionem hypostaticam de congruo illam merendo saltem in alia providentia; ac propterea gratia habet vim colligandi nos moraliter Christo, & faciendi ejus membra; ubi natura non habet vim colligandi nos gratia.

X. Querendum denique, qua ratione meritum univèrsim augeatur? Dicendum, ex multiplici capite augeri. Primo ex majore dignitate operantis. Secundo ex actuum multiplicatione. Tertio ex eorundem diuturnitate. Quarto ex Intensione majori. Quinto ex præstantia objecti actuum supernaturalium. Sexto ex majore difficultate in iis exercendis; & probabiliter etiam ex conjunctione cum meritis Christi Domini, ut docent non pauci cum Haunoldo in de Merito, n. 912.

XI. Dubitatur tamen primo, an, cæteris paribus, major Gratia in operante conferat ad augmentum meriti, & præmii?

Respond. Damnatam esse propositionem

xix. Bani dicentis, *Opera Justitia, & temperantia, quæ Christus fecit, non habuisse majorem valorem ex dignitate personæ operantis.* Hinc Theol. docent cum D. Tho. Suar. Lugo disp. 5. de Inc. sect. 7. Rip. disp. 81. contra Vasp. univèrsim majorem dignitatem operantis, atque adeo gratiam intensiorem, cæteris paribus, reddere actum magis meritorium. Ratio est, quia Actus honesti dignificantur ad meritum a gratia Sanctificante, quæ residet in Persona operante; ergo a majore gratia magis dignificantur ad meritum; Ex Philosopho enim sicut se habet simpliciter ad simpliciter, ita magis ad magis: Sic in humanis idem opus est magis meritorium, si fiat a Principe, quam si a Plebejo; & propter eandem rationem merita Christi domini sunt infiniti valoris; quia dignificantur a Persona Verbi infinite digna.

Dices: Peccatum non est magis demeritorium per hoc, quod sit a Persona magis impia, & indigna; ergo nec opus honestum est magis meritorium per hoc, quod sit a Persona magis sancta, & digna.

Confirm. Actus Sacerdotis, vel Episcopi non est magis meritorium, per hoc quod sit a Persona magis digna; ergo neque per hoc, quod sit a Persona magis sancta.

Respond. Paritatem esse molestam, adeo ut Risp. n. 38. dicat, Granadum, & Jo: de Lugo in ea maxime implicari: Ea tamen videtur esse disparitas ex eodem Ripal. quia indignitas, & demeritum peccati unice habetur ab ejus inhonestate, non ab indignitate Personæ, quia Persona rationalis, præsciendando ab actibus malis, nullam habet de se indignitatem, sed potius dignitatem ad bestitudinem naturalem. Contra vero dignitas, & meritum actus honesti habetur non solum ab ejus dignitate, sed etiam a dignitate Personæ operantis, dignificantur ad meritum a gratia Sanctificante. Quod patet etiam in humanis, ubi offensa non est gravior eo, quod alie offensæ præcesserint: contra vero obsequium est majus, si sit a Persona magis digna.

Ad Confirmationem nego consequentiam: Sicut enim dignitas Episcopalis non confert ad meritum Gloriæ, ne de congruo quidem simpliciter, ita nec confert ad majus meritum. Utrum autem meritum ad incrementum Gratiæ, quæ est in operante, crescat Arithmetice, an solum Geometricè non vacat examinare. Videndus Lugo d. 6. de Incar. sect. 2.

XII. Dubitatur secundo, Utrum meritum, atque adeo præmium crescat per multiplici-

Applicationem quorumcunque actuum supernaturalium, etiam si remissiorum habitu supernaturali influente; an vero solum augeatur per multiplicationem actuum intensiorum?

Ad quod dicendum, Nos jam in de Charitate ostendisse cum D. Tho. contra Bannes, habitus infusus intendi meritorie etiam per actus remissiores. Diximus etiam contra Scotum, augmentum gratiæ, quod quis meretur de condigno ob actus supernaturales, conferri statim, non vero in primo instanti post mortem.

XIII. Dubitatur tertio, Utrum duratio major actus augeat meritum? Ad quod facile respondeo cum Maur. qu. 53. n. 16.

Quod si continuatio actus ferat plura excellentia libertatis, procul dubio meritum augeat; Secus vero si fiat sine nova libertate. Sicut enim actus externus, quia superadditur interno sine nova libertate, non augeat meritum; ita in casu.

Denique quod meritum Justorum probabiliter crescat etiam ex conjunctione cum meritis Christi Domini, seu ex eo, quod intuitu meritorum Christi gratia sit collata iustis, discutimus Deo dante in de Sacramentis disp. 3. qu. 3. Hanc interim conjunctionem cum Christo capite affectantes præfenti labori finem faciamus. Esto itaque hujus annui pensæ,

(Sed ob nobis Æternitatis!)

F I N I S.

L. D. & B. V. sine labe Conceptæ.

343
THESES PROPUGNATÆ
 EX HOC TRACTATU
DE JUSTITIA, ET JURE.

Non solum Gratia, & Virtutes Theologicales infunduntur nobis in Baptismo, sed etiam Virtutes Morales supernaturales, quæ distinguuntur realiter tum a virtutibus Theologicis, tum etiam a Gratia, quamvis ab illa nunquam separantur. Infunduntur pariter septem dona Spiritus Sancti, quæ realiter etiam a Virtutibus Moralibus per se infusis distinguuntur, & ab iis discriminantur, quia per Virtutes Morales homo solum disponitur in ordine ad finem supernaturalem confiteri ad rationem, quæ est principium intrinsecum; per dona vero Spiritus Sancti disponitur ad operandum spiritualiter alio modo juxta infusum Spiritus Sancti, qui est principium dirigens extrinsecum.

II. Virtutes per se infusæ non acquiruntur per frequentationem actuum, sed debent immediate a Deo infundi, ac proinde sunt supernaturales. Hinc a Naturalibus discriminantur per hoc, quod illæ dumtaxat connexionem habeant cum Gratia tanquam ejus proprietates, non istæ. Virtutes vero Theologicales discriminantur a Moralibus, quia illæ habent pro objecto tam formali, & immediato, quam materiali, & primario ipsum Deum, secus vero Morales. Possunt autem actus naturales habere idem Objectum formale, ac supernaturales; Et proinde Virtutes Naturales non differunt a supernaturalibus, & infusis necessario ex Objectis formalibus.

III. Habitus Virtutum infusarum non opponuntur cum Habitu vitiorum immediate; propterea possunt in quacunque intentione componi in eadem Voluntate. Actus pariter virtutum infusarum cum Habitu vitiosus non opponuntur, nisi mediate, quatenus producendo Habitum facilitantem ad consumiles actus, hic habitus deinde immediatam exercet oppositionem cum Habitu vitioso opposito: Actus tamen vitiosus graviter peccaminosus solum demerito opponitur cum virtutibus infusis, & cum Gratia. Denique actus virtutum infusarum non opponuntur cum actibus vitiorum

oppositorum leviter peccaminosus; neque actus virtutum naturalium cum actibus vitiorum oppositorum graviter malis.

IV. Virtutes infusæ sive connectantur, sive identificentur cum gratia sanctificante, possunt divinitus componi cum peccato mortali actuali, adeo ut mortale remittatur per condonationem intrinsecam in instanti, quo fit. Sicut enim gratia alterius ordinis, quæ solum esset Natura supernaturalis, & prima radix potentiarum, seu habituum, necnon actuum supernaturalium, composibilis est etiam cum peccato habituali, seu cum macula juris, ut alias diximus; ita Gratia præsentis ordinis, quæ est veluti externa Dei promissio de dando nobis suo amore amicabile, & hereditate, atque adeo amicitia, ac filiatione Dei adoptiva composibilis est cum peccato actuali, seu cum macula facti. Potest per accidens virtus influere in actum malum oppositum aliis virtutibus ab ipsa: Quinimo potest etiam virtus seipsam ledere influendo per accidens in actum vitiosum sibi met oppositum. Potest pariter Actus Virtutis saltem superioris imperare actum virtutis inferioris, etiam internum; itaut actus imperatus, si sit formaliter liber, habeat intrinsece meritum virtutis inferioris, & extrinsece meritum virtutis superioris, a qua imperatur. Actus etiam inferioris virtutis, puta penitentiae, imperare potest actum virtutis superioris, puta charitatis.

V. Jus, quod respicitur a Virtute Justitiæ, est Legitima facultas percipiendi commodum libertatis suæ ex usu rei, seu Moraliter potestas disponendi de re ad libitum. Jus in re non est diversum a jure ad rem, sed est idem consideratum sub diverso statu. Juri activo respondet passivum in eo, qui aliquid debet ex jure stricto. Jus physice consideratum non importat ex parte objecti entitatem superadditam modalem simul, & moralem; apte siquidem constituitur per legem faventem uni, gravantem reliquos, posito titulo, & acceptione.

VI. Inter species juris sunt dominium plenum, Ususfructus, seu dominium utile,

& Usus juris, seu jus ad usum. Dominium plenum fert jus disponendi de re ad omnes usus possibiles; Ususfructus fert jus ad utendum, & fruendum re. Quia ejus substantia; jus ad usum fert solum jus ad utendum, non vero ad locandam, aut commodandam rem, nec ad alienandos ejus fructus. Dominium proprietatis non potest se extendere ad usus rei oppositos legi constitutivæ, aut destructivæ, seu diminutivæ domini; extenditur tamen ad usus lege non permisos, & annullatos, adeo ut lex prohibens, aut irritans non diminuat dominium, sed ejus usum impediat.

VII. Ut dominium sit plenum, sufficit, quod possit se extendere ad omnes usus, qui sunt rei simul, & domino possibiles, esto non se extendat ad usus, qui alterutri tantum sunt physice possibiles, sed non utriusque. Ad acquirendum dominium requiritur procul dubio titulus, seu ratio illud fundans, cujusmodi est actio illa legibus præscripta, a qua tanquam ab ultima determinatione illud inducitur; puta legitimus contractus, quo dominium transferitur, inventio rei adestoræ, publica auctoritas, qua in bonum Reipublicæ aliquando bona unius in alium transferuntur, ut sit per præscriptionem, usucapionem, & similia.

VIII. Usus facti licitus importat legitimam facultatem utendi re, acceptam a domino revocabilem ad nutum. Hujusmodi usus etiam in rebus unico usu consumptibilibus est separabilis a dominio. Dominium pariter directum separari potest ab Usufructu, seu dominio uni perpetuo. Hinc apte conciliatur Matrimonium inter Deiparam, & D. Josephum cum voto castitatis per mutuum pactum contractum matrimoniali subinfertum de servando semper voto castitatis, exhibendo dominium directum in corpus alterius, retento utili in perpetuum; adeo ut si daretur deinde voti dispensatio, & pactum subinfertum mutuo consensu rescinderetur, tunc daretur obligatio ad copulam expedita. Minus autem apte ab aliis aliter conciliatur, aut dicendo, quod votum castitatis nuncupatum sit a B. Virgine post nuptias; aut per hoc, quod Deipara consenserit in obligationem ad copulam, non vero ad ipsam copulam, eo quod per revelationem sciebat futuram D. Josephi castimoniam; sive per hoc, quod B. Virgo solum contraxerit Sponsalia, non Matrimonium; sive demum per hoc, quod Matrimonium Deiparæ cum suo Sponso solum fuerit in ordine ad convivendum in Sancta

Societate, non in ordine ad prolem procreandam.

IX. Dominium in instanti donationis est solum penes donatarium; donatio quippe non est actus domini formalis, sed radicalis, & relictæ, quatenus supponit in instanti antecedente ad donationem domini formale tamquam materiam destruendam per ipsam donationem translativam domini in donatarium. Dominium in solidum plenum, ac perfectum penes plures repugnat, etiam pro primo instanti donationis. Nec declinatur repugnantia aut per eandem rei replicationem, aut per hoc quod posita prævisione per scientiam mediam, quod dux voluntates sint semper concordaturæ in ordine ad usum rei, præsumitur ita concordia, & utrique dominium conferatur; sive illud in priori ad prævisionem concordia conferatur, sive in posteriori, sive econominanter, & disparate, ita ut neque prævisio concordia dependeat a collatione domini, neque ista ab illa.

X. Justitia, Virtutum moralium præstantissima, est constans, & perpetua voluntas tribuendi unicuique jus suum; propterea est virtus moralis ad alterum in præfata significatione, respicitque medium rei, ac versatur directe circa operationes exteriores ad alterum ordinatas, indirecte vero circa passionem. Analogice dicitur de Justitia commutativa, quæ ordinat cives ad invicem; de distributiva, quæ ordinat communitatem ad cives; de Legali, ac de vindicativa, quæ ordinat cives ad communitatem, quamvis diversimode; illa scilicet per observantiam legum spectantium commune bonum; ista per condignam æqualitatem pœnæ cum delicto.

XI. Obiectum materiale proximum Justitiæ non est jus aut activum, aut passivum, quippe quod præsupponi debet; sed est ipsa operatio externa alteri debita ex jure stricto; Obiectum vero materiale remotum sunt ipsæ res, quæ debentur, & quarum exhibitione alteri satisfiat. Obiectum tamen formale, & specificativum justitiæ, seu ratio amandi ejus operationes est Honestas, quæ recludit in operatione externa justa alteri debita ex jure stricto. Unica, & adæquata solutio ita extinguitur omne debitum, ut iterata ejusdem debiti solutio, sive successive, sive simultanee posita non possit esse actus Justitiæ. Ad satisfaciendum obligationi, ac præcepto justitiæ sive negativo, sivo positivo, non datur obligatio operandi ex motivo justitiæ; Potest quippe fieri satis

huic

hujus obligationi, si non laedatur jus alienum, aut si laesum restituiatur, ex quocunque motivo id fiat.

XII. Rigorosa justitia exerceri mutuo potest inter Patrem, & Filium, etiam non emancipatum; necnon inter conjuges; si cut etiam inter dominum, & servum, five is sit mancipium, five verna. Potest etiam rigorosam justitiam Creatura erga Deum exercere, ac rigorosam iniustitiam; & probabiliter quodvis mortale de facto est formaliter iniustitia strictè dicta Creaturae adversus Deum. Potest vicissim Deus justitiam erga Creaturam exercere; cum possit jus preesse dictum illi conferre, obligando se ex contractu oneroso ad dandum, v.g. gloriam, ut prout de ex justitia illam deinde conferat. Optime autem conciliatur supremum, & inabdicabile Dei dominium cum iure stricto in Creaturam, dicendo, quod impotentia in Deo tum moralis, tum physica ad denegandam gloriam, ex contractu oneroso promissam, citra iniustitiam, sit impotentia Grammaticalis, non Theologica, eo quod oriatur ex perfectione potentiae non aliter composibilis cum exercitio virtutis justitiae; sicut impotentia ad mentium, & impotentia tum moralis, tum physica ad denegandam gloriam ex contractu gratuito promissam citra infidelitatem, est impotentia Grammaticalis orta ex perfectione potentiae, quae non aliter potest exercere virtutem fidelitatis. Deus autem conferendo jus strictum Creaturae, utramque potest potentiam obligare, & ordinariam, & extraordinariam.

XIII. Iniustitiae proprius actus est injuria preesse dicta. Scienti autem, & volenti injuria non irrogatur, dummodo consensus in actionem damnificativam sit plene liber, & non sit iuridice nullus; Secus vero si sit coactus, aut irritus. Contractus de re turpi neutrum obligat ex contrahentibus; immo uterque tenetur ante paratum facinus pactum rescindere, & pretium, si forte sit acceptum, restituere. Adimpleta tamen conditione turpi, obligatur promittens ad pretium solvendum, illudque potest promissarius acceptare, immo etiam exigere, ac retinere. Hinc oritur paradoxum illud, quod non possit iudex pro ferenda sententia iusta pretium acceptum retinere; possit vero illud retinere, si pro ferenda sententia iniusta sit solum, adimpleta tamen turpi conditione, & cum onere compensandi damnum parti laesae.

XIV. Quod accipitur pro causa honesta

retineri potest, dummodo ea non debeatur ex iustitia: Quod si ex iustitia sit debita, non solum restituendum est pretium pro illa acceptum, sed etiam munera, si oblata sint involuntarie, & coacte; idque etiam si dubitetur de coactione talis oblacionis. Contractus usurarius iniustitiam committit, non secus ac furum, unde etiam iure naturae prohibetur Usura. Continet pariter iniustitiam contractus Simoniacus; proinde pretium ex his contractibus acceptum restituendum est.

XV. Onus restituendi ex duplici primaria radice progerminat, videlicet ex iniusta acceptione, & ex re accepta; ad has quippe reducitur obligatio restituendi orta ex contractu, & orta ex iniusta damnificatione: Qui obligatur ex prima radice iniustae acceptionis, tenetur reddere indemnem dominum, atque adeo suis expensis debet rem ad dominum deferre, & compensare illi lucrum cessans, & damnum emergens: Qui vero tenetur ex secunda radice rei acceptae, potest reddere se indemnem, atque adeo non tenetur restituere, nisi id, in quo factus est ditior. Fructus tamen mere industriales, qui ex negotiacione pecuniae alienae proveniunt, ne ab ipso quidem fure restituendi sunt.

XVI. Non datur onus restituendi sub gravi pro foro interno ex titulo iniustae acceptionis ob solam culpam iudicam ante sententiam iudicis, nisi etiam praecesserit culpa gravis Theologica, seu peccatum mortale contra justitiam commutativam. Culpam Theologicam levis contra justitiam, si sit levis ex parvitate materiae, parit onus restituendi sub levi; si vero sit levis ex semiplena advertentia, ac deliberatione, nunquam parit obligationem restituendi sub gravi, & probabiliter nec sub levi. Actio contra justitiam interne gravis, sed externe levis, quamvis graviter damnificet, non parit tamen obligationem restituendi sub gravi. Qui graviter damnificat cum ignorantia crassa, aut affectata, ad restitutionem obligatur; secus vero si ignorantia fuerit antecedens, & invincibilis, aut etiam concomitans, & inculpabilis. Res futura bona fide empta deprehensio domino restitui potest eidem furi, si aliter pretium recuperari non possit; si tamen illam quis habuit a fure gratis, seu per donationem, non nisi domino restituenda est.

XVII. Meritum, hoc est obsequium Deo prestitum, potens ex se movere ad retributionem boni spiritualis, differt ab Impe-

trato-

tratione, quia hæc movet per modum submissæ petitionis, non per modum obsequii. Merito condigno competit æqualitas Geometrica cum præmio, qualis est inter semen, & fructum maximum in corde Principis fecundissimo: accedente promissione præmium debetur ex justitia; aliter solum connaturaliter exigitur a merito condigno. Meritum vero congruum ex defectu æqualitatis, etiam Geometricæ, retributionem non exigit; etsi convenienter ea detur ex liberalitate Præmiantis.

XVIII. Ut possimus de condigno meriti augmentum gratiæ, & vitam æternam, ex parte operis requiratur, ut actus sit liber, honestus, supernaturalis: non tamen necessario supererogationis: debet pariter esse arduus, seu contemptivus alicujus commodi temporalis; sed non est necesse, quod sit elicitus, aut imperatus a charitate: Ex parte merentis requiritur status viæ, & status gratiæ: ex parte demum præmiantis requiritur promissio, ut meritum sit condignum condignitate perfecta, adeo ut præmium ex justitia debeatur. Potest autem sub meritum condignum in alia Providentia cadere gratia sanctificans danda alteri a peccato immuni: necnon augmentum gratiæ dandum alteri justo. In præfenti providentia nequit justus de condigno mereri perseverantiam finalem: potest tamen illam in alio ordine mereri. Cadit de facto sub meritum condignum non solum augmentum gratiæ, sed etiam ipsa gloriæ substantia,

seu primus gradus gloriæ.

XIX. Ut deatur meritum congruum præmii supernaturalis, requiritur ex parte operis, quod actus sit liber, moraliter bonus, seu honestus, intrinsicè supernaturalis, & arduus, seu contemptivus alicujus commodi temporalis. Requiritur etiam ex parte merentis status viæ, non tamen status gratiæ; neque ex parte præmiantis requiritur promissio. Possunt autem probabiliter justis mereri sibi de congruo reparationem post lapsum; necnon perseverantiam finalem; sicut etiam peccatori gratiam peccati remissionem, & aliis primam gratiam actualem, Incarnationem Sancti Patris meruerunt de congruo quoad temporis anticipationem, & alias circumstantias; nec repugnat secundum se, quod illam meruerint de congruo, etiam quoad substantiam.

XX. Ad meriti, ac præmii augmentum confert major gratia in operante; esto major impietas peccatoris non augeat demeritum operis. Auetur etiam meritum, atque adeo præmium per multiplicationem quorumcumque actuum supernaturalium, etiam remissionum habitu in illos influente. Duratio actus meritorii tunc augeat meritum, quando per talem continuationem multiplicantur exercitia libertatis: aliter sicut actus exterior solum denominative liber non augeat meritum actus interni; ita neque continuatio actus interni, si careat nova libertate formali.

F I N I S.

tur, ut per eandem operationem meretur gradum Ducis exercitus; ergo neque contritio peccatoris dignificatur a gratia ad merendam gloriam.

Resp. cum eodem Platelio, concessio antecedente, nego consequ. Disparitas est, tum quia in primo casu tantum promittitur nobilitas Plebeio, non vero ratione nobilitatis in eo instanti acquiritur Ducatus; contra vero ratione gratie per contritionem de congruo collata promittitur peccatori gloria ex Trident. loc. cit. Tum etiam quia videtur incongruum, quod quis per actum meritorium mereatur primum, quod dignificare possit ad aliud primum in infinitum; & ideo strenua operatio Plebei dignificatur ad nobilitatem, non vero ratione nobilitatis ad Ducatum, & sic in infinitum: contra vero gratia dignificare potest contritionem peccatoris ad promerendam gloriam, quæ tamen ad nullum aliud primum promerendum dignificet.

XV. Quæres hic, utrum saltem divinitus principium meriti cadere possit sub merito? Negant communiter cum Vasq. & aliis apud Ov. ex D. Th. 3. p. q. 2. art. 11. qui propterea negat ponisse Christum dominum mereri suam unionem hypostaticam; & ratio est, quia si Principium meriti caderet sub merito, sequeretur quod causaret meritum, & simul a merito recausaretur; atque adeo daretur mutua causalitas, & sic idem causaret mediate se ipsum. Affirmativam tamen sententiam docent Suarez. 3. p. d. 10. sect. 4. Ruiz, Kon. apud eundem Oviéd. putantes, quod meritum existens in mente præmiantis, seu prævisum a præmiante, possit causare moraliter principium meriti, a quo talis operatio meritoria dignificetur: eo modo, quo potest sanitas finaliter intenta causare ambulationem, quæ deinde physice recauset sanitatem; In utroque enim casu videtur mutua causalitas esse in diverso genere, & ideo non repugnare.

Sed impugnantur communiter, quia quamvis utraque causa tam finalis, quam meritoria causent intentionaliter, diversimode tamen causant effectum; causa enim finalis causat, ut sit; meritoria vero causat, quia est; v. g. Sanitas in mente ægroti causat ambulationem, ut per eam ponatur a parte rei sanitas intenta: contra vero meritum in mente præmiantis non causat primum, ut per illud ponatur meritum; sed quia prævidetur meritum jam existens realiter, ideo causatur primum; propterea

causa meritoria non spectat ad genus causæ finalis, sed ad genus causæ efficientis. Ex quo fit, non repugnare mutuum causalitatem inter causam finalem, & efficientem, quia causant in diverso genere; repugnare vero inter principium meriti, & meritum, quia causant in eodem genere causæ efficientis.

Ex quibus sequitur, Non posse dari primum ut primum antecedenter ad existentiam realem meriti; cum non possit effectus præire existentiam suæ causæ efficientis, ut dicemus anno sequente. Quomodo autem gratia collata Antiquis PP., & Angelis data fuerit intuitu meritorum Christi domini tempore consequentium? Nodus est Gordius dissolvendus in de Incarnatione.

QUÆSTIO III.

De Merito Congruo.

Explicavimus qu. 1. naturam meriti congrui, & ejus discrimen a condigno; verum sicut in hoc requiruntur nulla ex parte operis operantis, & præmiantis, ita in Congruo; cum utrumque conveniat in ratione genericâ meriti; de his conditionibus agendum in præsentî; deinde de iis, quæ cadere possunt sub merito congruo; & qua ratione universum meritum augeatur.

ARTICULUS I.

De Conditionibus ad Meritum congruum requisitis.

I. Dico 1. ut detur meritum congruum præmii supernaturalis, requiritur quod actus sit liber, moraliter bonus, seu honestus, intrinsece supernaturalis, & arduus, seu contemptivus alicujus commodi temporalis.

Prob. iisdem rationibus, quibus questione prima ostendimus has omnes condiciones requiri ex parte operis in merito condigno. Addo hic ex D. Tho. 1. p. q. 95. art. 4. circa meritum actus externi, quod licet actus externus non addat meritum aut demeritum actui interno ex defectu formalis libertatis; unde cæteris paribus non magis meruisset v. gr. Abraham, si vere Filium immolasset, quam dum voluit tantum im-

immolare; dummodo iudem actus voluntatis cum eadem intentione, ac libertate in utraque hypothefi poneretur: nihilominus is, qui actui interno superaddit externum, per accidens meretur, aut demeretur magis; quia ut plurimum in exercitio operis superaddi solent plures actus interni, & magis intensi, ad superandas difficultates occurrentes; & ideo qui vult, & facit, per accidens meretur magis, quam qui tantum vult, & non facit: quia scilicet actus interni per accidens non solent esse pares in utroque. Adde ulterius, quod si uterque istorum in actibus internis sint pares, ita meritum substantiale utriusque erit æquale; ut tamen meritum accidentale magis sit in eo, qui vult, & facit, quam in eo, qui vult, & non facit. Ratio est, quia primum substantiale consistit in visione beata, & in gaudio de bono creato; primum vero accidentale in gaudio de bono creato: sed qui vult, & facit, habet hoc gaudium accidentale, videlicet de bono opere externo asperato, quo gaudio caret, qui vult, & non facit; ergo isti in premio accidentali sunt impares. Ratio a priori est, quia sicut actus internus in eo, qui vult, & facit, per accidens extenditur ad actionem externam bonam conformem legi divine, atque adeo habentem suam specialem bonitatem moralem; ita per accidens ejus meritum extenditur ad primum aliquod accidentale, nempe ad gaudium de tali opere externo; propterea aureolæ, quæ dantur Martyribus, Virginibus, Doctoribus, ad præmia accidentalialia operum externorum spectant.

II. Dico 2. Ad meritum congruum præmii supernaturalis requiritur status viæ, non tamen status gratiæ. Ita communiter contra Sotum, & Medin. apud Maur. q. 54. n. 12. putantes, in peccatoribus dari solum vim impetrandi, non vero vim merendi de congruo.

Prima pars Conclusionis probatur iisdem rationibus, quibus questione prima ostendimus, ad meritum condignum requiri, quod operans sit viator. Unde fit, quod Beati in Cælis, & animæ in Purgatorio non mereantur de congruo, sed solum possint aliquid nobis obtinere per modum puræ impetrationis, & ex vi meritorum viæ; quatenus positis Sanctorum orationibus in Cælo, tanquam conditionibus, merita præterita mereantur de congruo, & obtinent id, quod pro nobis postulant in ordine ad salutem.

Prob. secunda pars, quia meritum congruum dicitur obsequium illud, quod conveniens est compensari præmio supernaturali, quamvis cum eo non habeat proportionem geometricam requisitam ad meritum de condigno: atqui contritio v. g. peccatoris procedens ex viribus gratiæ est obsequium Deo præstitum, quod convenit compensari iustificatione; dum enim peccator facit quantum in se est ad amicitiam Dei recuperandam, congruum est, quod illi ea non denegetur; ergo ad meritum congruum non requiritur status gratiæ. Hinc Aug. in Psal. 50 dixit: *Nisi vis penitentiam egerunt, & certam misericordiam mererunt.* & Ambros. *Lacrymæ veniam non postulant, sed merentur; & tu si veniam vis mereri, dilue culpam lacrymis tuam.*

Neque obstat illud Apost. 1. Cor. 13. *Si Charitatem non habuerit, nihil sum.* Sensus enim Apost. est, quod sine Gratia non habeatur meritum condignum ad salutem; quin velit fidem, spem, orationem, & huiusmodi actus ex viribus Gratiaæ moventis, & excitantis positos non prodesse per modum impetrationis, & simul meriti de congruo ad gratiam, & salutem obtinendam.

Hinc fit, quod sicut peccator per opera supernaturalia meretur de congruo præmium naturale; ita per opera naturalia honesta meretur de congruo bonum temporale, ut notat Suar. l. 12. de Gratia c. 38. Propterea Aug. l. 5. de Civ. c. 15. dicit, Deum dedisse Romanis imperium, & felicitatem temporalem propter actus naturales moraliter honestos, quos exercebant.

III. Dico 3. Ad meritum congruum ex parte præmiantis non requiritur promissio; ea tamen non obstat merito congruo. Ita communissime apud Suar. l. 12. de Gratia c. 23. contra Sotum putantem, quod si præmium promittatur, eo ipso fit condignum, quia debetur ex iustitia.

Prima pars Conclusionis patet, quia etiam præmium naturale non promissum potest esse congruum, quod non denegetur; ergo non requiritur promissio ad meritum congruum. Sic perseverantia finalis, auxilia efficaciam, bona temporalia conducentia ad salutem non sunt promissa, & tamen communissime DD. docent contra Cajet. 1. 2. q. 114. 2. q. 9. quod ea de congruo mereri possimus: dicit enim Aug. l. de bono persév. cap. 17. *Frustra a Domino quotidie poscitur perseverantia, si non eam Dominus per gratiam suam in illis, cujus orationes exaudiat.*

quod, operetur. Neque dicas eam esse promissam in illa promissione universalis, *Petite, & accipietis.* Nam independentes ab hac promissione universalis debemus Perseverantiam a Deo petere, & ab ejus misericordia illam sperare, adeo ut congruum sit non negari.

Secunda pars prob. quia ad meritum congruum non sufficit, quod premium sit promissum, sed requiritur etiam, quod sit æquale merito; ergo si non sit æquale, meritum non erit condignum, sed congruum; unde non obstat promissio premii merito congruo. Et de facto Contritioni promissa est Justificatio, quam tamen solum de Congruo meretur peccator; Nec ea danda est ex Justitia, sed solum ex fidelitate, tamquam gratia data; dicitur enim Rom. 3. *Justificati gratis.*

ARTICULUS III.

De iis, quæ cadere possunt sub Meritum Congruum.

IV. **C**ertum est, quod licet in presenti providentia nemo, præter Christi dominum, possit quidquam mereri alius de condigno; multa tamen alius possumus mereri de congruo; datur enim communicatio meritum inter fideles, adeo ut unus possit aliorum orationibus, & meritis adjuvari; ergo potest unus alteri de congruo mereri bona spiritualia. Hinc Ambr. lib. 5. in Luc. in illud, *quorum scdem ut vidit &c.* dixit: *Magnus Dominus, qui aliorum meritis ignoscit aliis.* & August. Nos venerari sanctos, ut meritis conficiamur, & eorum orationibus adjuvemur. Ratio a priori est, quia Meritum de congruo est, quod conveniens est aliquo premio compensari; sed conveniens est, merita justorum compensari etiam hoc premio, quod scilicet propter illa conferantur aliis bona conducentia ad salutem, v. g. quod Martyrium Protomartyris compensetur conversione D. Pauli, pro quo oravit; ergo. Notat tamen Suar. loc. cit. c. 35. quod licet non requiratur status Gratiæ, ut possit quis aliquid sibi de congruo mereri, requiritur tamen, ut possit mereri aliis; Jac. n. 5. dicitur: *Grates pro invicem, ut salvemini; multum enim vobis deprecatus sum assidue;* & D. Ambros. *Si diligis Dominum Deum tuum, non solum tibi, sed etiam aliis pueris mereris.* Præterea licet nemo possit quidquam in presenti providentia mereri alius de condigno, potest

tamen justus pro alienis pœnis debitis condigne satisfacere, applicando pro iis suam satisfactionem. Ratio est ex Martinon. d. 44. n. 189. quia Deus ita ordinavit, & dignatus est acceptare condignam satisfactionem unius pro Alio; quod tamen non ordinavit circa meritum. Et ratio ulterior est, quia recto ordini charitatis consonat, quod nemo privet se mercede Gratiæ, & Gloriæ respondente suis meritis condignis; quando autem justus applicat suas satisfactiones, aut orat pro altero, & meretur illi aliquid de congruo, tunc non privat se sua mercede debita actui quatenus meritorio; quamvis applicet illum alteri, quatenus est satisfactorius, vel impetratorius.

V. Dico nunc 1. Probabiliter possunt justii mereri sibi de congruo reparationem post lapsum. Ita videtur sentire D. Tho. lect. 3. in c. 6. ad Hebr. (Quamvis 1.2. favere contrariæ sententiæ) Scot. Bellar. Suar. contra Vasq. & Thomistas.

Prob. Ex iis, quæ secundo Paralip. c. 19. habentur de Josaphat Rege Juda, ubi dicitur: *Impio præberis auxilium, & idcirco iram mereris, sed bona opera inventa sunt in te;* ubi Lyranus addit: *Mereris iram ex rigore justitiæ; sed propter alia opera tua bona pepercisisti tibi Deus ex dulcore misericordie.* Item David psal. 70. orat Deum, *Cum defeceris in me virtus mea, ne derelinquas me;* Atqui si non possemus de congruo mereri, & impetrare hanc reparationem, frustra peteretur: ergo potest justus de congruo mereri reparationem post lapsum.

Confirm. De facto peccator potest mereri sibi de congruo justificationem per contritionem, quin peccatum obstat tali merito; ergo a sortiori justus poterit mereri reparationem post peccatum, quin peccatum extinguat meritum congruum: quare dum dicitur, quod per peccatum extinguitur, seu confopiatur omnis exigentia præmiis fundata in operibus bonis, juxta illud Ezechiel. 18. *Si exieris se justus a justitia sua, omnes justitiæ ejus, quas feceris, non recordabuntur;* intelligendum de merito condigno, non de congruo. Et ratio a priori est, quia meritum de congruo dicitur, quod conveniens est misericorditer compensari aliquo premio; atqui conveniens est, quod opera justorum compensentur a Deo misericorditer reparatione post lapsum; v. g. quod dilecto D. Petri compensaretur reparatione post lapsum trinx negotiationis; ergo.

Neque dicas, justum per peccatum retrahere virtualiter omnia opera bona præ-

terita; ergo nihil pro iis debetur, ne de congruo quidem. Nam iustus dum peccat non dicit virtualiter, nollem fecisse opera honesta, sed solum ponit opus contrarium operibus honestis; quod non sufficit, ut opera honesta præterita mortificentur, etiam relate ad meritum Congruum.

VI. Dico 1. Perseverantia finalis cadere potest in præsentī Providentia sub meritum congruum. Ita Communiter cum Suar. Vasq. qui D. Thomam absolute negantem, posse iustos mereri perseverantiam, interpretantur de merito condigno, non de congruo.

Probatur tum ex August. lib. 2. de bono Persev. c. 6. ubi dicit: *Hec demum simpliciter mereri potest, sed cum datum fuerit, amittit consummatur non potest.* Tum ratione, quia frustra iuberemur a Deo illam quotidie petere dicendo, *Ne nos inducas in tentationem*, si tam orationibus impetrare, & mereri de congruo non possemus. Ratio a priori est, quia Conveniens est, Deū compensare bono Perseverantiæ orationes quotidianas, & præstantia merita Iustorum. Immo Vasq. contra Medin. putat, infallibiliter esse concedendam perentibus; cum dicatur Matth. 7. *Petite, & accipietis*; quod negari non potest, si oratio fiat, ut oportet. Ubi notandum ex Ripal. disp. 19. orationem differre a merito, quia meritum movet præcise, quatenus est obsequium erga præmiantem; Oratio vero quamvis movere possit, quatenus est huiusmodi obsequium, movet tamen etiam quatenus est proprix miseriæ confessio, & alieni auxilii imploratio. Hinc oratio supernaturalis utrumque habet, & mereri de congruo, & impetrare; oratio vero naturalis non potest mereri de congruo præmium supernaturale, ut docent Catholici contra Semipelagianos; potest tamē probabiliter illud impetrare, ut ostendit Ripalda loco cit. Sicut enim Deus ex aspectu nostræ miseriæ moveri potuit ad ponendam Incarnationem, ita ex precibus nostris naturalibus moveri potest ad dandum quod petitur, in quo casu oratio non esset memorata, sed impetratoria.

VII. Ex dictis sequitur primo, posse Iustos mereri de congruo peccatoribus gratiam remissivam peccati; Nam si potest peccator illam sibi per contritionem mereri, a fortiori poterit Iustus illam mereri aliis. Secundo, posse Iustos mereri sibi de congruo Auxilia gratiæ etiam efficacia, usque ad finalem Perseverantiam. Tertio Gratias gratis datas, & bona temporalia

prout conducentia ad Salutem. Quarto Præmiam Gratiam ætalem Aliis; intantum enim non potest homo illam mereri sibi, quia principium meriti non cadit sub merito; quod non militat, si Iustus illam mereatur alius.

VIII. Difficultas non levis est, Num poterint Iusti de congruo Incarnationem mereri? Ad quod dicendum cum Maur. q. 54. n. 70. Potuisse in alia Providentia; quia conveniens est, petitiones supernaturales, & desideria iustorum illam expectantium compensari tanto bono. In præsentī tamen Providentia nec Sanctos Patres, nec Deiparam meruisse Incarnationem quoad substantiam, ne de congruo quidem, docent communis contra Vasq. 3. part. disp. 21. quia Principium meriti, seu prima Gratia non potest cadere sub merito; atqui in præsentī Providentia Incarnatio est principium omnis meriti, cum omnis gratia conferatur intuitu meritorum Christi; ergo Incarnatio quoad substantiam non potest in præsentī Providentia cadere sub merito congruo. Dixi, Incarnatio quoad substantiam; Nam quoad anticipationem temporis, seu quoad circumstantiam, admititur a DD. quod de facta sub merito congruo B. Virginis, & SS. Patrum ceciderit. Equidem tamen probabilis censetur, quod etiam in præsentī Providentia Deipara, & SS. PP. meruerint de congruo Incarnationem quoad substantiam, ut docet D. Th. 3. p. q. 2. ar. 22. ubi habetur: *Ex congruo meruerunt Sancti Patres Incarnationem desiderande, & possidende congruū enim erat, ut Deus exaudiret eos qui ei obediebant.* Quomodo autem id accidere possit in præsentī Providentia, quin detur mutua causalitas inter meritum, & præmium, nec principium meriti cadat sub merito, explicabimus in de Incarnatione; ubi ostendemus, & quod B. Virgo meruerit de condigno suam Maternitatem, & quod de congruo cum Sanctis Patribus meruerit Incarnationem; quia scilicet merita Christi relate ad gratias Deiparæ, & Sanctis Patribus collatas non habuerunt rationem meriti remunerandi per præmium, sed habuerunt rationem meriti solutivi, & compensativi, seu fuerunt instar pretii soluti pro meritis antecedenter collata iuxta viam, & doctrinam Arandæ, & Haunoldi de Incarn. n. 356.

IX. Dices: opera honesta naturalia non possunt de congruo mereri præmium supernaturale propter ordinis diversitatem; ergo nec opera supernaturalia iusti mereri possunt.

sunt de congruo Incarnationem, quæ est præmium in ordine supremo, ac divino.

Respond. nego consequentiam: disparitas est, quia licet unio hypostatica sit in supremo gradu; est tamen intra eundem ordinem supernaturalem, in quo sunt merita Iusti; unde non habetur diversitas ordinis, quæ obstat merito congruo; contra vero opera naturalia sunt in diverso ordine relate ad præmium supernaturale: propterea quavis entitative magis differat Natura a gratia, quæ est in ordine diverso, quam gratia ab unione hypostatica; tamen magis connectitur, & proportionatur gratia cum unione hypostatica, quam natura cum gratia: sicut quavis entitative plus diligit Deus ab intellectu creato, quam Angelus ab oculo; illi tamen magis proportionatur; adeo ut possit intellectus Deum cognoscere, non tamen oculus Angelum videre. Ratio autem, cur magis proportionetur gratia cum unione hypostatica, & ambæ sint in eodem ordine supernaturalitatis, ex eo colligi potest, ut notat Suar. quia natura non potest actibus suis perfecto modo attingere ordinem supernaturalem, cum non possit viribus naturalibus dari cognitio scientifica de objecto supernaturali: contra vero viribus supernaturalibus gratia dari potest cognitio scientifica de unione hypostatica: Præterea actibus naturalibus non possumus credere, & sperare gratiam fide, & spe consentanea, & sufficienti ad illam de congruo merendam; contra vero possumus fide, & spe supernaturali credere, & sperare unionem hypostaticam de congruo illam merendo saltem in alia providentia; ac propterea gratia habet vim colligandi nos moraliter Christo, & faciendi ejus membra; ubi natura non habet vim colligandi nos gratia.

X. Quærendum denique, qua ratione meritum universum augeatur? Dicendum, ex multiplici capite augeri. Primo ex majori dignitate operantis. Secundo ex actuum multiplicatione. Tertio ex eorumdem diuturnitate. Quarto ex Intensione majori. Quinto ex præstantia objecti actuum supernaturalium. Sexto ex majori difficultate in eis exercendis; & probabiliter etiam ex conjunctione cum meritis Christi Domini, ut docent non pauci cum Haunoldo in de Merito, n. 912.

XI. Dubitatur tamen primo, an, ceteris paribus, major Gratia in operante conferat ad augmentum meriti, & præmii?

Respond. Damnatam esse propositionem

xix. Bani dicentis, *Opera Justitia, & temperantia, qua Christus fecit, non habuisse majorem valorem ex dignitate persone operantis.* Hinc Theol. docent cum D. Tho. Suar. Lugo disp. 5. de Inc. sect. 7. Rip. disp. 81. contra Vasp. universum majorem dignitatem operantis, atque adeo gratiam intensiorem, cæteris paribus, reddere actum magis meritorem. Ratio est, quia Actus honesti significantur ad meritum a gratia Sanctificante, quæ residet in Persona operante; ergo a majori gratia magis significantur ad meritum: Ex Philosopho enim sicut se habet simpliciter ad simpliciter, ita magis ad magis: Sic in humanis idem opus est magis meritorem, si fiat a Principe, quam si a Plebejo; & propter eandem rationem merita Christi domini sunt infiniti valoris; quia significantur a Persona Verbi infinite digna.

Dices: Peccatum non est magis demeritorium per hoc, quod sit a Persona magis impia, & indigna; ergo nec opus honestum est magis meritorem per hoc, quod sit a Persona magis sancta, & digna.

Confirm. Actus Sacerdotis, vel Episcopi non est magis meritorium, per hoc quod sit a Persona magis digna; ergo neque per hoc, quod sit a Persona magis sancta, & digna.

Respond. Paritatem esse molestam, adeo ut Rip. n. 38. dicat, Granadum, & Jo: de Lugo in ea maxime implicari: Ea tamen videtur esse disparitas ex eodem Ripal. quia indignitas, & demeritum peccati unice habetur ab ejus inhonestate, non ab indignitate Personæ, quia Persona rationalis, præscindendo ab actibus malis, nullam habet de se indignitatem, sed potius dignitatem ad beatitudinem naturalem. Contra vero dignitas, & meritum actus honesti habetur non solum ab ejus dignitate, sed etiam a dignitate Personæ operantis, dignitate ad meritum a gratia Sanctificante. Quod patet etiam in humanis, ubi offensæ non est gravior eo, quod alia offensæ præcesserint: contra vero obsequium est majus, si sit a Persona magis digna.

Ad Confirmationem nego consequentiam: Sicut enim dignitas Episcopalis non confert ad meritum Gloriæ, ne de congruo quidem simpliciter, ita nec confert ad majus meritum. Utrum autem meritum ad incrementum Gratiæ, quæ est in operante, crescat Arithmetice, an solum Geometricè non vacat examinare. Videndus Lugo d. 6. de Incar. sect. 2.

XII. Dubitatur secundo, Utrum meritum, atque adeo præmium crescat per multi-

Applicationem quorumcunque actuum supernaturalium, etiam si remissiorum habitu supernaturali influente; an vero solum augeatur per multiplicationem actuum intensiorum?

Ad quod dicendum, Nos jam in de Charitate ostendisse cum D. Tho. contra Bannes, habitus infusos intendi meritorie etiam per actus remissiores. Diximus etiam contra Scotum, augmentum gratiæ, quod quis mereatur de condigno ob actus supernaturales, conferri statim, non vero in primo instanti post mortem.

XIII. Dubitatur tertio, Utrum duratio major actus augeat meritum? Ad quod facile respondeo cum Maur. qu. 33. n. 16.

Quod si continuatio actus ferat plura exercitia libertatis, procul dubio meritum augeat; Secus vero si fiat sine nova libertate. Sicut enim actus externus, quia superadditur interno sine nova libertate, non augeat meritum; ita in casu.

Denique quod meritum Justorum probabiliter crescat etiam ex conjunctione cum meritis Christi Domini, seu ex eo, quod intuitu meritorum Christi gratia sit collata iustis, discutimus Deo dante in de Sacramentis disp. 3. qu. 3. Hanc interim conjunctionem cum Christo capite affectantes præsentī labori finem faciamus. Esto itaque hujus annui pensī,

(Sed ob nobis *Æternitatis!*)

F I N I S.

L. D. & B. V. sine labe Concepta.

343
THESES PROPUGNATÆ
 EX HOC TRACTATU
DE JUSTITIA, ET JURE.

Non solum Gratia, & Virtutes Theologales infunduntur nobis in Baptismo, sed etiam Virtutes Morales supernaturales, quæ distinguuntur realiter tum a virtutibus Theologalibus, tum etiam a Gratia, quamvis ab illa nunquam separantur. Infunduntur pariter septem dona Spiritus Sancti, quæ realiter, cum a Virtutibus Moralibus per se infusis distinguuntur, & ab iis discriminantur, quia per Virtutes Morales homo solum disponitur in ordine ad finem supernaturalem conformiter ad rationem, quæ est principium intrinsecum; per dona vero Spiritus Sancti disponitur ad operandum spiritualiter altiori modo juxta infusum Spiritus Sancti, qui est principium dirigens extrinsecum.

II. Virtutes per se infusæ non acquiruntur per frequentationem actuum, sed debent immediate a Deo infundi, ac proinde sunt supernaturales. Hinc a Naturalibus discriminantur per hoc, quod illæ dumtaxat connexionem habeant cum Gratia tanquam ejus proprietates, non istæ. Virtutes vero Theologales discriminantur a Moralibus, quia illæ habent pro objecto tam formali, & immediato, quam materiali, & primario ipsum Deum, secus vero Morales. Possunt autem actus naturales habere idem Objectum formale, ac supernaturales; Et proinde Virtutes Naturales non differunt a supernaturalibus, & infusis necessario ex Objectis formalibus.

III. Habitus Virtutum infusarum non opponuntur cum Habitu vitiiorum immediate; propterea possunt in quacunque intensione componi in eadem Voluntate. Actus pariter virtutum infusarum cum Habitu vitiiosis non opponuntur, nisi mediate, quatenus producendo Habitu facilitatem ad conformes actus, hic habitus deinde immediatam exerget oppositionem cum Habitu vitioso opposito: Actus tamen vitiiosis graviter peccaminosus solum demeritorie opponitur cum virtutibus infusis, & cum Gratia. Denique actus virtutum infusarum non opponantur cum actibus vitiiorum

oppositorum leviter peccaminosis; neque actus virtutum naturalium cum actibus vitiiorum oppositorum graviter malis.

IV. Virtutes infusæ sive connectantur, sive identificentur cum gratia sanctificante, possunt divinitus componi cum peccato mortali actuali, adeo ut mortale remittatur per condonationem intrinsecam in instanti, quo fit. Sicut enim gratia alterius ordinis, quæ solum esset Natura supernaturalis, & prima radix potentiarum, seu habituum, necnon actuum supernaturalium, composibilis est etiam cum peccato habituali, seu cum macula juris, ut alias diximus; ita Gratia præsentis ordinis, quæ est veluti externa Dei promissio de dando nobis suo amore amabili, & hereditate, atque adeo amicitia, ac filiatione Dei adoptiva composibilis est cum peccato actuali, seu cum macula facti. Potest per accidens virtus influere in actum malum oppositum aliis virtutibus ab ipsa: Quinimo potest etiam virtus seipsam ledere influendo per accidens in actum vitiosum sibi met oppositum. Potest pariter Actus Virtutis saltem superioris imperare actum virtutis inferioris, etiam internum; ita ut actus imperatus, si sit formaliter liber, habeat intrinsece meritum virtutis inferioris, & extrinsece meritum virtutis superioris, a qua imperatur. Actus etiam inferioris virtutis, puta penitentiae, imperare potest actum virtutis superioris, puta charitatis.

V. Jus, quod respicitur a Virtute Justitiæ, est Legitima facultas percipiendi commodum libertatis suæ ex usu rei, seu Moraliter potestas disponendi de re ad libitum. Jus in re non est diversum a jure ad rem, sed est idem consideratum sub diverso statu. Juri activo respondet passivum in eo, qui aliquid debet ex jure stricto. Jus physice consideratum non importat ex parte objecti entitalem superadditam modalem simul, & moralem; apte siquidem constituitur per legem faventem uni, gravantem reliquos, posito titulo, & acceptatione.

VI. Inter species juris sunt dominium plenum, Ususfructus, seu dominium utile,

& Uſus juris, ſeu jus ad uſum. Dominium plenum ſert jus diſponendi de re ad omnes uſus poſſibiles; Uſusfructus ſert jus ad uſendum, & fruendum re. Alia ejus Subſtantia; Jus ad uſum ſert ſolum jus ad uſendum, non vero ad locandam, aut commodandam rem, nec ad alienandos ejus fructus. Dominium proprietatis non poſſe ſe extendere ad uſus rei oppoſitos legi conſtitutivæ, aut deſtructuræ, ſeu diminutivæ domini; extenditur tamen ad uſus lege non permiſſos, & annullatos, adeo ut lex prohibens, aut irritans non diminuat dominium, ſed ejus uſum impediat.

VII. Ut dominium ſit plenum, ſufficit, quod poſſit ſe extendere ad omnes uſus, qui ſunt rei ſimul, & domino poſſibiles, eſto non ſe extendat ad uſus, qui alterutri tantum ſunt phyſice poſſibiles, ſed non utriusque. Ad acquirendum dominium requiritur procul dubio titulus, ſeu ratio illud fundans, cujuſmodi eſt actio illa legibus præſcripta, a qua tanquam ab ultima determinatione illud inducitur, puta legitimus contractus, quo dominium transfertur, inventio rei adeſſetæ, publica auctoritas, qua in bonum Reipublicæ aliquando bona unius in alium transferuntur, ut ſit per præſcriptionem, uſucapionem, & ſimilia.

VIII. Uſus facti licitus importat legitimam facultatem utendi re, acceptam a domino revocabilem ad nutum. Hujusmodi uſus etiam in rebus unico uſu conſumptibilibus eſt ſeparabilis a dominio. Dominium pariter directum ſeparari poſſe ab Uſufructu, ſeu dominio utili perpetuo. Hinc apte conciliatur Matrimonium inter Deiparam, & D. Joſephum cum voto caſtitatis per mutuum pactum contractum matrimoniali ſubſerutum de ſervando ſemper voto caſtitatis, exhibendo dominium directum in corpus alterius, retento utili in perpetuum; adeo ut ſi daretur deinde voti diſpenſatio, & pactum ſubſerutum mutuo conſenſu reſcinderetur, tunc daretur obligatio ad copulam expedita. Minus autem apte ab aliis aliter conciliatur, aut dicendo, quod votum caſtitatis nuncupatum ſit a B. Virgine poſt nuptias; aut per hoc, quod Deipara conſenſerit in obligationem ad copulam, non vero ad ipſam copulam, eo quod per revelationem ſciebat futuram D. Joſephi caſtimoniam; ſive per hoc, quod B. Virgo ſolum contraxerit Sponſalia, non Matrimonium; ſive demum per hoc, quod Matrimonium Deiparæ cum ſuo Sponſo ſolum fuerit in ordine ad convivendum in Sancta

Societate, non in ordine ad prolem procreandam.

IX. Dominium in inſtanti donationis eſt ſolum penes donatarium; donatio quippe non eſt actus domini formalis, ſed radicalis, & reſecti, quatenus ſupponit in inſtanti antecedente ad donationem domini formale tanquam materiam deſtruendam per ipſam donationem translativam domini in donatarium. Dominium in ſolidum plenum, ac perfectum penes plures repugnat, etiam pro primo inſtanti donationis. Nec declinatur repugnantia aut per nudam rei replicationem, aut per hoc quod poſita præſiſione per ſcientiam mediam, quod dux voluntates ſint ſemper concordaturæ in ordine ad uſum rei, præſiſtatur illa concordia, & utrique dominium conſeratur; ſive illud in priori ad præſiſtitionem concordie conſeratur, ſive in poſteriori, ſive ſimulconſentanter, & diſparatè, ita ut neque præſiſtitione concordie dependeat a collatione domini, neque iſta ab illa.

X. Juſtitia, Virtutum moralium præſantiſſima, eſt conſans, & perpetua voluntas tribuendi unicuique jus ſuum; propterea eſt virtus moralis ad alterum in præſa ſignificatione, reſpicitque medium rei, ac verſatur directe circa operationes exteriores ad alterum ordinatas, indirecte vero circa paſſiones. Analogice dicitur de Juſtitia commutativa, quæ ordinat cives ad invicem; de diſtributiva, quæ ordinat civitatem ad cives; de Legali, ac de vindictiva, quæ ordinat cives ad communiter, quamvis diverſimode; illa ſcilicet per obſervantiam legum ſpectantium commune bonum; iſta per condignam æqualitatem poenæ cum delicto.

XI. Objeſtum materiale proximum Juſtitie non eſt jus aut actum, aut paſſivum, quippe quod præſupponi debet; ſed eſt ipſa operatio externa alteri debita ex jure ſtriſto; Objeſtum vero materiale remotum ſunt ipſæ res, quæ debentur, & quarum exhibitione alteri ſaſiſſe. Objeſtum tamen formale, & ſpecificativum juſtitie, ſeu ratio amandi ejus operationes eſt Honeſtas, quæ reluctet in operatione externa juſta alteri debita ex jure ſtriſto. Unica, & adequata ſolutione ita extinguitur omne debitum, ut iterata ejusdem debiti ſolutio, ſive ſucceſſive, ſive ſimulaneæ poſſita non poſſit eſſe actus juſtitie. Ad ſaſiſaciendum obligationi, ac præcepto juſtitie ſive negativo, ſivo poſitivo, non datur obligatio operandi ex motivo juſtitie; Poſſe quippe fieri ſaſis huius

huic obligationi, ſi non lædatur jus alienum, aut ſi læſum reſarciatur, ex quocunque motivo id fiat.

XII. Rigoroſa juſtitia exerceri mutuo po- teſt inter Patrem, & Filium, etiam non emancipatum; necnon inter conjuges; ſi- cur etiam inter dominum, & ſervum, ſive is ſit mancipium, ſive verna. Poſteſt etiam rigoroſam juſtitiam Creatura erga Deum ex- ercere, ac rigoroſam injuſtitiam; & proba- biliter quodvis mortale de facto eſt forma- liter injuſtitia ſtriſte dicta Creaturæ ad- verſus Deum. Poſteſt viciffim Deus juſtitiam erga Creaturam exercere; cum poſſit jus preſſe dictum illi conferre, obligandoſe ex contractu oneroſo ad dandam, v.g. gloriam, ut proinde ex juſtitia illam deinde confe- rat. Optime autem conciliatur ſupremum, & inabdicabile Dei dominium cum iure ſtri- cto in Creatura, dicendo, quod impoten- tia in Deo tum moralis, tum phyſica ad denegandam gloriam, ex contractu oneroſo promiſſam, extra injuſtitiam, ſit impotentia Grammaticalis, non Theologica, eo quod oriatur ex perfectione potentiz non aliter compoſibilis cum exercitio virtutis juſtitiz; ſicut impotentia ad mentiendum, & impo- tentia tum moralis, tum phyſica ad dene- gandam gloriam ex contractu gratuito promiſſam citra infidelitatem, eſt impotentia Grammaticalis orta ex perfectione potentiz, quæ non aliter poſteſt exercere virtutem fide- litatis. Deus autem conferendo jus ſtri- ctum Creaturæ, utramque poſteſt potentiam obligare, & ordinariam, & extraordina- riam.

XIII. Injuſtitia proprius actus eſt injuria preſſe dicta. Sciendi autem, & volenti in- juria non irrogatur, dummodo conſenſus in actionem damniſicativam ſit plene liber, & non ſit juridice nullus; Secus vero ſi ſit coactus, aut irritus. Contractus de re turpi neutrum obligat ex contrahentibus; im- mo uterque tenetur ante parratum facinus pactum reſcindere, & pretium, ſi forte ſit acceptum, reſtituere. Adimpleta tamen condi- tione turpi, obligatur promittens ad pre- tium ſolvendum, illudque poſteſt promiſſa- rius acceptare, immo etiam exigere, ac reti- nere. Hinc oritur paradoxum illud, quod non poſſit Judex pro ſerenda ſententia ju- ſta pretium acceptum retinere; poſſit vero illud retinere, ſi pro ſerenda ſententia in- juſta ſit ſolum, adimpleta tamen turpi condi- tione, & cum onere compenſandi da- mnum parti læſæ.

XIV. Quod accipitur pro cauſa honeſta

retineri poſteſt, dummodo ea non debeatur ex juſtitia: Quod ſi ex juſtitia ſit debita, non ſolum reſtituendum eſt pretium pro il- la acceptum, ſed etiam munera, ſi oblata ſint involuntarie, & coacte; idque etiam ſi dubitetur de coactione talis oblationis. Contractus ulurarius injuſtitiam continet, non ſecus ac furturn, unde etiam jure na- turæ prohibetur Uſura. Continet pariter injuſtitiam contractus Simoniacus; proinde pretium ex his contractibus acceptum re- ſtituendum eſt.

XV. Onus reſtituendi ex duplici pri- maria radice progeminat, videlicet ex in- juſta acceptione, & ex re accepta; ad has quippe reducitur obligatio reſtituendi orta ex contractu, & orta ex injuſta damniſi- catione: Qui obligatur ex prima radice in- juſtæ acceptionis, tenetur reddere indem- nem dominum, atque adeo ſuis expenſis debet rem ad dominum deſerre, & com- penſare illi lucrum ceſſans, & damnum e- mergens; Qui vero tenetur ex ſecunda ra- dice rei acceptæ, poſteſt reddere ſe indem- nem, atque adeo non tenetur reſtituere, niſi id, in quo factus eſt divior. Fructus tamen mere industriali, qui ex negotiatio- ne pecuniz alienæ proveniunt, ne ab ipſo quidem fure reſtituendi ſunt.

XVI. Non datur onus reſtituendi ſub gra- vi pro foro interno ex titulo injuſtæ accepio- nis obſolam culpam Juridicam ante ſententi- am Judicis, niſi etiam præceſſerit culpa gra- vis Theologica, ſeu peccatum mortale contra juſtitiam commutativam. Culpa Theo- logica levis contra juſtitiam, ſi ſit levis ex parvitate materiæ, parit onus reſtituendi ſub levi; ſi vero ſit levis ex ſemiplena adver- tentia, ac deliberatione, nunquam parit obli- gationem reſtituendi ſub gravi, & probabi- liter nec ſub levi. Actio contra juſtitiam interne gravis, ſed externe levis, quamvis graviter damniſicet, non parit tamen obli- gationem reſtituendi ſub gravi. Qui gravi- ter damniſicat cum ignorantia craſſa, aut affectata, ad reſtitutionem obligatur; ſe- cus vero ſi ignorantia fuerit antecedens, & invincibilis, aut etiam concomitans, & inculpabilis. Res furtiva bona fide em- pta deprehenſo domino reſtitui poſteſt ei- dem furi, ſi aliter pretium recuperari non poſſit; ſi tamen illam quis habuit a fure gratis, ſeu per donationem, nonniſi do- mino reſtituenda eſt.

XVII. Meritum, hoc eſt obſequium Deo preſtitum, potens ex ſe movere ad reri- butionem boni ſpiritalis, diſſert ab Impe- ratio-

tratione, quia hæc movet per modum submissæ petitionis, non per modum obsequii. Merito condigno competit æqualitas Geometrica cum præmio, qualis est inter semen, & fructum maximum in corde Principis fecundissimo: accedente promissione præmium debetur ex justitia; aliter solum connaturaliter exigitur a merito condigno. Meritum vero congruum ex defectu æqualitatis, etiam Geometricæ, retributionem non exigit; etsi convenienter ea detur ex liberalitate Præmiantis.

XVIII. Ut possimus de condigno mereri augmentum gratiæ, & vitam æternam, ex parte operis requiritur, ut actus sit liber, honestus, supernaturalis: non tamen necessario supererogationis: debet pariter esse arduus, seu contemptivus alicujus commodi temporalis; sed non est necesse, quod sit elicitus, aut imperatus a charitate: Ex parte merentis requiritur status viæ, & status gratiæ: ex parte demum præmiantis requiritur promissio, ut meritum sit condignum condignitate perfecta, adeo ut præmium ex justitia debeatur. Potest autem sub meritum condignum in alia Providentia cadere gratia sanctificans danda alteri a peccato immuni: necnon augmentum gratiæ dandum alteri justo. In præsentia providentia nequit justus de condigno mereri perseverantiam finalem: potest tamen illam in alio ordine mereri. Cadit de facto sub meritum condignum non solum augmentum gratiæ, sed etiam ipsa gloriæ substantia,

seu primus gradus gloriæ.

XIX. Ut deus meritum congruum præmii supernaturalis, requiratur ex parte operis, quod actus sit liber, moraliter bonus, seu honestus, intrinsicè supernaturalis, & arduus, seu contemptivus alicujus commodi temporalis. Requiritur etiam ex parte merentis status viæ, non tamen status gratiæ; neque ex parte præmiantis requiritur promissio. Possunt autem probabiliter justè mereri sibi de congruo reparationem post lapsum; necnon perseverantiam finalem; sicut etiam peccatori gratiam peccati remissionem, & aliis primam gradum actuale, Incarnationem Sancti Patres meruerunt de congruo quoad temporis anticipationem, & alias circumstantias; nec repugnat secundum se, quod illam meruerint de congruo, etiam quoad substantiam.

XX. Ad meriti, ac præmii augmentum confert major grauius operante; estio major impietas peccatoris non augeat demeritum operis. Augeretur etiam meritum, atque adeo præmium per multiplicationem quorumcumque actuum supernaturalium, etiam remissionum habitu in illos influente. Duratio actus meritorii tunc augeat meritum, quando per talem continuationem multiplicentur exercitia libertatis: aliter sicut actus exterior solum denominative liber non augeat meritum actus interni; ita neque continuatio actus interni, si careat nova libertate formali.

F I N I S.

INDEX RERUM NOTABILIVM,

Quæ in hac Quinta Parte

DE JUSTITIA, ET JURE

Continentur.

*Prior numerus designat Disputationem, Secundus Quaestionem,
Tertius numerum Marginalem.*

A

- A** cceptio personarum, seu violatio Justitiæ distributiæ non trahit onus restitutionis. Disp. 1. quæst. 1. num. 7.
Actus iniuri virtutis imperare possunt actus alterius, etiam superioris. 1. 3. 4.
Actus virtutum infusarum quomodo opponantur cum habitibus vitiosis. 1. 3. 3.
Actus virtutum moralium infusarum non opponuntur cum actibus vitiorum oppositorum leuius peccaminosis; Nec actus virtutum naturalium cum actibus vitiorum oppositorum grauius peccaminosis. 1. 3. 5.
Actus vitiosi solum demeritorie opponuntur cum habitibus infusis, & cum gratia. 1. 3. 4.
Actus interni imperati moralitatem, & bonitatem desumunt etiam ab actu imperante. 1. 3. 3.
Attritio supernaturalis undenam hauriat suam supernaturalitatem. 1. 2. 9.

B

- B**eatitudines cur dicantur esse octo; & quare fructus Spiritus Sancti duodecim? 1. 6. 3.
Beneficiorum venditio num fit simonia solius iuris Ecclesiastici? 4. 4. 1.
Blandis verbis exortatum sint restitutioni obnoxia? 4. 6. 12.
Blanditiæ voluntarium non minuunt, sed augent. ib.

C

- C**reatura exercere potest justitiam strictam dictam erga Deum. 3. 6. 4. Nec non iniustitiam. 3. 7. 1. & probabiliter quodvis mortale de facto est formaliter stricta iniustitia contra Deum. 3. 7. 5.
Culpa iudiciali lata, levis, aut leuissima quandonam pariant onus restitutionis? 4. 5. 12.

D

- D**eus potest exercere justitiam pressam dictam erga Creaturam. 3. 8. 10.
Deus conferendo jus strictum creaturæ obligat potentiam Ordinariam simul, & Extraordinariam. 3. 8. 13.
Deus quomodo dicatur reddere debita nulli debens? 3. 8. 19.
Dominium Dei perfectissimum quomodo cohercat cum jure stricto in Creatura? 3. 8. 8.
Dominium directum separari potest a dominio utili, seu ab usufructu perpetuo, & hac via apte conciliatur matrimonium Dei paræ cum voto Castitatis. 2. 3. 3.
Ad Dominium acquirendum requiritur titulus, qui triplex est. 1. 1. 13.
Dominium est plenissimum, si se extendat ad omnes usus rei possibiles rei simul, & domino. 2. 1. 17.
Dominium in instanti donationis est penes donatarium. 2. 4. 1.
Dominium plenum ejusdem rei in solidum penes plures repugnat. 2. 5. 2.
Dominium est potestas moralis extendens se etiam ad usus lege non permisos, & annullatos, non tamen ad usus oppositos legi.

gi constitutivæ, aut destructivæ, nec non diminutivæ domini. 2. 1. 14.
 Dominum separari potest ab usu facti etiam in rebus unico usu consumptibilibus. 2. 2.
 Dona Spiritus Sancti realiter a virtutibus infusis distinguuntur. 1. 1. 8.
 Donatio non est actus Domini directi, & formalis, sed reflexi, & radicalis. 2. 4. 3.
 Donatio rei temporalis sub conditione, quod ponatur a donatario res aliqua spiritualis, num possit aliquando a Simonis labe depurari? 4. 4. 3.

E

Effectus causæ efficientis non potest simul pendere a duplici causa totali, & adæquata. 3. 3. 8.

F

Filiis familiæ competunt bona Castrensia, quasi castrensia, Profecticia, & Adventicia. 4. 5. 1.
 Filius furando a Patre aliquando est solum injustus, aliquando etiam impius. 4. 1. 6.
 Fortitudo quid sit? 1. 6. 3.
 Fructus Spiritus Sancti quare numero duodecario comprehendantur? 1. 6. 1.
 Furti materia gravis quænam ea sit? 4. 5. 16.
 Furtiva res emptæ a fure num possit eidem restitui ad pretium recuperandum? 4. 5. 17.
 Furcula multiplicata quomodo possint parere onus restituendi sub gravi, etiam si res acceptæ non extet, nec ex iis fur factus sit ditior? 4. 5. 19.

G

Gloriæ primus gradus num possit cadere sub merito condignum? 1. 2. 11.
 Gratia præsentis ordinis est impossibilis cum peccato mortali habituali, non tamen cum actuali in alia providentia. 1. 3. 10.
 Gratia realiter distinguitur ab Habitu Charitatis, & a Virtutibus Moralibus infusis, quamvis ab iis nunquam separetur. 1. 2. 9.

I

Habitibus virtutum infusarum, & habitibus vitiorum componi possunt in quacunque intensione. 1. 3. 1.
 Habitus charitatis realiter a Gratia sanctificante distinguitur. 1. 2. 5.

I

Imperari possunt ab actibus virtutis inferioris etiam actus virtutis superioris. 1. 3. 3.
 Incarnatio quoad substantiam num possit cadere sub merito congruum iusti? 5. 3. 8.
 Ignorantia affectata, crassa, antecedens, aut concomitans num excuset ab onere restitutionis? 4. 5. 14.
 Iniuria quandonam irrogetur scienti, & volenti? 4. 1. 2.
 Jus in re, & jus ad rem pariunt effectus diversos. 2. 1. 9.
 Jus metaphysice consideratum quid sit? 2. 1. 2.
 1. Spectatum secundum esse physicum non importat entitatem moralem, ac modalem superadditam. 2. 1. 6.
 Juris species quænam sint? 2. 1. 2.
 Justitia quid sit, & quænam ejus partes subiectivæ? 1. 6. 2.
 Justitia solum dividitur in quatuor species; de quibus tamen non dicitur univoce, sed analogice. 3. 3. 7.
 Justitiæ distributivæ violatio non trahit onus restitutionis. 3. 1. 7.
 Justitiæ præcepto tam positivo, quam negativo satisfact, esto non ponatur operatio ex motivo justitiæ. 3. 4. 2.
 Justitia respicit medium rei; eaque directe versatur solum circa operationes exteriores, & indirecte circa passionem. 3. 1. 3.
 Justitia rigorosa intercedere potest inter Patrem, & Filium, necnon inter servum, ac dominum, & inter Conjuges. 3. 5. 2.
 Justitia rigorosa exercei potest a Creatura erga Deum. 3. 6. 4. Necnon a Deo erga Creaturam. 3. 8. 12.

L

Lucrum acceptum ob causam honestam non debitam ex justitia retineri potest. 4. 2. 8. secus vero si accipitur pro opere ex justitia debito. 4. 2. 10.
 Lucrum ob turpem causam acceptum quandomam retineri possit? 4. 2. 2.
 Lucrum simoniace acceptum restituendum est. 4. 4. 4.

M

Macula facti in peccato actuali separari potest a macula juris, ac proinde condonari potest peccatum in instanti, quo fit. 1. 3. 11.

MARIÆ Virginis Matrimonium quamvis concilietur cum voto castitatis ab eadem nuncupato. 2. 3. 3.

Matrimonium num sit irritum, si contrahatur aut ob metum leviem injustum, aut ob metum gravem iuste incussum? 4. 6. 6.

Matrimonii substantiæ adversantur tres illæ conditiones, vitandi prolem, adulterandi, & quod possit dissolvi. 2. 3. 7.

Meritum condignum in quo differat a congruo? 5. 1. 1. Meriti condigni quænam sint conditiones ex parte operis? 5. 1. 4.

Quænam vero ex parte operantis? 5. 1. 9. Num possit iustus mereri de condigno alteri gratiam, & sibi reparationem post lapsum? 5. 2. 1. Num cadant sub meritum condignum perseverantia finalis, auxilia efficacia, prima gratia, & primus gradus gloriæ? 5. 2. 6.

Meriti congrui quænam sint conditiones ex parte operis, & ex parte operantis? 5. 3. 1. Num ex parte præstantis requiratur promissio? 5. 3. 3. Num possit sub meritum congruum cadere reparatio iusti post lapsum, perseverantia finalis, gratia alicuius peccati remissiva, & Incarnatio quoad substantiam? 5. 3. 5.

Meriti principium num possit divinitus cadere sub meritum? 5. 2. 15.

Meritum qualiter augeatur. 5. 3. 10.

Metus levis iniuste incussum non excusat ab onere restituendi sub gravi. 4. 6. 3.

Metus reverentialis quandonam æquiparetur metui levi injusto? 4. 6. 7.

Missa stipendium quomodo possit in pacum deduci citra simoniam? 4. 4. 2.

Munera sponte donata iudici num sint restituenda? 4. 2. 13.

O

Objectum formale iustitiæ quodnam sit, & quodnam objectum materiale proximum ejusdem virtutis? 3. 2. 2.

P

Peccatum mortale de facto est formaliter stricta iniustitia contra Deum. 3. 7. 3. Peccatum remitti potest in instanti, quo fit, non solum per extrinsecam condonatio-

nem, sed etiam per gratiam præsentiorum. 1. 3. 30.

Perseverantia finalis in alia providentia cadere potest sub meritum condignum. 5. 2. 6.

Præceptum non satisfacit, qui ponit opus præceptum nolendo per illud satisfacere. 3. 4. 4.

Preces importunæ æquiparantur metui levi injusto. 4. 6. 10.

Principium meriti num possit divinitus sub meritum cadere? 5. 2. 15.

Prodiga promissio num obliget? 4. 2. 5.

Professio Religiosa emissæ aut ob metum leviem injustum, aut ob metum gravem iuste incussum num sit valida? 4. 6. 6.

Prudentia quid sit, & quænam ejus partes subjectivæ? 1. 6. 1.

R

Remissio debiti coacta est nulla. 4. 6. 8.

Restituendane sint quæ metu levi extorquentur? 3. 4. 6. 2. Num etiam extorta blandis verbis? 4. 6. 12.

Restituendi obligatio ad duas tandem radices devolvitur, videlicet ex iniusta acceptione, & ex re accepta. 4. 5. 1. Multiplex earum discrimen, & varii effectus. 4. 5. 3.

Restitutions onus sub gravi non trahitur a culpa interne gravi, sed externe levi. 4. 5. 13. Nec a culpa levi ex semiplena deliberatione, quamvis materia sit gravis. 4. 5. 8.

Culpa tamen levis ex parvitate materiæ trahit onus restituendi sub levi. ibid. Plura furtula quomodo possint parere obligationem restituendi sub gravi. 4. 5. 10.

Restituendi obligatio non datur ex culpa contra iustitiam juridicam, si desit culpa Theologica. 4. 5. 6. Num ab onere restitutionis excuset ignorantia affectata, aut crassa, aut antecedens, aut concomitans? 4. 5. 14.

Restituens aliquid animo illud dorandi num satisfaciat debito, cujus est immemor? 3. 4. 4.

S

Scienti, & volenti quandonam injuria irrogetur. 4. 1. 2.

Servorum obligationes erga dominum, & domini erga servos. 3. 5. 1.

Simonia juris Ecclesiastici num sit ejusdem speciei cum Simonia juris naturalis, eademque penas trahat? 4. 4. 10.

Simoniacus contrafactus iniustitiam continet, &